

**NATIONAL ASSEMBLY OF
SEYCHELLES**

*Wednesday 10th November,
2021*

The Assembly met at 09am

National Anthem

Moment of Reflection

Mr Speaker in the Chair

MR SPEAKER

Mersi. Bonzour tou Manm Onorab. Bonzour nou telespektater e oditer fidel partou dan lemonn. Mersi pou zwenn nou ankor enn fwa.

Nou pou kontinyen travay lo bann *Bills* lo *Order Paper* e nou pe pran *Seychelles Qualifications Authority Bill*. Madanm rapporter ou ava apel Minis e son delegasyon silvouple.

Bonzour Minis Marie-Celine Zialor ki pe pran sa *Bill* lo lapar Minister Ledikasyon. E mon swet labyenveni osi Mr Jean-Michel Domingue, *Vice-Chairperson Seychelles Qualifications Authority* e Mr Victor Pool *Senior Draftsperson AG's Office*.

Nou a komanse e mon a apel Onorab Georges pou fer

Mosyon pou *Second Reading* sa *Bill*.

HON BERNARD GEORGES

Mersi Mr Speaker. Bonzour Mr Speaker, bonzour Minis, Mr Domingue, Mr Pool. Bonzour tou bann Manm Onorab ek tou dimoun pe swiv nou dan lakour.

Mr Speaker anba *Order 69(2)* nou *Standing Orders*, mon move ki the *Seychelles Qualifications Authority Bill, 2021* i ganny lir en Dezyenm Fwa. Mersi.

MR SPEAKER

Mersi. Mon a ganny segonnman, Onorab Arissol.

HON SANDY ARISSOL

Bonzour Mr Speaker. Minis bonzour ek ou delegasyon, tou Manm a lekout, tou dimoun dan lakour. Mon ti a kontan segonn Mosyon propoze par Onorab Georges. Mersi.

MR SPEAKER

Mersi. *Bill* in seconde. Minis mon ava apel ou pou fer lentrodiksyon sa *Bill*.

**MINISTER MARIE-CELINE
ZIALOR**

Mersi Mr Speaker. Bonzour Mr Speaker. Bonzour

2 *Leader* dan Lasanble. Bonzour Manm Onorab e tou dimoun ki a lekout.

Mr Speaker Lalwa Lotorite Kalifikasyon Sesel ki an egzistans ti vin en fors an Zanvye 2006. Lalwa ti fer provizyon pou kreasyon Lotorite Kalifikasyon Sesel ouswa SQA parey nou konn li, e sa ti an Mars 2006.

Kreasyon SQA ti swiv par letablisman Kalifikasyon Nasyonal ouswa sa ki nou apel *National Qualifications Framework* an Angle, an 2008.

E regilasyon Kalifikasyon Nasyonal ki ti vin an operasyon an Zanvye 2009. SQA in fer bokou, depi 2006 pou etablier standar dan nou sistenm ledikasyon, espesyalman lo nivo *Tertiaire* avan ki i *Inspectorate Unit* ti transfer pou vin en *unit* anba li an 2019.

SQA in ede pou lev standar e met laplipar kalifikasyon ki ofer Sesel lo en nivo konparab enternasyonal. Pandan sa 15an lenplimantasyon son Lalwa, in osi annan bokou devlopman lo nivo Nasyonal.

An partikilye devlopman rapid dan nou sistenm ledikasyon. Revizyon Lalwa i osi pran kont devlopman lo nivo rezyonal e enternasyonal, ki annan pou fer avek

kalifikasyon, kad kalifikasyon e lasirans kalite dan ledikasyon e lantrenman.

Sa in fer ki pandan sa plizer lannen lenplimantasyon, serten parti kontenir sa Lalwa in vye e demode. Mr Speaker sa Prozedlwa i annan an gran 2 lobzektif prensipal.

Premyerman se pou moderniz sa Lalwa. Vi ki SQA in an operasyon pou omwen 15an, i ti neseser ki Lalwa Lotorite Kalifikasyon Sesel 2005, i ganny revize pou kapab adres bann defayans ki'n ganny note pandan son lenplimantasyon.

Pli presizeman pou fer provizyon *comme* swivan;

Pou rewwar e moderniz bann term e lekspresyon. Lasirans kalite dan ledikasyon i en prosesis fleksib e dinamik.

E bann term e konsep i kontinyelman evolye. Par egzanp, laplipar pei in aprezan ranplas sa konsep program validation avek program accreditation.

E pou asire ki i kontenir nou Lalwa, i an konformite avek tandans e devlopman enternasyonal dan bann lasirans kalite dan ledikasyon e kad kalifikasyon nasyonal.

Pou adres bann pwen feb e mankman, pare egzanp

provizyon pou bann antite konsernen kapab fer rapel en desizyon ki SQA i fer.

Pou pli byen protez bann ki pe etidye, pou fer pli obligatwar ki tou akter dan sistenm Ledikasyon i an konformite avek sa Lalwa;

Pou efektivman asire kalite sistenm ledikasyon e formasyon dan son totalite e devlop kapasite dan lasirans kalite, dan sistenm.

Sa Prozedlwa i fer provizyon pou SQA devlop standar ki annan pou fer avek lasirans kalite, pou kapab mezir ou evalye ki mannyer bann lenstitisyon edikasyonnal pe performen.

Mr Speaker dezyenm rezon prensipal sa Prozedlwa, se pou fer provizyon pou transfer serten fonksyon Komisyon Ledikasyon *Tertiaire* - sa ki nou apel *TEC*, etablir anba Lalwa Ledikasyon *Tertiaire* 2011 e formaliz e entegre serten fonksyon osi ki ti dan Minister Ledikasyon.

Minister Ledikasyon pe antisipe pou reform *TEC* ouswa dizourd li. Zot ankor pe fer en pe diskisyon. E i fer sans ki bann fonksyon *TEC* ki an relevans avek lasirans kalite i ganny transfer anba SQA.

Par egzanp en nouveau fonksyon ki SQA pou aprezan i

sarze, i annan pou fer avek lanrezistreman bann lenstitisyon Ledikasyon *Tertiaire*, ki avan ti pe fer kot *TEC* par Minister.

Anrezistreman i en pratik anliny avek fonksyon Lotorite Kalifikasyon Nasional dan lezot pei. E i en devlopman enportan.

Akoz lanrezistreman i donn lavi en lenstitisyon e fer li vin en antite legal. Nou kapab azoute ki SQA i osi pli byen plas e pou desarz sa responsabilite, akoz i annan kapasite neseser.

Avek sa fonksyon, lasirans kalite i alors ganny enkli dan lenstitisyon depi lo komansman. Sa i protez tou etidyan.

Osi kot i konsern rekonnet kalifikasyon sorti aletranze, ofer par nou bann lenstitisyon, SQA i pou aprezan annan sa rol li tousel pou fer sa. Akoz avan i ti sipoze pe fer sa ansanm avek *TEC*.

Finalman sa Lalwa i formaliz lentegrasyon *Inspectorate Unit* dan SQA, *unit sorry*, dan SQA. Sa pou fer ki SQA i annan klerman sa zouti pou asir kalite dan ledikasyon zeneral.

Sa Prozedlwa i osi pran kont Konvansyon *Addis*, ki Sesel in rektifye an Novanm 2019, ki apel "The Revised

Convention on the Recognition of Studies Certificates, Diplomas, Degrees and Other Academic Qualifications and Higher Education in African States, 2014. “

En legzanp lobligasyon pei ki dan sa Konvansyon an sa ki konsern rekonesans e evalyasyon kalifikasyon, i ganny reflekte dan bann fonksyon SQA ki dan sa Prozedlwa ki devan nou ozordi.

SQA i bezwen osi asire ki son travay, e pli enportan, ki nou kalifikasyon Nasyonal i anliny avek kad kalifikasyon Nasyonal lezot pei. E kalifikasyon rezyonal e kontinantal.

Sa i neseser pou kapab fasilit par egzanp, rekonesans mityel bann kalifikasyon e mouvman etidyan dan sa bann pei. Mr Speaker, an term revizyon mazer, sa i plizoumwen lo kote parti 2 e parti 3. E apard ki parti 6 ki li i nouvo.

Nou annan osi serten nouvo seksyon dan parti 2, par egzanp, pou parti 2 lobze Lotorite, pouvwar pou demann lenformasyon e proteksyon bann term.

Pou parti 3 ki nouvo, sekreter lo *Board*, pou devwal lentere e konfidansyalite. Sa Prozedlwa i bokou pli elabore,

pli konplet e i pli azour avek rol en Lotorite Kalifikasyon Universel. E sa i ganny reflekte dan bann fonksyon ki SQA pou desarze.

Nou kapab azoute ki SQA i osi pli byen plase pou desarz sa bann responsabilite. Avek responsabilite adisyonnelle pli kler Prozedlwa i donn SQA en pli gran rol dan en regilater e pli byen konsolid son pozisyon koman en Lotorite dan Sesel e aletranze.

Mr Speaker avek sa bann leksplikasyon, mon annan plezir pou demann Lasanble pou konsider sa Prozedlwa e pou donn zot sipor pou pas sa Lalwa, ki ava ed SQA pou bouz ver lefitir. Mersi Mr Speaker.

MR SPEAKER

Mersi Minis. Nou aprezan pran deba lo sa *Bill*. E nou a pran bann Manm ki anvi entervenir. Onorab Hoareau i a komanse.

HON JOHN HOAREAU

Mersi Mr Speaker. Bonzour Mr Speaker. Bonzour Mr Speaker. Bonzour Minis ek ou lekip. Bonzour tou Manm e tou dimoun a lekout.

Mr Speaker, parey Minis in fer nou konpran, ki SQA i an egzistans depi le 17 Zanvye sa Lalwa ki konsern SQA i an

egzistans depi le 17 Zanvye 2006. Depi sa lepok i annan en kantite keksoz ki'n sanze e SQA ki annan manda pou mentenir standar dan Ledikasyon, par enplimantasyon (*NQF*), *National Qualification Framework*, e atraver bann lenspeksyon ki i fer lo *management*.

E lafason ki lansennyman i ganny delivre dan lekol. Par sa i mentenir bann standar dan tou Sekter Ledikasyon.

Mr Speaker fodre nou konpran ki dan en sistenm Ledikasyon, i bezwen annan en mekanizm ki set bann standar e kalite, pou ki dizon en Diplonm ou en sertifika, en Degre ki ou gannyen, swa dan Liniversite, swa dan pos-segonder, Diplonm, ensidswit, sertifika ou ganny dan pos-segonder, whereas Liniversite i plito konsantre lo bann zafer Degre.

Ki sa bann Degre a apar, vedir i annan menm valer avek okenn sa bann Degre ki ganny donnen dan bann lezot pei. Dizon *L'Angleterre*, *Maurice*, *Australia* e lezot pei ankor.

Alor, an komansman avek *IECD* ki met standar dan bann lakres e bann *preschool*, SQA li son manda i - parey mon'n dir - i konsantre plito P1 ziske pos-segonder. E oparavan (*TEC*), ki ti *Tertiary*

Education Commission, li i ti konsantre lo Liniversite. Me avek disolisyon *TEC* parey in ganny dir, tou sa louvraz pou bezwen tonm anba SQA.

E pou li kapab annan en laspe legal, i bezwen ki novo Lalwa i *uncompensate* tou sa bann travay ki *TEC* ti fer avan lo kote standar pou met li anba SQA.

Mr Speaker avek restriktirasyon ki'n ganny fer, i bon fer rekonnet poudir avan ler ti annan 2 antite ki ti pe fer plizoumwen menm kalite louvraz. Me selman enn ti fer plito en ekstansyon sa louvraz pou anmenn li lo en nivo pli o, dizon Liniversite.

Alor la in fer ki Ledikasyon son Bidze i pou ganny en *savings*. Akoz ki avan ti annan 2 *Board*, ti annan 2 group dimoun ki ti pe fer sa travay.

Me la i ava annan en sel group, en sel tim ki pe fer sa travay e i ava annan en sel *Board* ki pou gouvern e donn direktiv lo sa bann travay.

Alor i fer ki sa novo Lalwa li menm anba sa restriktirasyon ki'n ganny anonse le 01 Fevriye 2021 dan Ladres Leta Lanasyon, i fer ki Gouvernman li menm i pe re aranz sa bann striktir, pou fer ki i anmenn plis lefikasite e i delivre pli byen.

Nou'n vwar par egzant, ki sa Lalwa ki pe ganny propoze la, i pe rekonnnet osi bann Konvansyon ki nou'n sinyen, parey *Addis Convention* ki in ganny koz lo la.

Ki fer ki ozordi nou pou kapab rekonnnet, si dizon en dimoun in fer serten travay, serten *course*, serten leksperyans ki in akimile, i kapab ganny formalize, e i kapab ganny donn en sertifika, pou li ganny rekonnnet lo nivo Nasyonal, lo nivo, son travay ki i pe fer. Atraver laplikasyon ki i kapab fer lo *RPL*, lo *SQA*.

So sa bann prosedir i ava ede ki sa bann leksperyans, sa bann kalifikasyon ki'n gannyen i ganny rekonnnet.

Mr Speaker lo sa novo Lalwa, lefikasite parey mon pe dir, i vin atraver en *Board* ki annan 7 Manm.

E sa i redwir lakantite dimoun ki ti pe travay, ki ti pe ganny en *allowance*. Alor i vreman evit birokiasi, i osi permet ganny en *saving* parey mon'n dir.

Mr Speaker en keksoz ki en pti pe nef dan sa Lalwa, ki mon pa vwar dan bokou bann Lalwa, se ki 14(1), i permet ki *Board* i desarz son fonksyon atraver bann komite, ki vin en ekstansyon *Board* li menm.

Parske i pou nobou ler i etablir sa bann komite, i pou nobou anmenn dimoun ki lo *Board* dan sa bann komite. So sa bann dimoun i pou kapab anmenn enn, ou plis dimoun ki lo *Board* dan sa bann komite. So i vin parey, si ou oule en ekstansyon, en fason ki i *delegate* son bann pouvwar pli ba dan bann komite, i fer travay marse en pe pli byen.

Mr Speaker, petet si i annan okenn lakin lo sa Lalwa, mon pou dir poudir, par egzant ler ou pe get bann *Ofsted inspection* ki ganny fer *L'Angleterre, Ofsted* vedir *Office of Standard in Education*, ou vwar poudir i annan en ekstansyon - i pa zis fer bann rekomandasyon dan bann lekol lo size standar. Me osi i annan en ekstansyon. Par egzant i met bann lekol anba sa ki nou apel bann *special measures*.

E ler sa bann lekol i al anba *special measures*, ou war ki Gouvernman i ed zot pli byen avek bann resours finansyel, bann resours imen, bann resours *training*, ensidswit.

Pou fer ki zot nivo i amelyore, i mont lo en nivo ki akseptab. Alor, ler mon pe get fonksyon sa Lalwa *SQA*, i pa al sa zistans.

So mon ti ava kontan petet dan lesplikasyon ki ler Minis i

donn son larepons, i koz en pti pe lo ki fason, ler ou'n fini fer sa bann lenspeksyon, wi ou'n vwar bann problemm ki i annan dan bann pos-segonder dan bann lekol. *How do you remedy those situations? Ok?*

So sa i ti ava en pti pe si ou oule, en pti pwen ki mon ti ava anvi fer resorti. Mr Speaker, mon pou siport sa Lalwa, akoz mon konnen poudir sa Lalwa i pe met annord bokou keksoz dan Ledikasyon.

I pe anmenn ansanm bann konvansyon ki nou'n sinyen, pou kapab *domesticate* serten bann keksoz ki'n ganny sorti dan bann Konvansyon ki nou' agree lo la, ki nou'n ratifye.

Alor i pou lev nou sistenm Ledikasyon. I pou met, i pou permet standar avek kalite ledikasyon ogmante.

E i pou permet osi serten *savings* parey mon'n koze lo la, dan, atraver amalgamasyon sa bann *unit* ki ti dan *TEC* avek *SQA*. Avek sa mon pou remersye ou Mr Speaker.

MR SPEAKER

Mersi Onorab. Onorab Loze.

HON JOHAN LOZE

Mersi Mr Speaker. Bonzour Mr Speaker. Bonzour tou koleg Onorab e tou dimoun a lekout. Mr Speaker si i annan

en keksoz ki in ganny fer dan sa pei Sesel pandan sa dernyen 43an, se ki nou'n envestir dan ledikasyon nou pep. Ledikasyon Lepep Seselwa in pran en gran *chunk* dan Bidze toulezan, pandan tou sa bann lannen ki'n pase, ziska ki nou'n ariv o pwen ki nou ete ozordi.

Kot nou pe koz regle Ledikasyon *Tertiaire*. Nou en pei, en pti pei avek *peu* resours, resours tre limite. E enn bann keksoz ki nou'n sers pou fer, se edik nou bann edikater.

La anndan parmi nou i annan bokou edikater. I annan bokou edikater byen formen, ki zot, zot in benefisyé avek Ledikasyon *Tertiaire*.

Ki zot, zot in ganny pouse pou ariv lo sa nivo kot zot kapab enport zot konesans avek bann ki pli zenn. E a la baz sa *drive*, ti toultan sa Polisi ki nou'n annan, pou met Seselwa o sant son devlopman.

En pep ki edike i en pep ki lib, i en pep ki *empowered*. I napa fason fasil pou ou vin en esklavazis o milye en pep ki'n ganny *empowered* avek son prop konesans.

E sa ti en keksoz enportan, letan ou ti annan ou en sosyete ki'n premyerman, in sap dan lesklavaz, dezyenmman in al pri dan bann zwe kolonyal, apre ou'n annan

ou en peryod kot i ti zis en lalit, en konba pou nouri ou pep.

Resours ti pe ganny itilize pou nouri sa pep ki ti apel Seselwa e donn li son lasante. Be, Sesel li i ti realize byen boner apre son lendepandans ki ti enportan pou edik son pep.

E nou'n fer sitan progre. Nou'n fer sitan kantite lavans. In annan en evolisyon sitan vit e dinamik dan Sekter Ledikasyon, kot ozordi nou en pei kot ou war nou pe asize pe diskit Lalwa SQA, kot nou pe diskit Lalwa ki *regulate quality standards* dan Ledikasyon *Tertiaire*.

Nou nepli en pei ki pe donn en *basic subsistence education* nou pep. Nou pe anvoy nou pe etidye *all over the world*, me nou pli gro *achievement*, se ki nou pe donn Ledikasyon *Tertiaire* isi menm isi.

Ou Mr Speaker mon konnen koman en edikater ou pou apresye sa. Minis osi mon konnen koman en edikater, zot tou lede zot in annan zot rol e zot kontribisyon ki zot in fer dan sa sekter.

E i enportan rekonnet ki i annan bann lepa ki in ganny fer, i annan bann baz solid ki'n ganny mete, malgre defi, malgre defayans, malgre tou difikilte ki

nou'n fer fas avek koman en pei.

E defi ki nou fer fas avek koman en pei, i toulstan reel. Akoz nou Seselwa koman en pep nou aspirasyon, nou reve direksyon ki nou oule al ladan, i toulstan desot nivo ki posibileman nou menm nou, nou kapab *cater for*.

Be i byen, ou rev i pa sipoze en keksoz medyok li, i bezwen ed ou *reach further*. Be al a menm enstan, koman en pep, nou bezwen rekonnet ki pa tou otour nou ki'n reisi annan sa reisit ki nou, nou'n annan.

Be a la menm enstan nou pa kapab asize *sit on our laurels, lord ourselves* pou sa resit ki nou'n annan e kit keksoz parey i ete. Parey Minis in eksplike, nou bezwen bouze, modernize, aranze e fer keksoz vin pli byen.

Mon konpran Minis, mon siport ou parfetman. A la menm enstan nou konnen ki keksoz i bezwen ganny enplik li, regimante e kontrole, sirtou kot i vin konsern *forming of the minds of our younger generation*.

Nou pa kapab zis vini, edik zot, a gos e a drwat, nenport koman e krwar ki nou pou ganny en bon rezulta. Minis, i annan keksoz, serten keksoz ki mon'n diskite pou

dan lepase, ki mon pou leve la ankor.

Mon senserman krwar ki Sesel nou bezwen komans annan ledikasyon finansyel. Mon pou profit la, koman mon pe koz lo sa Lalwa avek ou, mon pas ou mon mesaz ankor.

Nou bezwen annan *financial education, proper financial education.* Nou pa kapab pe montre nou zanfan zis Angle, Franse, nou pe montre li Algebra, ki nou tou nou konnen i pa pou zanmen servi dan son lavi.

Selman nou pa pe montre li *money management*, nou pa pe pran li *proper budgeting.* Nou pa pe pran li relasyon *savings* avek son lavi an zeneral.

Minis, mon konnen petet ou kapab panse mon *off topic.* Me selman mon bezwen profite dir ou e ou, ou konnen mon pans koumsa deza. Nou bezwen edik en zenerasyon Seselwa, *empower* en zenerasyon Sesel pou annan li en bon relasyon avek larzan.

Ou konnen, letan nou get nou nasyon, i annan dimoun dan nou pei ozordi, nivo konesans dan *financial affairs*, ler ou pe koze ou pe diskite, ou realize, be i pa konpran keksoz de baz ki ou, ou ti krwar i pou konpran.

Prezan ou realize, i annan en trou kek par, i annan en lakin. Nou pa pe edik dimoun en keksoz sitan pratik.

Me mwan mon krwar i annan en lirzans pou nou, nou edik nou pep lo *financial management* pou nou edik nou pep lo son relasyon ant li avek larzan. Lo ki mannyer ou zer larzan, ki mannyer ou *save* larzan.

Akoz sansan nou pou kontinyen annan nou, nou pou kontinyen dir dimoun, ou konnen *save*, ou konnen fer sa, pa depans ou larzan, pa gaspiy ou larzan, anmase. Leve travay.

Be nou pa pe pran li dan baz. Nou'n pas bokou lannen, nou bezwen pran lesон avek Lanvironnman la, nou'n pas bokou lannen, Lanvironnman pe edik zanfan pa manz torti.

Nou'n edik zanfan dan lekol, ozordi paran ki li i en zenerasyon ki ti manz torti, be son zanfan kot li i rebel ek li. Ou zanfan ki li in pas 10an pe ganny edike pou pa manz torti, ozordi i pa oule tann pa ale dan lakaz.

Be si nou kapab pran menm keksoz, anmenn dan lekol an relasyon, (wi Onorab Loizeau marswen tou), an relasyon avek *financial management.*

Mon konnen petet mon pe *harp on a little bit about this*. Me mon ti a kontan vwar en keksoz koumsa arive realize e ganny materyalize.

Dan mon *lifetime*, mon pep ki apel Seselwa, ki ava aport nou sikse zeneral lo en nivo enternasyonal. Pa zis lokal, en nivo enternasyonal.

Akoz letan ou konpran baz larzan, ou komans konpran kwa ki *keep ou down*, kwa ki kapab permet ou leve, e kwa ki pou kapab permet ou fer en sikse menm lo en nivo enternasyonal. E mwan mon krwar se sa ki nou bezwen pou nou pep.

Minis, apre i annan en keksoz ki mon swete, mon swete petet ek sa bann sanzman, 'SQA' i a kapab fer son travay propeman, ki in annan bann *lacune* dan lepase, mon konnen in ariv anba mon Gouvernman.

Nou'n annan plizyer dimoun, pa zis enn ki'n antre dan nou pei, in fer krwar i annan kalifikasyon, in fer krwar i konn - i annan konesans dan tel ou tel keksoz. I annan dimoun ki'n vini in pran gro, gro *consultancy*.

In pran larzan in met dan pos. Apre ou war zot pa kalifye. I annan dimoun i vini i get ou dan ou blan lizye, i dir ou, li i

anrezistre avek tel ou tel organizasyon enternasyonal, ler ou al gete en fout sa. I pa anrezistre okenn par li. Be nou swete *going forward*, parey mon pe dir ou Minis, sa pa'n arive anba ou Gouvernman, in arriv anba mon Gouvernman.

Me swete *going forward* ki nou pei pa vin *such an easy mark* pou sa bann *charlatans*, *whether* zot ekspatriye, ouswa Seselwa ki vini i sant nou en zoli zistwar, zwe en kout vyolan dan nou zorey, fer nou krwar nenport kwa.

Ki nou ava annan SQA la, ti ava protez nou, protez nou pep, protez nou Gouvernman. E la bann lorganizasyon, bann lezot antite Gouvernman, zot bezwen servi SQA.

Zot pa kapab annan nenport ki zis travers devan zot, prezant zot en ta *credentials*, dir zot isi laba, e zot, zot taye zot donn sa dimoun en gro kontra. Se pa konbyen R100mil.

Zot bezwen servi SQA zot osi. Anvoy, *forward* kalifikasyon sa dimoun kot SQA, fer ganny verifye,. Nou pa kapab kontinyen koumsa, *weh*. Minis, mon pou swet ou bonn sans avek bann sanzman ki pe ganny enplimante.

Mon konnen ou pozisyon filozofi pouse ki Sesselwa in vot pou en sanzman. E sa se ou

misyon. Mon'n tann ou dir dan Lasanble pandan letan ki mon'n absan.

Be, *having said that*, mon komans annan en dout mwan. Lo tou sa bann sanzman ki pe vin devan Lasanble la, sa bann kontraksyon, bann diferan Departman, sa bann bouz isi, bouz laba e met ansanm.

Mon komans annan en *sneaking suspicion* ki *it is not about what we are being told that it's about*.

Mon pa krwar tou sa bann keksoz pe ganny fer pou bann rezon ki pe ganny met devan nou *piecemeal*, ganny eksplik avek nou *piecemeal*. Sak fwa en Lalwa i vini, nou ganny dir sa, sa, sa, lot Lalwa i vini, nou ganny dir sa, sa, sa.

Be letan ou pran tou ou met devan ou, ou war en bon pe keksoz ki pa pe adisyonn ansanm. En kantite keksoz ki zot Gouvernman pe fer, ki pa pe fer sans.

But there again, mon pou repet en keksoz ki mon kontan dir, *it's yours to do with as you will*. I zot Gouvernman, i pa mon Gouvernman, pa mwan ki pou dir zot ki mannyer pou fer. Ala menm enstan, sa i mon pei.

Be mwan mon annan en *sneaking suspicion* ki tou sa bann *bits and pieces* ki zot pe anmenn kot nou la, zot pa pe

dir nou tou laverite. Zot *overwhelming drive* pou fer tou sa ki zot pe fer i pa kler. *It's opaque!* Be mon rekonforte par lefe ki-

MR SPEAKER

Onorab mon ti a kontan gard limit 10 minit silvouple.

HON JOHAN LOZE

Wi Mr Speaker, avek plezir Mr Speaker.

HON JOHAN LOZE

Mon rekonforte par lefe ki Sesel sa. Sesel enn nou *national past time* se vey zakson. Napa nanryen ki pa kler, napa nanryen ki *opaque*, ki pa pou sorti.

Tou sa ki Seselwa pou bezwen konnen, i pou konnen. I zis bezwen port atansyon li. Le moman ki i annan en dimoun ki *point ledwa* dan en direksyon, i dir en," ou vvar laba, i annan en keksoz la ki pa tro, tro term." Seselwa pou fouye li.

I pou konnen li. So mon rekonforte par sa. Mon rekonforte avek nou *national past time* ki pou et tre prodiktiv mon krwar mon dan sa bann direksyon. Minis *again* mon swet ou bonn sans.

Mon swet Gouvernman bonn sans avek lenplimantasyon sa Lalwa. Mr

Speaker, mon remersye ou pou ou lendilzans. *Thank you very much.*

MR SPEAKER

Mersi Onorab. Onorab Uranie.

HON ROCKY URANIE

Mersi Mr Speaker. Bonzour Minis avek ou delegasyon. Bonzour tou koleg Onorab. Tou Digwa a lekout. Bon, Minis sa *Bill* ki ou'n vin avek i enn ki, mon Gouvernman 43an, ti war li neseser pou met an plas.

Pou ki nou tou ki la anndan dan en fason ou en lot, nou'n ganny en kalifikasyon ki ganny rekonnet. Kantmenm sa *Bill* ti vin apre 2006, me selman i annan ki'n kalifye avan sa.

Nou Gouvernman 43an in fer sir ki Seselwa i ganny kalifikasyon ki i merite. E i annan nou isi anndan ki annan kalifikasyon tre, tre o nivo.

Nou Gouvernman ti fer sir ki i met an plas en sistem ki dimoun i vin sant devlopman, envestir dan nou dimoun. Ki nou dimoun i kapab ganny rekonnet *anywhere in the world* kot i ale.

Minis si ou pou dakor avek mwan, ou menm ou ou'n dan sa sistem, ou'n donn ledikasyon, ou'n *train* plizyer

dimoun. Ledikasyon i en keksoz ki dinamik, ki bouze.

E avek globalizasyon i vin modernizasyon e lemonn i konekte i vin pli pre avek kanmarad. E alors Sesel koman en pti pei nou pa anvi ganny kit deryer, nou osi nou bezwen bouze. Nou bezwen vin avek bann Lalwa ki fer nou vin azour, dan ledikasyon, avek, sirtou kalifikasyon avek bann lezot pei lemonn.

Pou ki nou sitwayen demen i santi li lib dan en lemonn, i pa santi li pri Sesel, ki i pa kapab bouze pou al *L'Angleterre*, i pa kapab bouze pou al *Italy*, akoz sa kalifikasyon pa ganny rekonnet.

E sa osi i aplik parey pou bann *expatriate* ki vin Sesel. Zot osi ler zot vin Sesel zot a santi poudir be Sesel i rekonnet mon sertifika.

E alors ler ou sertifika i ganny rekonnet, ou kalifikasyon i ganny rekonnet, sa osi i fer ou ganny mete dan lanplwa ki apropriye. E osi ou ganny reminerasyon ki ale avek sa kalifikasyon.

Me mwan, mon ti a kontan ki Minis i al pli lwen ladan, sirtou avek bann lorganizasyon ki anploy bann travayer *GOP*.

Nou ti a kontan ki bann travayer *GOP* ki vin Sesel dan

konstriksyon dan nenport kwa, zot kit en *bank*, *database bank* sa bann travayer ek zot kalifikasyon.

E nou bezwen *cross-check* tyeke si vre sa bann dimoun i annan sa kalifikasyon e si vre sa lenstitisyon i egziste.

Akoz ou konnen i annan zot la, me selman ennler ou tann, bokou koze, ki i annan ki pa li, i vin avek sertifika mason, apre ou war li dan, pe fer *chambermaid*. Ou konpran mwan?

E sa i pran plas nou bann travayer Seselwa. So mon ti a kontan Minis si zot annan en *database* sa. Anvoy kot tou bann lenstitisyon, nou gete, nou fer sir nou get byen.

Savedir zot bezwen travay pres avek *Employment* ki *recruit*, ki donn *GOP* pou bann etranze vini.

Apre nou ti annan dan sistèm en lalis bann lenstitisyon enternasyonal ki akredite, ki nou bann Seselwa nou ti kapab avan ler nou anvi al swiv en *course*, gete avan, si sa lenstitisyon i akredite ek Sesel pou nou kapab al swiv kour ladan.

Sansan demen ler nou tournen, nou kalifikasyon, nou sertifika i kapab pa valid, akoz sa lenstitisyon Sesel pa rekonné.

E an dizan sa, mon lo zot *website* la. Kantmenm ou *click* lo sa *link* ki pou donn ou lalis ki montre ou sa bann lenstitisyon, sa pa marse sa. E menm parey pou sa *evaluation of foreign qualification form*.

Li osi lo zot *site*, sa kantmenm ou *click* lo la zis i *load* menm sa, pa marse sa. So alors kote bann dimoun i ale pou li ganny lalis? E apre Minis, parey nou pe anvoy bokou zanfan *Malaisie*. *Malaisie* i annan plizyer lenstitisyon.

Si en zanfan li in al lo li menm, *ok*, sa lenstitisyon i pa akredite, napa lo nou lalis. Me selman *Malaisie* li menm li i anrezistre sa lenstitisyon li. I akredite sa lenstitisyon li *Malaisie*.

Me selman nou napa lo nou lalis. En zanfan in al laba, in al etidye, i en etidyan in al etidye, i vin avek sa kalifikasyon, i anmennen. Eski nou aksepte? Oubyen nou dir lo non, sa i pa lo nou lalis.

So sa i en kestyón ki mon ti a kontan Minis ou reponn mwan. Apre nou annan bokou dimoun osi laba deor, mon pa dir deor, mon pe dir an deor Lasanble, ki lontan i dan en travay. Lontan, longman, gran leksperyans, i konn sa travay anba lao, me li i pa'n al lekol li,

pou ganny sa papye, sa sertifika, sa kalifikasyon.

E bokou, i ankor pe retise pou al devan. Akoz zot pa ankor tre o konpran ki prosedir ki zot bezwen fer pou zot kapab ganny en sertifika, oubyen si i annan ki atase, ki kapab met zot dan en kad, pou dir be avek sa ta leksperyans dan sa domenn la, i fer ou tonm lo sa nivo, *let's say Diplom*. *Ok?*

Petet sa nou bezwen plis sansibilizasyon avek nou dimoun pou fer zot vin devan. Ki bokou nou dimoun i kapab santi, poudir be zot mwan mon'n la, mon annan 20an, li in fek vini, in fek fini STA, i vini i annan zis, akoz i vin ek en bout papye, mon ki pe montre li tou travay, selman li i pou pas par lao mon, mon ganny pli o saler oubyen isi laba. So petet sa ti a bon ki nou etablir boner. Bon, Minis, sa *merger* ler *inspectorate* avek ...

(murmurings off-mic)

MR SPEAKER

Eskiz mwan silvouple bann Manm. Evit konversasyon avek kanmarad atraver lasal.

HON ROCKY URANIE

... i vreman enportan, akoz donn de kalite, *monitoring* bann schools, bann lenstitisyon, pou

fer sir i annan de kalite ledikasyon, kalite resours, kalite lanvironnman, i vreman enportan pou ki nou bann etidyan, nou bann zanfan, nou bann ansenyan e nou bann supporting staff ki la dan sa lanvironnman, zot santi zot confortab pou travay dan sa Lanvironnman. Pou delivre bann servis e ledikasyon ki a zot kalite.

So mon kontan ki sa Lalwa i annan bann revi ki in vin avek. Zot in tir TEC, in fer vin avek zot. So zot ki konnen ki rezon prensipal zot pe fer sa.

Me mon ti a kontan ki sa lenstitisyon, sa Lotorite i vreman deservi son manda, i vreman vin sa Lotorite ki vreman fer sir ki Seselwa i ganny sa kalifikasyon, i ganny sa sertifika ki vreman ganny rekonnet dan son pei e osi aletranze.

E etranze ki vin Sesel osi i ganny gete anba en *microscope* byen menm, avek sa bann sertifika ki ot vin avek. Nou pa pe dir zot pa vini nou, ganny mete anba *microscope*, pou fer sir ki zot pa vin anbet nou.

Apre nou'n vwar bokou bann *short courses*, oubyen bann pti kour, sesyon ganny fer 1 semenn, 2 semenn. Kot nou vwar bann dimoun i ganny bann sertifika. En bann zis

Certificate of completion, selman apre ou vwar zot pa kapab al okenn par avek sa zot.

Selman zot in donn zot letan, 2 semenn pou al swiv, pou ganny sa konesans ek sa *skill*. Me selman apre ler i pou anmenn laba kot en landrwa, sa i dir li be non, be sa nou pa rekonnnet.

So eski SQA li i pou gete ladan, i pou fer sir poudir be sa dimoun ki'n donn son letan, akoz, fer krwar ou'n al kot *Guy Morel Institute*. Si *Guy Morel Institute* pe ofer en kour, i akredite li.

Mwan mon'n vini 2 semenn, mon vin swiv mon kour, apre i donn mwan mon sertifika *completion* la. Mon al avek en landrwa, laba kot mon pe ale, i dir mon be sa non, nou pa tro *entertain* sa nou.

So eski SQA li i pou fer sir ki sa bann kalifikasyon koumsa, bann sertifika koumsa, i ganny rekonnnet?

Akoz mon konn bokou dimoun la deor ki annan bokou sa bann, ki'n fer bokou sa bann kour ki swiv bokou. Zot annan sitan kantite sa bann sertifika.

MR SPEAKER

Ou'n sot 10 minit Onorab *please*.

HON ROCKY URANIE

Ok. So, Mr Speaker mon pa fer sa toulezour. Donn mwan ankor en minit. So mon ti a kontan ki sa zot get ladan.

Apre i annan bann dimoun ki'n komans en kour, fer krwar mon'n komans en kour Minis, avek en lenstitisyon, ti akredite li, apre finalman *half way through*, mon pa konnen ki i arive ek li, i frenmen li.

Oubyen *3 quarter through* mon'n swiv mon bann, mon'n anmas mon bann kredi, *ok* li i deside frenmen li. So ki rekour sa bann dimoun ki ti pe swiv zot kour avek sa lenstitisyon, i annan?

So avek sa de pti mo, so, Minis mon termin mon lentervansyon. Mersi Mr Speaker.

MR SPEAKER

Mersi Onorab. Kote latab ti Onorab Labonte ki ti'n lev lanmen, Onorab.

HON ANDY LABONTE

Mersi Mr Speaker. Bonzour Minis avek ou *panel*. Mr Speaker pou mwan ler mon get sa Prozedlwa SQA ki'n vin devan nou, i vre parey in ganny dir, in la pou plis 15an.

E mon'n ekout Minis byen ler in fer son prezantasyon. E mon krwar poudir Onorab ki'n

koz avan mwan, i pa'n tro ekout Minis tou sa ki in dir. Me selman apre mon pou al lo la, pou mon petet eksplik en pe plis sa ki Minis in dir.

Me ler mon get sa Prozedlwa li menm li, sa ki enteres mwan, bon i ganny striktire an 6 parti, 33 seksyon. *Part 2, section 4(1)* ki koz lo son lobzektif li menm li.

Pou mwan ler mon get li, i pe fer 4 keksoz.

'Develop framework kalifikasyon, framework maintain framework kalifikasyon e fer sir novo kalifikasyon, lo term swa ledikasyon oubyen sistenm *training* i annan en plas lo nivo nasyonal e i ganny swiv. E i asire ki sistenm i ganny plase lo en o nivo.'

Ler mon get seksyon 4(2) i koz lo bann lobzektif. E pou mwan, sa bann lobzektif ki i vreman enteres mwan. Akoz ler ou gete o *from 'a to w'*, ki vedir i liste en lalis lobzektif SQA. Rekonnet, evalye, anrezistre kalifikasyon ki ganny donnen lo baz nasyonal. Swa *part time* oubyen *full time*.

E met li lo en nivo framework kalifikasyon nasyonal. Bon, Minis, petet mwan mon konsern i vin en pe parey la deor, nou tann en - i

annan en leokri par bann teacher ki'n fer *Advance Diploma in Education*.

Zot pe konplent konmkwa poudir zot sertifika pa pe ganny rekonnet. Petet, mon pa konnen si ou pou kapab donn serten lesplikasyon lo la. Sa i enn bann konsern ki la deor.

Apre keksoz ki enteres mwan osi, se ler nou get nou Legzanmen Nasyonal ki ganny fer lo baz *P6* avek *S4* ou *S5* konmela, *it looks like* poudir i pa pe ganny son valer ki i merite.

Nou plizoumwen konsantre lo bann legzanmen enternasyonal. So petet nou ti kapab ganny en pe leklersisman lo la osi.

Apre vi ki mon sorti dan *Tourism* Minis, ou konnen, en keksoz dan *Tourism*, se ki mon konnen bann letablisman zot fer bokou bann *training*, zot donn bokou *training* ki, menm lo menm nivo si ou oule mon pou dir, parey *Hotel School* i donnen, me selman bokou sa bann sertifika i pa pe ganny rekonnet parey i merite.

Akoz mon mazin parey mwan ler mon ti *Fisherman's Cove*, ti annan en *forte commitment* to *excellence training* ki mon ti fer. Ki i anglob bokou keksoz, ki menm en dimoun ki pa'n pas *Hotel*

School, ki once in fer sa, it looks like in fer mazorite keksoz ki Hotel School li menm li i montre.

Apre i annan parey *Total Continuous Improvement Program* ki *Lemuria* li osi i ti pe donn son bann staff. Ki i vreman en pe parey pou al lo laliny ki Onorab Uranie in al lo la.

Apre en keksoz ki mon ti a kontan tous lo la, se parey Onorab Loze in koz lo la. I annan bokou travayer ki vin isi avek en sertifika, me selman ankor enn fwa mon pou koz dan *tourism*, akoz mon konnen mon bann frer ek ser dan *tourism* i soufer bokou.

Menm bomaten mon'n annan en gran diskisyon avek enn mon zabitant. Kot zot vini avek bann sertifika. Me zot pa konn fer sa travay.

Finalman ler ou pe gete, nou senp Seselwa ki la ater, ki swa in aprann travay *on the job training*, oubyen in aprann travay, in fer zis son *Hotel School*, e i konnen sa louvraz ki i pe fer.

E mon ti a swete ki petet vreman, vreman nou get ladan. Pou fer sir ki bann sertifika ki nou bann *expatriate* i prezant avek bann landrwa travay, i vreman bann sertifika ki *genuine*, ki fer sans.

Bon, Mr Speaker atraver ou, mon'n tann Onorab Uranie dir son Gouvernman 43an. Wi son Gouvernman 43an ki'n set la baz pou *SQA*. Me mon krwar i ti enportan, i ti neseser, i ti oblize fer li.

Akoz si i pa ti fer li, nou pa ti pou'n arriv sa zistans. E i montre ou poudir pep Seselwa osi i ase entelizan. Me selman en keksoz ki nou bezwen pran kont, se ki menm ki zot in *set SQA*, enn mon zabitant annefe yer in *call* mwan, i koz ek mwan, i dir ek mwan.

Onorab la mon'n tann en parti politik in fer dan son konferans, dan son Kongre ki i fer, i dir vin fer politik dan travay.

Be nou, nou kontan poudir politik in sorti dan travay, dan ladministrasyon partou kote. Akoz nou war nou pe bouz devan.

La vi ki in dir retourne politik, eski i vedir ki i annan en lot latitud ankor ki pou retournen byento, ki nou pou bezwen donn en pti gin nouga pou nou kapab ganny promosyon?

So alor vi ki ozordi nou pe diskit lo sa Lalwa mon krwar sa Lalwa i fer ou konpran poudir si ou annan ou kalifikasyon ou pa bezwen donn en pti gin nouga pou ou kapab ganny promote.

So ou sertifika i merit ganny rekonnet.

E nou, nou Gouvernman i pa pou fer sa. E finalman mon'n dir ek li, mon dir li, be pa bezwen trakase, akoz sa gro garson pa pou vini Prezidan li, pa pou bezwen donn nouga parey kot Sanniter ti bezwen donneen pou ganny promosyon.

(APPLAUSE) (*laughter*)

HON ANDY LABONTE

Mr Speaker, rezon mon pe dir sa se ki ler mon'n ekout Minis, Minis direkteman in dir se en keksoz ki nou pe fer avek sa Lalwa, e rezon ki nou'n anmenn sa se ki nou pe moderniz li pou nou fer li vin pli azour avek larealite dizour.

Alors si Onorab Uranie atraver ou Mr Speaker, si i ti'n ekout byen i ti pou konpran poudir nou pe amplifye. E parey zot memm zot, zot kontan dir se ki nou, nou azout zepis nou, nou fer li vin pli byen.

Akoz i pa vedir ki tou sa ki'n arive dan lepase i mal. Non. Bon pe ki'n ganny fer ki byen ki nou felisite, nou apresye. Me selman nou bezwen fer sir ki ler in arriv ler pou nou met azour pou nou kontinyen avans pli devan pou nou vin pli modern.

E se sa ki mwan mon pe war avek sa Prozedlwa. E mon war poudir nou Gouvernman se sa ki nou Gouvernman pe fer. E nou Gouvernman pe fer sir ki i pe get priyorte nou pep avan e pe donn nou, nou vre valer ki nou merite.

Akoz politik pa merit vin dan zwe. E nou pa kapab met nou byennet personnel osi devan tou keksoz. Bon, alor Mr Speaker parey in ganny dir osi, menm i annan nou ki pa al, pa al lekol neseserman, me selman, e sa dan lotel i *obvious*.

I annan en kantite dimoun ki mwan ler mon'n sorti lekol avek mon kalifikasyon mon vini pou mwan vin travay dan lotel, be zot leksperyans ki zot annan, ou bezwen respekte sa bann dimoun.

Akoz zot leksperyans i vo bokou plis ki sa, *well*, mon pa pou dir sa bout papye. Me selman ki zis sa sertifika ki ou, ou annan.

Alor petet i merit annan en fason osi ki pou nou endik sa bann letablisman, oubyen endik nou pep pou konn vre valer SQA, ki petet zot kapab vin devan pou zot kapab fer sir ki zot kalifikasyon e zot leksperyans i ganny rekonnet ki zot kapab bouz devan.

Me non pa bezwen donn en pti gin nouga pou nou ganny

promosyon. Bon Mr Speaker, avek sa 2 mo, mon pou dir mon pou donn mon sipor sa Prozedlwa.

E mon pou dir ek Minis, bravo e dir nou Gouvernman kontinyen anmenn sa bann Prozedlwa ki nou bezwen amplifye, moderniz li, pou benefis nou pep. Mersi Mr Speaker.

MR SPEAKER

Mersi Onorab. Onorab Gabriel.

HON CONRAD GABRIEL

Mersi Mr Speaker. Bonzour Minis ek ou delegasyon. Bonzour tou Manm. En bonzour spesyal pou tou zabitant Pointe Larue. Kouraz zot tou ki pe *struggle* pou fer 2 bout zwenn.

Annou kontinyen reste ini koman en kominote e travay ansanm pou byennet nou tou. Ozordi nou pe koz lo en novo Lalwa pou SQA ki reprezent en mayon enportan dan regar ki nou bezwen anmennen vizavi kalifikasyon ki en endividé i gannyen, oubyen kapab gannyen. I men al ziska regard lenstitisyon ki donn kalifikasyon e sa i tre, tre enportan parey mon'n dir.

Mon fyer ki pandan plizyer lannen mon parti ki ti dan Gouvernman in envestir plizyer

Bilyon Roupi dan ledikasyon e osi anmenn kalifikasyon *workforce* Seselwa lo en pli o nivo. Plizyer nou la anndan, i bann temwannyaz vivan sa lenvestisman dan dimoun ki Gouvernman *SPPF*, Lepep e *US* in fer pou asire ki nou popilasyon i kontinyen evolye e devlope.

(APPLAUSE)

HON CONRAD GABRIEL

Sa ki nou'n kapab akonplir in vin atraver plizyer sakrifis e la mon oule dir mersi. Mersi tou bann ki'n met nou lo sa semen progre pou fer Sesel pli zoli e pli briyan.

Me lefe i reste ki progre pa en destinasyon i plito en traze kontinyel kot nou bezwen kontinyen met tou resours posib la pou kapab kontinyen lo sa semen. Ti pran en vizyon nob pou nou kre Liniversite Sesel, malgre plizyer zot ti kritike e swete ki i pa vin en sikse. Ozordi plizyer zenn Seselwa in resevwar en Degre atraver Liniversite Sesel.

Felisitasyon e bonn sans e kontinyen fer nou, zot fanmir zot kominote e nou pei fyer. Wi lakonplisman i bokou e nou bezwen kontinyen devlope e sa

Lalwa SQA pou bezwen fer fas a sa evolisyon.

Mr Speaker atraver ou anba Gouvernman US mon'n temwanny en lepanouisman pou bann *public servants* e progresyon nou lazenes.

Bokou zot in ganny loportinite amelyore dan zot karyer respektif. Si Seselwa i lib, entelizan, fyer son lidantite se gras a travay dir nou tou. Alors, ler nou get sa Prozedlwa i pe fer en remaniman dan responsabilite SQA e menm mon kapab dir revwar rol *Tertiary Education Commission*.

Sa ki pertinan se eski SQA pou annan sa kapasite pou kontinyen delivre lo son manda ki in gannyen, enkli sa ki nou pe azoute ozordi? Pa blyie, nou marse lanplwa pe fer fas avek en menas reel, kot nou pe vvar plizyer ka kot serten endividé sirtou etranze ki'n napa kalifikasyon pou en *post* pas devan nou Seselwa.

Lo en lot kote, nou pe osi vvar larantre bann endividé ki swadizan kalifye pou serten travay, e ler in ariv ler pou delivre se nou bann frer e ser Seselwa ki fer tou travay. Mwan mon pa dakor ek sa Mr Speaker.

Sa Lalwa devan nou i en Lalwa konpreansiv, mon sipoze i pran konsyans lo travay ki

dimoun dan SQA in fer. Mon oule profit sa lokazyon pou dir zot mersi pou zot travay. Me lefe ki nou pe anmenn en nouveau Lalwa ti ava bon si Gouvernman ti'n donn nou en *rollout plan* si nou ti kapab pli kler lo ki mannyer SQA pou ede *tackle* bann konsern ki nou annan ozordi.

Sa ti ava enkli konponan finansyel atase avek sa Lalwa. Mon not avek bokou latansyon provizyon bidzeter SQA dan *Appropriation Bill*. Me mon krwar nou ti'n kapab ganny detay lo serten depans mazer lo ki mannyer sa nouveau Lalwa pou servi sa larzan pou ranforsi son manda.

Sa ti ava ed nou konpran ki mannyer SQA pou adres defi ki zot in met devan nou, e ki trouve dan zot *PPB statement*. En nouveau Lalwa i bezwen pran kont bann diferan defi, febles ki egziste. *Quality Assurance* is very dynamic e ledikasyon pe devlop rapidman. Terminolozi pe sanze e Lotorite i bezwen vin an konformite avek sa ki egziste dan lemonn ozordi.

Mr Speaker atraver ou in en plezir pou mwan fer sa pti lentervansyon bref e mon a rezerv serten komanter ki mon annan pou *Committee Stage*. Mersi.

MR SPEAKER

Mersi Onorab. Onorab Lemiel.

HON SYLVIANNE LEMIEL

Mersi Mr Speaker. Bonzour Minis avek ou delegasyon. Bonzour tou dimoun. Mr Speaker sa Lalwa ki devan nou ozordi pou mwan i en Lalwa ki enportan. Enn bann provizyon ki pe ganny fer atraver sa Lalwa se pou SQA kapab pran ansarz serten travay ki Komisyen Ledikasyon *Tertiaire* ti fer.

La par egzanp nou get sa bout *Quality Assurance* ki aprezan i pe ganny pran par SQA. E Mr Speaker sa konponan *Quality Assurance* li menm, i vreman en konponan tre enportan sirtou dan ledikasyon, akoz se la ki zot kapab vreman evalye e osi amelyor lo kalite sistenm ledikasyon e osi programm.

E sa i asire ki bann standar neseser i ganny mentenir e menm i ganny anbelir kot i neseser.

Me en keksoz ki mon ti a kontan ganny eklersisman lo la e ki mon pa'n vvar dan sa Lalwa, ler i konsern Komisyen Ledikasyon *Tertiaire* ti osi annan lezot rol zot, par egzanp; en rol ki zot ti annan se donn sipor bann lenstitisyon. Mon kestyon i eski sa pou form parti

dan zot nouveau rol? Akoz mon pa'n war sa sorti dan Lalwa.

Akoz dan Lalwa in site ki zot pou *monitor* e ler nou pe koz *monitor* e donn sipor pou mwan sa i 2 diferan keksoz. E ler nou lo sa pwen *monitoring* mon okouran ki oparavan menm petet ziska ozordi SQA ki ti *validate* bann programm laprantisaz pou sa bann Lenstitisyon *Tertiaire* e se zot mem osi ki akredit sa bann lenstitisyon.

So en kestyon i eski avek sa nouveau rol ki sa Lalwa pe fer provizyon mon pe mazinen eski pou napa en konfli lentere? An vi ki se SQA ki pe evalye programm laprantisaz, zot menm ki pe evalye sa enstitisyon e zot ki pou *monitor*.

So mon ti a kontan pe get dan larepons Minis en pti pe leksplikasyon lo la. E en lot refleksyon ler nou pe diskit sa Lalwa se avek ki sa bann lenstitisyon pou rapporte, oubyen lekel ki pou fer zot *accountable* eski se SQA? Eski zot annan ase resours pou desarz sa nouveau rol?

Ozordi nou war serten travayer *TEC*, i annan ki'n fini ganny plase dan lezot seksyon dan Minister Ledikasyon. Petet mon ti a kontan konnen akoz ki serten travayer kle petet dan *TEC* petet pa'n ganny abzorbe

dan SQA? Akoz pou kapab annan sa bann kontinite i annan dimoun ki'n annan bokou leksperyans.

So petet mon ti a kontan konnen akoz zot pa'n ganny abzorbe pou zot kapab ede avek serten travay ki ganny fer laba. So, Mr Speaker mwan mon pa pou long lo sa *Bill*. Parey mon dir mon krwar i en ki bon, i pou lavansman nou sistenm ledikasyon li menm.

E osi i lavansman e i pou byen pou bann dimoun ki pe petet pe nou tou an zeneral bann ki pe rod en lavans kalifikasyon ki ankor pe lekol pou nou al en pe pli devan dan bann karyer ki nou pou pe swazir. So mwan panse ki i enportan ki detanzaot nou gete kwa ki nou kapab revize kot ki bon, kwa ki nou kapab anbelir lo la.

E mon ti a kontan petet a sa pwen swet bann dimoun ki'n travay dan sa seksyon *ord* dan sa Departman Ledikasyon Komisyon, Ledikasyon *Tertiaire* bonn sans, mon panse ki zot tou zot ava kapab ganny en plas dan sa novo Lazans SQA ki pou ganny met an plas. Mersi Mr Speaker.

MR SPEAKER

Mersi Onorab. Onorab William.

HON WAVEN WILLIAM

Bonzour Mr Speaker. Bonzour Minis avek ou lekip. Bonzour tou dimoun ki a lekout.

Mr Speaker mon pa pou dir tro bokou lo sa *Bill*. Me solman an aportan mon sipor, mon anvi fer konpran ki mwan pase Minis Ledikasyon atraver repons kestyion dan Lasanble i ti sok laplipar bann Manm Lasanble avek bann sif ki i ti donnen vizavi lo *average*, an term rezulta serten bann size par egzanp letan i pe dir ki Angle on *average* i anba 45poursan atraver bann lekol.

E Franse anba 32 poursan, e *Maths* anba 20 poursan. Mr Speaker i bann lenformasyon ki letan ou tenir kont ledikasyon e laprantisaz nou bann zenn, nou bann zanfan i nesesit bann zefor.

Mr Speaker mon'n komans koumsa, pou kapab met keksoz dan konteks vizavi sa lamannman ki pe vin devan nou. E Minis i anbisye, i annan en plan anbisye pou ledikasyon dan Sesel e mon mazinen poudir enn sa pa se fer sa sanzman atraver sa *Bill* ki devan nou, ki mon pou siporte parey mon'n dir.

Mr Speaker me selman an menm tan letan mon pe koze mon ti a kontan si Minis taler i ti kapab dir nou ouswa dan

Committee Stage si Mr Domingue;

Par lefe ki tou sa letan Minister Ledikasyon i an egzistans e nou'n vvar ki eski ti annan sa volonte pou anmenn sa bann sanzman e kestyon osi ki monte, eski *mindset* bann diferan profesyonnel e teknisyen dan Minister Ledikasyon zot *in sync* avek lespri lamannman ki pe ganny anmennen ozordi?

Mr Speaker mon dir as se akoz resours imen ki nou bezwen ozordi pou enplimant Lalwa e si sa resours imen pa *in sync* avek sanzman ki nou anvi anmennen Mr Speaker i pa pou donn sa rezulta ki nou ekspekte.

Mr Speaker mon pou dir ki pa toultan ki mon dakor avek lafason ki Onorab Johan Loze i fer son prezantasyon.

Me ozordi mon'n tonm dakor avek son fason panse ki mon ti ava swete ki avek sanzman Gouvernman, avek sa lanvi pou anmenn lord, disiplin e reform ki neseser dan sa pei atraver bann plizyer ka ki nou'n pase ouswa bann serten keksoz ki nou'n bezwen *repeal* pou vreman fer sa diferans.

Konpare avek sa *lethargy* ki ti annan dan lepase, mon swete ki politisyen ler i annan keksoz ki annan pou fer avek byennet sa pep e zanfan

Seselwa nou toulstan pe annan en pozisyon komen pou nou kapab donn sipor e fer sir ki nou resours imen i devlop byen.

Mr Speaker mon anvi dir ki i annan bokou problem akoz letan mwan mon pe koz avek bann etidyan primer, segonder e bann pos-segonder ou war zot swe. Me Mr Speaker mwan anvi osi demande ki apard ki sa lamannman la si bann lezot sekter pou ganny touse osi.

Akoz nou pa pou kapab get sa sanzman an izolasyon avek bann lezot i bezwen konpreansiv, fer sir ki tou regar dan menm direksyon. Mr Speaker i annan en ta keksoz ki'n pase dan lepase ki mon pou al lo la vizavi bann desizyon. Petet sa lepok ti annan nesesite, me eski bann dirizan ti ase brav osi pou anmenn sanzman letan ti neseser pou fer sanzman dan sistenm ledikasyon?

Mr Speaker mon pa pe dir poudir tou keksoz dan lepase ki'n ganny fer i mal, me ti annan en mank gravite e osi *focus*, nou'n perdi *focus* lo serten keksoz, akoz pou serten lanbisyon personnel ouswa lentere personnel dan laspe politik.

Me mon kontan ki sa nouvo Gouvernman la ler in pran lofis, bann pa e bann

demars ki i pe fer i pe anmenn sa bann sanzman ki pa'n ganny fer dan lepase e pep Seselwa mon krwar zot ti fer en bon swa le 24 Oktob 2020 pou anmenn sa sanzman, sa gran sanzman dan pei.

Lo kote gouvernans ki ozordi Mr Speaker nou pe vvar poudir bann plizyer Lalwa parey sa enn ki neseser in vin devan nou. E avek sa 2 pti mo Mr Speaker mon pou aport mon sipor, akoz mon santi poudir *time is now* e personn pa pou fer li pou nou. So mon pou donn mon sipor sa *Bill*. Mersi.

MR SPEAKER

Mersi Onorab. Onorab Cosgrow in lev son lanmen en pe tar me selman konmsi in endik mwan i annan en pti pwen pou fer, mon swete i a reste lo *Bill* plito ki fer *statement*. Onorab Cosgrow.

HON WALLACE COSGROW

Mersi Mr Speaker. Mr Speaker wi mon pa, bonzour dabor Mr Speaker. Bonzour Minis. Bonzour Mr Domingue, Mr Pool avek bonzour tou Onorab. Wi Mr Speaker mon pou rete lo *Bill* e vreman, vreman bref.

Ozordi nou pe get nouvo Lalwa SQA. Annefe mon santi petet bann sereten mazorite bann entervenan ki'n entervenir petet zot pa'n - zot in

tous en kantite lo *Seychelles Qualifications Authority* petet non sa *Bill* li menm i fer ki zot konsantre lo *SQA*.

Me si mon get li byen i osi annan en lot keksoz dan sa *Bill* ki devan nou la ki annan pou fer avek the *merger of Tertiary Education Commission*. I ti deza en antite lo li menm avek *Seychelles Qualifications Authority* e pa bokou bann Manm petet ki'n fer resorti apard onorab Lemiel ki'n koz en pti pe lo *TEC*.

So mwan mon anvi aport apepre 2 pti minit dan mon letan pou koz en pti pe lo la. Mr Speaker dan lepase bokou fwa in annan bokou kritik lo *TEC*, pa kritik ki zot pe mal travay me kritik par egzanp ki *TEC* napa ledan, *TEC* pa kapab petet *enforce* sereten keksoz.

Me ler mon get dan *Bill* la li menm mon war en kantite lanfaz i ganny mete lo *Seychelles Qualifications Authority*. Ler mon get dan bann fonksyon mon war pe lanfaz lo regle bann *Tertiary Education Institution*. Konmsi ou a krwar letan zot in met li ladan sa reglemantasyon bann lenstitisyon in en pti pe perdi dan sa *Bill*.

Me i enportan akoz si nou anvi kalite ledikasyon, si nou anvi kalite ledikasyon nou

bezwen ensi asir kalite lenstitisyon.

E pour nou kapab ganny kalite lenstitisyon nou bezwen fer sir ki i annan en *body*, ki pe *monitor* sa bann lenstitisyon ki pe fer sir ki zot swiv bann lareg, bann *framework* i ganny met an plas pou zot kapab *achieve* sa nivo ki zot devret arrive pou zot kapab donn sa kalite kalifikasyon, ki apre evantyelman pou bezwen ganny *validate* par *The Seychelles Qualifications Authority*.

Mr Speaker akoz ki mon dir poudir konmsi ou a krwar *still TEC* i an en pi pe lanfaz lasan pou annan en pti pe plis sa *enforcement*, pou annan en pti pe plis sa ledan ki nou'n toultan dir *TEC* napa.

Me selman mon *still* krwar i manke. Par egzanz ler ou pe get bann *compliance* ladan ou pe get bann petet en pti pe ban penaltı ki en lenstitisyon pou bezwen malerezman ganny penalize avek si i pa swiv sa ki Lalwa i dir li pour mwan, mon war li i en pti pe feb.

E petet mon pa war li i ase annan sa pinisyon, ki pou fer sir ki sa lenstitisyon i *abide to* sa bann provizyon sa Lalwa. E fer sir ki sa lenstitisyon i donn en kalite servis ki dapre bann *framework* ki pou ganny etablir

e ki pou kapab *ensure* sa, *the quality qualifications* apre.

Mr Speaker mwan mon ti anvi apre zis koz en pti bout en pti pe lo, akoz mon santi bokou bann manm in koz bokou lo SQA. E petet si nou ti anvi donn zistis en pti pe sa bout *Tertiary Education* ladan petet ti ava annan en nesesite pou revwar non sa *Bill* petet, akoz bokou lanfaz i lo *qualifications* ladan me non pa lo bann Lenstitisyon *Tertiaire*.

Si mon pa tronpe osi petet Mr Domingue i kapab klarifye dernyen pwen Mr Speaker. Ok bann Manm in dir sa *Bill* i en bon *Bill*, si mon pa tronpe sa *Bill* ti komans letan ansyen Gouvernman bann diskisyon bann zafer, so bann bon keksoz ladan i sorti avek Ansyen Gouvernman. Mersi bokou Mr Speaker.

MR SPEAKER

Mersi. Mon ariv a lafen lentervansyon bann lezot Manm mon a pas lo Onorab Pillay.

HON SEBASTIEN PILLAY

Mersi Mr Speaker. Bonzour e bonzour tou dimoun ki la e bonzour Minis.

Premyerman mon oule komanse par fer sir ki Lasanble i kler lo kwa ki nou pe fer. Mon

krwar nou, in annan serten konfizyon kot nou tann pe koz lo lamannman lo Lalwa SQA, napa en lamannman lo Lalwa SQA. Nou pe anmenn en novo Lalwa pou *Seychelles Qualifications Authority*.

E alors mon krwar ki bann entervenan ki si zot ti'n, si nou'n vreman regard sa Lalwa nou ti a kapab konpran konteks *within which* sa Lalwa pe vini e akoz. I enkli ou Deputy Speaker, i enkli ou.

(Interruption)

MR SPEAKER

Silvouple! Silvouple, pa komanse!

HON SEBASTIEN PILLAY

I enkli ou, akoz ou napa respe pou lezot Manm dan Lasanble ou.

MR SPEAKER

Nou pe koz ledikasyon bann Manm, bann zelev dan laklas i sipoze reste trankil.

HON SEBASTIEN PILLAY

Ou napa respe! Ou napa respe!

MR SPEAKER

Onorab Pillay kontinyen silvouple, pa les en pti mo enteronp ou.

HON SEBASTIEN PILLAY

Non, Mr Speaker mon krwar ki koman en Deputy Speaker sa msye i devret komans konport ki koman Deputy Speaker dan sa Lasanble.

MR SPEAKER

Kontinyen silvouple Onorab Pillay.

HON SEBASTIEN PILLAY

Ki ou problem?

MR SPEAKER

Onorab Pillay mon'n dir ou kontinyen silvouple, pa antre dan en deba avek Onorab Henrie. Silvouple adres ou.

HON SEBASTIEN PILLAY

Mr Speaker mon krwar sa ki enteresan dan sa bann lamannman se ki Minis in dir en keksoz ki vreman enportan pou nou pran konsiderasyon se ki Minis in admet poudir nou annan devlopman rapid dan ledikasyon.

E kontrerman avek sa ki Minis li menm li in kontinyelman vin dir nou dan Lasanble ki Gouvernman ava ti sey fer pwason mont pye dibwa e nou bezwen admet poudir sistenm ledikasyon in evolye a sitan a en pwen ki SQA mannyer son manda ti'n konfigire, a sa moman ki i ti pe

trouv son lekor, ki si ti pou annan ankor devlopman rapid e pou li fer fas ek devlopman ki arive i bezwen ganny serten remaniman serten revizyon.

Me dan sa konteks ki nou pe ger sa remaniman i annan en keksoz ki'n arive ki mwan mon konsernen avek. E sa se sa lapros pou pran disolisyon *TEC* e *merge* li avek *SQA* san ki i annan en *well thought-out process* lo ki mannyer *TEC* son rol ki i ti pe zwe pou ganny fer.

E mon konnen Minis si ou senser avek sa ki ou pe dir ozordi e si ou *actually*, mon konn ou, ou en dimoun ki'n swiv sa domenn, ou'n dan sa domenn pou plizyer lannen, si ou senser ou pou war ki i annan en *issue* serye la.

Akoz premyerman ou bezwen annan ou en regilater e ou annan e ou en dimoun - ki pa zis regilater prezan - ou al plis e ou pe regard dan programm ki bann *Tertiary Institutions* pou anmennen.

Pou nou konpran sa *landscape* Mr Speaker annou regard par egzanp depi *preschool*, segonder, ziska ler nou ariv *Tertiary Education*. *Preschool* i ganny *regulate* par Minister Ledikasyon *ok?* Pou en dimoun ouver en Lekol primer, segonder isi Sesel i bezwen *meet* serten kriter ki

Minister Ledikasyon i met an plas *and then SQA* i *validate* son bann programm.

Following sa en dimoun i oule ouver en lekol possegonder, par egzanp i oule ou ber en lekol politeknik, en lekol vokasyonnel *whatever*, e ankor enn fwa i al kot *SQA* e i regard sa. *Now*, nou ti'n etablir en laliny pou nou definir kote *Tertiary Education* pou antre vizavi bann lekol apre possegonder, e pou nou etablir bann lenstitisyon ki sipoze ganny etablir.

Sesel in osi fer *commitments* anba *WTO*, pou nou *allow access to the education sector*. Nou ti met serten restriksyon lo *access to the education sector* ler nou ti pe komans liniversite Sesel. Akoz a sa moman liniversite *Maurice* ti'n vwar lentere pou li vin entrodwir enn son bann *campus* isi Sesel.

E *Maurice* sa moman mon krwar sa liniversite ti'n fini etablir en partenarya avek liniversite *Bolton* e nou liniversite Sesel pa ti ankor finaliz son partenarya avek liniversite *Londres*.

Lefe ki liniversite Sesel in deza antre, in fini komans fonksyonnen, nou pou vwar akse ki ganny donneen avek lezot lenstitisyon. Konsern se ki

demen ou kapab ganny ou en *challenge* ki sa *validator of the program is also the regulator*. E pour mwan pou dir ki TEC ti napa ledan mon pa krwar TEC ti napa ledan, i tou depan ki mannyer TEC ti anvi fer son travay.

I tou dan ki mannyer TEC ti anvi angaz li pou li fer son travay pou *regulate* bann lenstitisyon. E zis parey yer kot nou'n vvar avek Lalwa SAA, kot nou pe remet bokou pouvwar dan lanmen Minis avek bann lenstitisyon parey SQA, parey TEC sirtou ler nou pe koz lo en ledikasyon.

It is better si oule annan - Onorab Hoareau in fer referans avek Ofsted, i konn tre byen Onorab Hoareau akoz i en dimoun ki'n en supervisor legzanmen - ki Ofsted i stand an deor sistenm ledikasyon. I siprenm an sa ki konsern regard konteks validite bann sistenm ki ganny servi pou teste. E mwan mon santi poudir Sesel nou pe pran en lapros ki nou pa pou zanmen annan sa kantite liniversite, economies of scale i fer ki nou pou napa.

Nou ava annan probableman ankor lezot lenstitisyon ki vin lo en nivo petet vokasyonnel, oubyen lo petet ou ava ganny ou zis apre a level akoz zisteman akoz

paran pe rod sa kapab, sa potansyel pou zot anvoy zot zanfan dan bann lenstitisyon ki kapab ed zot devlope.

E mon krwar mwan se la kot mon annan en konsern, akoz i annan en kantite keksoz, mon bezwen admet i annan keksoz pozitiv dan sa Lalwa nou pa kapab dir non. I annan en kantite keksoz pozitiv dan sa Lalwa. Akoz si ou'n en dimoun ki'n travay dan Ledikasyon ou pou konpran akoz i neseser pou annan sa Lalwa.

Be nou pa kapab get sa Lalwa an izolasyon avek tou bann lezot konsep ki pou vin avek, akoz li kot i stand SQA dan sa milye, i annan en rol enportan pou zwe par egzanp dan validasyon tou programm, menm *Curriculum Minister Ledikasyon SQA* ki pou validate at the end of the day.

Akoz SQA ki bezwen regard the mapping of your education sector. Ou bezwen annan en keksoz ki an deor. Minister Ledikasyon i kapab annan tou son bon lentansyon entrodwir whatever programm, be si ou napa en dimoun pou validate.

E rezon akoz par lepase - e Minis i konn sa tre byen - nou'n fail lo serten programm in akoz in napa external validation of programm, nou komans en

programm *and then* nou aret dan semen.

So ou external validator ou bezwen annan serten lotonomi pou li kapab fer serten validation. Si i pa kapab fer son validation then ou pou fail dan lafason ki oule enplimant aminisyon e son target ki sa programm i oule achieve i riske en difikilte pou achieve.

E Onorab Cosgrow *is absolutely right* ler i dir poudir nou'n focus en kantite lo SQA me nou pa'n anmenn TEC dan sa deba. Mon pa konnen si nou ki pa pe war en keksoz dan sa lawa me mon santi akoz sa Lalwa i fer kler poudir *there's the pending dissolution of TEC*.

So if you have the pending dissolution of TEC mon ti ava ekspekte ki Gouvernman ti'n pran, ti vreman zis pran en lump e mon krwar zot in tro swiv, Attorney Zeneral in dir zot fer sa ki in dir zot fer. Zis pran fonksyon anvoye, me sa bann fonksyon i bezwen ganny mapped accordingly.

E si i pa ganny *mapped accordingly* nou afekte bann programm, si Liniversite Sesel demen i oule komans en programm ou pe *regulate* li, ou pe, *at the same time validate* li, *you can't have both.*

Enn i bezwen ganny fer par enn, e lot i bezwen ganny fer

par lot akoz *the validator ek the regulator* si in fer tou keksoz ansanm, ou kapab ganny *challenged* enternasyonalman avek ou programm apre. Nou tou nou konnen bann ki'n dan sa domenn pou en pe letan, en kantite lenstitisyon i reste i *challenge* bann kalifikasyon e Onorab Gabriel in zwe, in koz lo en keksoz enportan.

E mon konnen ki menm Minis e bokou bann dimoun ki al anndan akoz nou tou ki bann edikater nou pou konnen, nou'n toulstan koz lo la par egzanz ou ganny ou en dimoun ki sipoze kalifye pou *teach Maths* ler i vini i pa kapab *teach Maths*.

Ou ganny ou en dimoun i sipoze kalifye pou fer *accounting* dan en biznes ler i vini i pa kapab fer *accounting* dan sa biznes. Ou konpran? E me selman son sertifika i donn li Diplonm ziska *Masters Degree*. So ou konpran?

So i annan tout en kantite eleman ki antre dan sa rol SQA e mon pe konsernen pou li kapab zwe sa rol koman en *Tertiary Education regulator at the same time*, si sa a sa moman i *the right approach* pou nou pran.

E i en pe difisil pou propoz lamannman, akoz nou pa pe vwar ki pou arive ek TEC

akoz nou pe ganny zis dir anba en *Clause* ki pou annan sa dizolisyon *TEC pending going forward*. Mon reste konsernen avek 2 keksoz pri mondyalman, tou konsiderasyon politik en kote sa Lalwa i bezwen ede kontinyen promot kalifikasyon.

Mon kontan ki nou pe koz lo *Recognition Of Prior Learning* dan sa Lalwa, e sa i esansyel pou nou akoz, se sa ki pou fer ki nou bann *public servants* ki annan *over many years of experience* i kapab formaliz sa leksperyans dan en keksoz.

E sa *RPL* ladan i dir i koz lo leksperyans travay. Me kontansyon ki mwan mon annan se ki toulstan, ler nou al koz lo leksperyans travay nou sey fer *RPL* vin en *documented experience*.

Nou absoliman bezwen anmenn li atraver en sertifika e i vin en difikilte prezan akoz bokou sa bann dimoun pa kapab sengwe *from* dan zot travay pou zot al fer en sertifika. Ou annan en dimoun travay dan en domenn travay pandan 20an, 30an ki'n konn tou ki mannyer sa landrwa, i annan en *institutional memory*.

Be ou pou al demann li pou li *certificate* pou li kapab ganny *revolution of son prior learning, son prior knowledge – konpleks!* So serten *benchmark*

mon konnen SQA ti pe sey etablir, mon konnen in annan en kantite travay, SQA in toulstan pe koz lo sa size pe rode ki mannyer nou dil ek sa.

E mon kontan in adrese dan Lalwa. Me mon ti a kontan konnen an pratik *how you are going to go about it*. I pa pou zis vin ankor enn fwa dan Lalwa e nou pa pou kapab fer li an pratik.

Sa ki reste primordyal e fodre pa ki nou *mix* sa ki Minister Ledikasyon i annan pou fer. Minister Ledikasyon pa kapab *rely* zis lo sa sansasyonnel pou li eksplike ki mannyer son performans i ete.

Minis i kapab vini koz nou tou bann statistik lo la kantite manrmay ki ganny 32poursan lo bann diferan *average*. But at the end of the day sa bann average will mean nothing, si sa bann zanfan pa kapab ganny akse avek en *Tertiary Education Institution*, ki worldwide i ganny recognized e sa kalifikasyon ki zot donnen pou ganny aksepte.

And that is why ki toulstan nou'n pran sa lapros pou nou *rely* lo anvoy zanfan fer *training aletranze*, anvoy zot for *scholarships*. E pour mwan mon pa ti a kontan nou war nou dan en sityasyon lot nou pe retourn where the expense of

sending children overseas again increases.

E la Mr Speaker ou a permet mwan pou fer en, si oule en keksoz ki konfiz mwan osi, e se ki nou ti fer Liniversite Sesel pou nou fer desann kou. Be nou pe vwar osi kot dan serten kou, bann kou kot Liniversite Sesel i bokou pli ser ki en kou ki nou ti pou anvoy en zanfan aletrance. *So these are all things that we need to*, ki nou bezwen met an perspektiv.

E mwan pour mwan mon war mwan bezwen esper Minis pou kapab donn nou en lesplikasyon lo, mon pa konnen ki kantite enteraksyon ou'n ganny ek sa Lalwa ki kantite *in debt* ou'n ale ek sa Lalwa. Me mon krwar ou santi, ou konnen akoz pou ou menm wi bann keksoz ki dan lepase koman en edikater, ou'n dan bann miting avek mwan menm mwan personnelman avek lezot edikater ki ou'n koz lo la.

E ou pa kapab mon krwar sa bann keksoz ki annan bann valer enportan ki nou oule enkilke dan en sistenm ledikasyon i sorti di zour o lannmen, akoz ki Gouvernman i sanze.

So, mon ti a kontan ki *at least* nou kapab ganny sa bann repons e pour nou kapab regarde ki mannyer prezan nou

pou move forward vizavi annan bann lenstitisyon. E annan en regilater e annan en *validating body* ki pe travay an sinerzi pou nou kapab *achieve* sa ki nou pou *achieve*. Mersi Mr Speaker.

MR SPEAKER

Mersi Onorab. Bon nou'n arriv a lafen deba. Nou a pran poz la e mon a demann Minis pou fer son repons apre *break*. Nou a retournen 11.05. Mersi.

(BREAK)

MR SPEAKER

Byen, nou a ekout repons Minis.

MINISTER MARIE-CELINE ZIALOR

Mersi Mr Speaker. E mersi tou bann Manm Onorab pou zot bann lentervansyon e bann kestyon.

Mr Speaker mon pou adres bann kestyon pertinan ki'n leve ki mon krwar i merit ganny pran endividelman. Apre i annan bann lo kote sa ki nou apel *RPL - Recognition of Prior Learning* apre konsernan bann rol tech avek SQA dernyen pou konklir akoz in ganny leve par plizyer Manm.

Premye pwen ganny leve par Onorab Hoareau Mr Speaker konsernan *Ofsted* e

ganny en keksoz en pe *similar* isi Sesel. SQA pe travay lo en keksoz, pe travay lo en keksoz deza ki apre ler zot in pare zot ava anonse. E SQA in toulstan annan manda pou li asir kalite dan bann lekol, sa Lalwa pa pe sanz sa, pou anforsi pou annan en seksyon *compliance* i deza annan i deza la, sa i garanti.

Konsernan pwen Onorab Loze pour ledikasyon finansyel dan lekol, mon pa krwar sa i *off topic* Mr Speaker akoz SQA i annan son manda pou fer sir ki bann programm i relevan dan lekol. E sa bann reform ki pou fer dan ledikasyon sa i pou enkli ladan. E SQA pe travay pre avek *DPA* pou asire ki bann dokimantasyon ki bann dimoun i vin avek ki i reel e sa i osi al dan bann *Scheme of Service*.

Be selman i bezwen fer kler ki SQA li i pa fer *Scheme of Service* i annan en pti pe konfizyon, se *DPA* ki fer lo kote piblik e bann prive zot osi zot fer sa avek zot sistenm separe. E i ti annan wi konsiltasyon bann ki ti ganny fer pou kapab anmenn sa *Bill* ki nou pe anmennen, sa Prozedlwa ki nou pe anmennen ozordi.

Pou bann pwen i Onorab Uranie in leve, mon a pran li dernyen avek sa ki Onorab *Leader Lopozisyon* avek Onorab

Cosgrow in leve ansanm, akoz i konsern preski menm keksoz. Me selman i annan en pti konfizyon an konsernen sa ki SQA i sipoze pe fer e sa ki bann larestan lenstitisyon oubyen Departman parey Departman *Employment* osi ki i sipoze pe fer.

Konsernen pwen ki Onorab Labonte in leve ki sertifika bann *teachers* pa pe ganny rekonnet. Nou'n ganny lenformasyon ki sa *Advance Diploma* dan ledikasyon i fek ariv kot SQA.

E SQA i a pe travay la e apre zot ava ganny rekognisyon letan in fini travay lo la. I annan en prosedir ki bezwen ganny fer letan en nouveau kalifikasyon ou anmenn kot SQA.

Kot ki konsern prive bann lenstitisyon prive zot bezwen travay avek SQA anmenn zot bann kalifikasyon kot SQA e zot ava ganny led ek sipor ki mannyer sa i kapab ganny rekonnet.

Lo konsernen Onorab Gabriel in demann kapasite, SQA pou bezwen fer en pe lazisteman definitivman lo son *staff* lazisteman lo larestan son fonksyon, *sorry* son loperasyon, pou li kapab fer sir ki i desarz sa bann nouveau manda

responsabilite ki i a pe gannyen.

Lo kote Onorab Lemiel pwen ki in leve pou bann travayer *TEC* ki'n ganny transfer. Minister Ledikasyon in bezwen pran kont sa travayer ki'n ganny transfer e i pa ti pou zot in vvar apropriye pou li ganny transfer kot *SQA* - dapre son abilite apre bann larestan evalyasyon ki'n ganny fer. E in ganny transfer dan en lot landrwa kot i pli kapab travay.

Konsernan kestyon Onorab William, eski i annan volonte pou bann Resours Imen in sey, mo ki i ti servi ek sanzman? Mon krwar i en pe parey kot nou tou partou wi ek non. Pou annan bann travayer ki *in sync* apre i annan bann ki non. Be i annan bann travay devlopman kapasite, bann lezot travay ki Ledikasyon pou fer ki i ava kapab fer sir ki tou dimoun e bouz lo menm frekans.

Eski pou annan lezot sekter ki pou ganny touse? Byensir ki wi, mon kapab garanti akoz i annan bann kozri ki Minister Ledikasyon in deza komans koz dan Konsey Minis pou annan en plan konpreansiv ki pou anmenn modernizasyon sistem ledikasyon.

Prezan mon krwar Mr Speaker mon kapab pran bann

larestan kestyon anmenn par Onorab Cosgrow, Onorab *Leader Lopozisyen* e lezot ankor konsernan sa konfizyon ek sa Prozedlwa ek ban fonksyon *TEC* ek fonksyon *SQA*.

Sa Prozedlwa i pa pe pran tou fonksyon *TEC*, i pe pran zis detrwa sa bann fonksyon ki ti deza pe annan *overlap* avek *SQA*. E vwala akoz sa Prozedlwa ion ganny anmennen letan i annan bann revi, tou sa bann lenstitisyon dan ledikasyon sa bann *overlap* avek *TEC*, Ledikasyon, Minister Ledikasyon in vvar neseser pou li kapab retir sa bann *overlap*.

E si *TEC* i pa osi i a pe fer serten louvraz ki *SQA* ti pe fer, Minister Ledikasyon in deside be pran tou sa bann fonksyon ki annan pou fer avek kalifikasyon avek akreditasyon, avek lasirans kalite pran tousala met avek en sel lenstitisyon ki *SQA*.

Bann larestan fonksyon ki *TEC* pe fer la ki osi tou i annan *overlap* avek detrwa bann larestan seksyon dan Minister Ledikasyon, ki sa i annan an en bann ki pou ganny pran par sa bann seksyon zot menm.

E i pou annan en lot i pou annan en lot konversasyon en lot deba ki pou ganny fer konsernan *TEC* letan Minister Ledikasyon i ava fini fer sa bann

travay ki i pe fer pou regarde ki mannyer i moderniz *TEC*, ki mannyer i anmenn en novo Lalwa si i bezwen anmennen ouswa nenport striktirelman bann sanzman ki i santi i bezwen anmennen.

I pa menm zafer sa, i akoz Ledikasyon in fini vwar ki i bezwen fer en modernizasyon i bezwen sanz lafason ki *TEC* pe travay e in santi prezan vi ki i pe al fer sa bann ki deza pe *overlap* avek *SQA* pran tousala donn *SQA*.

E in ganny mansyonnen la bomaten Lasamble Mr Speaker wi mon kapab koz tre konfidan lo sa size, lo sa topik, akoz apard ki en edikater travay avek Minister Ledikasyon dan Minister Ledikasyon mon osi travay avek Lenstiti Guy Morel kot prezan mon pou al koz lo sa ki nou apel (*RPL*) - *Recognition Of Prior Learning*, nou'n ladan.

E nou bann *course* kot Lenstiti Guy Morel mon parmi tim pou en bon pe lannen ki'n travay ek *SQA* ki mon pe koz koman en dimoun ki'n pas atraver kliyan *SQA* tou. Ki mon'n pas ladan e sibir. Mon pa'n zis vwar *periphery* mon'n ladan.

E in vre in annan sa bann defi. Mon apresye ki bann Manm in vwar ki nou bezwen moderniz sa Lalwa i neseser

pou nou fer sa, e *RPL* i deza annan programm an plas. Mon konnen kot Lenstiti Guy Morel par egzanp i annan bann dimoun ki'n ganny akredite ki'n ganny *training* par *SQA*, ki zot, zot kapab rekonnnet leksperyans enkli tou sa ki nou pe koz lo la e ki ed bann dimoun fer zot profil.

E zot pa bezwen fer sa kantite dokimantasyon akoz i annan dimoun ki fer pou zot, sa i ganny *facilitate*. E sa i en komite, i en travay ki pe kontinyelman ganny fer par *SQA* mon kapab garanti, akoz mon kapab testifye poudir sa detrwa lannen sa i deza pe ganny fer.

E bann dimoun ki pe ekout nou ki santi i ganny konsernen zot kapab ganny akse avek sa servis, pou zot ki zot bann *prior learning* i ganny rekonnnet.

E vwala mon krwar si mon'n kouver tou pwen Mr Speaker. I napa - mon dernyen pwen se sa konfli lentere ki nou pe koz lo la, *external validation*, an konsider pou donn sipor.

SQA napa donn sipor dan son fonksyon, sipor i ganny donnen par Minister Ledikasyon. E mon krwar petet kekfwa i demann en sertern ledikasyon lo vreman kwa ki *SQA* i fer, kwa en *Qualification*

Authority i sipoze i fer pou evalye bann programm pou evalye bann lenstitisyon pou akredit zot. Pou fer monitoring, pou fer evalyasyon.

Tousala i an armonizasyon zot fonksyon ki zot pe fer. Sipor pa ganny, in napa li menm regilater li menm li ki pe donn sipor, sa i pa leka. I pa leka ditou. E petet pou tir sa konfizyon nou'n pran not, nou'n note bann pwen ki'n vini ek bann defi petet ki *SQA* i kapab i pou annan pou li kapab donn en pli gran ledikasyon pou fer dimoun konpran tre byen kwa ki pou fer, kwa sa.

E mon konpran poudir i pa pou fasil pou konpran, akoz letan mon osi mon ti pe - nou ti pe anmennen avek Guy Morel *Institute* nou bann programm. Nou bann kour pou ganny validate avek *SQA*, ti en prosedir nou'n bezwen konpran nou osi kwa sa vreman ki zot sipoze pe fer.

E ziske ler nou'n nobou kapab travay ansanm avek zot, pou kapab fer tou nou bann diferan programm ganny validate.

E avek sa Mr Speaker mon ti ava swete ki Lasanble i donn sipor sa Prozedlwa ki nou e anmennen pou parey mon pe dir poudir ki *SQA* i kapab bouze, modernize dan sa bann

reform ki pe ganny fer dan Ledikasyon. Mersi bokou.

MR SPEAKER

Mersi Minis. E avek sa nou a pran vot lo *general merit of the Bill*. Manm ki an faver lev lanmen silvouple? Oule zot lev lanmen ankor madanm Clerk? Wi silvouple mon krwar madanm Clerk in mank en pe konte kote isi lev lanmen ankor bann ki an faver? Byen, okenn Manm ki kont?

Mersi. Vot lo *general merit of the Seychelles Qualifications Authority Bill, 2021*. 27 Manm in vot pour, 0 kont e 4 in *abstain*. Alor *Bill* in aprouve lo *general merit* e madanm Clerk a fer *Second Reading Formal*.

MADAM CLERK

Mersi Mr Speaker. A *Bill for an Act to provide for the Development Implementation and Maintenance of a National Qualifications Framework and the Quality Assurance of Education and Training*. Mersi Mr Speaker.

MR SPEAKER

Mersi Madanm Clerk. *Next step* nou a pas dan *Committee Stage* pou pran amannman e klarifikasiyon e lo kote *Bills Committee* Onorab Hoareau ki

pou lans prosedir. Onorab Hoareau.

HON JOHN HOAREAU

Mersi Mr Chair. Mr Chair nou premye lamannman i ganny trouve lo Clause 2 anba *Interpretation*, nou pe get definition pou *international learner*. *LGB* in *flag* sa mo ‘residence’, ki in propoze ki nou ranplas li par ‘appropriate permission.’

Mon ti a kontan konnen si *panel* in aksepte silvouple?

MR SPEAKER

Minis avek *panel* parey labitid si zot annan okenn pwen ki zot krwar i bezwen reponn oubyen zot oule konteste, lev lanmen silvouple nou adrese, si non nou kontinyen lo bann *amendment* ki sirtou bann *amendment* ki zis sanz en mo - *rephrase*. Kontinyen Onorab Hoareau mon krwar nou ok.

HON JOHN HOAREAU

Ok nou, anba *interpretation* ankor nou lo Clause (4) (2) (j) i annan en comma ki devret ganny mete after ‘of’. Nou al pli devan lo (n) develop ‘a’ policy, so nou include the word ‘a’.

Nou al lo, mon pa konnen si i annan en pti fot *numbering* akoz la mon war i remet ankor 2 mon krwar i devret 3. Eski Mr

Pool i kapab, ok 3 i sipoze 3. Ok mersi.

So anba 3, 3(a) nou lo katriyem laliny nou *repeal the word ‘which would’ nou insert ‘to.’* Ok nou al lo (c) so 3 to (c) i vin en comma after ‘consult’ premye laliny.

Nou al lo (e), ‘collect any information’ nou insert ‘it considers appropriate.’ Apre lo dezyenm laliny after ‘functions’ nou retir ‘it considers appropriate.’ So nou *repeal ‘it considers appropriate.’*

Nou al lo 5(1)(b) anba powers of the Authority, so la nou pe *repeal*. Nou pe *repeal to* nou pe ranplas li par ‘with.’

Nou al lo Clause 6(3), nou pe *insert ‘or which’ after ‘who’*, so ‘a person or other entity who’ la i vin ‘or which.’

Nou al lo Clause 6(4) kot ‘after manner’ trwazyenm laliny nou *insert as - ok*.

Nou al lo Clause 8(5) ankor la i annan en pti comma ki ganny mete after ‘by’ lo katriyem laliny, nou al lo 8(6) Clause 8(6) nou after ‘shall’, the Minister shall nou remove oubyen nou *delete ‘also.’*

Nou al lo 8(9), dezyenm laliny nou *include ‘and’ nou retir ‘but’ after Board.*

Nou lo 10, lo Clause 10. A member may resign nou *include the word ‘from’,* lo son dezyenm

laliny after President nou *insert*, nou retir sa ‘full stop’ nou *insert* ‘and to the Board.’

Nou al lo 11, 11(b) on the member, so nou pe include the member after ‘on’.

Nou al lo Clause 13(3), nou include lo trwazyenm laliny, after the word ‘not permit’, nou include ‘the.’

Nou al lo Clause 13(4), lo premye laliny, nou *insert* en comma after writing lo premye laliny 13(4). Ok nou al lo 13(6) kot nou *repeal* the word ‘reasons’ zis apre any, lo dezyenm laliny.

MR SPEAKER

One second. Onorab Georges.

HON BERNARD GEORGES

Mersi Mr Chair. Mr Chair nou pe tir sa mo antye ouswa nou pe tir zis sa ‘s’ at the end?

MR SPEAKER

Klarifye Onorab Hoareau.

HON JOHN HOAREAU

Yes, Mr Speaker. Nou *repeal* the word ‘reasons’ pou nou *include* ‘reason’ savedir nou pe retir zis en ‘s.’

MR SPEAKER

That clear?

HON JOHN HOAREAU

Ok nou al lo 16(2) after the word Board i vin en comma.

Nou al lo 18(3) la nou pe flag ki akoz i annan en sum ki’n ganny mete lo en fine or not exceeding R20,000, nou pe suggest ki nou met li ‘as per level’ ki ganny define dan Scale of fines.

So mon, si mon pa tronpe i pou tonm level 2 of the Scales of fine non?

MR SPEAKER

Eski Mr Pool i kapab konfirm sa si ki i devret la?

<u>SENIOR DRAFTSPERSON</u>	<u>LEGAL VICTOR POOL</u>
-----------------------------------	---------------------------------

Yes, mersi Mr Chair. Wi nou'n agree avek sa *proposal* pou nou refer kot to the ki Standards of Scales Offences Act ki, e nou pou fer sa dan sa 3 landrwa kot tou sa bann lofans i aparet.

MR SPEAKER

Eski i bezwen mete ki nivo? What level Mr Pool?

<u>SENIOR DRAFTSPERSON</u>	<u>LEGAL VICTOR POOL</u>
-----------------------------------	---------------------------------

I pou vin level 2, i pou vin level 2 apre nou pou bezwen osi *insert* en lamannman dan seksyon 2 pou nou *define* sa Lalwa? Sa Standards of Scales?

So apre seksyon apropriye, apre definisyon apropriye dan seksyon 2 ki pou vin apre definisyon school inspection, nou pou insert *Standards of Scales means the Standards of Scales or fines for offences established under the Criminal Offence Standard of Scale Fines Act 2021.* Thank you.

MR SPEAKER

Mersi. Onorab Georges ou pe swiv sa bann size, ou ok? Wi Onorab Pillay?

HON SEBASTIEN PILLAY

Mon pe demann en presizyon, son referans i *Standards of Scales fines or Standard Scales fines?* *Standards Scales,* so napa en 'of', i annan en of dan milye? Mon'n tann ou dir of scales.

MR SPEAKER

Ok. Byen mon krwar nou'n ok la Onorab Hoareau ou kapab kontinyen.

HON JOHN HOAREAU

Anba part 4 'administration of the Authority' nou oule insert 'appointment of the' avan 'Chief Executive Officer.'

Nou al li 19(3) kot dezyenm laliny kot i dir Minister and as far as practicable, so

nou pe met '*as far as practicable the Minister shall make.*'

Nou al lo son laliny swivan after the 3 candidates la nou pou retir 'or repeal as far as practicable.'

MR SPEAKER

Onorab Pillay.

HON SEBASTIEN PILLAY

Yes, Mr Chairman. Mon annan en kestyon ki come up la at 23. Directions issued by the Minister. Usually the directions issued by the Minister is in relation to policy, (sorry.)

MR SPEAKER

Onorab Georges ou i pe klarifye keksoz?

HON BERNARD GEORGES

Sorry Mr Chair. Wi Mr Chair mon ti pe zis dir avek Onorab Leader Lopozisyon ki nou pa ankor ariv la nou ankor lo 19.

MR SPEAKER

Selman mon krwar ki nou'n terminen avek 19 la e nou'n ready to move on. Onorab Hoareau kot ou'n arive ou?

HON JOHN HOAREAU

Yes, Mr Speaker. Nou lo responsibilities of the Chief Executive officer. So nou insert the zis apre 19. Ok?

Nou kontinyen lo 21 (1) so dezyenm laliny nou *delete it after as apre nou replace li par the 'Chief Executive Officer.'*

Nou al 23 ...

MR SPEAKER

23 se la kot, Onorab Pillay ou ti pe fer referans avek ou? *Ok.* Les mon a les Onorab Hoareau pas son pwen avan apre nou a pran pou ou. Wi ou annan keksoz lo 23 ou Onorab Hoareau?

HON JOHN HOAREAU

Ok. Yes, Mr Speaker. 23 should read 'the Minister may', la apre nou annan 'issue directions,' so nou insert en comma after directions not inconsistent with the provisions of this Act, en comma after Act to the Authority as to the exercise nou retir 'of 'nou kit zis 'its powers or performance of its duties and the Authority shall give effect to such directions, direction sorry, direction with no 's.'

MR SPEAKER

Mersi panel i kapab tenir son komanter si i annan. Onorab Pillay wi.

HON SEBASTIEN PILLAY

Mersi Mr Chairman. Mr Chairman mon pe demann Minis pou klarifye *because this is a policy decision.* Sa Board i

sipoze kapab *regulate its own proceedings. And the SQA as it stands i en body ki en matriculation validation regulatory body.*

E all of these bodies zot annan en serten fonksyon, zot annan en serten lotonomi dan zot fonksyon. Be ler nou regard the wording of Clause 23, Clause 23 pe dir ki in the exercise of its powers Minis pou donn direksyon Lotorite.

I feel ki sa pe al an deor the spirit of kre en Lotorite pou li fer sa rol validation. So eski zot pare pou rekonsidere, akoz mon pa ganny en konpran ki why would the Minister be interacting with the powers of the Authority? I kapab donn li direksyon an sa ki konsern the overall Government Policy of the day but not in relation to its powers, its ability to react under its own Act.

Mon vwar sa koman en konsern e koman en konfizyon dan Lalwa kot nou'n donn sa Lotorite serten pouwar pou li regulate son prop proceedings e nou'n menm set en appeals Board apwente par Minis.

So mon santi poudir nou pe donn Minis bokou pouwar vizavi sa Lotorite pou li fer son fonksyon kan Minis, kan sa Lotorite i pou bezwen menm validate bann plan ki Minister

Ledikasyon i ganny drwa vin devan avek.

Mon *usually* dan bann Lalwa i relasyon avek *policy*. Mon pa konnen si i annan lezot manm ki annan lezot kontribisyon zot oule fer lo la.

MR SPEAKER

Mersi. Minis. Ou a kontan adrese?

MINISTER MARIE-CELINE ZIALOR

Mersi Mr Chair. I *Policy issue* li, akoz letan nou pe regarde dan sa *Act* ki deza la i ekrir preske parey li. I dir poudir ki Minister ki kapab *issue*. I parey ki petet kekfwa i ganny interprete koman *policy*, ladan i met *policy* nou kapab petet kekfwa konsidere ki i direksyon *policy*. *Thank you*, Mr Chair.

MR SPEAKER

Bills Committee oubyen lezot Manm i annan komanter lo la?

HON JOHN HOAREAU

Mr Speaker mon krwar poudir i annan osi nou pou bezwen relir sa fraz akoz sa, ler nou tir sa of i fer li en pti pe lir en pti pe mal. *'The Minister may issue direction not in consistent with the provision of this Act to the Authority.* Mon krwar la nou

pou bezwen tir 'as to exercise its powers.' Ok.

MR SPEAKER

Eski -? Sorry ale kontinyen Onorab.

HON JOHN HOAREAU

Ok.

MR SPEAKER

Non, nou ankor lo la, la. Eski, i pou satisfer Onorab Pillay si sa *wording* i vin 'the Minister may issue policy directions?' Koumsa i fer kler ki Minis i reste lo nivo *policy* plito ki *operational directions*. Zis en sizesyon, petet mon pa konnen si Mr Pool oubyen Minis i kapab kontinyen adres *final wording*?

<u>SENIOR DRAFTSPERSON</u>	<u>LEGAL VICTOR POOL</u>
-----------------------------------	---------------------------------

Ok thank you Mr Chair. Bon i annan en bon pe Lalwa osi i fer menm kalite provizyon. Par egzanp si nou pran SMSE *Act* i annan menm provizyon. I pa koz lo *issue* Polisi i koz lo *issue direction* lo son fonksyon menm.

E vi ki dan sa premye Lalwa osi i parey nou pa'n vreman war, nou pa'n pran latansyon pou nou al zwe avek oubyen a sanze, me nou stand

to be guarded by the House lo ki mannyer zot anvi ale ek sa.

MR SPEAKER

Tre byen. Yes Onorab Pillay.

HON SEBASTIEN PILLAY

Mersi Mr Chairman. Mr Chairman *from sizyenm Lasanble onwards e petet towards the end of senkyenm Lasanble*, ti komans annan en konsern lo rol ki Minis i zwe an relasyon ek en *body* ki nou etablir li anba son prop *seal*, anba son prop abilite pou fer son desizyon.

E enn bann fot ki nou ti fer, ki ti ganny fer dan lepase par egzantp avek SAA par egzantp, SAA ti ganny kree koman en *body* otonom be nou ti *lop-in* en *Clause* ladan ki ti fer li *subject to policy, not policy directives but to the direction of the Minister*.

So ou donn li en manda pou li fonksyonnen *and then* ou retir sa manda pou li fonksyonnen e prezan i pe *rely* lo Minis. So ou *end-up* avek en sityasyon petet sa enn Minis pa pou fer, en lot Minis i riske fer. Akoz *the micro management of an organisation* i fer li vin pli, i pa fer li vin efikas.

Akoz oule ki sa bann dimoun ki pe run sa lorganizasyon i fer li dan en

fason pli efikas. Mwan mon sizere ki nou entrodwir *the directives on relation to policy not in relation to the powers of the Authority*. Akoz en Lotorite i annan en - dan en konteks kalifikasyon dan en pei i pa parey nenport ki Lotorite sa. I vreman, vreman enportan e son *say so*, i deside si ou pou kontinyen fer keksoz or ou pou arete.

Now si sa Lotorite pa kapab challenge menm Minister Ledikasyon ler keksoz Minister Ledikasyon pe al an deor, you see it creates another problem la. Akoz menm Minister Ledikasyon pou bezwen al appeal to the Appellate's body, menm malgre Appellate body i ganny kree par Minis.

So mon santi poudir sa ki ou'n, sa ki'n ganny propoze in regards to policy i water li down en pti git e i fer li pli palatable.

Mon pa konnen ki - mon pa'n anmenn en propozisyon lamannman. Mon pa kapab move li as en propozisyon lamannman me mon pa krwar i annan moman sibstansyel dan lespri ki Lalwa in ganny kree, pou nou kre en Lotorite ki annan en fonksyon quasi otonom.

Mon pa'n dir pou antyerman otonom me pou

quasi otonom. Mersi Mr Chairman.

MR SPEAKER

Ok mersi. Petet Onorab Georges i kapab prezant en kote.

HON BERNARD GEORGES

Well oubyen konfiz keksoz en pe plis Mr Speaker, mon krwar ki sa pwen i en pwen enportan sirtou ler nou regard Lalwa avan ki ti annan sa mo ‘policy.’ Mwan mon krwar ki akoz nou pou vvar sa en kantite, i pou, it’s a recurring issue.

E sa ki mon ti ava, sa ki mon ti ava prefere se ki olye nou, nou tinker avek sa bann Lalwa isi san ki nou annan en holistic view lo kisia ki lentansyon L’Egzekitiv, sa ki mon ti ava demande - epi nou a retourn lo sa enn, sa ki mon vi ava demande se demann avek Minis ki i asiz dan Cabinet to take this issue up as a general point pou regarde ki, what is the thinking of Cabinet.

What is the thinking of the actual administration lo relasyon ant en parent Minister avek en Lazans tel parey oubyen en Lotorite tel parey sa enn, so that nou annan menm lide ki pou permeate dan tou sa bann Lalwa.

An sa ki konsern sa enn an partikilye, mon ti pe al en pti

pe dan ou direksyon Mr Chair. Swa nou limit li to policy directions or dan dernyen laliny si nou pa limit li to policy directions nou donn en way out as it were to sa Lotorite e nou dir li; “shall, so far as his practicable, give effect to those directions.”

Alor i donn zot at least en sans akoz ‘shall’ i mandatwar. Si nou met ‘may’ zot kapab inyor sa ki Minis pe diriz zot and that’s not the intention. Me kekfwa zot ava anvi annan en choice in the matter, alor nou kapab servi sa, sa prosedir, sa model. Mon fer sa 2 propozisyon avek Lasamble. Mersi.

MR SPEAKER

Me nou a demande si panel i vvar enn sa bann sizesyon ki consistent avek the intention of this Clause. Minis oubyen Mr Pool. Wi Minis.

MINISTER MARIE-CELINE ZIALOR

Wi. Mersi Mr Chair. Mwan mon pa war okenn difikilte avek sa sizesyon dezyenm sizesyon ki en pti pe parey sa ki LGB in met devan, ki en pe parey sa ki mon ti pe dir sa zafer policy. E ki Leader of the Opposition osi i a pe fer. Sa ki mon kapab dir se

ki i annan - pa pou iniversel
akoz diferan Minister i diferan.

E bann diferan Lotorite
ouswa Konsey son bann
fonksyonnman i pou diferan i
pou annan en diferan stratezi.

Pou sa enn ki la mon pe
konsilte avek Mr Domingue
obor mwan, i dir mwan napa
okenn difikilte pou nou adopte
swa sa enn dezyenm
propozisyon *LGB*, ouswa sa ki
mon ti'n dir oparavan met sa
mo '*policy direction*' ladan. An
sa ki konsern SQA prenon kont
sa konsern ki *Leader Lopozisyon in raise*.

Mon pa konnen si mon'n
fer kler ouswa parey *LGB* in dir
mon'n konfiz plis. Mersi.

MR SPEAKER

Ok nou a sey terminen. Onorab
Pillay silvouple wi.

HON SEBASTIEN PILLAY

Wi Mr Speaker mon krwar nou
ava sey terminen, mon vvar
poudir lo kote Gouvernman zot
annan en *reluctance* pour
annan en *curtailing of* sa
pouvwar pou enfliyans *powers of the Authority*.

Mon pa krwar ki kre en
small proviso towards the end as far as practicable, pou fer en
diferans akoz mon referans i
avek *the powers of the Authority*.

*And that's different from
the policy. This is the powers,
this is the operational functions
ki ou'n rightly say. So Mr
Speaker mon ava concede e
mon ava les sa Clause as it is.
Gouvernman in fer son
desizyon kler e mon pa pou
push ki nou annan en
lamannman sof ki we shall see
at the end how it pans out.*

Si lentere sete pou donn
nou en SQA ki modern, *we should have stuck to policy*. Be
si lentere se pou nou gard SQA
parey i ete, *then* mon ava les
Gouvernman *move* dan
direksyon ki i anvi. Mon
apresye zefor Onorab Georges
pou prezant en solisyon.

E mon santi son solisyon
pou anpay nou en pti pe plis ki
sa enn ki mon pe propoze. So,
mon ava concede mon pwen Mr
Chairman, e mon ava avek ou
permisyon les Lasanble
kontinyen son konsiderasyon.

MR SPEAKER

Nou a les, bon nou ava aksepte
sa *wording* ki la, e Onorab
Hoareau i a kontinyen.

HON JOHN HOAREAU

Ok mersi. Nou ava al lo 24(1) (a).
E la nou pe *insert 'under the appropriate Act' after the word 'National Assembly.'*

Nou al lo 25(3), mon pou lir ki mannyer i devret ganny ekrir; “*the accounts of the Authority shall be audited.*” Prezan nou tir, nou *repeal* “*not later than 31st of each year after the end of each financial year.*” So sa i ganny retire.

Nou kontinyen, “*by the Auditor General in accordance with Article 158 of the Constitution.*” Ok.

Prezan nou pe *insert* en new subsection 4, sa subsection i lir koumsa; “*Where the accounts where the statements of accounts of the Authority in respect of a financial year, have been audited by the Auditor General, the Authority shall not later than 3 months after the end of the financial year submit to the Minister responsible for Finance, a copy of the audited statement of the Authority.*”

Nou al lo 26.

MR SPEAKER

One second, sa i en keksoz en pe extensive, panel napa okenn komanter non? Ok, kontinyen Onorab Hoareau.

HON JOHN HOAREAU

Nou al lo 26(1).

MR SPEAKER

Un instant, Onorab Georges i oule fer komanter.

HON BERNARD GEORGES

En pti pwen Mr Speaker. *In the interest of this closure, Minister responsible for Finance, Finance i pran en pti ‘f’ e non pa en capital ‘F.’ Mersi.*

MR SPEAKER

Byen. Kontinyen Onorab Hoareau.

HON JOHN HOAREAU

26(1), dezyenm laliny ‘*the Authority shall within three months of completion of the audit of its accounts,*’ ok. So nou *insert* en ‘s’ avek ‘account.’

Nou al lo 28, *after liability, first line nou insert a comma.*

Nou al lo 29, *ankor en comma 29(1) en comma after ‘Authority.’ La i annan en issue about the word structure anba 29(2)(b). So whether the representative of the AG should advise us of the apostrophe si i devret feature akoz nou pa vvar li dan nou draft.*

MR SPEAKER

Yes Mr Pool.

SENIOR

DRAFTSPERSON

POOL

LEGAL

VICTOR

Thank you Mr Chair. Wi nou devret delete sa - mon pa ni menm konnen si i en, mon

krwar in vini dan *preparation of Gazette* sa. I pa devret la, nou devret tire. *Thank you.*

HON JOHN HOAREAU

Ok, Thank you. Ok, nou al lo h, 29(h) ‘the form, and manner of ‘nou insert ‘the’ statement. So avan ‘statement’ i vin ‘the.’

Nou al lo 29(k) nou annan en *comma after equivalence lo second line.*

Nou al lo 30(2) *after the word ‘shall’ first sentence nou repeal constitute nou met ‘comprise.’ Apre lo second line.*

MR SPEAKER

Un instant, wi Onorab Pillay.

HON SEBASTIEN PILLAY

Yes, Mr Chairman. Mr Chairman an relasyon ek 30 mon pa konnen si Onorab Hoareau i annan lentansyon *go through all the Clause, si zot in pick up.*

Me ler zot fer referans avek sa *Appeals Committee* ki ganny *constituted* ankor enn fwa par Minis, premyerman al avan Mr Chairman pou *relate* sa avek pwen ki mon'n fer *previously.* So, Minis i donn direktiv sa Lotorite an sa ki konsern son pouvwar, Minis i kre *Appeals Committee* ki pou konsider *appeals* kont sa Lotorite.

E mon ti a kontan dan sa ki, spesifikman *regarding this section* i pa dir ki mannyer sa chairperson or Vice-Chairperson sa Appeals Committee pou ganny apwente.

Mon pa konnen si i ganny dir en lot landrwa me mon pa vwar li la dan sa *Clause.* So petet mon pa konnen si *Bills Committee* i annan en keksoz ki zot in war lo la, e mon ti oule refer en lot pwen *regarding Appeals Committee* apre sa kestyon i ganny reponn Mr Chairman avek ou permisyon.

MR SPEAKER

So, Appointment of Chairperson ou pe rode la en?

HON SEBASTIEN PILLAY

Yes.

MR SPEAKER

Bills Committee oubyen panel i annan en komanter?

<u>SENIOR DRAFTSPERSON</u>	<u>LEGAL VICTOR POOL</u>
-----------------------------------	---------------------------------

*Ok. Mersi Mr Chair. I vre ki nou pa'n spesifye *the appointment of the Chairman.* Selman mon panse se ki Minis li menm ki li ler i pou fer son lapwentman, i pou bezwen *designate* oubyen idantifye lekel ki *Chairman* e lekel ki *Manm.* I dan son*

pouvwar okenn pou li dan lapwentman pou li kapab idantifye zot *as such*.

MR SPEAKER

Ok. Onorab Pillay ou pa satisfe avek sa?

HON SEBASTIEN PILLAY

Mr Chairman Konstitisyon i kler lo la Mr Pool. En Lezislasyon i bezwen kler dan son lentansyon. Ou pa kapab les li *hanging* ki mannyer en *Chairman or Chairperson of an Appeal, this is an Appeals Committee.*

Pran par egzanp mwan ek Onorab Arissol nou deside ouver en *Training Institution*, nou tou ler nou annan leksperyans dan ledikasyon, *ok?* Nou anvoy nou bann programm kot SQA e SQA i dir nou non, *then* nou bezwen *appeal*, nou *appeal to* sa *Appeals Committee* *ok*. Sa i prosedir.

Me sa *Appeals Committee* dan son Konstitisyon mwan ek li nou bezwen kler lekel ki'n konstitye li, lekel ki sipoze ansarz e ki nou pe fer referans avek. I pa kapab ganny *left hanging* ki Minis ava deside, oubyen si sa bann dimoun zot menm pou apwent en Chairperson antre zot. *It has to be clear because this is the*

Appellate body this is the body where sa dimoun ki agrees of a decision i vin devan pou li kapab ganny en rekour.

So it has to be set out dan Lalwa parey dan tou landrwa dan bann Lalwa lekel ki pou ansarz sa Appellate body.

E zis pou fer referans Mr Chair mon krwar ou pou apresye sa koman en *former* edikater, sa *Appeals Board* i menm kapab konsider en *appeal for Minister Ledikasyon*. Akoz si nou swiv pli ba menm Minister Ledikasyon akoz i annan lekol i dir ou *school, any school* sa.

Menm Minister Ledikasyon i *subject to the powers of this Authority*, me selman mon repet ankor enn fwa nou'n fer Minis donn direktiv Lotorite an sa ki konsern son pouvwar.

So mwan mon sizere ki i bezwen annan en *Clause* kler ki dir lekel ki apwent sa *Chairperson Lotorite*. Si lentansyon i Minis *then* nou *include* sa *Clause*, mon pa war i koman en *substantial amendment* i zis en lamannman pou fer Lalwa vin pli kler.

MR SPEAKER

Panel. Any further comments?

<u>SENIOR DRAFTSPERSON</u>	<u>LEGAL VICTOR POOL</u>
-----------------------------------	---------------------------------

Ok. Mr Chair. Parey mon'n dir si Lasanble i vwar i neseser pou nou azout en *Clause* ki pou spesifye, nou napa problem e nou aksepte *ok*?

MR SPEAKER

Eski Onorab Georges ou gete si i annan en *Clause* ki kapab ganny propoze la oubyen *what*?

HON BERNARD GEORGES

Yes, Mr Chair. Mon ti ava swete ki se mon koleg *Leader Lopozisyon* ki pe fer sa propozisyon, ki ti ava'n propoz en amannman avan oubyen ki ti ava propoz en amannman la devan Lasanble.

Me etandonnen ki in *raise* en pwen san propoz en amannman, mon kapab sizere ki dan *Clause 30(3)* *30 sub-Clause (3)* kot i met "*the Appeals Committee shall consist of a maximum of 5 members*, nou azout comma '*one of whom shall be appointed as Chairperson by the Minister*, comma '*with expertise in'* eksetera, eksetera, eksetera. Mersi.

MR SPEAKER

Panel Lasanble nou dakor avek sa propozisyon? So *panel* i *ok*?

<u>SENIOR DRAFTSPERSON</u>	<u>LEGAL VICTOR POOL</u>
-----------------------------------	---------------------------------

Yes, Mr Chair, *yes*.

MR SPEAKER

Mon krwar *panel* in dir si Lasanble i, so si Lasanble napa okenn obzeksyon nou kapab *adopt that*. Yes Onorab Pillay.

HON SEBASTIEN PILLAY

Mersi Mr Chairman. Mon oule remersi mon koleg *Leader Zafer Gouvernman* pou pran responsabilite, pou pran *Bill Gouvernman* pou fer vin en pti pe pli kler.

Mon napa problem ek sa lamannman. I en lamannman ki mon krwar i pa sibstansyel, me i *straightforward* zis pou fer sa Lalwa vin bokou pli kler. E anliny ek bann lezislasyon ki nou pase anba Konstitisyon. Mersi Mr Chairman.

MR SPEAKER

Thank you. Thank you. Onorab Hoareau ou kapab kontinyen.

HON JOHN HOAREAU

Ok, mersi Mr Speaker. Nou kontinyen lo *30(2)* parey mon dir '*decisions of the Authority shall*' nou *remove* '*constitute*' nou met '*comprise*', lo dezyenm laliny *after* '*set*' nou *insert the word 'out.'*

So 30(3) in ganny amande par *LGB*, nou a move on to 31(11) e sa in fini ganny agree par Mr Pool ki nou, ki pou met li lo *Scale of fines*.

MR SPEAKER

So la i dir 50mil taler ti dir 20mil e ler 20mil ti lo *level 2* eski nou reste lo *level 2*?

<u>SENIOR DRAFTSPERSON</u>	<u>LEGAL VICTOR POOL</u>
-----------------------------------	---------------------------------

Non, *level 3* Mr Chair. Thank you.

MR SPEAKER

Ok, please Onorab Georges ou pe note pour ... Yes Onorab Hoareau.

HON JOHN HOAREAU

Ok nou al lo 32(2)(a) kot nou tir en 's' avek *ask after 'any'*, so i met li dan *singular*. Pou 32(2)(b) *LGB* in *flag out* en keksoz avek dezyenm laliny, eski i ti a kapab eklersi nou lo la silvouple?

MR SPEAKER

Yes *LGB*.

HON BERNARD GEORGES

Mersi Mr Chair. *Very simple* mon pe propoze ki nou move sa comma apre *Act* e nou met li apre *shall* so that it reads, '*another revealed Act shall*, to

the extent that they are not in consistent with this Act.' Apre i kontinyen. Mersi.

MR SPEAKER

Thank you.

HON JOHN HOAREAU

Ok. Nou al lo 32(2)(c) ankor nou delete sa comma apre *Act*. Apre after the word '*repealed*'. Ok. Nou al lo dernyen laliny '*operation*' nou tir li *plural* nou met li *singular*.

Finalman Mr Speaker nou al lo dernyen *Clause 33*, so 33(1) ankor *LGB* in *flag out* poudir nou akoz nou pa retir sa mo ok, why do we use *movable property rather than*, akoz nou pe restrict li to *movable rather than movable and immovable property*?

MR SPEAKER

So what propozisyon se ki pour azout *immovable*? *LGB* ou ki ti soz sa oule lir *wording* ki ou pe propoze la?

HON BERNARD GEORGES

Mersi Mr Chair. Mr Chair mon kestyon in vin akoz la i met zis *all movable property me in the next sub-Clause i immovable and movable*.

Alor mon ti anvi en sertern consistency unless i annan en rezon akoz nou pe restrict 33(1)

to movable, mon ti ava propoze ki nou servi menm langaz. ‘So all immovable and movable property invested,’ eksetera.

MR SPEAKER

Panel Accepted, Onorab Georges.

HON JOHN HOAREAU

Mr Chair sa ti dernyen lamannman lo sa *Bill*. Mersi.

MR SPEAKER

Mersi. Lasanble napa okenn lo klarifikasyon? Tre byen nou a pas dan Staz Lasanble pou terminen. E *LGB* i a kapab anmenn Mosyon pou *Third Reading*.

HON BERNARD GEORGES

Mersi Mr Speaker. Mr Speaker anba *Order 76(1)* mon move ki *The Seychelles Qualifications Bill, 2021 as amended* i ganny lir en Trwazyenm Fwa. Mersi.

MR SPEAKER

Mon a ganny segonnman pou sa Mosyon. Onorab Arissol.

HON SANDY ARISSOL

Mersi Mr Chair. Mon pe segonn Mosyon e *Bill as amended* prezante par Onorab Georges. Mersi.

MR SPEAKER

Mersi. Manm a vot lo Mosyon for *Third Reading*. Manm ki an faver lev lanmen silvouple? Thank you. Okenn manm ki kont?

Mersi Madanm Clerk. Lo *Formal Third Reading of the Seychelles Qualifications Authority Bill, 2021 as amended* 28 Manm in vot pour, 0 kont e 1 abstansyon. Alor *Bill* in aprouve lo *Third Reading*. E Madanm Clerk i a fer *Third Reading*.

MADAM CLERK

Mersi Mr Speaker. *This Act may be cited as a Seychelles Qualifications Authority Act, 2021 and shall come into operation on such date as a President may, by notice in the Gazette, appoint.* Mersi Mr Speaker.

MR SPEAKER

Mersi Madanm Clerk. Alor mon deklare ki sa *Bill* in aprouve par Lasanble. Madanm Clerk ekliersi mwan si nou *next panel* i pare pou ante dan lasal si zot pou la? Ok.

Mersi antretan madanm Raporter ou kapab tyeke si nou *next panel* i la, antretan mon a dir orevwar Mr Domingue e Mr Pool e Minis pou reste avek nou si son lot, wi si son lot *panel* i la, mersi e bonn rantre. Nou a

pran en *break teknik* pou en pti moman pou permet *sanitising*.

(*technical break*)

MR SPEAKER

Byen nou a reprean *sitting silvouple*. Bon nou swet la byenveni nouveau *panel* ki pou zwenn nou pou *Seychelles National Youth Council (Amendment) Bill 2021*.

E sa i Ms Penny Belmont, son *Chief Executive Officer* e Ms Amelie Nourrice *Legal Draftsperson* dan AG's Office. E nou a komans lo sa *Bill* avek Mosyon pou *Second Reading*. Onorab Georges.

HON BERNARD GEORGES

Mersi Mr Speaker. Bonzour Miss Belmont e *legal draftsperson*. Mr Speaker anba *Order 69 (2)* nou *Standing Orders* mon move ki *The Seychelles National Youth Council (Amendment) Bill, 2021* i ganny lir en Dezyenm Fwa. Mersi.

MR SPEAKER

Mon a ganny segonnman lo san Mosyon silvouple? Onorab Naidu, non Onorab Roucou. Sorry.

HON MICHEL ROUCOU

Bonzour Mr Speaker. Bonzour a tous tou dimoun i pe ekout nou dan lakour. Bonzour Minis avek ou delegasyon. Mr Speaker Mosyon i ganny segonde.

MR SPEAKER

Mersi. Minis mon apel ou pou fer lentrodiksyon sa *Bill*.

MINISTER MARIE-CELINE ZIALOR

Mersi Mr Speaker. An liny ek nouveau restriktirasyon bann differan antite, Gouvernman in deside pou dizourd serten *Board* ki ti govern bann differan antite e met zot anba responsabilite bann, Minis konsernen. Konsey Nasional Lazenès i enn parmi bann antite.

Mr Speaker Lalwa ki Gouvernans Konsey Nasional Lazenès ki ti etablir an 1997, ti fer provizyon pou kreasyon Konsey Nasional Lazenès son konpozisyon e son bann fonksyon. Manda e fonksyon sa konsey an zeneral se pou promouwwar developman lazènes e adres bann size ki konserne ouswa afekte zot.

Anba sa Lalwa se en *Board* ki responsab Gouvernans e ladministrasyon sa Konsey. Sa Prozedlwa ki nou pe anmennen ozordi i propoz en lamannman avek sa Lalwa, pou retir bann

provizyon konsernan *Board* sa Konsey. Sa Prozedlwa i propoze pour fer sanzman dan seksyon 6 sa Lalwa i pe osi propoze ki nou re tir seksyon 8 konpletman e amann seksyon 7.

Pour note Konsey Nasyonal Lazenes i annan bann differan fonksyon pou asiste dan formilasyon e revizyon Polisi Nasyonal pou lazunes enkilke dan lazunes Seselwa en lespri patriyotik, linite, disiplin, respe, konprenezon, korperasyon e larmoni. Organiz e enplimant programm aktivite ki kontribye dan laspe moral, kiltirel, edikasyonnel, lekonomi lar, lekonomi, lar e devlopman fizik bann zenn.

Mentenir e ranforsi prensip demokrasi e volontarya dan bann mouvman lazunes, kolabor avek bann lorganizasyon enternasyonal pou lazunes, pou promouvwar konprenezon e korperasyon enternasyonal;

E pou fourni e ofer platform pou dyalog ant bann platform ek Gouvernman lo bann size ki konsern lazunes.

Mr Speaker letan mon ti antre dan lofis, deza in fer 1an lannen pase, i ti deza annan en Prozedlwa ki ti'n ganny prepare pou amann ki mannyer *Board* i ganny apwente. Avan ler nou ti

antre dan lofis, ti deza annan konsern lo *Board* e lo nesesite si bezwen en *Board*.

E sa bann konsern ti sorti kot bann zenn prensipalman apre ki Departman Lazenes ansanm avek Konsey ti'n fer serten resers. E avek bann restriktirasyon ki pe fer avek fonksyonnan Konsey e lafason ki zot pe *operate*, nou'n tonm lo en konklizyon pou nou retir sa *Board* antyerman, dan plas zis lanmenm lamannman lo Konstitisyon lo ki mannyer sa *Board* i ganny apwente.

Nou konsern ki letan nou ti pe fer sa, se sa bann desizyon sete ki fason nou a kapab garanti partisipasyon bann zenn dan fonksyon e aktivite Konsey parey Lalwa i demande. E nou annan konfidans nou tre konfidan vin la devan Lasanble ozordi pou dir sa in ganny fer.

E sa bann sanzman dan loperasyon ki mannyer Konsey i a pe komans fonksyonnen preznan travay ki ankor pe kontinyen ki nou garanti partisipasyon Lazenes Seselwa e plis ankor partisipasyon lo bann size ki konsern lazunes.

E avek sa Mr Speaker mon ti a kontan demann Lasanble pou siport sa lamannman e sa Prozedlwa. Mersi bokou.

MR SPEAKER

Mersi. Nou a pran deba lo sa Bill silvouple. *Un instant* tenir lanmen anler. Byen, le mon a repas lo mon lalis en pti moman silvouple zis pou verifye.

Mon annan Onorab Henrie, Esparon, Roucou, Naidu, Samynadin, Bastienne, Loze, Cosgrow, Vidot, e Aglae. Wi *Leader Lopozisyon*, Onorab William osi, ok?

Tre byen mon annan en long lalis alor mon pou envit zot fer zot entrevansyon osi kourt ki posib e nou ava gard limit maksimonm 10 Minit.

Byen mon a komans dan kote isi avek Onorab Samynadin.

HON KELLY SAMYNADIN

Mersi Mr Speaker. Bonzour Minis avek ou delegasyon. Tou mon bann koleg Onorab. Mr Speaker koman en Manm Komite MYCC ki enn nou manda i pou port *oversight* lo portfolyo lazernes. Mon santi ki mon oblize pou ozordi dir 2 pti mo lo sa lamannman *Bill Konsey Nasyonal* pou Lazenes.

SNYC i en *organ* legal e endepandan ki annan manda pou premyerman promot partisipasyon aktiv bann zenn dan la kominote e dan bann program e proze Nasyonal.

Dezyenmman SNYC in ganny mandate pou asiste bann

zenn pou kapab fer fas avek bann diferan *challenges* dan zot kotidyen. E trwazyenmman pou valoriz lakonplisman ek sikse bann zenn e dekre bann diferan loportinite anver sot lepanouisman; ankouraz zefor kolektiv tou bann *stakeholders*. E anfen ankouraze ki bann zenn i pran *ownership* bann programm vize ver zot.

Mr Speaker pou admet ki wi, in annan plizyer lakonplisman par SNYC e en legzanp se kreasyon en Lasanble Nasyonal pou nou bann zenn - en platform kot zot kapab anmenn en konsern bann lezot zenn dan zot distrik respektif devan, atraver bann Mosyon e serten in menm ganny pran an konsiderasyon e materyalize.

En legzanp se kreasyon *semi-orphan* e *orphan benefits* ki ti en Mosyon anmennen par *Miss Seychelles (Ms Kelly Anette)* letan ki li osi i ti en Manm sa Lasanble, sa menm Lasanble. Me parkont Mr Speaker koman en dimoun ki travay tre pre ek bann zenn dan mon distrik, mon ti a voudre war rol e fonksyon sa SNYA i ganny amplifie.

Apre ki mon koz avek serten Manm sa Lasanble aktyel, zot in eksplik mwan ki zot santi ki pa tou Mosyon ki zot

aprouve, oubyen pwen ki zot anmenn devan ki ganny neseserman ganny pran konsiderasyon.

Dan sa ka mon ti apresye si Minis dan son repons lo bann deba lo sa *Bill*, si i ti kapab elabor lo rol Lasanble Nasyonal pou bann zenn, vizavi sa novo restriktirasyon, vi ki zot fonksyonnman aktyel e direktiv i sorti kot sef Egzekitiv SNYC li menm.

E la anvi ki se Minis ki pou pe aprouv tou bann fonksyon Konsey, eski pou annan okenn sanzman dan fonksyonnman konpozisyon e manda bann Manm SNYA?

Mon lot pwen konsern se an sa ki konsernan bann *District Youth Committees*. Mon ti pou osi apresye konnen atraver Minis si pou annan okenn sanzman dan zot fonksyonnman zot osi, akoz parey i leka se plizoumwen Lotorite Distrik kot pe drive sa bann komite dan zot bann aktivite byensir anba gidans SNYC.

Me mon santi ki nou koman Lotorite Distrik nou devret kapab annan en pti pe plis lotonomi an sa ki konsern zesyon nou bann DYC.

Parey Minis in deza dir dan sa Lasanble ki se Lotorite Distrik ki devret pe pran

ownership zot bann DYC. Dan mon distrik Au Cap mon komite pe fonksyonn byen e sa bann zenn i en regroupman dinamik ki'n pare pou travay avek mwan dan bann diferan proze ek aktivite.

E mon garanti ki lenterferans politik pa en lobstak e zot travay tre kordinen, akoz pa tou nou bann manm ki neseserman partaz menm pwennvi.

Avek sa 2 pti pwen Mr Speaker mon pe garanti mon sipor anver sa *Bill* avek lesparwa ki sa novo restriktirasyon i ava enn ki pli prometan, e ki lesparwa e lenspirasyon nou bann zenn i ava enn ki pou lo en novo lanpler. Mersi.

MR SPEAKER

Mersi Onorab. Nou a pran Onorab Aglae.

HON EGBERT AGLAE

Mersi Mr Speaker. Bonn apre midi Minis ek CEO. Mr Speaker sa *Bill* ki devan nou i swiv desizyon ki Gouvernman in pran pou li retir bann *Board*, serten *Board* sirtou parey pou SNYC. E ozordi nou bezwen anmenn en lamannman pou kapab aranz lo son konteks legal, stati legal SNYC.

E pour mwan sa Mr Speaker, mon pou bezwen pe

demann Minis baze lo son lentervansyon ki in fer serten klarifikasyon premyerman lo lafason e lavenir SNYC li menm, ki enportan.

Akoz mon osi mon'n form parti bann group lazernes dan lepase e osi koman en Manm Lasamble mon zwenn bokou zenn tanzantan ki koze ki eksprim zot bann konsern. E de la i bezwen annan benn aksyon baze lo zot bann rekomandasyon ki fer ki swiv.

En eleman ki Minis in nonmen se kre en platform. Nou tou nou konnen poudir zenn i pli alez pou eksprim son konsern, pou met son bann pwennvi, met zot laspirasyon dan bann *forum* ki zenn menm i fer, kot i annan bann zenn parmi zot ki i pe *lead the forum* li menm e la zot kapab santi zot pli alez.

E ler mon get la fason ki ladministrasyon sirtou keksoz i tonm anba ou Minis, e mon konnen poudir petet pa bokou zenn ki pou ganny sans war ou pou vin koz ek ou, pou dir ou sa ki zot oule ouswa kot CEO menm kot Konsey menm petet dan en fason.

So petet Minis eklersi mwan petet ki kalite platform zot pe mazin vin avek ki fer pli fasil, pli relevans pou bann zenn kapab *voice* zot

laspirasyon, zot bann swe, zot bann *wish*, zot bann defi, zot bann konsern ki zot pe fer fas avek dan en fason pou ed zot epanouir e devlope e vin pli prodktif dan zot zenes li menm.

Mon konnen i annan en eleman lo labaz distrik ki pe ganny met an mars, me ki pa ankor, akoz mwan osi mon ankor pe espere mon ankor pe gete. Mon pa ankor petet war sa lalimyer *at the end of the tunnel* kot i konsern lavenir SNYC li menm.

So i bann keksoz ki fer mwan reflesir li la, an menm tan ki i annan bann travayer kot SNYC ki pran kontak avek nou dan distrik, pou donn zot en koudmen. Nou war poudir zot annan serten defayans e nou ki nou annan zenn dan nou distrik nou la pou *extend a helping hand* pou sey ede nou osi.

Me selman pou nou ede, nou ti a kontan kler konmsi a labaz zeneral Nasyonal lo ki mannyer kote ki nou pe ale avek nou lazernes. En lot eleman ki mon pou touse ladan se sa ki zot, zot rapel anba SNYC sa *youth engagement* angaz bann zenn san get okenn larelizyon an apartenans politik zot kouler, ras, tousala. Mon krwar in ariv moman letan pou nou osi a latet, a latet nou bann

lenstitisyon ki annan pou fer ek lazences vwar bann lazences professyonnel osi pe *take ownership*.

Dan sa domenn li menm li. E la pou mwan mon a dir be nou pe bouz dan bann direksyon ki mon pe vwar laklerte. Menm atraver bann lezot Departman kot i annan bann *Board* osi ki ankor an egzistan mon krwar ladministrasyon i bezwen enkli en konponan lazences, sirtou ki annan bann desizyon ki kapab annan lenpak.

Akoz souvandfwa desizyon i ganny er lo en nivo pli o e ki fer mwan mazin en pe parey lo nivo SADC kot lavwa zenn pa neseserman pe ganny tande, akoz sirtou si ou pou kalkil politisyen ki pran bann desizyon direksyon, se bokou bann dimoun pli aze dan li menm.

E ou vwar poudir zot ki laba anba sa bann lazences zot lavwa pa ganny arive laba anler ouswa pa ganny ekoute laba anler. Me si nou sanz en pti gin lankadreman ladministrasyon dan li menm, kot in kapab ganny fer pou fer antre sa eleman parey mon koleg Onorab Churchill i kontan lager pou Praslin ek Zil Pros pou kapab annan bann reprezentasyon.

I annan rezon akoz i fer sa. Kot ou annan en lawwa pa pou rezon politik ouswa pou rezon akoz li ki la, akoz demann i kapab reservi en lot ki pou vini i pa neseserman dan sa menm kote.

So tousala Mr Speaker nou bezwen sitye nou byen avek sa lazences, akoz i dinamik e lazences osi li ki fitir zenerasyon, li ki pou asir la relev nou bezwen pran sa konteks direksyon lenfliyans anmenn li ansanm avek zot, e la pou a war sa kalite sanzman ki mon krwar pep ti ava swete vwar.

Avek sa mon pou donn sipor Mr Speaker Konsey Lazenes li menm li pou son travay ki i annan pou fer. Akoz mon annan zenn dan mon distrik. Me selman Mr Speaker mon ti vot kont pou retir sa *Board*, ki fer ki mon pa pou kapab donn sipor sa lamannman dan li menm pe vini akoz i pou kontredir sa prensip ki mwan mon mete. Mr Speaker. Mersi.

MR SPEAKER

Mersi Onorab. Onorab Naidu.

HON SATHYA NAIDU

Bonn apre midi Mr Speaker. Bonn apre midi Minis ek ou delegasyon. Bonn apre midi tou koleg Onorab.

Bann zenn i devret ganny regarde koman bann dirizan ozordi e non, pa demen. Fodre ki nou sanz nou *mindset*, SNYC in an egzistans pou apepre 23an kestyon se eski sa Konsey in vreman nobou akonpli son manda?

Minis pli boner dan son manda ti'n souliny a SNYC e annefe *The National Youth Policy* i en Polisi ki vreman zoli, ki vreman atiran ki vreman reflekte la realite sityasyon laba deor, me Gouvernman presedan sa ki zot in vreman bon lo la se von avek bann Polisi.

Me lenplimantasyon mon pa'n vreman kapab fer le neseser. E mwan mon santi nou Gouvernman dizour i pou bezwen travay dir pou asir ki tou sa ki dan sa Polisi i ganny enplimante. E nou bezwen regard en kou parey mon koleg Onorab Samynadin in fer resorti lo son kote bann DYCs, lo son kote son *DYC* pe fonksyonn byen me tandis ki St Louis pa'n neseserman le ka.

Mwan mon ti'n ganny enformen en kou ki en *DYC* in fini formen apre mon ti'n ganny entrodwir avek ba manm kot en eleksyon ti'n ganny fer ant zot menm, ant zot 6 annefe. E mon swe se ki lo kote bann DYCs i annan en kriter byen kler,

defini pou asire ki i annan lezot zenn ki ganny sa loportinite ki kapab vin *onboard*.

Kot i annan en prosesis demokratik zot, zot a fer en lanons donn en zour spesifik zot, zot a vin partisipe, zot, zot a desann pou zot osi kapab ganny en sans pou kontribye ver distrik. E Onorab ki ti'n koz avan mwan ti'n fer resorti konmkwa ki *District Team Committees* i en konsep ki nouvo.

Pa neseserman leka in la pou plizer lannen. Mon pa konnen si in vreman travay ek sa komite ki'n dan son distrik me tandis ki lepase i kler ki'n annan lenterferans politik. E ler nou pe koz lenterferans politik, mon bezwen dir lo size SNYA wi in annan serten lakonplisman ankor enn fwa parey mon koleg Onorab Samynadin in met devan.

Me annefe 6an pase mon ti'n soumet apepre 20 rekomandasyon a sa letan mon krwar Minis ti Minis Macsuzy Mondon e annefe mon ti'n soumet sa rekomandasyon dan son lanmen e i sagrinan ki *none of which was taken onboard*. E rekomandasyon annefe ti anliny avek *the UK Youth Parliament*.

E fodre ki nou fer SNYA vin en kantite bokou pli

demokratik kot nou pe promouvwar bann valer a en tre zennaz kot *the right to vote* i ganny promouvwar dan en laz tre boner. E dan UK, *Youth Parliament* depi a laz 11an zot komans enkilke sa valer e dan Sesel si ou regard *the voter turnout*.

Mwan mon pe al, personnelman mon pa satisfer mon pe regard *voter turnout* akoz nou en pti pei e fodre ki *we should be in the 98percent in terms of voter turnout*. Be i pa neseserman leka be kekfwa si nou komans dir *the right to vote from a very young age* - pa zis ler i annan eleksyon. Me nou komans enkilke sa valer a en tre zennaz mon krwar nou pou kapab nou ver en bon direksyon.

E wi enn bann eleman kle ouswa lamannman ki pe ganny propoze se sa *Board* i pe ganny tire. Dapre mon konprenezon *Board* i ti'n ganny etablir apre en eleksyon ki ganny fer ant bann Manm. Me mon konnen Onorab Zialor i ti en *Board Member*. E mon ti'n ganny en pti dyalog avek li e i ti'n partaze poudir ki menm si i ti lo *Board* koman en zenn, i ti'n soumet son bann propozisyon zanmen i ti'n ganny pran kont.

Annefe mon conn 2 Manm *Board* dan sa dernyen *Board* ki

ti la, ki zot osi zot in partaz menm pwennvi. Me selman mon salye zot pou sa zefor adisyonnell ki zot pe mete menm si zot pe sorti lo sa *Board* zot in kre zot prop *NGO*.

E zot a pe promouvwar bann nide ki zot, zot ti pe sey fer pase lo sa *Board* pa'n pran kont la, atraver zot lorganizasyon. E pour sa mon dir *hats off!*

E lo size lazennes an zeneral *in a nutshell*, annou arete avek lenterferans politik en fwa pour tou! Annou pran lentere bann zwenn premye. Annou arete ek sa filozofi 'ek nou, pa ek nou' e lo mon kote mwan mon pou donn tou sipor pou asire ki pou napa okenn politik lo sa size e lo nou kote. Mersi.

MR SPEAKER

Mersi Onorab. Anfen an konsiderasyon bann komite ki pou zwenn dan *break* mon a pran poz en pti pe detrwa minit avan labitud, mon *remind Assembly Business Committee* osi ki nou annan son miting 1er kar parey tou le Merkredi. Avek sa nou a pran poz la e nou a repran deba 2er. Mersi.

(BREAK)

MR SPEAKER

Nou a ekout Onorab Michel Roucou.

HON MICHEL ROUCOU

Mersi Mr Speaker. Bonn apre midi Minis *CEO* ek bann lezot koleg ankor bonn apre midi spesyal pou zabitan Mont Fleuri. Mr Speaker ler mon pe get sa *Bill* pou mwan i vreman krwar kler ler mon'n ekout Minis.

E Minis in fer en mansyon vreman enportan, se ki ler i ti pran sa pou li anmenn sa *Bill* ti annan bokou rekomandasyon spesyalman i sorti kot bann zenn, kot zot ti pe demann bokou keksoz ki pou revwar bann striktir *Board* ki sa i montre poudir i ti annan en problemm ki ti pe pase ou ti a dir.

Be parey nou konnen poudir lazernes li menm li i nou fitir demen, e lazernes konmela ek lazernes avan zot pa mazin parey. E fason ki lazernes konmela i antreprann zot bann aktivite in ganny bokou modernize, dan en fason ki ou bezwen ekout lazernes dan en fason kot zot, zot anmennen zot nide li menm li.

Mr Speaker mon ler mon ti ankor bokou zenn dan mon 16an, mon pa ti reste sitan pre dan mon distrik. Mon ti reste apepre dan bann dernyen lakaz

dan Mont Fleuri. E zanmen mon pou blyie en zour dan mon pe fer bann netwayaz lakour ki ti annan en madam ki apel Natasha Figaro ti vin rod mwan ki mon ti vreman sirprannen sa zour e osi vreman ler i ti vini ek en lenvitasyon pou dir mwan i pe rod, zot pe apros bann zenn dan distrik pou vin *attend* bann aktivite.

E vreman lanmenm ler sa bann letan ki mon ti komans partisip en pti pe dan bann aktivite dan distrik, war mwan pe angaze ki sa koman en zenn ti mean bokou pou mwan e ozordi mon kapab dir se ki i annan bokou size mon ki zot in war zot kot zot in ganny kit deor.

Kot zot pa war zot, zot in ganny anmennen. E menm lot fwa ler mon pe asize ek nouveau Komite *DYC*, ler mon pe asize mon pe ekout zot en pti pe, i annan zot ki zot pe met devan poudir i annan bann zenn ki nou bezwen al tous zot, al zwenn zot ki sa i bann nou de formidab pou nou.

E mwan annefe dan sa reform ler mon pe gete pou mwan i enportan, akoz nou pe war kot *Board* pe ganny demande pou ganny tire aprezan kot bann zenn zot ava annan sa koneksyon direk avek Minis li menm li, ki pou mon sa

i vreman enportan akoz bann zenn nou bezwen ekout zot.

Onorab Aglae in dir poudir bann zenn dan lepase pa'n ganny azoute. E pou mwan sa i fer mwan mazinen be tou sa letan akoz ki bann zenn pa ti pe ganny ekoute li menm li? Mon'n ganny dir se ki i annan 23an depi ler SNYC i la, me selman la avek tou bann keksoz ki pe ganny modernize bokou bann zenn konmela i annan bokou bann zenn byen boner zot antre dan lanplwa.

E nou avek bann komite ki pe ganny *set* dan distrik nou bezwen ale al rod sa bann zenn. E i enportan la boner la pou nou fer bann zenn *take ownership*. E mwan mon ti a voudre Minis kler ou pe pas lo ou *summing-up* pou ou petet dir nou i annan bann zenn ki la deor ki'n tonm dan bann labi sibstans, ki mannyer zot pou antre e ki plan zot pe mazin anmennen pou nou kapab al rod sa bann zenn?

E osi ki mannyer nou pou angaz nou bann zenn plis ankor dan distrik, pou zot kapab *take ownership* anmenn bann aktivite li menm li e desantraliz bann aktivite zis parey dan mon distrik mon war poudir se ki i annan bokou zenn.

E mwan dan mon letan bann zenn zot ti plito angaz zot

pou antre, bokou bann zenn ti antre dan *lifeguard* e ozordi bokou mon bann zanmen zot ankor dan *lifeguard*.

E osi pli gro *issue* deor ozordi, se ki bann zenn pou ganny en lanplwa. E ozordi mon byen kontan ki mannyer Gouvernman pe angaz li. Nou osi koman bann Manm Lasamble, nou ganny bokou bann louvraz ki pe ganny *advert* pou nou kapab met devan nou bann zwenn.

E Apre osi tou Minis ler ou pe tous lo ou bann pwen se ki, nou annan bokou bann zenn manman, bann zenn paran la deor osi tou, sa osi si mon ti a voudre ki ou tous en pti pe lo la akoz ozordi bokou koze i deor lo *teenage pregnancy*.

Tousala osi tou akoz nou war se ki nou bezwen moderniz SNYC, anmenn li pa zis anmenn li lo nivo zis dan leba, anmenn li partou dan bann kontan dan bann distrik li menm li, kot la nou kapab pouz tou bann zenn.

E petet mon a servi la ozordi pou mwan anvoy en lanons avek bann zenn deor, annou pa zis asize e esper tou dimoun, tou keksoz pou vin kot zot. I annan bann komite pe ganny formenn dan distrik, vini desann vin kot distrik met zot non bann ki enterese annou pa zis asize e panse poudir se ki zot

pe ganny kit deryer. La i sa moman.

Minis mwan mon pou donn mon sipor sa, akoz mon panse poudir i pou en bon keksoz, akoz dan lepase SNYC fransman pou dir ou in ganny gete koman en platform politik pou bann zenn.

E menm nou ti war dan dernyen eleksyon kot ti annan en *App* ki ti ganny kree, kot bokou bann zenn ti ganny anmennen e ozordi nou pa war sa *App*. Oli?

Ti annan en *database* si mon pa tronpe ki ti ganny anmennen lo la. Be la i sa moman pou nou tir politik. Parey nou Gouvernman toulstan i dir nou tir politik dan tou keksoz, tir politik dan travay e ler nou pou anmenn bann zenn la nou bezwen montre zot poudir pa tou keksoz ki akoz politik.

Nou bezwen vini pou anmenn nou bann zenn pou zot kapab kontribye, ki demen zot osi zot kapab pran la relev nou pei. Minis mwan mon pou donn ou mon *full* sipor, e mon konnen poudir bann zenn zabitan Mont Fleuri ki zot swaf pou bann aktivite dan nou distrik, zot swaf pou ganny sa loportinite pou bouz devan e zot anvi kontribye.

E mon pou dir ou mwan mon pou lev mon lanmen tre o. E mon a dir ou mersi mon a donn sa sipor Minis. *Thank you.*

MR SPEAKER

Mersi Onorab. Onorab Vidot.

HON AUDREY VIDOT

Mersi Mr Speaker. Bonn apre midi Mr Speaker tou koleg Onorab Minis avek delegasyon, tou Manm piblik ki a lekout. Espesyalman bann travayer SNYC. E bann dimoun ki'n ganny sa loportinite pas atraver bann programm.

E travay ki Konsey Lazenès in fer atraver SNYC. E ki'n benefisyé pandan ki Konsey in an egzistans mon dir zot en bonn apre midi. E mon dir mersi tou sa bann dimoun ki'n kontribye dan en fason ou en lot pou enplimant bann programm anba Konsey ki'n ede *empower* en kantite zenn Seselwa ki ozordi pe pran bann responsabilite kle dan bann diferan domenn atraver nou pei.

I enportan mon dir mersi Mr Speaker akoz gratitud i enn bann valer ki'n nou koman pep seselwa nou pa zanmen merit bliye sa en, i tre enportan. Mon komans koumsa akoz mwan mon'n enn parmi sa bann zenn

ki'n benefisyе atraver sa Konsey e plizyer lezot.

Mon konn mon bann koleg lazenes ki'n pas atraver programm ki ozordi i annan zot ki diferan apartenans lopinyon politik *be it LDS, be it United Seychelles, be it One Seychelles*. Mwan mon'n konn dimoun ki'n benefisyе e ki nou'n antreprann en bon relasyon pandan bann programm ki'n egziste atraver Konsey Lazenes.

Mr Speaker i tris, i vreman tris pou mwan letan mon'n tann serten komanter an referans avek sa Konsey san vreman, petet i annan zot pa'n ganny sa loportinite oubyen pa'n anvi vin devan pe enport lobstak ki'n vin devan zot dan zot distrik respektif pou zot angaz zot dan bann programm zenn dan distrik.

E Konsey Lazenes in sa platform kot bann diferan zenn pe enport son bann lopinyon politik, lazenes, *background* kot i sorti in angaz zot. E pa zis bann ki par lao 18an i bann zenn ki par anba 18an bann adolesan ki'n angaz zot dan bann programm ki'n partisipe anba *Leadership Board* Konsey en kantite benefis sa bann zenn in resevwar.

Be it atraver lo kote akademik, lo zot nivo profesyonnel, e nivo biznes. I

annan en kantite zenn ki'n ganny loportinite atraver bann programm ki Konsey Lazenes.

Alors annou pa ozordi serten nou Manm Onorab oule vin anbet nou pep, pou dir poudir sa Konsey i pa'n efektiv i pa'n marse in annan en kantite problemm. Sa i pa leka. I pa leka akoz laprev in montre kantite sikse ki sa Konsey in anmennen e kantite zenn ki'n benefisyе atraver Konsey.

I annan zenn ki'n ed zot atraver zot lavi personnel. Letan nou pe koz politik, letan nou'n ante dan programm lazenes politik ti napa naryen pou fer avek politik partizan ki sa bann zenn i ganny *empower*. Se politik an term langazman ki zot in annan an term valoriz bann valer pou bann aki ki nou annan koman Sesel, pou Sesel.

Ki swa nou lo nivo ki mannyer nou kapab pli byen promot nou pei, angaz nou dan bann diferan domenn dan pei ki swa lanvironnman, ki swa lasante, pou nou fer sir ki nou osi nou annan nou fyerte koman en Nasyon Seselwa pou nou angaz nou.

Se sa laspe politik. Sa ki ti annan son azanda pou li, li sa i li, ki li in anvi fer son politik pou li. Me selman pa anbet nou poudir nou ozordi ki dan

striktir lorganizasyon SNYC pe dir napa politik.

Onorab Sathya Naidu atraver ou Mr Speaker, pli boner in dir poudir in vini in zis zwenn en komite ki'n enpoz lo li apre zot in elekte zot. Me i annan konplent ki i annan serten zenn pe dir poudir zot in ganny enpoze, i annan serten group in ganny enpoze par serten dirizan, pou zot annan zot group zenn dan distrik.

Lazenes nou bezwen *be careful*. Mwan toulstan mon'n dir se ki nou'n ganny en loportinite lavwa depi ler sa bann striktir in ganny met an plas, kot zenn i annan sans pou li *voice out*. In ganny reprezante lo Konsey pou li *voice out* son bann pwen, vin lavwa lazenes dan son kategori laz.

Pou li met son bann propozisyon ki mannyer li i ti ava voudre sa zenerasyon loportinite, ki li i gannyen koman en sitwayen la deor ozordi dan Sesel. E in sa landrwa kot in nobou kapab fer sa libremen san vini ganny enpoz lo li, oubyen presyon lo li pou li kapab koze.

Si nou bann Manm Lasanble nou'n ganny loportinite pou nou debout dan eleksyon, *campaign* pou nou lekor kapab ganny elekte, akoz ki sa bann zenn pa kapab

ganny menm loportinite, pou zot kapab vini koze, vin devan dir poudir wi mon pare pou mwan pran sa rol *leadership*.

Me byensir zot osi ganny ledikasyon lo bann prosedir, lo bann formalite ki mannyer sa bann keksoz i ganny marse. E pou li ver ki kontribisyon ki li i kapab ganny loportinite pou li fer. Sa bann keksoz pa fek vin egziste apre Oktob 2020 pou 2020 sa. Sa in egziste depi oparavan, depi ansyen Gouvernman.

Akoz nou'n envestir plizyer larzan dan Bidze zisteman pou asire ki sa bann lorganizasyon, sa bann groupman, ki swa lo nivo Gouvernman Lokal osi pou zot kapab ganny en sans ganny resours pou zot enplimant bann programm, bann aktivite ki dan ledikasyon, e dan valer nou bann zenn pou asire ki nou ganny nou bann meyer de kalite sitwayen demen.

So pou mwan ozordi sa Prozedlwa pou tir, pou kennsel *Board* Konsey mwan mon pa pou an faver. Definitivman mon pa pou an faver. Mon pa pou lev mon lanmen pou mon siport en tel desizyon. Akoz mon toulstan krwar poudir zwenn i bezwen libremen kapab ganny sans elekte zot lekor, *campaign* pou zot lekor,

eleksyon pou zot kapab monte poudir zot annan en loportinite, pou zot kapab vin lavwa en group zenerasyon ki dan zot laz.

E menm si nou'n ganny dir poudir ansyen Gouvernman ti pe travay lo sa Lalwa in toulstan - Minis kantmenm ou larepons ou pou donn mwan mon pa krwar akoz mon konnen poudir Gouvernman avan la kantite resours ki in mete dan pou donn loportinite, nou zenn vin lavwa zot bann lezot kanmarad - mon pa krwar poudir ansyen Gouvernman ti pou zis kennsel tou sa bann zenn pou pa met reprezantan zenn lo sa bann *Board*.

Akoz nou konnen poudir zot in toulstan *believe* ki zenn i merit vin lavwa, zis parey nou bann lezot dirizan nou vin lavwa nou Kominote.

Sa bann zenn osi i bezwen, pa nou ki bezwen vin deside ki zen i anvi. Les zenn deside ki zot, zot anvi me byensir avek bann striktir ki ti deza la an plas i normal pou en Gouvernman ki swiv e anbelir kot nou bann lakonplisman ki ti deza egziste e i petet enplimant son bann programm pou li dan son fason. Me pa kre baryer oubyen pou anpese en striktir ki ti pe marse, me ou i kapab anbelir li me zis aboli li net.

Mwan mon pa pou an faver sa. E mon mazin tou sa bann zenn ki'n ganny loportinite, ki'n benefisyen atraver sa bann bon programm ki'n vin a zot dispozisyon a sa letan ki Konsey in vreman aktiv, ki'n donn otan zot lenerzi bann zenn.

E en keksoz ki mon kapab dir, sel pwen apresye ki mon kapab valorize dan sa ki mon koleg Onorab Naidu in dir atraver ou Mr Speaker, se ki wi zoli Polisi. Sa bann zoli Polisi la i bann kontribisyen ki sa bann zenn, sa bann zenn in kontribye pour krwar ki zot, zot ti ava voudre vvar, zot anvi i ganny enplimante i zot kontribisyen nou bezwen valoriz zot bann pwennvi e konn apresye.

E si ansyen Gouvernman pa ti konn valoriz sa bann komanter, sa bann pwen e kontribisyen ki sa bann zenn in anmenn devan, Gouvernman pa ti pou met li *black and white* lo en Polisi pou fer son lenplimantasyon.

E nou konnen poudir si ozordi zot in nobou kapab ganny en group travayer ki ankor egziste menm si Gouvernman aktyel in fer reform i annan travayer ki'n ganny fer arete, ki zot in antre dan lezot lanplwa.

Me selman sa bann dimoun in kontribye en kantite pou zot fer bokou sa bann lakonplisman ki'n annan dan bann diferan distrik atraver bann programm lazernes, ki'n egziste.

E mon profite a sa moman ankor pou mon dir sa lekip lazernes ki pe travay la a ek SNYC, ki'n travay avek *Board Konsey* avan, bann desizyon nouvo ladministrasyon in ganny pran, mon dir mersi da bann travayer. Espesyalman sa bann ansyen mon pa pou mansyonn non, akoz mon pa'n anvi mank ni enn.

Me selman mon valoriz zot zefor, zot kontribisyon e menm si zot pe ganny doub louvraz pou travay avek sa saler ki zot pe gannyen ki ankor parey *allowance* i ankor parey, me zot pe donn tou, tou zefor posib pou zot fer zot diferans.

Mon swete ki zot pa disparet net anba sa striktir aktyel ozordi, prenon kont ki kantite presyon travay ki zot annan. Mon swet zot kouraz e pa zanmen dekouraze. Bann latas parey montre poudir zot ankor kapab travay avek bann diferan karakter e latitud bann diferan dirizan dan nou bann kominate, pour ki lenportans zot valoriz travay ki zot annan pou fer avek lazernes.

Lo sa not Mr Speaker mon a dir ou mersi pou donn mwan laparol.

MR SPEAKER

Mersi Onorab Vidot. Onorab Esparon ou bann Manm pa blyie poudir nou letan i vreman *tight silvouple*. Obzerv 10 minit. Onorab Esparon.

HON REGINA ESPARON

Mersi Mr speaker. Mon a fer mannyer pou mon reste dan, *within* sa 10 minit. Bonn apre midi.

Mr Speaker sa *Bill* ki devan nou ozordi se pou amann *National Youth Council Act 1997* parey Minis in fer resorti pou aboli sa provizyon ki ti etablir *Board SNYC* e met li dan lanmen Minis. Akoz en tel desizyon? Minis in fer kler ki i pe amann seksyon 6 e retir seksyon 8 antyerman. E sa i vin apre ki konsiltasyon i ganny fer ek zenn li menm ek lezot akter.

I kler ki anba sa nouvo Gouvernman enn son lobzektif se pou realiny keksoz pou benefisyé tou dimoun e se sa ki sa lamannman pe fer, pou donn Minis sa loportinite pou pli byen konekte ek bann zenn e konnen ki pe pase.

Mr Speaker lobzektif kreasyon SNYC ti bon pou ankadre nou zenn. Me ki nou'n

war ki'n arive? Ala longer di tan, dousman, dousman in ganny servi koman en zouti politik. Dan lepase en zenn ki ti anvi zwenn SNYC ti ganny dir fodre ou siport sistem pou ou ganny konsidere pou zwenn sa lorganizasyon.

E Mr Speaker mon dir sa akoz mon'n temwanny sa. Mon pa enn zenn me selman mon a eksplik ou ki'n arive. Mon garson ki ti en zenn tre anbisye ki kontan aprofondir e bouz devan;- en zenn ki anvi bouz devan. E la mwan pase nou'n vvar kot in *graduate* kot *Mandela Washington Fellowship* i ti fer laplikasyon pou zwenn SNYC ler i ti dan politeknik.

I ti ganny dir non, par en *youth worker* dan distrik ki non ou pa pou kapab akoz ou manman i dan politik ki pe opoz Gouvernman, e sa ti fini lanmenm. E sa lepok zot ti kouto nou, nou ti laser. Pa ti vo, mon ti vomye reste trankil. Me en zour dan deliberasyon Bidze lo Bidze SNYC mon ti demann avek Mr Alvin Laurence ki ti CEO sa lepok ki bann kriter ki en zenn i bezwen pou li zwenn SNYC?

Eski afilyasyon politik paran sa zanfan i osi en kriter ki ganny regarde pou aprouve? I ti dir mwan non, e i ti dir mon

petet sa ki'n arive i en fot, i en fot e i ti dir mwan fer mon garson *reapply* pou zwenn, mon ti dir li wi mon ava fer li re *apply* me selman mon pou sivre tre pre mon a gete ki arive.

E ler i ti refer CEO ti'n sanze, zot ti aprouve e mon konnen ki Ms Belmont ou ti enn ki ti ankouraz li. E son lannen answit i ti ganny swazir pou al reprezent distrik dan kot Lasanble Lazenès, kot i ti ganny elekte parmi bann kandida koman Speaker Lasanble Lazenès Sizyem Cohort 2019-2020.

Kot koman en zenn i ti ganny sans al reprezent Sesel kot *IPU Serbia* pou lazènes. Mon dir sa akoz si mo pa ti'n met devan dan Lasanble pou fer war ki i annan zenn ki pe ganny viktimize e ki kot SNYC i annan sa zwe politik ki pe antre, e pe dekoraz zenn pou zwenn sa lorganizasyon, i pa ti pou ganny sa zans pou li avans pli devan.

E mon santi ki petet zot in donn li akoz zon manman i annan en gran labous e i pa pou, i pou kontinyen kestyionnen. Me mon annan sa pou dir pou lezot, ki timid ki pa pe avan devan pou rode akoz zot laplikasyon i ganny rezete, pou pa reste deryer akoz avek en nouvo Gouvernman nou pa oule kit okenn lazènes deryer.

Avans devan e zot osi rod zot sans.

Akoz mon fer sorti sa Mr Speaker? Akoz SNYC pa devret ganny servi koman en Lalwa pou lapes zenn pou ganny politik. Kot letan in ariv eleksyon zot menm ki ganny demande pou vin sa aktivis, pou al sers bann *disabled* oubyen bann dimoun aze pou anmenn vote.

Annou ouver sa manda pou ankouraz plis zenn ek nenport ki afilyasyon politik dan sa lespri Sesel, pou tou son zanfan, ankouraz zenn ki annan sa lentere pou zwenn libreman in ler pou ki sa *mindset* i sanze e ki SNYC i viz son lobzektif pou ankadre tou zenn. E ki nou tir sa gou politik dan son travay.

I pa neseserman tou zenn, tou *youth worker* ki fer sa, me selman i annan ki ankor pe fer sa. Me selman i annan ki son azanda e afilyasyon i trenn bann zenn ver sa lobzektif.

E la ki nou'n tann dir apre Kongre fer politik partou, dan travay, partou kote kot nou kapab fer. Minis mon garanti ki anba ou *watch* sa pa pou arive. E Mr Speaker mon kontan ki dan sa lamannman seksyon 6 i dir "The Minister shall be responsible for advising on and

approving all matters relating to the function of the Council."

Sa dan li menm i donn mwan sa lespwar ki keksoz pou al dan bon direksyon e ki zenn ki pe anvi zwenn SNYC pa anvi ganny, pe get sa lorganizasyon koman enn ki pe trenn zot lo en semen ki pa zot dezir. Sirtou ki annan pou fer ek politik.

E ki son lopinyon pa pou fer en diferans dan bann aktivite ki ganny antreprann. Tan ki a kreasyon DYC dan distrik Glacis, i annan en komite ki ti la ki plis ki 1an in reste pasiv dan bann letan restriksyon.

Nou ti'n pare pou elekte en nouveau komite nou'n ganny dir espere e nou pe esper *greenlight* pou demare e mon panse ki apre ki sa lamannman in pase keksoz ava bouze.

Avek sa 2 mo Mr Speaker mon pou donn mon sipor pou sa lamannman. Mon remersi ou.

MR SPEAKER

Mersi Onorab. Onorab William.

HON WAVEN WILLIAM

Mersi Mr Speaker. Mr Speaker mon a komanse par dir ki fodre pa ki dimoun i par sanzman akoz sanzman i toulezour e wi nou'n kapab pe sivre en fason fer dan en letan dan en lepok.

Me ler i annan en sanzman gouvernans i anmenn avek li en seri sanzman dan fason fer keksoz.

Mr Speaker mon anvi lans en lapel avek Minis. Ki dan sa nouvo lapros i pou bezwen fer sir ki keksoz i ganny fer byen.

Mr Speaker an sipor sa lamannman dan mon konesans pandan mon plizyer parkour dan politik, lazenes in ganny servi par plizyer fason par politisyen e ki'n popilariz serten panse serten fason vvar e interpret keksoz. Atraver sa limaz devlopman lazenes.

Mr Speaker sa in vin atraver bann desizyon Polisi kot en pwa demezir i ganny pratique. Kanmoufle anba azanda politik. Mon a osi dir ki dan sa letan zot ti annan sa letan, letan resours ti an abondans. Si vreman sa i ideolozi ouswa prensip sa loportinite egal ti ganny byen enplimante ek en vizyon pli lonterm e soutenab.

Mr Speaker defayans sosyal ozordi ki rezulta sa ki i ganny senmen dan en fason target kour term, parey granmoun zot dir Mr Speaker ozordi nou pe rekولte tou sort kalite ki nou'n senmen dan fanmir, dan lekol, dan kominote e dan lasosyete.

Kanmouflaz dan lafason aktivite e rasambleman in ganny

fer, favoriz lapartenans politik pou pozisyon zis pou air lavantaz Mr Speaker.

Mr Speaker lekspresyon lib pa ti neseserman ganny aksepte, san ganny enterprete ki ou kont sistenm, mon ti ganny difikilte parmi plizyer group dan distrik dan lepase ek sa *mindset* partizan kan mon ti al ek son lespri ouver pou regarde e travay tou dimoun.

Ozordi menm si mon'n sanz parti mon laport i ouver, pou resevwar tou dimoun. Menm si serten i ankor annan mefyans. Mr Speaker akoz letan ou ganny elekte dan en distrik pou regard tou dimoun.

Mr Speaker mon felisit tou bann travayer lazenes ki'n travay ek en lespri kler e ouver pou ede dan *empowerment* zenes Seselwa. Mon felisit tou bann ki'n tenir e ki ti pe swete annan en sanzman pou bon rezon.

Mr Speaker mon kapab ekri en liv lo lepase me an sipor pou sa *Bill* mon anvi dir ek nou zenes pou pran letan pou grandi. Paran konsernen ek devlopman toulezour nou zanfan. Mr Speaker mon anvi lans en lapel ek Minis ki mon apresye ki nou anvi promot nou zenn, donn zot tou sans loportinite posib.

Sa preparasyon bezwen entegal dan sou son laspe Minis atraver ou Mr Speaker. Mon pa pe dir ki dan lepase tou in mars mal. Be annou pa repet menm fot lepase, annou donn bon gidans nou zenn promot zot, donn zot tou sanz posib anba lesyel.

Me sa eleman responsabilite, sa eleman responsabilite mon repeete bezwen ganny met lanfaz lo la an priyорite anver soustenabilite nou zenes ozordi pou vin bann zenn adilt ki kapab annan bann bon sans direksyon dan lanaliz, pou pran bann desizyon saz e pridan san zot parkour personnel sa lavi ranpli ek tantasyon avek defayans sosyal.

Mr Speaker nou zenn i bezwen konpran ki lavi tou i permetab, me pa tou ki neseserman benefisyen pou zot devlopman personnel pou vin sa zenn adilt for demen.

Dan fanmir, dan lakour lekol, dan kominote, dan groupman, pou renons sa ki mal me tenir for sa bann bon prensip e sa bann konsey direksyon saz e pridan.

Minis mon pe demande ki nou donn pli meyer gidans nou zenn lo kalite aktivite, sirtou dan konteks realite bann

challenges ki nou bann zenn pe fer fas avek ozordi.

Annou travay ek zot pou vreman vin sa legzanp, sa model e fer zot komans mazin son term dirizan ozordi demen e fitir zot lavi e zot kominote pei pou diriz par legzanp. Mr Speaker mon remersi Bondye pou son gidans proteksyon e faver anver nou bann zenes. Annan bann zenes annan sa relasyon avek li ki i a servi zot pou ed lezot.

Mon konsern final Minis atraver ou Mr Speaker, se ki bann zenn fasilitater ki vin dan distrik zot pa vin ek en '*one size fits all approach*.' Konpran nou realite dan kominote e reste angaze ek Lotorite pou gidans.

San donn lenpresyon zenn ki zot pa bezwen gidans e sipervizyon dan zot demars pou asire ki sa lenpak pozitiv i reste konsistan e soutenab. Ki Bondye i kontinyen diriz ou Minis, pou enplimant en direksyon soutenab nou zenes ki nou zenn a fyer pou reste angaze dan lavi devlopman demokratik son pei.

E konpran e rekonnet son drwa, pa zis son drwa me son Devwar Konstitisyonnel koman en zenn sitwayen.

Get dan *welfare* osi sa bann travayer lo sa ki konsern

saler e sipor pou legzizans sa nouveau letap travay, pou ed sa zenn pou dekouver son potansyel devlop son abilite pou *shine* e rekonnet ki *the sky is not the limit today but heaven*. Ed li konpran ki toulezour i annan nouveau keksoz pou aprann. Mersi Mr Speaker.

MR SPEAKER

Mersi Onorab. Onorab Cosgrow.

(*Interruption*)

MR SPEAKER

Annou gard lord silvouple! Mersi. Onorab Cosgrow ou'n pare?

HON WALLACE COSGROW

Mon'n pare, mon pe esper zot fini riye. Mersi Mr Speaker, Mersi Mr Speaker. Bonn apre midi tou dimoun.

Bann zenn i devret ganny regarde koman bann dirizan ozordi e non pa dirizan demen. Fantastik e mon dakor avek ou Onorab Naidu. Annefe *this is as far* ki mwan agree avek ou lentervansyon Onorab.

Mr Speaker pou sa arive, nou bezwen donn zenn loportinite. Nou bezwen annan konfyans dan zot, e non pa Mr Speaker angaz dan konfrontasyon avek zot dan zot

landrwa kot zot pe detann Onorab Naidu.

Atraver ou Mr Speaker. Wi Onorab William, sanzman i toulezour li, sanzman i sipoze pou le meyer, be non pa pou tourn an aryer. Dan menm loptik Mr Speaker, mon pou fer en pti letour dan bann letan ki mon ti angaze, e osi pe ekout bann diskisyon dan domenn lanvironnman e dan domenn sanzman klima.

En domenn ki bokou zenn atraver lemonn e menm osi Sesel kantite zenn, i annan lentere ladan.

Annefe an mezir nou pe koze la, i annan Konferans Sanzman Klima ki pe arive Lagos, *Glasgow* e laba nou annan zenn ki pe reprezant nou, Seselwa. I annan zenn, bann zenn ki'n ganny *train*, dan Negosyasyon Sanzman Klima.

Bann diferan zenn atraver lemonn ki pe koz lo sanzman klima, bann Pti Leta Zil, bann diferan lorganizasyon zenn ki pe met zot lavwa. E sa i en konferans, *conference of parties*.

An pli o nivo kot bann, dirizan lemonn i menm asiste, e bann zenn pe ganny en loportinite pou zot met lavwa devan, atraver bann diskisyon, atraver bann diferan miting, bann diferan *side events* ki zot

pran par ladan. E zenn pe anvoy zot lavwa atraver lemonn, zenn pe koze.

Zenn sa bann letan i dir ou koumsa, menm konmela i dir ou akoz ki en dimoun, i bezwen pran desizyon pou nou. Ki nou ki pou al viv sa le konsekans dan 50an. Les nou zenn, pran, pran nou desizyon. Se sa ki zenn pe dir. Sanzman klima ozordi, se serten dimoun ki pe pran desizyon.

Bann dimoun ki, malerezman sa bann letan ki nou pe dir lenpak pou arive zot pa pou la. Me se zenn ki la, ki pou soufer sa lenpak li i pa pe tro ganny sans.

E parkont, i annan bann mekanizm kot zenn i antre, zot kapab al fer lavwa tande. Menm si pa ase zot fer zot lavwa tande. Se sa Mr Speaker sanzman. Sanz an progresif. Mon *wish* Onorab William ti la pou li tann sa. Se sa bann sanzman bann koleg Onorab. Se sa sanzman progresif, progresiv pep Seselwa. Koumsa ki nou fer sanzman. *Advocate*, nou antre nou fer sanzman, sanzman pou le meyer.

Mr Speaker prezan mon pou antre spesifik lo sa *Bill* e lamannman ki devan nou. Minis in dir ki sa diskisyon in en ki ti komanse menm avan ki

i vin dan lofis. E sa i vre, mon dakor avek Minis sa i vre.

Me parkont, mon rekoleksyon sete ki, pa pou aboli *Board*. Mon re-koleksyon sa bann diskisyon sete pa pou aboli *Board*, me pou annan en melanz, en pe dan reprezantasyon lo *Board*.

Melanz eksperyans, par bann ki enn pti pe pli aze. Avek nide, me osi avek nide fre e enovan par bann zenn. So sa *Board* ti sipoze annan en melanz kot, i annan bann dimoun en pe pli aze ki kapab, gide. Me kontinyen pran bann nide fre, nide enovan, sorti kot nou bann zenn.

Ki pli bon fason Mr Speaker, ki pli fason, pou met sa bann zenn dan bann pozisyon desizyon e dan bann pozisyon *leadership*. Sete sa ki nou ti fer atraver, atraver *Board SNYC*. Met zenn dan bann pozisyon *leadership*.

Mon'n koz lo langazman dan lanvironnman. Sesel, ozordi nou vwar en kantite bann zenn ki'n form zot bann pti NGOs, en kantite bann zenn i enterakte avek nou. Zot pe pran *leadership* dan sa domenn.

E so zot ki pe anmenn ki pe *drive*. Bokou bann dimoun ki ti ladan avan, pe kit nou zot. E zot in ganny enspire, bann zenn

in ganny enspire par zot. E bann zenn i pran larelev ozordi, en kantite zot pe enterakte avek bann lorganizasyon enternasional.

Ki menm petet sa letan bann dimoun ki ti la avan, pa'n gannyen sa loportinite. Zenn i bouze, zenn i enovan, zenn lespri i fre, zenn lespri i fre, zenn i annan kontak, i *network* e zenn i fer li.

Mon lot pwen Mr Speaker, mon lot pwen Minis, in annan koze dan Lasanble ozordi lo tir politik dan travay Gouvernman. Be ler ou fer direksyon en Lorganizasyon Lazenes, ou pran li ou met li anba kontrol biro Minis, ki en politisyen ki mannyer i apele sa? Ki mannyer i apele? Diferan fason fer politik, sa osi i enn sa.

Mr Speaker sa lamannman ki devan nou, ankor mon bezwen dir parey mon'n dir pou serten bann lamannman kot i annan bann *Board* ki'n ganny tire. Bann *Board* gouvernans, ki'n ganny tire. Mon bezwen dir, menm si annan i pa kontan mon bezwen dir.

I en regresyon dan lafason fer. Taler Onorab William in dir sanzman, me sanzman i bezwen pou le meyer. Sanzman pa kapab nou tourn an aryer, partou dan lemonn dimoun pe

fer - bann pei, bann lorganizasyon, pe pouz zenn pou zot pran desizyon. Nou, nou tire? Nou donn sa avek Minis? Pa okenn problemm ek Minis *but* lafason fer konmsi ki mwan mon krwar i pa byen.

E zenn deor i bezwen ekoute, i bezwen konpran poudir get sa. Ganny *empower* ou, ou pran sepa konbyen lannen ou'n ganny *empower*, la ozordi en sel kou. Tir sa pouvwar dan ou lannen, e i dir ou mwan ki pou fer desizyon pou ou. Mon pou konsilte ou mwan, solman mon pou fer desizyon pou ou.

Konmsi Mr Speaker, nou bezwen bouz de lavan dan fason fer. Parey mon'n dir atraver lemonn, *inclusivity* pou bann zenn dan bann lenstans pran desizyon. Lo bann keksoz ki enpakte lo zot, in fini vin *the norm* sa.

Nou pa kapab dir zis nou konsilte, apre nou pran desizyon parey mon'n dir. Ozordi nou annan zenn dan politik, isi dan Lasanble i annan zenn dan politik. I annan zenn dan lanvironnman, parey mon'n dir. I annan zenn dan domenn ekonomik. Zenn dan servis piblik, menm zenn Minis.

Dan mon letan ti annan zenn Minis.

(Interruption)

MR SPEAKER

Manm Silvouple. Lord!

HON WALLACE COSGROW

Mr Speaker dan mon letan, ti annan zenn Minis. Get sa *Cabinet* ozordi. Zenn dan lar, zenn dan la kiltir. Zenn partou dan tou laspe.

(Interruption)

MR SPEAKER

Onorab. Onorab Loizeau ou ava aret en pe, silvouple.

HON WALLACE COSGROW

Zenn partou e dan tou laspe Sesel Mr Speaker.

MR SPEAKER

Eskiz mwan.

HON WALLACE COSGROW

Get devan lo *head table*. Nou annan en zenn sort i kot Biro Attorney Zeneral. Zenn nou ki'n prodwi zenn, Gouvernman 43an ki'n prodwi zenn. Pa tou ki'n parfe Mr Speaker, pa tou. Pa tou, nou admet pa tou ki'n parfe. Pa tou ki'n parfe. *But my*

God, nou'n fer en kantite pou zenn dan sa pei.

Konmsi nou bezwen admet nou'n fer en kantite pou zenn dan sa pei. Ou bezwen annan gratitud. Konmsi nou bezwen admet, annou pa zis dir tou keksoz ti politik, ti isi, ti laba.

Mr Speaker anmezir ki mon *wrap-up*, ankor parey mon dir dan bann diferan lenstans kot bann *Bill comme tel* in vin devan nou, mon pa kapab konpran, mon pa kapab konpran ki mannyer nou *depart*. Petet zot vwar li en lot fason. Be mwan mon pa kapab konpran, ki mannyer nou *depart, from* en fason ki progresiv. Konmsi mon tourn an aryer.

E mwan mon krwar, mwan mon krwar Mr Speaker, poudir nou bezwen rod en fason ki mannyer nou enkli zenn dan direksyon sa lorganizasyon. Direksyon, en. *Decision-making*. Nou bezwen rod en fason.

Akoz sa la, i pou zenn i pa pou nou sa, kantmenm mon osi mon pa tro vye. Nou bezwen rod en fason, pou enkli zenn dan sa direksyon.

MR SPEAKER

10minit Onorab.

HON WALLACE COSGROW

Les zenn pran desizyon, Minis silvouple. Minis mon konnen ou *believe* ladan mwan. Minis mon'n ekout ou en ta fwa, dan ou kapasite avan. Ou en dimoun ki *believe* dan *inclusivity* ou.

Me selman mon pa konpran mannyer ou pe anmenn sa kalite, Lalwa ozordi. Ou konpran mwan Minis.

So, avek sa Mr Speaker mon pou *wrap-up*. Be solman, mon ti a kontan ki, nou mazin lo sa de pti mo ki mon'n dir. E nou, nou fer keksoz byen pou nou bann zenn. Ok? Nou bann zenn i depan lo nou. Mersi bokou Mr Speaker.

(APPLAUSE)

MR SPEAKER

Mersi. Onorab Henrie.

HON GERVAIS HENRIE

Mersi Mr Speaker. Bonn apre midi tou dimoun. Mr Speaker sanzman in arive, nou pe viv sanzman, sanzman i la. Si nou pa port atansyon avek sa ki pe arive otour nou, nou pou ganny kite deryer menm si nou pa anvi kit personn deryer.

I annan en keksoz ki nou bezwen, *the sooner* ki Lopozisyon i aksepte sa, i pou pli bon pou *management* letan

la anndan. In annan en sanzman Gouvernman. E i responsabilite e drwa sa Gouvernman pou li pran en desizyon dan *policy* ki li i anvi ale.

Zot, zot pa kapab anmar nou deryer, ki zot kapab fer koman en Lopozisyon responsab, se donn nou en nide ki mannyer pou anbelir, lo propozisyon ki nou'n anmennen. Parey nou ti fer letan nou ti asiz lo sa kote latab depi an '93.

Napa sanz zot vin lager ek nou poudir non zot pa kapab fer sa pe dir zot anvi fer. *We've got the numbers to carry through the reform.* Zot pou ganny kite deryer.

Mr Speaker, e Onorab ki pe dir la diktatir ou pou pres pou ganny apele Onorab regresyon. Si pa *move with the time*, ki nou pe viv ladan.

Mr Speaker ...

(laughter)

MR SPEAKER

Manm. Eskiz mwan kalme zot silvouple. Onorab Henrie kontinyen.

HON GERVAIS HENRIE

Mersi Mr Speaker. Mr Speaker, an Out 2019, *Board SNYC* i mont *State House*, zot fer

rankont avek Prezidan Faure. Rankont byen pase, medya i vini, i vin *interview* zot. Letan miting i fini, *Chairman Board* sa letan, en nonmen manmzel Myria Sifflore. I dir “bokou zenn pa konnen ki SNYC i fer e programm ki i ofer.”

Sa deklarasyon i vin 22an apre ki SNYC, i egziste. Ki sa i dir nou, e se sa ki lamannman pe fer. Savedir letan ou lir son Lalwa orizinal, lide ti fantastik *Board* apre *Board*, in ganny elekte dan en Lasanble zeneral.

The good thing about sa *Board*, i sete le sel antite dan striktir gouvernans pei, kot son *Board* ti ganny elekte demokratikman atraver Lasanble Zeneral.

Me sa *Board* finalman son bann lobzektif tre nob, tre nob, i koz par egzanp;-

To foster amongst the Seychellois youth, a spirit of national consciousness, a sense of unity and discipline, respect understanding corporation and harmony through youth work. national consciousnesses.

E mwan ozordi Mr Speaker mon anvi salye, mon anvi salye, tou zenn Seselwa ki pe fer nou fyer dan Sesel.

(APPLAUSE)

HON GERVAIS HENRIE

Mon kontan get bann lenstitisyon, Labank Santral, Minister Finans, *FTC, FIU*, sa bann zenn egzanpler. E mon anvi vwar plis zenn ankor koumsa. Me an menm tan, yer anfet ouswa Lendi, yer ti Mardi. Lendi mon'n pas Castor Road en kou, 12 zenn pe asize. 8 lo miray, 4 dan lapay.

E lo zot figir mon'n fini konnen ki si sa, sa 12 zenn. Zot sa bann zenn koumsa, zot tro vizib. Zot en tas nwanr lo nou sosyete, e vwala kot mon santi poudir the *Board*, of SNYC ki'n egziste depi Lalwa ti vin an fors an 1997. In *let lazences down*, an menm tan, ki mon salye tou bann gran lakonplisman.

Parski li sa *Board* son bann fonksyon, sete zisteman pou li kapab, devlop en fason fer en fason vwar keksoz, lazences Seselwa. Ki swa pou nou, siport nou pei, prezerv nou lanvironnman, devlop nou kiltir bann keksoz koumsa. *This is what* - mon vwar poudir sa Konsey ti merit fer. E o fir ki bann lannen in pase, ki kantite zot in akonplir.

E alor apartir ozordi letan nou vot pou sa lamannman, *it's a new departure*. E sa Minis ki la, la, dilon son karyer in enplike li avek SNYC. Pa krwar poudir i pa konnen ki i pe fer kolektivman avek sa *Cabinet*

dirize par Prezidan Wavel Ramkalawan.

ENN BANN PREMYE KEKSOZ KI SA MINIS KI LA, LA TI FER LETAN I TI VIN MINIS, I TI AL VIZIT KOT SNYC, AN NOVANM 2020. FER EN LETOUR. E LETAN I TI LABA I TI FER EN DEKLARASYON, POUDIR KI DEZORMEN DAN SA LADMINISTRASYON, SA GOVERNMAN, LAZENES POU BEZWEN VIN OSI O SANT TOU BANN MINISTER.

E KI SA I VEDIR? I EKSTANSYON PLAN LDS DAN SON MANIFESTO, PA EN REGRESYON SA. DAN SON MANIFESTO I ANNAN EN SAPIT LI LAZENES. E SON SAPIT LO LAZENES KI I DIR, “NOU POU ENVESTIR DAN LAZENES,” SA MO NOU SOULINY SA MO ‘ENVESTIR.’

E KI SA I VEDIR. NOU POU BEZWEN DEZORMEN FOURNI LAZENES AVEK SIPOR FINANSYEL, OU LEZOT RESOURS, OTREMAN AVEK LESPWAR POU PLIS BENEFIS LAVENIR.

E SA I KAPAB VIN DAN BANN KEKSOZ ELEV STANDAR LEDIKASYON. ONORAB WILLIAM OBOR MWAN I KOZ LO SA, SA KEKSOZ, SA SAPIT LEDIKASYON.

SIPOR DAN ICT, DEVELOPMAN LEKONOMI NIMERIK KI MINIS FINANS IN KOZ LO LA. SPORTS PREZIDAN PE DIR “SON REV POU SESEL GANNY EN MEDAY OLENPIK.” SA BANN KEKSOZ PA VIN DAN IZOLASYON.

LETAN YER NOU TI *REPEALED BOARD SAA*, AKOZ ZISTEMAN NOU ANVI KI LAGRIKILTIR I VIN EN LANTREPRIZ NASYONAL. BE LEKEL KI POU PRAN PLAS SA, LEKEL KI POU FER MARSE? LAZENES! DEZORMEN LAZENES DAN PLAN SA GOVERNMAN, SE POU VIN O SANT TOU SON BANN PROGRAMM. AKOZ NOU SANTI KOMAN EN PARTI POLITIK, KI LAZENES SESELWA I ANNAN EN GRAN ROL POU ZWE, POU BATIR SA NASYON KI APÉL SESELWA.

LAZENES I MERIT REKONNET DAN ZOT POUDIR ZOT, ZOT ANNAN SA POUWWAR POU DEVLOP PEI E FER LI BOUZ VER PROGRE. LAZENES I MERIT SANTI DAN LI MENM, KI SON RESPONSABILITE POU ANMENN BANN REFORM SOSYAL DAN PEI. LAZENES I BEZWEN SANTI ANNAN LI, KI LI I KAPAB DETERMIN FITIR SA PEI.

NOU PA PE ENPOZ LO ZOT. VIN ZWENN NOU DAN MILEY SEMEN, PA RESTE A LEKAR E APRE DIR, KI OU PA'N GANNY KONSILTE, OU AL KOT LORLOZ DAN EN NESPES LENZ TOU KOULER E OU KONPLENT.

NON-NON-NON NOU PE DIR POUDIR PARTISIPE. E AN ANFET MON’N TANN SA ZAFER PLIZYER DISTRIK I ANVI *SET-UP* EN A *District Youth Committee* OU *Council* MANNYER OU APÉL LI.

MON PLEDWARI AVEK MON BANN KOLEG MNA, SE *WE* FASILIT SA PROSESIS. ME APRE LES SA BANN ZENN, LES SA BANN ZENN POU ZOT

travay dan en fason, endependan, pou zot kapab nou donn zot tou bann sipor neseser pou zot epanouir. E alor ki nou kapab *shift* tandans ki keksoz ti ganny fer dan lepase.

Mr Speaker, si mon fer en letour lo bann dimoun ki dan lepase, e mon ava dir zot dabor mersi, pou rol ki zot in zwe en fason ou en lot, nou pa kapab *deny* poudir napa keksoz byen ki'n passe.

Depi, Samia Govinden, Lenny Lebon, Kevin Vidot, Jean Paul Talma, Vanessa Seth, Ziggy Adam, Myra Sifflore. Sa i detrwa non bann ansyen *Chairman Council* ki mon'n come across.

Me ler ou get bann non lo bann komite, Onorab Naddy Zialor, in servi pou en plizyer lannen li apepre 2012 ziska letan, Mr Adam i ganny elekte ou ti ankor la.

Be selman letan mon get bokou sa bann non, bokou sa bann non, Mr Speaker. A en moman dan zot lavi, zot in swa vin en kandida, ouswa elekte ou pa elekte Parti US.

This is where problem in komans marse mon krwar dan Konsey Lazenes. In ganny servi li koman en *ground* kot parti o pouvwar ti *handpick* son bann dirizan.

E bokou zenn alor a en moman in tourn ledo lo sa programm. Zot in zis pa enterese akoz politik i antre. Mwan mon fiy i annan en kantite potansyel be in swazir pou li al dan *Duke of Edinburgh Award* olye ki al dan sa bann zafer lazenes dan Sant Kominoter.

I pa'n ale li, "*but I am proud of my daughter, she's got a lot of potential.*" E bokou nou la nou annan bann zanfan avek gran potansyel. So apartir ozordi Mr Speaker, sa ki nou pe dir avek pep Seselwa ki pe ekout nou la deor. Pou en lenstan, oubliy sa bann lagrenn fer per la.

Ki parti Lopozisyon i kontinyen semen, i pa en regresyon, i pa en retar. I en nouveau komansman ki pe anmennen par en nouveau ladministrasyon - en nouveau fason fer, sanzman arive, sanzman nou pe viv, *let's embrace it!*

Sa ki nou responsabilite koman Seselwa, se annou anbelir sa ki byen dan tout fransiz annou dir kote i mal. Annou koz avek sa lavwa koman lazenes, e pa reste deryer.

E mon garanti zot poudir si zot fer sa, si zot fer sa, nou ava pe donn, nou lekor, nou pei e nou Nasyon, en nouveau

komansman, e en novo sans dan sa lemonn modern. Mersi Mr Speaker.

MR SPEAKER

Mersi. Mersi Onorab. Onorab Loze.

HON JOHAN LOZE

Mersi Mr Speaker. Ankor bonzour Mr Speaker. Minis avek ou delegasyon bonzour. Tou Manm koleg Onorab e tou sa ki a lekout.

Mr Speaker ozordi lazernes Seselwa in ganny *gifted* avek en *concept*. Sa *concept* ki si ou vol parol dan labous en lot, ou vol propriyete entelektyel en lot, ou vol lide dan milye latet en lot, sa i pa en vol sa. I en lenspirasyon.

E lazernes Seselwa in ganny *gifted* avek sa nide *tordu*, pa par 8 zenn lo bor miray ek 5 dan lapay, pa par zenn ki en tas nwani, lo nou sosyete parey bann ki egalman nwani parey mwan in dir.

Pa par bann zenn ki ou konnen ki ete par son figir. Me par en swadizan dirizan, ki pa'n posed ase lafors karakter pou ler i fer son vot. *Convey* avek lazernes, poudir la en fot, mon demann en leskiz, *sorry*. Me non, ozordi sa ki nou'n le avek lazernes, se ki si ou vol parol dan labous en lot, ou vol propriyete

entelektyel en lot, i en lenspirasyon.

Bravo, nou pe byen fer, nou pe al dan bon direksyon. Mr Speaker, mon pou ozordi, repran en parol ki mon ti dir lo komansman lannen. I pa mwan Johan Loze, alaz 50an ki pou desid lavenir sa pei Sesel.

Sa se bann zenn ki pou fer. Se zot responsabilite, se zot devwar me plis ankor i zot privilez, pou zot pran sa kado ki nou'n gannyen e bers li ver lavenir. I zenn Seselwa ki pou bezwen asim la responsabilite pou sa pei ki apel Sesel. I pa mwan, i pa ou Mr Speaker. Me i nou bann zenn.

E dan sa prosesis, nou bezwen fer antre, *participation in decision-making*. E sete sa zisteman en pe ki sa *Board SNYC*, sa *Youth Council* ti pe provide.

Participation in decision-making, dan Gouvernman. E zenn Nasyon Ini in rekonnnet depi boner dan bann lannen 2000, *they are powerful agents of societal change*.

Be it dan lanvironnman, *be it* dan domenn socio-economic, lazernes i toultan pe *lead at the forefront*. E menm letan ou get ozordi, bann pli gro biznes dan lemonn ki egziste, zot in ganny kree, met an

oeuvre par bann dimoun ler zot ti ankor zenn.

Ki ou pe koz *Wally Amos*, ou *Bill Gates*, zot in *drop out of liniversite*, zot in donn nesans bann prodwi ki ti dan zot lespri a entre zenn laz. E nou isi Sesel, se selman *in recognition of this*, an rekonesan sa, ki nou pou annan en lespwar, en lavenir, ki byen e ki bon koman en pep, koman en pei.

I pa dan labsans rekonesans ki, se zenn ki pou *drive* sa pei *forward* e se zot ki bezwen *take on the mantle of leadership*. Zot ki bezwen *lead* sa pei, zot ki bezwen anmenn sa *societal change* ki sa pei i bezwen. Nou kapab asize gel 43an, ziske nou figir i vin ble.

Nanryen pa pou sanze, dan fitir sa pei, *unless nou empower nou zenn avek proper decision-making powers*. E nou annan zenn. Si ozordi nou ale, nou al get sa bann *NGOs*, sa bann zenn Seselwa zot fer nou fyer. *Proud of them, so proud of them!* Zot kapab *lead*, e zot fer li dan bann fason inovativ, zot *souple* dan fason ki zot pe atrap labar. E ou fyer pou get sa bann zenn Seselwa Mr Speaker.

E ozordi si ou pou demann mwan, mon krwar lafors nou sosyete, *linchpin* nou sosyete se sa bann zenn. Pa pou al fouy

dan lapay, pou gete si annan 5 ouswa 8 oubyen 4 lo bor miray.

Se sa bann. Se zot fondasyon nou sosyete la an se moman. E nou bezwen apiy for lo zot, e mon krwar zot kapab tenir sa pwa, e presyon sosyete ki pou ganny mete lo zot.

Si zis nou donn zot sans e loportinite pou fer sa ki zot devret fer pou sa sosyete ki apel Sesel. E nou tou nou konnen i bezwen zot, (ki fer), nou konnen, nou konnen nou tou poudir pansyon ki nou pe kontribye ozordi, anver nou prop retret, i pa pou ase pou nou retret. I bezwen annan, zenn ki antre dan lafors travay, ki travay e kontribye, pou anmenn nou amorti sa ki nou nou'n mete, pou anmenn nou ziska lafen nou lavi.

Nou konnen nou. Be sa konversasyon, zenn in ganny trennen dan politik, zenn in ganny isi, zenn in ganny laba. I bon zot fer li, politik partizan, mon konpran. Be eski nou fer zistis nou zenn, ler nou refer lo zot koman en bann *automaton* ki'n ganny kontrole, par *remote*? Eski nou pe fer zot zistis, eski nou fer zot en serten fyerte?

Eski sa konversasyon ki nou pe anmennen lo nou zenn, i byen e i bon? Ou konnen, Onorab Prea letan i ti ankor en

Manm SNP. En zour i ti dir en keksoz ki ti enteresan. I ti dir koumsa, nou konversasyon politik. Nou pas tro bokou letan pe koz lo bann zenn ki dan drog, dan prostitisyon, bann zenn ki'n tonbe, be napa personn pe koz lo zenn ki pe *struggle* ek legzanmen, ki dan *A Level*, ki pe sakrifye, ki i napa ase nou. Zot pa topik nou konversasyon, zot pa '*a la une*'.

Nou pa fer zot vin *fashion* e nou *still* dan sa pyez. Nou *still* pri dan sa *inertia of* bann ki'n tonbe. Be ki mannyer nou enspir zot pou releve, si nou pa pran bann ki anler met devan zot lizye koman en lenspirasyon pou zot vize e avole parey sa bann?

Nou toulstan en pe la pe zwe dan sa labous, sa ki dan drog, sa ki dan prostitisyon. Nou al fouy dan lapay, nou al rod 4 ki dan lapay ek 8 lo miray. Apre nou dir zot en tas nwandr lo nou sosyete. E par zot figir, ou konnen ki zot ete.

Selman bann ki pe kopi parol son kanmarad ou pa konnen ki ete li. Akoz li i met kravat, i met kravat i met palto *Prada* li. Ou pa kapab konnen ki ete li!

Mr Speaker, nou bezwen ariv en staz. Kot nou annan nou en konversasyon, pozitiv lo nou zenn. Kot nou annan nou en

konversasyon enspirasyonnel lo nou zenn. Kot nou annan nou en konversasyon ki elev nou zenn. Enn bann premye, loter ozordi ki'n koze ki mon'n atrap en pti pe en parol ki in dir.

E ofet in *déclenche* en *chain reaction* dan bann konversasyon sete Onorab Samynadin. In dir li i pou garanti ki i pou napa politik dan son travay lazernes dan son distrik. Dan son *DYC* wi. Be mon konpran ki Onorab Samynadin pe dir, politik partizan, parey in dir ek nou pa ek nou *and whatnot*.

Be a la menm enstan, in deklans en konversasyon ki in vin konmsi nou pa oule zenn dan politik aprezan. Larestan ki vin - sa in kontinyen sa. Be *political youth, political activism* i en keksoz ki bezwen ganny *nurture and cherish* dan en pei!

Zot krwar *International climate negotiation* i pa politik sa? I politik. I politik lo en nivo enternasyonal ki zenn Seselwa pe fer ozordi. Be sa group zenn la, avek sa kod etik ki zot posede, avek sa lentelizans ki zot annan, avek sa lafors moral ki zot annan, oule dir mwan nou pa oule ed zot dan politik? Nou pa oule *nurture* zot dan politik?

Mwan mon ti pou fyer, mwan pou *nurture* enn sa bann

zenn dan politik, ouswa en groupman zenn. Pa neseserman politik partizan. Be ankouraz zot pou zot pran labar sa pei, *foutou!*

Be nou, nou, nou pa kapab zis asize annan nou en konversasyon. "Ah zenn dan politik! Zenn dan politik!" Me si zenn i anvi antre dan politik. Annou annan en leksplozyon zenn dan politik, annou annan leksplozyon, sa bann zenn ki nou fyer de dann politik ozordi.

Annou aret fouray dan papay pou 8 zenn, e 4 lo miray *foutou!* Fodre nou arete annan sa langaz.

MR SPEAKER

10 minit Onorab.

HON JOHAN LOZE

Mersi Mr Speaker. Mon ava *wrap-up*.

MR SPEAKER

E koriz ou langaz en pe.

HON JOHAN LOZE

Mr Speaker mon le termin avek zis de pti sizesyon pou Minis. Minis, mon ti a kontan si en zour zanmen ou retournen, avek sa Lalwa, mon ti a kontan en zour retourn devan nou Lasanble avek, *Advisory Board*.

Ouswa en *Advisory Council*, konstitye par zis zenn

ki'n elekte zenn vi zot ava en body within SNYC, avek *the specific mandate of advising Government*.

Kree sa *body, within SNYC* e zour ki ou fer sa Minis ou pou annan mon sipor. Dezyenm keksoz ki mon oule sizer avek ou Minis. *Youth delegates*. Mon ti a kontan ki si, *from now on nou bring on nou bring on board the concept of youth delegates*, partou kot nou bann dirizan i ale. *Whether zot pe al kot United Nations, whether zot pe al COP*.

Whether zot pe al Expo Dubai. Ki nou annan bann *youth delegates in attendance* a tou fwa ki nou bann dirizan i vwayaze. E *youth delegates*, i ava bann - anba SNYC menm, bann zenn annan en *body* pou swazir zot.

E mon pe koz ou bann zenn. *Ordinary, run-of the-mill youths*. Pran zot, *empower* zot, donn zot sa sans, avans devan. Sa i mon de sizesyon konkret pou ou Minis ozordi.

As is, ozordi sa morso Lezislasyon Minis mon pa pou kapab siporte. Mon poudir ou fransman, be selman zour ki ou vin devan, avek serten sa bann sanzman, mon pou pare pou donn ou mon sipor. *Thank you very much.*

(APPLAUSE)

MR SPEAKER

Mersi. Onorab Bastienne ou non i lo lalis. Selman mon ti'n vwar ou sorti, mon mazinen ou ti annan en bon rezon pou ou pa la, pou soz. Alor mon re gard ou non lo lalis. Ou annan laparol.

HON DESHEILA BASTIENNE

Mersi Mr Speaker. Bonn apre midi Mr Speaker. Bonn apre midi Minis ek ou delegasyon. Bonn apre midi tou Onorab e osi tou lazernes dan Sesel antye, ensi ki Perseverance.

Mr Speaker, mon santi mwan fyier pou akeyir sa lamannman, lo size lazernes Seselwa. Mon santi ki nou lazernes la deor, a santi zot lib e pare pou fer zot prezans konte dan zot distrik e osi partou dan Sesel an antye.

Mr Speaker ozordi mon pe santi ki lazernes, anba sa novo Gouvernman, dezormen zot pa pou antase anba okenn parti politik, kot zot ti ganny dirize ki pou fer, ki pa pou fer, kote pou ale, avek ki zot pou frekante ouswa non.

Mr Speaker Minis in osi fer resorti, ki avek sa lamannman, lazernes pou kapab enkilke sa vre sans patriyotik, demonstre zot bann vre valer kiltirel e osi

bon ledikasyon antre zot frer ser.

Lazenes ozordi parey Perseverance zot anvi bouze. Zot anvi anmas zot bann frer ek ser dan tou kous nou sosyete e sirtou bann zenes ozordi ki vwar zot pri dan bann sityasyon sosyal e difisil.

Me zot mank sa fasilite. Zot bezwen sa landrwa apropriye pou zot kapab a ankadre zot, demonstre zot talan, ankouraz zot bann lezot frer ek ser la deor ki pe sey rod en fason pou zot osi form par dan sa group.

Minis ou'n osi mansyonnen, sa platform i tre enportan, pou zenes zwenn avek Gouvernman pou zot *voice out*, koz lo zot pwennvi, lo zot rev, zot bezwen, zot bann lobstak e kote zot anvi arive.

Mr Speaker sa lamannman pou anmenn plis konfidans dan nou lazernes, donn zot sa liberte ek lanvi pou zot vin devan e osi ekspekte ki zot ganny tou bagaz neseser pou kontinyen avans devan e promot nou lazernes Seselwa.

Ozordi mon konfirm mon sipor pou sa lamannman, akoz mon santi i pou dan lentere lazernes Seselwa. Mersi.

MR SPEAKER

Mersi Onorab. Onorab
Woodcock.

HON WAVEL WOODCOCK

Mersi Mr Speaker. Mr Speaker mon'n, deba ozordi in vreman enteresan. Sirtou ler mon'n ekout enn de entervenan lo lot kote latab. En bon pe zot in donn lenpresyon konmkwa, zot valoriz nou bann zenn. I annan enn ki'n koz lo zenn dan lapay, zenn lo miray.

Me in blyie ki i ti fer zenn dans touni ek *crate sopin*, lo likou anba pye tanmaren, Corgat dan letan elekson, (dan son konsonn kaki)

Mr Speaker, i annan en bann in dir ki *US* in devlop en bon pe zenn. Vre *US* in devlop en bon pe zenn. Me i annan kategori zenn osi ki zot devlope, mon pou koz en pti pe lo sa bann kategori zenn.

Ozordi anba *watch United Seychelles* nou annan 6000 *drug addicts*. Pa fini Mr Speaker, wi Onorab Cosgrow i enn, *United Seychelles* in devlop zenn Minis, i enn sa bann *ex Minis United Seychelles*. Zot in devlop en bon pe zenn politisyen osi. Zot in osi devlop bann zenn planter.

E pa blyie osi ki, mon pe al donn levidans zot in osi, devlop bann zenn voler. Nou'n vwar bokou bann politisyen dan

lepace ki'n enplike dan bann aksyon vol.

Mon pou al lo la Mr Speaker. Me solman ozordi ki mon pou fer, mon pou *challenge* tou sa bann Manm *United Seychelles* lo lot kote latab, pou al get Rapor Oditer Zeneral 2019. Ki konsern S..N..Y..C, par anba zot *watch*. Anba Gouvernman *United Seychelles*.

Mon *challenge* zot al get sa Rapor Oditer Zeneral. *In fact* mon demann Lepep Seselwa, tou manm piblik, al get Rapor Oditer Zeneral lo SNYC 2019. Annefe ti annan en deba lo sa rapor par *FPAC*, an Me 2020.

Mr Speaker, ki nou ti vwar dan Rapor SNYC. *Mismanagement of public funds, plizyer discrepancies, bann disparities* dan bann peyman. Mr Speaker, ler tou sa bann keksoz ti arive kote *Board SNYC* ti ete sa letan? Ler *CEO* ti pe monte, desann aletranz, san laprouvasyon Biro Prezidan.

Kot i annan plizyer bann depans, bann pokirman ki'n ganny fer san ki Lalwa pokirman i ganny fer. San dokimantasyon, san resi, san rikord. Tousala ti arive dan SNYC anba *watch Gouvernman United Seychelles*.

Dapre Rapor Oditer Zeneral an 2018 - R1milyon an 2018, ti ganny donnen avek

SNYC, pou asiste bann zenn antreprenier, ki zot in fer Mr Speaker? Zot ti donn bal dan sa larzan, dan sa R1milyon.

Oditer Zeneral pa in dir, napa dokiman! Swa i mank dokimantasyon, swa dokimantasyon pa annord. Kote, lekel sa bann antreprenier, sa bann larzan e ki mannyer sa bann larzan in ganny servi. Tousala in arive anba SNYC. Kote *Board* SNYC ti ete sa letan?

Mr Speaker la ozordi zot krwar zot pou vin bat latet lepep Seselwa, fer krwar zot enterese avek zenn? Manboulouk dan peyman *Board Members allowances*, Mr Speaker.

Rapor Oditer Zeneral al gete Onorab *Leader Lopozisyon*. Ou lo *FPAC* ozordi ou kapab tyek ankor. Mr Speaker in montre bann keksoz ki'n arive. Pa fini Mr Speaker, get sa rapor ankor SNYC, '*lease*'. Mon a montre ou kot politik i ete Mr Speaker.

Lease bann biro, bann biro ki SNYC ti pe *lease*. Ou konnen napa *lease document*? Napa! Oditer Zeneral i demande oli sa bann *Lease Agreement* napa! Ki enkli, ki montre ou ki mannyer SNYC ti politicize - Biro, Youth Biro SNYC, kote Biro SNYC i baze?

Baie Sainte Anne i baze dan biro *United Seychelles*, e napa en *Lease Agreement!* Mr Speaker dan Rapor Oditer Zeneral, 2019. E la ozordi, in fact mon'n fek zwenn ek CEO Belmont, nou'n diskite ansanm avek *DA Grand Anse Praslin*.

Pou biro SNYC dan en landrwa ki lwen avek lazennes, lwen avek lekol pou *relocate* sa biro, par deryer Sant Kominoter Grand Anse Praslin avek laprouvasyon Departman Kiltir.

Nou pou *relocate* sa dan sa *building* par deryer sant Grand Anse Praslin, kot plis zenn, sirtou bann zenn segonder i kapab ganny akse avek sa biro. La ozordi zot pe rod lazennes, oli sa R1miyon, ki ti pou ed bann zenn antreprenier?

Mr Speaker, ou konnen, mwan mon ou konnen en ler i fer ou, servi sa mo araze. Selman i fer ou fristre ler ou get tou sa bann keksoz ki'n arive anba *watch* sa Gouvernman, zot lodasite ozordi poudir zot *care* pou lazennes!

Zot in touy nou zenn avek drog, Mr Speaker, ladan menm ler ou dir zot, ler ou koz lo en *audio* zot le *araze*!

(laughter)

HON WAVEL WOODCOCK

Zot le ankoler, mon *sorry*, mon *retract* sa ‘*araze*’ Mr Speaker!

(laughter)

MR SPEAKER

Order!

HON WAVEL WOODCOCK

Mr Speaker, mon demann en leskiz. Mr Speaker i montre klerman dan lepase SNYC, ti ganny servi koman en zouti politik.

Lo *Seychelles National Youth Assembly*, i pa ganny fer dan en fason demokratik li dan lepase.

Zis zot ti apwent zot bann dimoun ki zot le. Gran mersi sisyenm Lasanble ler nou'n vini nou'n met *watch* lo SNYC. Nou met presyon. Mwan menm mwan personnelman mon'n zwenn avek SNYA osi, e bann zenn in met konsern devan mwan.

Oli eleksyon o nivo distrik, bann zenn pou swazir en manm? Zanmen deza ganny fer, zot ki ti apwent bann zenn ki zot ti oule. *Ok?* Apre ler Eleksyon i vini SNYC, mobiliz zenn donn zot en *pen drive*, en bwat *takeaway* avek detrwa biskwi ladan ek en *pendrive* avek en

sanson ‘*The future is Faure!*’ ek en triko “*The future is Faure!*”

Zis pou manipil nou bann zenn. Zot in bon lo la Mr Speaker! Anba *watch United Seychelles*, nou bann zenn dan lepase in ganny servi, in ganny abize, in ganny manipile e zot in ganny fer per pou vot pou en parti politik.

E sa i bann keksoz ki ozordi nou Mr Speaker, nou'n dir, nou bezwen tire dan SNYC, fer li vin enparsyal. Annou fer bann programm pou ankadre bann zenn. Nou bezwen tir sa bann. Ozordi get bann lofis, kote biro i ete La Digue, Onorab Uranie, pa ou ti pe konplent ek mwan ou. Dan en pti trou nennen ou a dir zot dan en *attic*, napa preski lespas pou manrmay servi.

En, mon krwar zot dan en *attic*. Lekipman napa, aktivite napa. Ou'n konplent, vizit ki MYC, ti fer ou dir i annan en gran lespas ant Biro Ladministrasyon Distrik, kot *Pension Fund*, *building Pension Fund* i ete. Kot ou kapab fer en bon lofis la, en bon *building* pou deservi bann zenn La Digue. Zot pa ti enterese tou sa bann letan?

E la ozordi i annan Manm, i ava vin dir ‘ah amann tou *Board*, fodre nou met dimoun Praslin lo tou *Board* ki annan.

United Seychelles zanmen enterese pou met okenn Pralinwa lo okenn *Board*, ouswa Digwa zot! Ler sa Gouvernman in sanze, ozordi nou annan nou en *liaison officer* pou Praslin, en *liaison officer* pou La Digue, lo plizyer *Board*. Menm L'Union ozordi La Digue, get sa kantite Digwa ki lo *Board* L'Union La Digue.

Ozordi lo plizyer - SFA, nou annan Pralinwa ki lo Manm *Board*. Plizyer *Board* Gouvernman ozordi, nou vwar ki sa Gouvernman ozordi i enklisiv, nou pe *involve*. E nou pe enkli Pralinwa lo la, akoz nou, nou enterese ek Pralinwa.

Zot pa'n enterese ek Pralinwa pou 43an zot! Sanmenm sa partou kot ou pase bann *building* pe tonm ater!

Mr Speaker nou bezwen, nou bezwen pran nou bann zenn serye. Annou aret servi bann zenn, donn zot drog, anmenn zot *kick obor Lorloz*! Annou arete sak fwa eleksyon donn drog dan bwat manze. Fodre zot arete sa bann keksoz Mr Speaker.

Annou valoriz nou bann zenn, annou ed nou bann zenn pou sorti dan drog, pa ankouraz drog, pa ankouraz bann plantasyon drog dan nou

pei. Fodre arete sa bann keksoz Mr Speaker!

(APPLAUSE)

MR SPEAKER

Onorab 10 minit.

HON WAVEL WOODCOCK

Mr Speaker pou fini.

HON SANDY ARISSOL

(Off-Mic)

MR SPEAKER

E Onorab Arissol silvouple aret enteronpe. Mersi.

(laughter)

MR SPEAKER

Nou a sey termin sa deba annord silvouple.

HON WAVEL WOODCOCK

Mr Speaker, nou pa le ankor dan sa pei ki bann antite, bann *state apparatus*, bann antite Gouvernman i ganny servi pou manipil nou zenn. I ganny servis pou sey anbet, ouswa fer per nou bann zenn pou vot pou en parti politik.

Nou bezwen ankadre nou zenn, ed nou zenn devlope. Pa fer zot regresse, parey Onorab regresyon pli boner Mr Speaker.

Nou bezwen, nou bezwen ed nou zenn epanouir Mr Speaker. E mwan, mon pou siport sa lamannman ki la devan nou ozordi, akoz mon santi ki Mr Speaker ...

MR SPEAKER

Hold-on.

HON WAVEL WOODCOCK

... sa lamannman pou ede, bouz SNYC, pou pli devan e ki ava ed nou bann zenn Seselwa epanouir.

HON SEBASTIEN PILLAY

(Off-Mic)

MR SPEAKER

Esper en kou Onorab Pillay.

HON WAVEL WOODCOCK

Avek sa de mon dir ou mersi Mr Speaker.

MR SPEAKER

Onorab Woodcock ou'n terminen. Mersi. Wi *state* mwan ou *point of order* Onorab Pillay.

HON SEBASTIEN PILLAY

Mon annan de *point of order*. Premyerman nou *Standing Orders* i fer kler. I pa en Manm en *FPAC*, *ok*. *FPAC* i annan en rapor lo Rapor Oditer Zeneral, nou'n fer *hearing*.

Li i pa kapab vin fer sa - mon pa'n enteronpe mwan.

MR SPEAKER

Ok.

HON SEBASTIEN PILLAY

Akoz ler mon enteronpe, ou dir mwan koumsa mon pa avans Lasanble.

MR SPEAKER

Wi. Ale.

HON SEBASTIEN PILLAY

Dezyenmman, ou les li servi en term pou apel *whoever* Manm, Onorab 'Regresyon.' Lekel ki a apel Onorab 'Regresyon' la anndan?

(laughter)

HON SEBASTIEN PILLAY

E ou les li ou. Napa problem.

MR SPEAKER

Wi mersi. Mon, fodre mon bezwen admet avek Lasanble ki mon ganny en pe difikilte swiv Onorab Woodcock dan en pe dan son bann diskour e i petet mon'n mank keksoz.

Lo term *FPAC*, fransman dir ou mon pa tro konnen. Me si in fer sa pwen, *ok* akseptab. Lo size Onorab 'Regresyon' in servi en term, koman en soz. I annan

Manm la, ki servi term ki denigre lezot.

I arive tou lede kote, e mon apel tou lede kote pou arete. Ou annan en *point of order* osi. State mwan ki ou *point of order* Onorab Arissol.

HON SANDY ARISSOL

Mr Speaker, zis pou lenformasyon piblik anvi ki sa size FPAC, in monte. E koman en Manm FPAC, Rapor Oditer Zeneral i en dokiman piblik.

E sa ki Onorab Woodcock pe koz lo la i en keksoz ki ti pase lo televizyon, radyo an relasyon avek sa size lo SNYC. Piblik.

MR SPEAKER

Ok Mersi.

HON SANDY ARISSOL

Dan lanket FPAC. Mersi bokou.

MR SPEAKER

Mersi. Mersi pou ou klarifikasyon, nou a kontinyen. Onorab Zialor.

HON NADDY ZIALOR

Mersi Mr Speaker.

MR SPEAKER

Eskiz mwan, Onorab Pillay mon'n ekoute ou *point of order*.

HON SEBASTIEN PILLAY

(Off-mic)

MR SPEAKER

Wi, ale wi.

HON SEBASTIEN PILLAY

(Off-mic)

MR SPEAKER

Wi, ou'n fini fer ou *point of order*.

HON SEBASTIEN PILLAY

Mon pa ankor fer mon pwen. Mon bezwen met devan ou. Mr Speaker mon enplor ou.

MR SPEAKER

Wi.

HON SEBASTIEN PILLAY

Sa *statement* ki Manm i servi bann term i denigre kanmarad, i pa en *statement* ki devret ganny servi dan nou Lasanble! Mon pa krwar okenn Manm i devret ganny lese denigre okenn lezot Manm.

Mwan mon pa fer li mwan. mon pa donn non lezot Manm.

MR SPEAKER

Byen.

HON SEBASTIEN PILLAY

Malgre tou sa ki mon dir. E mon pa krwar dan en Lasanble parey pou nou, ki okenn term *dérogatoire* ki dekrir okenn Manm i devret ganny servi.

Mon ti ava enplor ou. Explore ou pou ki *the procedure* i devret ki en Manm, i *address the Chair*. E si i le *refer to* sa Manm i a *address* sa Manm atraver ou *the Chair!*

Silvouple, annou pa al, pa al dan sa direksyon. Ler nou ti Manm pou denigre kanmarad *then*, enn pou komanse, lot pou komanse i kapab sorti lo mon kote tou, mon poudir okenn Manm pa bezwen fer li.

MR SPEAKER

Egzakteman.

HON SEBASTIEN PILLAY

E mon pa krwar i devret ganny fer. Mersi Mr Speaker.

MR SPEAKER

Egzakteman. Nou ava evite fer li. Onorab Zialor.

HON NADDY ZIALOR

Mersi Mr Speaker. Onorab Zialor ou'n lev ou lanmen en pe tar. Mon krwar ou ti la.

HON NADDY ZIALOR

Wi.

MR SPEAKER

Selman mon akord ou menm privilez. Si ou ti kapab fer ou pwen kourt.

HON NADDY ZIALOR

Mon remersye ou, enfiniman. 10 minit. Minis, Minis, koleg Onorab, Lepep Seselwa, lazennes Seselwa, bonn apre midi.

Mon pran laparol apre midi koman en zanfan Sesel, mon repeete en zanfan Sesel.

Mon pran laparol apre midi, koman en lazennes Seselwa. Non pa en lazennes US, oubyen en lazennes LDS, non pa en lazennes ble oubyen ver, me en lazennes Seselwa.

Mon'n form parti annefe, parkour SNYC, mon'n form parti parkour SNYA. Mon'n form parti parkour Young Citizen. Mon'n form parti parkour President Award.

Non pa koman en zenn kible, oubyen koman en zenn krouz. Me koman en zenn SE..SEL..WA.

Mr Speaker, apre midi mon'n ekout tre atantivman bann deba. Mon'n ekout tre atantivman bann deba. E mon pe sey konpran en pti git dan ki direksyon, nou anvi nou Seselwa e nou lazennes i ale. Nou ankor pe, pe donn sa lenpresyon ek Seselwa ki, nou bezwen kontinyen viv dan lafreyer.

Nou ankor pe donn lenpresyon lazennes Seselwa, ki avek fermtir *Board SNYC*, tou keksoz i fini. Konmsi ou a krwar nou pe dir ek Seselwa. Ou nepli

annan, ou pou nepli annan en lavwa, ou pou nepli kapab partisipe.

Non *mes amies* o kontrer, pou tou mon bann koleg ki'n la. Mon krwar in la pou 20an SNYC. Ki'n kontribye anver lepanouisman sa Konsey, e lepanouisman Sesel, e lazennes. Mon dir mersi. Mr Speaker.

Me sa ki Gouvernman ozordi, sa ki Gouvernman Sesel ozordi pe dir la. Mwan pou servi li koumsa. Nou'n *de-lock* zot lanmen, nou'n *de-lock* zot lipye, nou'n kas en lasenn. E nou pe dir zot ozordi bomaten pran *ownership*, *ownership* dan ou kominote, *ownership* lo nivo SNYC, *ownership* dan ou lakour, *ownership* dan ou lavi.

Avek fermtir, oubyen disolisyon *Board*, mwan mon reste konvenki ki prezant ki pou annan lespas pou lazennes Seselwa devlope. Akoz, zis pandan sa bann dernyen 2an, nou'n vvar en leksplozyon, bann NGOs ki pe vini avek diferan programm, ki pe ankadre lazennes Seselwa.

E i annan en kantite, Praslin nou'n ale, nou'n zwenn avek bann zenn ki annan - parey Onorab in dir taler, bann zenn ki annan en leker pou lanvironnman. *Ok?*

Ozordi nou bezwen realiz en keksoz, ler nou koz

leadership, *leadership* kot i komanse? *Leadership* i komans labaz, *leadership* i komans a nivo kominoter. So mwan mon deba bomaten, apre midi, mon pa pou vin argimant si byen, si mal, si ti pas dan rigol, si ti pas lo montanny.

Mon largiman apre midi se wi lazennes Seselwa, ti form parti dan sa 54poursan ki ti demann en sanzman. E wi lazennes Seselwa i konnen, e i konvenki ki sa moman arive prezant la, pa neseserman pou nou kontinyen fer keksoz parey ti pe abitye fer, ki ti pe ganny fer oparavan.

I pa neseserman ki nou pe dir ki i ti mal, nou pe dir ki nou kapab fer li pli byen, pli meyer. Alors si ou en zenn ki'n form parti *Board* SNYC, parey mon menm. Si ou en zenn ki ti bann *affiliated members* dan SNYC, si ou zenn ki ti dan ou kominote, e ou santi ki, SNYC pe fermen.

Lala mesaz ki zot pe dir, zot deor laba, pe fermen pou napa ankor, tou zenn pou asiz. *Well*, mon'n tann nonm dan bor semen, dan rigol, mon pa konnen. Non i pa le ka *mes amies*, non-non-non.

Mwan, nou e Minis mon ti a kontan si ou kapab konfirm sa, nou koman en Gouvernman nou pe dir avek zot, loportinite i komans ozordi. Vin devan. O kontrer si ou ti form parti *Board*

SNYC, si ou ti form parti Lasanble Lazenes, e ou annan, ou pei, ou annan ou pei, ou annan Sesel a ker. Vini, vin donn en koudmen pou batir sa Sesel. Vin ed sa frer ki souvandfwa nou'n tann pe dir in tonbe la. Vin donn en koudmen.

Sa Gouvernman ki la, la i Gouvernman Sesel. Dan SNYC, se i ti pe reprezant Sesel. Alors Mr Speaker, mon krwar i reste mwan en pti pe letan, alors mon pou enplor, mwan apre midi mon pa pou vin adres nou ki la. Me mon pou adres lazene, Seselwa ki laba deor.

Mon pou enplor zot, *you are the owner of your destiny; your choice is your destiny!* So annou pa krwar, ki ozordi Gouvernman pe ferm laport lo zot. Non.

Gouvernman mwan mon reste konvenki, ki i pe donn ou sa loportinite pou ozordi *to be what you want you want to be!* Pa sa *be want you want to be* kot i swazir pou ou vini, be ou ki vin sa ki ou anvi vini!

Alors, pou terminen mon parkour avek SNYC ek SNYA in permet mwan pou ariv kot mon ete ozordi. E parkour SNYC, SNYA i pa pou depan, zis lo nou ki la anndan, i pa pou depan lo Minis. I pa pou depan lo CEO, i

pa pou depan lo zis nou bann Lezislater.

Me i pou depan lo sa zenn, sa zenn profesyonnel, sa zenn ki fek fini pos-segonder, sa zenn manman, sa zenn papa, wi sa zenn ki en viktим drog, sa enn ki petet i santi li tousel, sa moman pou nou regroup ansanm. E vwar ki nouvo lide inovativ, ki fason proaktiv nou kapab ede pou transform nou pei, Mr Speaker.

Avek sa de pti mo, i pou fer mwan en loner, pou donn mon sipor atraver sa *Bill* Mr Speaker. Mersi.

MR SPEAKER

Mersi Onorab. Onorab Pillay.

HON SEBASTIEN PILLAY

Mersi Mr Speaker. Mr Speaker, i annan en keksoz ki pandan sa bann dernyen lannen, mon'n reflesir en kantite lo la. Se eski relman baze lo sa ki nou'n tande tann dir, sa Gouvernman ki la i pa'n akonplir nanryen pou Lepep Seselwa.

I pa'n nobou pandan sa 43 ekek lannen ki'n o pouwvar anmenn Sesel pli devan. I pa'n nobou fer ki ozordi, Onorab Naddy Zialor atraver ou Mr Speaker, Onorab Wavel Woodcock, Onorab Sathya Naidu, Onorab Richard Labrosse, Onorab Kelly

Samynadin, tousala bann zenn dimoun, grandi devlope anba en sistenm ki permet zot, *achieve* en kalifikasyon, ede ozordi koze devan Lasanble.

I pa en Gouvernman osi ki'n permet, en Marie-Celine Zialor devlope, grandi, ganny plizyer Degre, vin en profesyonnel. E ozordi i vin en Minis.

I pa'n fer tousala sa Gouvernman. In fer en Sesel ki parey e *war torn country*. Kot napa nanryen, zis en dezer, e ki partou kot ou gete ou vvar zis lafen, lafamin, dife e lager. Si ou en zenn Seselwa ki la deor se sa ki ou krwar in arive. Ou pa pou kapab sanz ou nide, ou a bezwen kontinyen krwar ladan.

Me si ou relman santi poudir in annan en sanzman. In annan en devlopman, *then* ozordi apre midi mon envit ou pou ekout mon largiman, lo akoz mon krwar ki parfwa ler nou koz sanzman.

E nou koz sanzman dan en fason Kreol, i dir sa dan en fason labous plen. Me nou pa le vreman fer sanzman, nou pou vvar ki mannyer relman ou vin en dimoun ki dan plas bouz devan, ou retourn deryer.

Mr Speaker, eski okenn zenn pa annan drwa vin en aktivis *LDS*? Larepons non. Akoz Konstitisyon i dir ki ou

annan drwa lasosyasyon, e ou annan drwa pou manifeste ou lopinyon.

Eski zenn napa drwa, vin en aktivis *United Seychelles*? Larepons i non. Akoz Konstitisyon i dir ou annan drwa a lekspresyon, e ou annan drwa a lasosyasyon.

Eski okenn zenn pa annan drwa vin aktivis *One Seychelles* oubyen lekel zot, lekel, *whatever* lezot parti ki ava formen? Larepons i non.

Eski okenn endividé i kapab servi son pozisyon mazoriter, pou anpes en lot dimoun koze? Lartik 45 nou Konstitisyon, larepons i non.

Personn dan sa Lasanble pa anpes, pa pou anpes Lopozisyon eksprim son lekor. E pa akoz ki ou demann mwan pou donn respe ki mon pou asize labous fermen, kan mon santi poudir ou pe pyetin lo mon drwa, e ou pe pil lo mwan!

Sa i kler. E rezon akoz mon'n servi pou komans dan sa fason. E sa mon pe dir sa akoz entervenan avan mwan in dir en keksoz. Napa personn ki pe fer per. Me parkont si ou antre avek en mazorite, e ou ganny larogans pouvwar e krwar tou sanzman i posib, se sa ki pou fer ou komans fer bann sanzman ki pou pyetin lo sa bann drwa.

Annou pran legzanz bann *repeal* ki'n arive. E la mon *challenge* *Ombudsman* ankor enn fwa, e mon demann li pou anvoy ankor en *Right of Reply*. Zwe ou rol, sorti dan ou biro e regarde vreman ki pe arive.

Akoz avan sa ou ti pare pou komant lo tou keksoz, tou Lalwa. Ou'n fer li mon annan rikord dan Lasamble. Par egzanp Lalwa pou *repeal* Konsey Dezabilite. *Ombudsman* ti asiz dan en miting avek bann dimoun Lasosyasyon Dezabilite.

Ti annan plizyer konsern sa bann dimoun ti *raise*. E Onorab Zialor ti prezan, Onorab Samynadin ti prezan, dan sa miting. E nou ti kapab ekout, bann konsern ki sa bann dimoun i annan.

E eski ozordi sa bann dimoun i satisfe avek *status quo*? Se zot ki pou bezwen fer en desizyon, *comme 2025* si zot satisfe ek *the status quo*? Ler nou regard nou pe *repeal*, en Lalwa SAA ki nou'n fek fer yer. Lo baz ki i pou fer li pli for, i pou fer li mars pli byen.

Ankor enn fwa, bann dimoun ki annan pou fer ek sa desizyon, se zot ki ava deside si sa i mars pli byen pou zot.

Rezon i senp nou, nou prezant largiman ankoz nou krwar i pa devret ganny fer. Zot

ki an mazorite, zot santi poudir sa i lafason ki zot le gouvernen. Zot pou deside, zot pou pran zot desizyon. Zot kapab swazir pou pran bann pwennvi ki nou met devan, zot kapab swazir pou rezet sa bann pwennvi ki nou met devan.

Nou pa kapab fors zot, pou pran nou pwennvi. E zot kontrer, pareyman zot pa kapab fors nou pou pran zot pwennvi. E se sa balans ki egziste dan en demokrasi, kot nou tou nou annan drwa a lekspresyon.

Drwa lekspresyon pa dir ou kapab maltrete ou prosen e dir sa ki anvi. Drwa lekspresyon pa vedir poudir ou kapab zis servi sa drwa pou ou denigre lezot dimoun. E mon krwar i kler ki nou bezwen regard lespri ki sa Lalwa ti ganny kree, progresyon ankoz nou ti arriv lo en Konsey ki an deor striktir Gouvernman.

Sa Lalwa ti premye fwa ganny pase a mon krwar an 1997 si mon pa tronpe. *Ok?* E ler nou regard lamannman ki ti ganny fer dernyen fwa an 2013, nou pe vvar lentansyon. Lentansyon sete ptitapti, regarde ki kantite kontrol, ki kantite lepanouisman nou kapab donn bann dimoun ki sipoze lo sa *Board*.

Me problem pa ti sa *Board*. Problem ankor enn

fwa, sa kad administratif Gouvernman. Nenport ki Gouvernman mannyer i ganny striktire, akoz tou striktir i bezwen asiz dan en kad administratif Egzekitiv.

E sa kad administrativ, se Konstitisyon ki prevwar ki Minis, i en politisyen, i dir dan Konstitisyon. Minis i en *political appointee*, ki *lead*.

E bann zenn sa letan, e sa ti ganny promouvwar par sa bann zenn ki'n vin lo sa *Board*, pandan plizyer lannen. Zot nide sete zisteman, pou retir zot avek en kad administratif Gouvernman.

Me problem pou toultan reste ki resours i bezwen sorti en landrwa. E resours i bezwen sorti kote? I pou sorti kot Gouvernman pou li vin kot sa Konsey. E lamannman petet ki ti devret ganny fer, sete pou donn sa Konsey lotonomi koman en *Board*, pou li *manage* son resours.

Me sa ki mwan mon pe tande, e sa ki mon pe vvar, i de diferan keksoz. Minis in prezant mwan en largiman entelektyel, en largiman ase entelizan, lo akoz i pe fer *repeal* pou sa *Board*.

Me lobzektif son Lalwa i dir koumsa pou dir sa *Board* pe ganny *repeal* pou donn lefe lanons ki Prezidan Larepublik ti

fer lo tir bann *Board*. Napa diferans. Lentansyon Minis, avek lentansyon son Lalwa i de diferan keksoz.

So si sa i leka, si ou ki pe ekout mwan la deor, sa zenn ki pe ekout mwan la deor, si sa i le ka, si Gouvernman pe dir ou en keksoz, me son lentansyon i en lot keksoz.

Ou devret demann ou lekor koman sa zenn, se sa sanzman ki mon'n vot lo la, dan 54poursan, eski i pe reelman anmenn en nouvo fason fer pou mwan? Si ou krwar i laverite, *then fine*. Mon pa kapab fors ou pou krwar *otherwise*.

Me si ou pa krwar i laverite, mon demann ou pou manifeste ou lekor. Montre poudir ou pa dakor. Eksprim ou lekor poudir ou pa dakor. Fer reprezantasyon anver Gouvernman, ekrir bann let anver Gouvernman, rod ou *MNA*, fer li vin met ou pwennvi devan Lasamble.

Me pa reste trankil, e ekspekte poudir en lot dimoun pou lager ou lager. Akoz sa i en realite ki nou pe fer fas avek ozordi. Mon'n tann koz, zot in koz avek sa bann zenn, ki'n sipoze form en *NGO*. La mon annan mesaz sorti kot sa bann zenn la, i dir mwan personn pa'n koz ek zot zafer *NGO*.

E zot pa'n koz ek okenn MNA, ki vin dan Lasanble, ki'n vin koze, ki vin koz ek zot eksetera. Sa bann zenn pe dir, poudir zot menm zot, zot in ganny enformen atraver medya ki sa *Board* pe al ganny, pe al ganny *phased out*.

Sa ki zot pe dir, *ok?* So pou mwan, en kestyon ki mon demann mon lekor se lentansyon deryer sa lamannman. Si sa lamannman son lentansyon sete senpleman pou *repeal* sa konsey, sa *Board Ok.*

Me akfer *go the extra miles*, pou enpoz en kondisyon ki tou bann travay, *advisory* i ganny fer par Minis, dan ki konteks, anba ki striktir?

Ou'n, nou'n lir, zot in lir manifesto *LDS*, mon bezwen demann mon lekor si manifesto *LDS* pa prevwar, ki zenn pou bezwen annan en groupman. Akoz i annan en groupman zenn *LDS*.

Zis parey i annan en groupman zenn *US*, zis parey pou annan en groupman zenn en lot parti. Zis parey i annan bann *NGOs*. So nou, nou bezwen regard koman Lezislater, ki kad Lezislativ nou pe donn tou sa bann dimoun pou fonksyonn anba la. I pa en kestyon regard Gouvernman *LDS* e regard nou pozisyon *US*. I

en kestyon regard, kwa ki meyer pou, Lepep Seselwa.

E si nou pe koz kwa ki meyer pou zenn. Zenn ki konnen, kwa ki meyer pou zot. Ti ava bon si bann medya i pran en letan, pou al antretenir anver bann zenn.

E vvar si bann zenn i satisfe, ki dore avan zot bezwen fer en *interface* zot bezwen fer, en reprezantasyon avek Minis li menm, pou zot kapab ganny en rekour a en lopinyon ki zot pou annan.

Se sa fondamantalman ki nou, nou pe koz lo la, koman en Lasanble. Napa nanryen ki mwan mon pou kapab dir, pou sanz politik ki zot anmennen pandan sa dernyen 30an. E ki ozordi nou pe *reap the benefits of* sa politik.

E zot konnen ki benefis sa politik ki nou pe *reap* pandan 30an ki zot anmennen? En politik anti-etablisman. Bokou zot la i ankouraz bann zenn pou rebel kont sistenm toulstan. Zot ankouraz bann zenn pou rebel kont sistenm.

E ler mon dir rebel kont sistenm, zot ankouraz dimoun pou ler i ganny en problem, pou met sa blanm lo sistenm. *Fuel i monte - sistenm!* Ou ganny arete pou en tiket loto - sistenm! Ou ganny isi - sistenm!

Ou ganny laba - *sistenm!* Ou ganny lot - *sistenm!* Se sa!

MR SPEAKER

Onorab Pillay mon kapab, mon kapab tenir ou pou 10minit silvouple.

HON SEBASTIEN PILLAY

Mon ava tenir mwan pou 10 minit.

MR SPEAKER

Ale.

HON SEBASTIEN PILLAY

Mon konpran bokou zot pa le tande sa bann keksoz. Zot pa le personn dir zot nanryen. Zot, zot le dir tou dimoun tou lezot keksoz. Be mwan mon pa en marspye pou personn mwan.

Mon kapab eksplik mon lekor, dan nenport fason ki mon anvi eksplik mon lekor. Ok? E si zot santi sa ki mon pe dir i afekte zot dan okenn fason, i annan dimoun ki la e zot ava, dir li poudir sa ki mon'n dir i mal.

Me selman mwan, mon pa pou pran lakoler avek personn dan lafason ki mon eksprim mon lekor. Akoz mon santi poudir *at the end of the day*, bann zenn pou get a raw deal out of lafason fer.

Akoz nou pa kapab fer Lalwa pou en dimoun. Si ou,

koman Minis ou annan en lespri dan ki mannyer keksoz i bezwen marse. E ou vin enplimant sa baze lo en programm ki ou, ou annan.

Demen ou nepli Minis pou Lazenes. En lot dimoun i vin avek en lot fason. Ou pa kapab pran konsantrasyon pouvwar e ekspekte sa pou anmenn konsiltasyon.

Mon pa oule krwar poudir ou krwar ladan. E mon pa oule krwar poudir Lasanble i krwar ladan. Parey zot in dir mwan, zot in ganny elekte lo en tiket pou fer sanzman, zot ava fer sanzman zot sanzman zot le fer.

Me selman mwan personnelman, personnelman mon santi poudir dan plas vreman, dan plas vreman ozordi koman en Lasanble, koz an faver kwa ki nou kapab fer pou vreman amelyor sa Lalwa, nou pe bezwen pas nou letan, anvoy dart lo kanmarad.

E dan sa ki pe perdi dan tou sa bann lesanz, se lazenes Seselwa ki ozordi mon santi poudir, pou bezwen lager bokou pli for pou li kapab ganny son lavwa.

E mon swete, mon swete ki lazenes Seselwa, i ava regard sanzman e si i santi poudir sanzman i al pou le meyer pou li. I a refer menm desizyon ki in fer.

Me si i santi poudir sanzman pa le meyer pou li. I a fer en lot swa, en desizyon. Parey en dimoun in dir, *the choice will be theirs*, e la nou ava gete kote nou'n arive egzakteman.

Me anfendkont Mr Speaker larealite i sa; Politik Sesel, pe arriv a en staz, kot en parti ki ozordi i vin o pouvwar avek en mazorite, pe fer egzakteman sa ki i ti blanm bann mazorite lepase pou fer.

Sa se opres dimoun, anpes dimoun koze e ler dimoun i koz kont zot, zot a rod tou fason pou denigre e atak karakter dimoun! E sa Mr Speaker, pa akseptab dan en demokrasi modern! Mersi.

(APPLAUSE)

MR SPEAKER

Mersi. Onorab Georges, ou kapab satisfe ek 10minit?

HON BERNARD GEORGES

Mon pa pou ni bezwen 10 minit Mr Speaker. Mon remersye ou.

MR SPEAKER

Mersi.

HON BERNARD GEORGES

Mr Speaker, mon pa ti anvi pran laparol me mon santi ki

mon annan en responsabilite pou mwan apre midi, koz lo de keksoz.

Annefe Onorab *Leader Lopozisyon*, in eksprim li en pti pe lo sa ki mon ti anvi vin dir. E in dir ki nou'n pas en zournen ozordi, pe koz lo en lamannman dan en Lalwa.

E nou'n pran sa loportinite pou nou koz lo tou keksoz, enkli sa lamannman. Me an plis ki sa pou nou montre, dan en fason vizib a tou bann dimoun ki pe ekout nou, egzakteman ki mannyer sa Lasanble pa devret pe travay.

Sirtou ki mannyer Lopozisyon i mank en sans pou zot fer bouze, sa pei parey zot responsabilite pou zot fer bouze.

Mr Speaker, mon ti a kontan komanse par remersye tou bann dimoun ki'n travay avek lazennes. E bann zenn zot menm, ki'n anvi pran sa responsabilite pou zot travay pou zot menm e fer avanse zot lazennes dan en fason pozitiv.

E sa in ganny manifeste dan mon distrik Sanmdi pase par lansman en latroup Scout, Asosyasyon Scout 18 Seychelles avek preski 50 manrmay.

I ti ava kapab 100 i zis ki nou pa'n kapab pran zot tou akoz, napa ase lespas. Avek bann paran ki ti la pe siport zot.

Ti napa ni en, *board* ki zot ti bezwen, ti napa okenn Lalwa ki zot bezwen.

Se bann zenn ki fer sa ki zenn i fer dan bann lezot pei, e dan sa Sesel modern. Zot pran zot responsabilite, paran i pran zot responsabilite e i fer bouze en keksoz ki pou valoriz zot zanfan.

E se sa ki sa Gouvernman, pe sey fer dimoun konpran. E mon krwar bann dimoun laba deor i konpran Mr Speaker. I annan 10 an partikilye ki pa konpran, zot pa anvi konpran, lamazorite Seselwa i konpran, ki lepok kot tou keksoz i bezwen ganny fer, par Gouvernman avek son bann Lazans eksétera. In fini, dezormen nou bezwen vin en pei pli rezilyan avek en pep ki bokou pli for, ki bokou pli adapte a sa lavi venteenyenm syek.

E Mr Speaker mwan mon'n ganny gran, gran lazwa ler mon ti vwar san mon lasistans - en group zenn ek zot paran dan mon distrik, arive fer en keksoz ki zot in fer semenn pase. Sa i donn mwan en gran lespwar pou nou lavenir.

E in arive, mon fer zot konpran an depi, an depi sa Lalwa ki nou pe an, ki nou pe sanze ozordi. Ler ou annan dimoun bonn volonté. E la mon ava sit manmzel Belmont ki

mon'n travay avek pandan bokou lannen, dan divers, dan divers fonksyon.

Ler ou annan dimoun ki devoue, *everything is possible* Mr Speaker. E ou kapab fer mirak arive, lo sa later. Me ler ou annan en group dimoun ki pa anvi travay selon zot manda. Nou pou annan en gro problem, e la nou bezwen viz zot mon bann zanmi e mon bann koleg dan Lopozisyon.

Mr Speaker Onorab Pillay ki'n koz avan mwan, in koz lo bann keksoz ki nou ti'n kapab fer ek sa Lalwa.

E i fer mwan lapenn ekout li, akoz i son responsabilite pou li anmenn bann amannman, dan bann Lalwa ki vin isi akoz i en Lezislater li. Si i krwar ki sa Lalwa ki Gouvernman i anmennen i pa ase performan, oubyen i bezwen ganny sanze, oubyen i kapab ganny amelyore, zot tou le 10 laba zot annan sa pouvwar koman Lezislater anmenn amannman lo sa Lalwa!

E mon fek mansyonn sa bomaten, e la apre midi zot vini ankor, zot kritike, san ki zot anmenn en lamannman. E pourtan Onorab Loze ki pa la, in fer en propozisyon ki mwan mon vwar i valab.

Onorab Loze in dir, ki i ti a kontan vwar en *Advisory Board*.

E mon pa ti'n mazin sa mwan. E si mon parye avek zot, si Onorab Loze ti'n anmenn en lamannman poudir met en *Advisory Board*.

Mwan mon ti ava ekout li avek bokou pasyans e si i ti devlop son largiman byen, i ti posib ki i ti kapab ganny *Advisory Board*.

Mr Speaker, Mr Speaker olye kritike, olye kritike tou le semenn, e pa anmenn en propozisyon, e pa anmenn en propozisyon pou sanz okenn lamannman Lalwa apard ki Onorab Gill. E mersi Onorab Gill, felisitasyon, ou, ou konnen ou travay koman Lezislater e ou fer li.

(APPLAUSE)

HON BERNARD GEORGES

Kantmenm ou pa ganny sa ki ou pe rode. E mon a fer ou rapel ki semenn pase, si ou bann Manm, ti'n konn zwe zot kannot. Ou lamannman ti pou'n pase. Kantmenm i pa pase, kantmenm i pa pase *at least* ou, ou konnen ou travay koman Lezislater e ou seye pou anmenn en lamannman dan bann Lalwa.

E ki nou vwar Mr Speaker, olye sa parey Onorab Arissol, Onorab Sandy Arissol ti fer nou konpran detrwa semenn pase.

Olye annan en Lopozisyon responsab e konstriktif ki travay koman Lezislater, eskiz mwan poudir.

Sa ki nou annan se en tim dimoun ki desann lo *store lagrikiltir* tou le Lendi, e ki aste 1 kilo lagrenn fer 'per', ek en kilo lagrenn 'diskord', e ki vin semen isi dan sa Lasanble tou le Mardi e tou le Merkredi. Se sa ki nou annan, e se sa ki zot in fer ozordi pandan tout en lazournen.

Mr Speaker nou pa kapab annan, parey nou'n vwar la ozordi. E la mon ava adres mon koleg Onorab *Leader Lopozisyon*, personnelman. Nou pa kapab annan en sistenm kot sa menm sa dimoun ki akiz Prezidan avek Minis, koman manter.

Sanmenm sa dimoun, ki dir ou Mr Speaker ki ou fer *show*, e ki ou fer *sport*, sanmenm sa dimoun ki montre ou ledwa Mr Speaker, i vin ozordi prese lo ki mannyer nou, nou devret konport nou dan sa Lasanble Nasyonal.

Nou pa kapab annan sa. Sa ki nou bezwen Mr Speaker e ou i ti demann Onorab *Leader Lopozisyon* semenn pase, e mon fer menm demann avek ou, e taler, taler Onorab Gervais Henrie ler i ti pran laparol i ti adres sa avek zot tou. Sa ki nou

bezwen, se ed sa Lasanble, se ed ou koman sa Lasanble, pou fer sa Lasanble travay.

E sa Lasanble son travay ler nou lo Lezislasyon se pou anmenn meyer Lalwa ki nou kapab pou nou sitwayen. E parey mon'n dir Mr Speaker, fason pou fer sa. E la mon koz lo mon leksperyans.

Akoz dan sa 20an, ki mon'n asiz dan sa Lasanble. Mwan menm mwan ki'n anmenn plis lamannman, pou plis Lalwa posib ler mon ti asiz lo zot kote latab.

Preske tou Lalwa ki ti annan, nou ti anmenn en lamannman. La nou fek vwar semen pase, *Physical Planning Bill*, ki'n retournen, avek serten lamannman ki mwan, mon ti'n propoze e ki nou, nou ti'n propoze ler nou ti asiz lo zot kote latab. Se koumsa nou travay Lezislasyon.

Improve laws, pa zis asize e kritike, apre vot kont. Oubyen *abstain*, oubyen *walkout*. Silvouple e mon enplor zot ozordi koman, en koleg, koman en dimoun ki'n asiz en kantite letan isi.

Apard Onorab William ki mon rapel, sa enn ki'n asiz pli lontan isi dan sa lasal. Mon enplor zot, ler zot annan en bon lide parey sa enn ki Onorab

Loze in vin avek ozordi, servi sa bon lide, *bring it forward*.

Travay koman Lezislater, amann Lalwa, fer nou bann Lalwa vin pli bon. Pa zis asize, kritike, kritike, kritike. Mr Speaker mon ti'n promet ou, mon pa pou koz pou plis ki 10minit. Mon'n ekspir mon letan, mon krwar mon mesaz in pase.

Me mon ti a kontan zis, fer rapel Minis ki Minis se pa koumsa ki nou travay dan Lasanble tou le semenn. I annan de moman, kot keksoz i pli pozitiv, kot keksoz i pli konstriktiv, kot nou zwenn ansanm. E la ozordi, set en leksepsyon.

Annou vwar li koman en leksepsyon, e annou swete ki apartir Mardi prosen, keksoz i ava retourn dan lord. Mon remersye ou Mr Speaker.

(APPLAUSE)

MR SPEAKER

Mersi. Mersi Onorab Georges. Minis mon a envit ou pou fer ou repons lo deba.

MINISTER MARIE-CELINE ZIALOR

Mersi Mr Speaker mon ti a kontan adres kekfwa bann kestyon ki'n leve, en pe bann konsern apre mon a fer bann

konklizyon lo petet bann komanter, pour donn reasirans ouswa pou eksplik en pti pe pli a profon. E pou ekliersi detrwa dout.

Mon komans par sanzman rol Lasanble Lazenes avek sa Prozedlwa ki Onorab Samynadin in demande.

Definitivman, definitivman e i annan travay ki'n deza komanse, ki pe ganny fer. Ki mon krwar in ganny souleve par en lot Manm Onorab. E kot i annan en programm pour re-devlop e epanouisman pou sa Lasanble Lazenes.

E lotonomi zesyon Komite Zenn dan distrik sa *CEO* in deza pe travay avek Lotorite Distrik. E nou pe mazin fer tranzisyon, kot sa i transformen i al direk lo nivo kominoter, ki i pa vin fonksyon kot SNYC. E partenarya in deza pe komans travay lo la.

Ki mannyer, nou koriz sa bann fot, sa bann keksoz dan lepase. Konsernan diferan platform ki Onorab Aglae in demande, ki SNYC i vin avek. Byensir i annan en kantite, bann organizasyon non gouvernmantal ki deza la. E i annan bann osi tou ki pe formen, par bann endividé, e par bann group.

E nou pe ankouraz sa, bokou lo nivo kominoter, pa tro bokou zis lo nivo Nasyonal. Akoz i annan en kantite bann zenn, par ler i ganny, i ganny met de kote ler i fer zis lo nivo Nasyonal. I toultan menm dimoun ki vini.

Sa i platform ki pe devlope. I annan, i annan en programm kot SNYC, ki pe donn bokou lankourazman, e bokou epanouisman pou sa bann regroupman. Ankouraze pou annan bokou pli e pli divers osi tou.

E bann bokou regroupman, pou bann diferan group zenn, mon kontan ou'n nonm bann zenn profesyonnel. Definitivman, i en target, akoz mon pa santi nou'n fer ase. Akoz nou'n fer en pe keksoz, nou'n pa'n fer ase pou annan bann groupman zenn profesyonnel.

Lo nivo Nasyonal, se pou angaz bann zenn dan bann *forum*, pou zot ganny en lavwa, malgre dezormen sa bann lopinyon. Akoz i pa fe, i lopinyon, ki ganny dir dan Lasanble. I annan bokou ki pe fer, pour anmenn zenn lo - Nou koz lo size Nasyonal. Enn in deza fini ganny fer lo finans.

I annan enn ki pe al ganny fer an Desanm lo Lekonomi Ble. E sa i pou ganny fer ansanm

avek Departman Lekonomi Ble, par bann zenn zot menm, pou napa en Minis laba.

Sa bann zenn pou al fer zot rekomandasyon zot menm. E nou, nou pou, nou pou enplimant sa bann rekomandasyon, ki sa bann zenn. E sa i zis legzanz. Nou pe zis komanse la.

E nou ape, nou ape met en kantite lanfaz, lo restriksyon kot SNYC. Pour parey nou pe dir. Met nou lakaz annord. Ki nou bann travayer i a konpran sa bann novo fason fer.

E zot ava kapab, *provide* platform kot napa kapasite, nou ava al rod kapasite pou ganny bokou sipor. Mersi bokou bann dimoun, ki vin donn nou koudmen, ki vin sipor nou. E nou ti ava kontan ki bann Manm Lasanble Nasyonal osi, i zwenn nou ladan.

Lo ou konsern, mon krwar pou Onorab Naidu, son kestyon lo kote, lo kote Lasanble Lazenes nou'n fini. E program spesifik Onorab atraver Mr Speaker, i avek Lanbasad Angle, ki'n deza fini komanse. Pou annan, annan tou sa bann diferan sanzman pli demokratik ki nou pe koz lo la.

Plan pou angaz zenn pou anpes zot tonm dan labi sibstans, sa i en kestyon

demande par Onorab Roucou. Mon pou retourne boul kot bann zenn. Annou retourne boul kot zot.

Akoz nou krwar nou, mwan mon krwar senserman, ki bann zenn i annan bokou kapasite pou zot trouv solisyen zot menm. Zot annan kapasite, e nou, nou ava siport zot. Zot, zot ava fer, nou, nou a siport zot.

E vwala akoz nou pe dir bann programm, nivo kominoter e nou a pe, nou pa oule, definitivman vin dir zot ki pou fer. Kontrerman ek sa ki pe ganny dir dan Lasanble. Nou pa pe fer sa nou. Nou, nou pe zis vin la koman en sipor, koman en platform, koman regilater. Nou fer sir ki zenn pa kas Lalwa.

Be nou fer sir ki zot annan tou sa sipor. Nou, nou al rod bann sipor avek bann bilateral, avek bann larestan lorganizasyon prive, pou nou kapab anmennen e dir ek zot ki zot bezwen, vwala.

E nou kapab, e nou kapab ed zot. E sipor pou redwir *teenage pregnancy*. Mon ti a vreman kontan dir zot ki programm avek en dimoun sekter prive in en dimoun ki'n avans devan.

En dimoun ki'n avans devan, en biznes prive. Ki anvi

fer en keksoz spesyal, pou nou kapab zwenn avek li, pou kapab fer sa. Kot i konsern lavwa bann zeb ki Onorab Vidot, i son konsern. Bann travay ki ti pe ganny fer oparavan, pou anmenn sa bann sanzman kot i pa krwar, i la.

E laprev, mon dir i annan lopinyon avek fe. Fe se ki, ansyen Sekreter Prensipal Lazenes avek Spor. Li ki ti anmenn sa kot Biro *Attorney Zeneral*. Nou annan reprezantan o bor mwan la, ki kapab konfirm sa.

E tou sa bann rapor, e akoz avan ler ou fer, ou fer, ou fer sanzman Polisi ouswa Lalwa, ou bezwen fer konsiltasyon. Laprev sa bann konsiltasyon, ki mon'n ganny dir mon pa pe koz laverite.

Laprev sa bann konsiltasyon i la. E mon pou repet ankor i avan ler mon vini e CEO i la o bor mwan. I ti form parti sa group. Ler mon'n vini mon'n ganny prezante avek sa. Ki ti deza kot Biro *Attorney Zeneral*.

Regarde, fe i laba, nou pa pe zis pran lopinyon sa ki nou, nou krwar. Mwan mon a pe koz lo fe. E mon krwar i annan en konfizyon tou Mr Speaker, nou loperasyon *SNYC* avek *Board*.

E Miss Amelie o bor mwan, in fer mwan, i rapel

mwan i montre mwan. I dir regard sa Lalwa li, i en zenn ki son profesyon i annan pou fer ek Lalwa, ki mon byen kontan pou ekout li. Otan ki Minis ki ansarz lazenes, e i a pe dir ek mwan regard sa.

Sa bann fonksyon *SNYC* pa pe sanze li. Sa bann Lalwa la, ki pe, ki pe, ki pe donn en, en lankadreman, pou bann keksoz ganny fer ki zot, zot in koz lo la. I pa pe ganny retire li. Se zis sa *Board* ki pe ganny retire, ki mon pou koz lo mon konklizyon, enn pti pe pli tar Mr Speaker.

Konsernan sa zafer *one size fit all approach*, ki Onorab William in, in anmenn en konsern. Sa pou ganny rezourd letan nou pe redonn responsabilite, ki mon krwar Onorab *Leader Gouvernman Biznes* in koz lo la. Avek loportinite, bann zenn zot menm, pou kree aktivite ki diversifye, ki ava dapre zot bezwen, e ki ava dapre sa ki zot, zot anvi vvar. E sa i pou ganny rezourd, kot pou napa, '*one size fits all*.'

E konsernan pwen, pwen ki Onorab Cosgrow bann konsern. Nou tann sa bann konsern, e sa bann konsern mon ava adres dan konklizyon zeneral ki mon pou fer Mr Speaker.

E mon krwar sa ki Onorab Henrie in dir, in fini reponn kestyon, an konsernan *Youth Council* dan distrik. Ki mon'n dir ki sa i pou retir politik, e sa i pou sorti avek *SNYC*.

E i pou al kot en pe Gouvernman Lokal, e donn responsabilite bann lezot *leaders* dan distrik pou zot kapab organiz zot. E les zot, les zot, mon dakor les zot, les zot organiz zot bann aktivite.

E konsernan desizyon, fer desizyon partisipativ, ki Onorab Loze in koz lo la. Mon pou pran sa osi tou, dan mon konklizyon. E mon dakor - mon dakor antyerman konsernan sa de. E mon kontan ki *Government Business, Leader of Government Business* in koz lo sa de propozisyon, ki i pe anmennen.

E *Advisory Board*, nou ti'n deza mazin lo la. Nou ti'n deza mazin lo la, e nou pa ti pe mazin anmenn li dan en Lalwa. Me zis fer li koman en fonksyon lo en platform en pe pli formel ki fer ki, bann zenn, bann diferan topik konsern lo kote Nasyonal i adrese.

Be parkont lo kote kominoter, zot pou deza fini otomatikman, organiz zot pou zot kapab ganny sa lavwa. E zis akoz *Leader Lopozisyon*, in fer mansyon lo *Advisory Board*, lo

sa Lalwa kot nou ti *repeal Act* pou Dezabilite.

I deza annan *Advisory Board* ki nou'n fer, apre sa dan Departman Lafanmir, ki pe mars tre byen. E apre osi tou, la mon'n ganny envite en levennman ki pe al ganny fer par sa ansyen *Chairperson*, sa Konsey ki nou ti *repeal* la, ki petet kekfwa, mon pa konnen ki konsern *Ombudsman* in anmennen.

Mwan mon'n koz avek *Ombudsman*, depi premye, mon krwar de premye semenn mon ti antre dan lofis. Akoz i ti anmenn dan mon latansyon, serten konsern, e mon'n envit li, mon'n ekout li, bann konsern ki'n anmennen, met devan.

E atraver sa, e nou ekout menm Mrs Leon, mon pe koz lo la, la, li i ti pe dir ti ava bon nou fer en *advisory* dan plas fer, fer en konsey. E in fini ouver en lazans, kot in envit nou pou nou vin partener avek li. Nou tre kontan, nou tre apresye, zefor ki i pe fer.

E nou'n pare dan Minister pou nou partener avek li, kot ankor parey Onorab Georges ti pe dir, nou pe les dimoun. Les sivilyen, les sa bann dimoun annan en kontrol, zot annan en *say* dan ki mannyer keksoz i ganny fer.

E zot ki ava fer, pa tou keksoz Gouvernman, Gouvernman ki fer sa. Vwala la diktatir, kot Gouvernman i fer tou keksoz, i pran kontrol tou keksoz li ki pou fer e kontrole. E sa i ganny maske, en kantite fwa ki mon pou al eksplike en pti pe taler.

Kot i konsern, *youth delegates in attendance*, definitivman, mon krwar anba bann *Leadership Program*, i deza annan, la mon a mansyonn SADC, COMESA, Commonwealth, e nou pe al for la kote CONFEJES.

Akoz lo kote zenn avek Lafrankofoni. Nou en pti pe fay, mon ti ganny vizit, manmzel Fatoumata Silla ki nou reprezantan kot CONFEJES ki'n vin dir ek mwan, sirtou lo kote bann fiy. Pou nou kapab fer en pti pe plis zefor.

E definitivman, mersi bokou Onorab, atraver Mr Speaker pou, pou, pou sa bann, sa bann sizesyon. E lo kote konsern, Onorab Bastienne, nou tande, nou, nou konnen difikilte Perseverance.

E CEO la asir mwan nou ti'n dir, fer en keksoz spesyal. Mon konnen, tou distrik i enportan. Me selman nou konpran. SNYC ti pe fer en pe resers, dan bann distrik partou

pou regard en pti git ki bann problemm avek bann zenn.

E nou konnen Perseverance nou bezwen fer programm spesyal. Onorab pa per, nou pe vini pou nou kapab vin fer keksoz. Konsernan bann konsern zesyon finansyel ki Onorab Woodcock in leve. E Onorab Woodcock pa'n mansyonn *yet*, ki mon pou mansyonnen i *Youth Enterprise Board*.

I enn parmi bann konsern, ki nou osi nou ti annan. Nou an menm tan nou'n vini, e bann kestyon ki nou'n demande. Kot nou'n anvoy kot Oditer, nou'n anvoy en kantite kestyon, en kantite pou nou kapab, konpran.

E ki rol sa bann *Board*, ladan fason, fason zere, e fason gouvernans. E akoz ki'n annan sa bann difikilte, e nou'n pran sa an konsiderasyon, definitivman. Dan desizyon ki nou a pe fer ozordi.

E Mr Speaker, mon krwar mon pe fer letour dorizon mon'n arriv finalman mon krwar kot Onorab Zialor. Mon krwar, in ganny, in ganny byen, in ganny byen mon krwar sa lamannman.

Mon krwar in ganny byen sa lamannman, letan mon pe ekout son lentervansyon. E lenpresyon, ki pe ganny

donnen, kontinyelman ganny donnent sak fwa i annan en Prozedlwa, sak fwa i annan *repeal*.

Se tou sanzman ki diferan, avek sa ki Gouvernman oparavan ti pe fer, pou fer tou keksoz arete. Konmsi ou a krwar lemonn pou aret vire. Akoz nou pe anmenn en keksoz ki konplet, ki diferan, ouswa parfwa, konpletman diferan.

E mon krwar poudir, Onorab Georges in nobou kapab adres osi tou. En pe sa bann fason panse, fason fer. E sa i bann lenpresyon ki parey mon pe dir, i en fason vvar. I en fason vvar, nou, nou annan en lot fason vvar.

An konklizyon Mr Speaker, mon anvi akoz mon konnen poudir sa i adres konsern *Board*. La mon pou koz an zeneral, pa zis pou SNYC. Avek gouvernans partisipasyon, lotorite, pouvwar bann Minis, diktatir ensidswit. Mon pa pou koz lo sa ki mon pa konnen. Mon pou koz lo mon leksperyans, mwan mon'n deza al lo en *Board*, dan Gouvernman oparavan. Pa zis lo en *Board*, mon ti *Chairperson* en *Board*.

E tou sa bann zoli parol, lo separasyon pouvwar, lo gouvernans, napa pli gran lipokrizi. I napa, mwan mon'n

viv sa leksperyans. E napa pli gran lipokrizi, kot ou annan *Board* i pran en desizyon, apre ouswa nenport ki i ganny *overrule* konpletman.

Kantmenm, kantmenm sa desizyon i an konfor avek lord servis publik, ouswa avek Lalwa. Zot anvoy kategorikman merd, desizyon ki *Board* i ganny pran. Savedir, sa bann lipokrizi, kot i fer krwar pa Minis ki ti ansarz, *Board* ki ti ansarz.

Mwan mon'n viv mwan. Mwan mon prefere parey mon'n, zot in ganny dir en pe lo mwan, lo mon lo ki mon krwar ladan ensidswit. Mon fran mwan, vreman fran. Par ler, par fwa mon *franchisme* i fer dimoun en pe enkonfortab. Fer mwan ganny en pe problem tou.

Be selman plito, mon vini mon vin dir wi. Pour sa kalite fason *gérer* ki nou pe zer Gouvernman, nou ti ava kontan ki sa bann keksoz koumsa ki Minis ki pran desizyon, nou dir fran. Nou pa, fer krwar. Nou pa fer krwar, parey oparavan nou'n met sa kantite *Board*, ouswa lezot Lazans Konsey, ki i zis parfwa avek enternasyonal, pou nou kapab tik dan en bwat, *tick* dan en *box*.

An realite nou kapab annan pli zoli striktir, nou kapab koz lo Konstitisyon. I

reste en papye dan en liv, si son fason enplimante, son fason ki i ganny enplimante, i konpletman diferan avek sa ki ganny dir dan nenport ki Lalwa, nenport ki Polisi.

Mon dezyenm konklizyon Mr Speaker, gouvernans apre nou bezwen fer diferans ant, bann antite paraetatik, zot fonksyon avek bann antite parey en Konsey Nasyonal Lazenès ki diferan. Ki *Leader of Government Business* in fini eksplike.

Dan en lepok kot Gouvernman pe retir, bokou fonksyon avek li. I pe redonn pouvwar, i pe donn pouvwar pep Seselwa, i pe donn pouvwar lazènes Seselwa. Nou pe fer sa SNYC vin pli ptipti.

I pou en vre Konsey akoz i pe fonksyonn parey en Lazans avan. Nou pe fer li sa ti pou en lepok, nou pa dir ti mal ti byen, i ti en lepok. La prezan kot nou pe fer li vin pli ptipti. E par lo la tou, i pe kout nou mwens li, i pe kont nou, mwens ki R200mil, nou ti pe depanse avek *Board* par lannen.

E la nou pe fer li vin pli ptipti, nou a prefere. Onorab William in dir sa bann travayer, travay bokou. Wi, nou salye zot. E zot pe pas atraver sa bann sanzman, pa fasil. Kekfwa petet nou pa dir nou ava kapab, bann

ki ava la ki pli kourt, ogmant en pti git zot, zot kondisyon travay.

Ouswa servi larzan pou fer bann lezot aktivite, ki neseser, ki nou vwar nou, nou bezwen ekoute ki mannyer nou pou, nou fer avek sa *saving*, ki nou pou fer la.

E kot nou pe fer li pli ptipti, ki zis li, i *oversee*, i regarde, i met en platform an plas. E i arete ki Gouvernman ki krwar fodre i fer tou keksoz, e i donn sa bann lazènes sans dan nenport ki topik, nenport ki Nasyonal, size zot anvi anmennen pou zot anmennen.

E aprezan, nou ed zot kot napa resours, sorti dan kof Gouvernman. Nou, nou ava rod en fason nou, nou a rod enn fason, pou nou kapab ed zot.

E i annan bokou, pa mal, ki deza pe vini ki nou pe angaz nou avek. E vwala en pti pe mon ti anvi koz lo diferans ant bann diferan antite, e lekel bann ki mon, ki nou, nou krwar i bezwen *Board* e akoz bann ki nou krwar i pa bezwen *Board*.

E mon trwazyenm pwen mon anvi fini avek. I annan diferan fason fer keksoz dan lavi, diferan fason fer keksoz. Zis pou mwan ilistre sa konsernan persepsyon. Si mon ekrir en nimo 6 la ater la, mwan mon vwar 6 mwan. Onorab De Letourdie, ki an fas

ver mwan, avek Onorab Norbert Loizeau, zot pou vwar nimero 9, zot pou vwar nimero 9.

Lekel ki byen la, mwan ki byen ouswa zot ki byen? Nou tou lede nou byen. Parfwa la, parfwa se sa, nivo matirite nou bezwen.

E dan lespri kolaborasyon, dan lespri kot nou konpran kanmarad en pe pli byen, dan plas lager ek kanmarad. Se nou envit onorab De Letourdie, ki li i poudir, be la Minis pe koz manti, 9 sa pa 6.

Nou envite nou dir be Onorab vin en pti kou sa kote la. Ah vre letan ou la, ou vwar 6. Prezan i a dir ek Minis be vin en pti kou sa kote la. Tou lede fodre i pare pou fer sa pa. Nou dir be *ok* vwala, la vre, ou konnen vre 9 sa kote ki la. E vwala kot ou vwar en diferan persepsyon, diferan fason fer keksoz.

E mon konnen poudir parfwa i pa fasil pou nou kapab fer sa, be napa nanryen ki enposib. E mon krwar ki lazene Seselwa i matir, lazene Seselwa ki pe ekout nou, zot konpran ki mon a pe koz lo la.

E zot konnen poudir, nou vin travay ansanm, nou pa vin lager ek kanmarad. Nou vin travay ansanm, i annan lespas. Nou bezwen fer lespas, pou tou

dimoun, i annan lespas pou diferan lopinyon. I annan lespas pou tou dimoun.

E nou ekspekte ki annan rezistans, letan nou pe sanz en sistem, an antye ki ti la. Definitivman bann dimoun, ki'n met sistem la, ki ankor krwar ladan, zot pou fer tou fason pou nou pa sanz sa sistem.

E vwala kot sa bann persepsyon i vini. Ki sak fwa nou pou vin avek en lamannman. Nou pou ganny dir poudir nou a pe met pouvwar tou dan lanmen Minis. Nou a pe fer regresyon, ouswa bann larestan persepsyon ki, ki vini.

E mwan mon senserman krwar avek tou lonnekte, e mon krwar Onorab Cosgrow in preski enplor mwan, preski explore. Mon pa kapab, pa fer li faver. In preski enplor mwan pou mwan, pou mwan donn sa garanti, i preski explore ki, i dir i konnen ki dir mon pa krwar ladan.

Mon a dir ek li ki mon krwar ladan. Mwan mon krwar ki senserman lazene Seselwa i merit pran kontrol. I merit pran kontrol en kantite, bann aktivite, en kantite bann desizyon ki konsern li.

E napa en sel fason fer, e SNYC nou'n fer en fason fer pou detrwa letan. Nou a pe fer en lot fason fer pa avek dominer. Zis

diferan. Nou'n get nimero 6, prezan nou pe get nimero 9. Vwala ki sa Prozedlwa, i pe demande ki nou anmennen.

E desizyon Gouvernman, desizyon politik Gouvernman ki Onorab Vidot in koz lo la, ki non- partizan. Nou, nou baze lo rezulta. I apel *result-based management*. E lenpak, e nou pa pe depan zis striktir. Nou bezwen regard lenpak ki i anmennen, mezire, e kot i annan bann aziste, nou, nou *open* pou sizesyon.

Pou lespri travay ansanm, pou nou kapab ansanm avek nou lazenes, pou anmenn nou pei, pli devan. E letan nou pe regard en pti git otour lemonn, letan nou pe fer bokou nou bann analiz, nou pe sanz ankor en pe keksoz pou nou azour avek sa ki pe pase dan lemonn.

Nou vwar Sesel in en gran sans, en gran sans, en gran sans pou li *lead* dan en kantite topik. E se nou lazenes mon krwar ki pou atrap sa tors, ki zot pou fer nou fyer, zot kapab fer nou fyer.

Nou, nou la nou pare, nou reste konvenki, nou angaze. Nou, nou *committed* pou nou kapab e nou reste *focus* osi tou. Pe enport bann lezot pozisyon ki annan. Nou ekoute, nou konsidere.

Nou pare pou korize letan i annan fot ki ganny fer, be nou reste *focus*, pou sa vizyon. Pou nou anmenn en lot letap, nou bann lazenes Seselwa. E mon ava dir mersi bokou pour zot sipor. E pou bann sipor ki mon konnen i pou vini a lavenir. Mersi bokou Mr Speaker.

(APPLAUSE)

MR SPEAKER

Mersi Minis. Avek sa nou a pran vot lo merit zeneral sa *Bill*. Manm ki an faver lev lanmen silvouple. Mersi okenn Manm ki kont?

Mersi. Vot lo *general merit of The Seychelles National Youth Council (Amendment) Bill, 2021*. 23 Manm in vot pour, 10 kot e 0 in *abstain*.

Alor sa *Bill* in pase lo *general merit*. E Madanm Clerk i a fer *Formal Second Reading*.

MADAM CLERK

Mersi Mr Speaker. A *Bill for an Act to amend the Seychelles National Youth Council Act, 1997*. Mersi Mr Speaker.

MR SPEAKER

Mersi Madanm Clerk. Dan mon versyon, mon pa vwar okenn amannman. Eski Bills

Committee, i annan amannman? I annan ok.

Dan sa ka nou a pas dan Staz Komite silvouple. Onorab Naidu ou ki pou pran laparol, ok. Wi.

HON SATHYA NAIDU

Mersi Mr Chair. Clause 2 apre, (Cap 319) the insertion should read as follows: - “as last amended by the Seychelles National Youth Council (Amendment) Act, 2013.”

Apre Clause “3” i bezwen renumbered, olye “6”. There’s a repealed that is being proposed, that is that “The Minister shall be responsible for advising on and approving all matters relating to the functions of the Council.”

The committee is of the opinion that the Minister does not have to advice.

Apre i annan en lot lamannman. Sa se lamannman avek Seksyon 7 Clause 4. It reads as follows: -

“Section 7 of the Principal Act as last amended by the Seychelles National Youth Council (Amendment) Act, 2013 is amended-

4(a) in subsection (2), by deleting the word “Board” and substituting therefore the word “Minister”;

4(b) In subsection (3) by deleting the word “, a member of the Board”;

4(c) In subsection 5 (b) by deleting the word Board and replacing therefore the word “Minister”.

Is the panel ok with it?

MR SPEAKER

Mersi. Panel zot in swiv, sa bann propozisyon? Minis in donn son konsantman. Zot in swiv. Onorab Naidu.

HON SATHYA NAIDU

Wi. Se tou Mr Speaker.

MR SPEAKER

Se tou. Mersi bokou. Napa okenn lot klarifikasyon, oubyen amannman? Dan sa ka nou a retourn dan Staz Lasanble. E mon ava apel Onorab Georges pou fer *Third Reading*. Pou Mosyon pou *Third Reading*, sorry.

HON BERNARD GEORGES

Mersi Mr Speaker. Mr Speaker anba Order 76(1) mon move ki, *The Seychelles National Youth Council (Amendment) Bill 2021, as amended i ganny lir en Trwazyenm Fwa.* Mersi.

MR SPEAKER

Mersi, mon a ganny segonnman silvouple? Onorab Roucou.

HON MICHEL ROUCOU

Bonn apre midi Mr Speaker.
Mosyon i ganny segonde.

MR SPEAKER

Mersi, nou a pran vot lo *Third Reading*. Manm ki an faver lev lanmen silvouple? Mersi. Manm ki kont? *Thank you*.

Vot lo *Formal Third Reading Seychelles National Youth Council (Amendment) Bill 2021, as amended*. 23 Manm in vot pour, 10 kont e 0 abstansyon.

Alor *Bill* in aprouve. In pase lo *Third Reading*. Madanm Clerk, ou a fer *Formal Third Reading*.

MADAM CLERK

Mersi Mr Speaker. *This Act may be cited as the Seychelles National Youth Council (Amendment) Act, 2021*. Mersi Mr Speaker.

MR SPEAKER

Mersi nou'n arive termin sa *Bill*. Mon a remersye Manm e Minis e son delegasyon pou son partisipasyon. Nou pou repran travay 5er akoz nou annan en lot Minis ek delegasyon la.

E mon pa anvi ki zot zis, al lanmen vid. So nou a rekontinyen e nou a repran sa *Bill*.

Avan nou pran poz, mon'n ganny en *note* atraver *LGB* lo en nouvel, lo dese Onorab Rita Savy ki en ansyen parlanter Seselwa.

E mon anvi, pran sa lokazyon pou adres senpati lo lapar Lasanble pou sa fanmir. E an respe, pou enn ansyen koleg, en ansyen parlanter. Mon pou demann zot, pou debout pour en moman silans avan, nou ti sorti dan lasal.

(One minute of silence was observed)

MR SPEAKER

Mersi. Nou a pran poz la, e nou a repran travay 5er.

(BREAK)**MR SPEAKER**

Bon devan nou, i *Employment (Suspension of Thirteenth Month Pay) Bill, 2021*. Madanm rapporter, nou ava apel Minis ek son delegasyon silvouple.

Bon bonn apre midi, oubyen bonswar Minis Patricia Francourt, *Minister for Employment and Social Affairs*.

E mon osi swet labyenveni son delegasyon Mr Patrick Payet, Sekreter D'Eta pou Finans *Economic Planning and Trade*, Mr Jules Baker

*Principal Secretary
Employment*, Mr Steve Monnaie Direkter Zeneral Labour Relation, Mrs Julia Jean Legal Draftsperson AG's Office.

Mersi pou zwenn nou e mersi pou zot pasyans. Akoz retar dan nou *programming*. Nou a komans lo sa *Bill*, e Onorab Sandy Arissol, ki pou prezant Mosyon. Onorab Arissol.

HON SANDY ARISSOL

Mersi Mr Speaker. Bonn apre midi Minis ek ou delegasyon, tou dimoun ki a lekout. Mr Speaker anba *Order 69(2)* mon le move ki *Bill Employment (Suspension of Thirteenth Month Pay) Bill, 2021* i ganny lir en Dezyenm Fwa. Mersi.

MR SPEAKER

Mersi mon a ganny segonnman lo sa *Bill silvouple*. Wi Onorab Naidu.

HON SATHYA NAIDU

Mosyon i ganny seconde.

MR SPEAKER

Mersi. Minis ou ava prezant, *Bill silvouple*.

MINISTER FRANCOURT

PATRICIA

Mersi Mr Speaker. Mr Speaker bann Manm Onorab, e Manm piblik a lekout, bonn apre midi.

Mr Speaker mon vin devan Lasanble ozordi pou prezant e rod laprouvassyone en *Bill* ki annan bi pou sispann peyman trezyenm mwan, lapey pou lannen 2021.

Malerezman ankor enn fwa, parey in le ka pou lannen 2020. Sa lannen, i sa i pa pou posib pou pey en trezyenm mwan lapey.

Mr Speaker, pandemik 2019 in sekwe lekonomi byen for. Menm parey bokou lezot, pei dan lemonn, gro oubyen pti. Koman en pti pei nou lekonomi pe amelyore dousman.

Me i pa ankor arriv lo sa nivo ki ti a ete avan COVID 19. I ankor annan bokou lensertitud a sa pwen, e dapre nou obzervasyon, nanryen pa garanti. Bokou biznes dan sekter prive, ti pe ankor resevwar lasistans anba FA4GR ziska Mars sa lannen.

E sa i donn en lendikasyon, ki bokou pa pou kapab respekte sa obligasyon. Anba Lalwa pou pey en trezyenm mwan lapey pou sa lannen.

Mr Speaker an dizan sa, permet mwan donn en apersi lo sityasyon marse lanplwa an relevans ek sa topik devan nou.

Statistik in montre ki laplikasyon, pou fer travayer *redundant* in redwir konsiderableman.

Par egzanp pou lannen 2020. Ti annan en total 245 aplikasyon *redundancy*, sorti kot bann lorganizasyon. E pour lannen 2021, Zanvye ziska lafen Oktob, nou'n rezervwar zis 104 aplikasyon pou *redundancy*.

Sa i en bon endikatif ki bann biznes pe reprenan zot konfidans. Alors zot pare pou retenir dimoun dan lanplwa, ki tre enportan pou lemonn travay. E nou espere i kontinyen dan sa fason.

Dan lentere pei e lekonomi an zeneral, i pli enportan pou asire ki nou sitwayen, i annan sekirite a lanplwa. E pe ganny en saler tou le mwan, pou nouri zot fanmir.

Ler nou get kantite plas travay, ki pe ganny *advertise*. Sa i osi donn en lendikasyon, ki kreasyon lanplwa pe ogmante. Alor i enportan ki nou donn bann biznes letan pou zot rekipere, afen ki plis lanplwa i ganny kree.

E tou dimoun ki ankor san en lanplwa, ava kapab ganny akse avek sa bann loportinite. Zot pou dakor ek mwan, ki sa i primordyal. Olye al met en kour finansyel, lo zot ki pou fer nou

retourn parey sityasyon ekonomik ti ete an 2020.

Kot 2735 travayer ti perdi zot lanplwa, konpare avek 472 travayer ki'n perdi zot lanplwa depi Zanvye sa lannen, ziska lafen Oktob. An se moman nou pep i bezwen, met tou konsantrasyon ek tou zefor lo fer nou kontribisyon, anver lekonomi nou pei. Ki ava kontinyelman amelyore, afen ki tou travayer i kontinyen gard zot lanplwa e garanti en saler lafen dimwan.

Mr Speaker, pou fer rapel ki trezyenm mwan lapey, ti ganny entrodwir an 2015 koman en *incentive*, pou travayer sekter piblik. Pou komans e ganny fer aplikab, pou travayer sekter prive an 2016.

Inisyalman son prensip ti avek bi pou anmenn plis, produktivite dan travay. Ki vedir en travayer ti pou bezwen donn en bon performans dan son travay pou li benefisyé.

Me sa ti sanze, e depi son komansman, ti ganny aplikab pou tou travayer ki Lalwa i kouver. Koman en peyman adisyonnel a lafen lannen. Dapre Lalwa, en trezyenm mwan lapey i ekivalan avek en saler le mwan en travayer. Me pa enkli okenn lezot *allowances*.

I mandatwar ki en anplwayer i pey son travayer ki kalifye en trezyenm mwan lapey, ler i *due a lafen lannen*. Lalwa i donn en anplwayer ziska le 31 Zanvye, sa lot lannen ki siv pou fini pey sa lapey trezyenm mwan.

Depi son lentrodiksyon, pou 4 lannen konsekitiv Gouvernman in fer bokou depans, pou fer li posib pou travayer donn sekter piblik, osi byen ki serten travayer dan sekter prive i benefisyé avek en trezyenm mwan lapey.

Pou fer rapel ki Gouvernman, ti bezwen *step in* pou asiste serten biznes prive, par pey zot travayer zot trezyenm mwan lapey. Akoz sa bann biznes prive pa ti dan en pozisyon finansyel pou fer zot peyman zot menm.

Nou ava konstate ki sa pwen, kot nou lekonomi i sitan sitye an rezulta lefe COVID-19, i pou pratikman enposib. E i pou irresponsab lo lapar Gouvernman pou adopte sa menm lapros.

Kan nou tou nou konnen ki nou pei i ankor dan en pozisyon vilnerab. Depans ki Gouvernman in fer depi lentrodiksyon sa benefis ziska 2019 i *comme swivan*:-

An 2016 R68milyon, pou travayer Gouvernman e

R3.6milyon pou travayer sekter prive, ki en total ti fer anviron, R72milyon. Me sa pa ti enkli *PSE contract holders*, dan sekter piblik.

An 2017 R94.2milyon, pou travayer Gouvernman R4.4milyon pou travayer sekter prive ki en total ti fer anviron R98.6milyon e sa ti enkli *PSE contract holders*.

An 2018, R96.5milyon pou travayer Gouvernman, R4.5milyon pou travayer sekter prive ki a en total ti fer anviron, R101milyon.

Finalman an 2019, R94.6milyon zis pou travayer Gouvernman e sekter prive pa ti ganny asiste.

Dapre kalkilasyon ki'n ganny fer, i pou kout Gouvernman anviron R142.7milyon si i pey en trezyenm mwan saler, en trezyenm mwan lapey, tou travayer dan servis piblik pou lannen 2021. Sa sif i pa enkli travayer dan *parastatal*.

Nou kapab konstate, ki sa kou i enorm e pei, e i senpleman pa pou kapab fer en tel depans an se moman. I nesesit ki nou tou, nou fer serten sakrifis pour ki nou sorti venker kont sa pandemik, e garanti en bon lavenir pou nou menm.

Mr Speaker sa nouveau Gouvernman i kontinyelman pe

met tou zefor pou amelyor standar lavi tou Sesselwa. Malgre nou lekonomi pe repran son souf dousman, dousman. Nou bezwen touzour vey nou depans avek bi pou retourn Bidze lo en semen pli soutenab.

Mon konnen, kan i konsern sispansyon en benefis finansyel tel ki en saler, oubyen en bonous, tou travayer pou santi, zot afekte dan en fason oubyen en lot.

Akoz sa i tous zot fason viv e menm kontribisyon ki ganny fer dan fanmir. Me i enportan, ki Gouvernan i pran bann, desizyon ki dan benefis pei an antye. Afen ki bann reveni ki pe antre i ganny servi byen, pou kapab soutenir nou lekonomi otan ki posib e fer depans ki neseser pou pei.

Se dan sa konteks, ki mon prezant ek sa, mon pe prezant ek sa Lasanble, en *Bill* ki pou sispann peyman trezyenm mwan lapey pou lannen 2021.

Dapre sa *Bill*, si i annan okenn anplwayer ki kapab pey son travayer, en trezyenm mwan lapey, i ganny ankouraze pou fer li. Provizyon in ganny fer anba Lalwa parey i ti le ka lannen pase pou sa peyman i ganny *exempt* anba *Income and Non-Monetary Benefit Tax Act*.

Savedir, *tax pa* pou ganny tire lo sa lapey.

Lezot benefit finansyel, tel ki bonous e gratwite, ki en travayer i gannyen lafen lannen e ki form par son kondisyon travay, sa i reste parey.

Mr Speaker, pou konklikr mon rekonnnet ki i annan bokou nou ki travay dir. E menm serten ki'n donn tou pandan sa letan kritik ki'n anmennen par *COVID 19*. Mon konnen i pa'n fasil pou nou tou.

Par egzanp bann travayer dan *front line Rapid Response Team*. E lezot travayer servis esansyel. E mon profite pou remersye zot bokou pou zot travay.

Mon swete ki zot konpran sityasyon ki nou ladan. E ki sa desizyon i pou benefis pei. Annou fer li pou byennet Sesel, ek tou nou sitwayen.

Mon remersi bann Manm Onorab pou zot latansyon. E demann zot konsiderasyon, pou vot an faver sa *Bill*. Mersi Mr Speaker.

MR SPEAKER

Mersi Minis. Nou a komans deba lo *Bill*. Mon annan Onorab Gill. Tenir lanmen en pti moman silvouple. Byen *ok*, Onorab Gill ou kapab komanse.

HON CHURCHILL GILL

Mersi Mr Speaker. Bonn apre midi Minis ek ou delegasyon. Bonn apre midi tou Manm, e tou dimoun ki pe ekout nou.

Minister pou benefis bann dimoun ki pe ekoute, e mon kontan i annan prezans Minister Finans la. Akoz mon klarifikasyon, i zisteman pou Minister, reprezantan Minister Finans.

Nou'n tandem a plizyer repriz ki lekonomi Sesel, i in amelyore, i pe bouz dan bon direksyon. An menm tan, nou'n tann *IMF* osi resaman kot in dir, poudir lekonomi, pe byen bouze e menm serten laspe zot i enpresyonnen rezulta ki lekonomi in anmennen.

An menm tan nou'n osi, tandem dan bann *press conference*, ki koleksyon *tax* osi in amelyore. Sa i montre ki bann dimoun, pe pey zot *tax*.

Me selman ozordi nou war nou avek en *Bill* ki pe demande pour sispann trezyenm mwan saler.

E alors ti enportan ki reprezantan Minister Finans, i eksplik nou. Ler nou'n ganny dir lekonomi pe performen, e *IMF* i rekonnet sa. Si i kapab eksplike menm apre sa bann sikse, akoz ki dapre zot i pa posib, pou pey trezyenm mwan saler. E alors sa *Bill* i bezwen vin devan nou. Mersi.

MR SPEAKER

Mersi Onorab. Onorab Vidot.

HON AUDREY VIDOT

Mersi Mr Speaker. Mr Speaker. Si Seselwa in reisi *attend* en bon standar lavi diran sa 43an se atraver en lekonomi performan ek fondasyon nou prosperite ki'n depan lo kontinyite developman soutenab. Pou plis lanplwa e kreasyon larises ki nou'n bezwen koman en pei.

E sa in swiv par etablir, bann mekanizm e programm ki met lanfaz, lo kiltir, lentegrite, *professionalism* ek lonnekte dan travay avek bann mezir an plas pou amelyor bon servis, ankouraz dimoun pou pran responsabilite pou rann kont. E ankouraz developman karyer.

Mr Speaker, in annan plizyer deba dan nou Parlman, par politisyen, pou rekonnet e rekonpans travay dir nou pep dan servis piblik osi byen ki dan sekter prive.

Atraver kreasyon bann bon plan, karyer ek *Scheme*, pou developman profesyonnel. Menm nou dan setyenm Lasanble Nasyonal, nou'n donn bann deliberasyon kot nou'n koz fortman ki nou bann travayer Seselwa, ki travay dir e

ki bezwen ganny apresye e rekonpanse.

Mr Speaker, se dan sa loptik, ki trezyenm mwan saler ti ganny etablir par Gouvernman Parti Lepep pou amplifye lo lenportans travay dir, ankouraz travayer Seselwa, pou ogmant prodiktivite. E amelyor servis ki zot donnent dan zot landrwa travay.

E menm met lanfaz, in osi ganny mete dan pou rann kont. E rekonpans travay dir, ki nou travayer Seselwa in osi aplik lo drwa e responsabilite travayer.

Nou osi bezwen annan kontinyite, pou edik travayer lo son drwa e responsabilite ki promouvwar reprezantasyon legal, apropriye pou sofgard travayer e ed zot, devlop sa kiltir travay dir. En bon konportman etik dan son travay.

Si i annan en zour pli apropriye pou mon bann koleg lo lot kote latab, sant sa refren "Seselwa in vot pou en sanzman Oktob 2020" Se ozordi. Wi, mon bann koleg, sant sa refren "Seselwa ti vot pou sanzman ozordi" dan sa Lalwa trezyenm mwan saler.

Me pa blyie, zot ti fer sa mazorite Seselwa ki ti vote Oktob 2020, e fyer pou *tick* anler, ki depi 2016 ziska Oktob 2020, zot ti promet pou met larzan, dan pos Seselwa. E ki

Seselwa, pou zis debout anba pye, sa bann fri pou zis grennen.

Alors mon sezi sa loportinite, pou felisit tou bann ki ti byen vote, pour ki Gouvernman *LDS* ozordi, kapab servi son mazorite dan Lasamble pou onor langazman, avek son bann pti group biznes ki zot ti promet pou fer sir, trezyenm mwan saler i kontinyelman ganny avoye.

E mon pou solider avek tou mon bann travayer Seselwa, ki'n debout for Oktob 2020. E pa'n les zot ganny anbete, pou fer sir ki zot pa'n aste okenn kabri dan sak avek *LDS*, dan sa dernyen kanpanny eleksyon.

Pou ou sa enn ki'n komans dout desizyon ki ou ti fer Oktob 2020, mazinen ki letan Prezidan Faure ti kit la prezidans, i ti kit en rezerv dan Labank Santral.

Se sa menm rezerv ki Gouvernman *LDS* in kapab apwent son *full lekip Minis* - sa bann menm Minis ki'n konplimant demann Prezidan pou tou Seselwa fer sakrifis. E deside ogmant zot bann *allowance*.

Me ozordi zot pe ganny dir, ki napa larzan pou donn trezyenm mwan saler pep Seselwa ki ankor pe travay dir,

e pe fer sakrifis. E si napa larzan, akfer zot ti donn zot lekor logmantasyon? Akoz zot pa ti kapab espere, ki ler zot donn anler zot fer en sel donn anba?

Eski sa desizyon pou ouver nou teritwar se pou ranpli sa fame kof vid pour ki zot kree, zot kapab ogmant zot larzan, dan plas donn sipor sa bann ki ti met zot la. Kan ki zot pou reve pou get dan *welfare* pep Seselwa?

Zot pe esper 2023 - 2024 pou pas sa pti morso dimyel? Apre kestyon, *PNQ Leader Lopozisyon* lo *allowance* Minis se la ki mon konpran atraver ou Mr Speaker, akoz mon koleg ti kriye aotvwa lot kote, ki i pou pran tou sa ki pou li. Mon konpran, akoz li i ti pe fer sakrifis e kan son Prezidan ek son bann koleg Minis pe dir ogmant zot *allowance*.

Personn pa'n ganny kouraz dan *LDS* pou zot dir ki i annan Prezidan 'COVID.' Parey zot ti akiz Prezidan Faure letan i ti dir nou dan bann letan kritik. Tou keksoz zot ti dir li i ti blanm lo *COVID*. Zot ti kriy li Prezidan 'COVID.'

Alors Mr Speaker si anler pe ganny byen gete, akoz Gouvernman pa kapab konsider donn omwen, lanmwatye sa trezyenm mwan

saler pep Seselwa, ki li osi i pe fer sa sakrifis.

I annan travayer ki pe travay dir la deor, oli motivasyon, pou son sakrifis? Oli sa fame fri, ki zot ti dir pou zis grennen e anmase?

Zis zis nou bann politisyen, ki pou ranpli kas dan pye e poz dan pannyen. Seselwa pou kontinyen triy sa ki pouri anba pye. I tris, vreman tris. Sanmenm sa sanzman. Ki zot in koz labous plen, ki Seselwa ti vot pou zot Oktob 2020.

Mr Speaker mon pou konklir, mon pou dir ou sa Seselwa ki pe travay dir la deor, ou ki ti pe esper omwen en bout sa trezyenm mwan, pou ou ganny en sans osi al fer ou linet.

Akoz Minis Gouvernman i peye pou li aranz pou li. Ou ki petet ti anvi fer en pti *checkup*, Minis i kouver li. Me ou blyie sa trezyenm mwan, kontinyen met en bout de kote.

Pour ou ki pe esper sa trezyenm mwan, pou ou kapab dan sa letan dir, fer ankor de pti bout zwenn kot lakour. Espere, petet 2023, ou 2024 Gouvernman *LDS* i a pas en pti git sa dimyel, letan zot fini okip zot lekor.

Anyway, Lopozisyon i konnen ki zot ki pe *rule border*. Alors pa kont lo mwan, pa kont

lo mwan ankor enn fwa pou zet anba trezyenm mwan saler. Akoz mwan mon pa la dan sa biznes.

Mwan mon krwar e siport, travay dir sa pep, sakrifis sa pep. Mwan mon konpran letan zot napa. Akoz mon zanmen blyie kote mon sorti, Mr Speaker.

MR SPEAKER

Mersi Onorab. Onorab Romain.

HON GEORGE ROMAIN

Mersi Mr Speaker. Bonn apre midi Mr Speaker, bonn apre midi Minis ek ou delegasyon. Mr Speaker, mon pou donn mon siper pou sa *Bill*. Pour ki nou sispann sa trezyenm mwan saler, mon konnen Mr Speaker ki bokou dimoun la deor, pa pou kontan avek en tel desizyon.

Me i enportan ki nou bezwen get larealite pei ozordi. Mr Speaker, ler nou pe koz lo sa *Bill*, nou pou bezwen mazinen nou pei avan tou. E i enportan ki nou pa fer krwar ek nou dimoun ki, tou keksoz i *ok*. Akoz nou, pou iresponsab si nou fer sa.

Nou'n vvar plizyer fwa, kot Gouverner Labank Miss Caroline Abel in eksplik nou lo sityasyon nou lekonomi. E akoz ki pei, pou bezwen fer bokou

sakrifis, pou nou kapab retourne en pli bon semen.

Nou pou bezwen donn plis letan pou les nou lekonomi refer. Akoz fodre osi, nou konpran ki Sesel i anba en reform IMF. Kot zot pe asiste nou finansyelman. Ler en dimoun i pret nou larzan i akoz nou ti napa.

E nou ti dan difikilte, e i alors i enportan ki nou depans li, e i alors i enportan ki nou depans li byen, dan landrwa kot i an prioyrite. Pou mwan dan sa moman difisil ozordi, en saler tou le mwan, tou le lafen dimwan i pli enportan ki en trezyenm mwan saler.

Mr Speaker ozordi, nou pe vvar, ki nou lekonomi pe refer dousman, dousman. Kot nou pe vvar ki bokou touris, pe vin dan nou pei. E i enportan, ki tou travay i kontinyen travay pli dir, pou donn lanmen, pou redres sityasyon pei.

Mr Speaker la mon okouran ki Departman Lanplwa, pe komans fer konsiltasyon avek lezot partener, pou travay lo en *Scheme*, pour bann travayer ki pou komans a parti lannen prosenn, 2022. E peyman pou ganny fer apartir Zanvye 2023.

Mr Speaker, nou Prezidan ek son tim ti pran en desizyon brav pou reouver nou Erport

avek lemonn. E nou tou nou konnen Mr Speaker, ki ti annan en group dimoun ki pa ti siport entel desizyon, pour ki nou reouver nou Erport. Zot ti plifere en *lockdown*.

Mr Speaker, si nou Prezidan pa ti fer sa desizyon nou pei ti pou fini faid. Me Mr Speaker, ki nou pe vwar ozordi, se sa menm group dimoun poudir ki fodre nou donn en trezyenm mwan saler.

E la zot pou donn tou kalite leskiz, san realize ki si nou pa ti reouver nou Erport ni en saler nou bann travayer pa ti pou pe gannyen ozordi.

Mr Speaker, in ler pou nou aret fer politik bon marse lo tou keksoz. E annou donn lanmen pou re-aranz nou pei. Koumsa nou ava annan en meyer pozisyon pou rekemann en trezyenm mwan saler ler pei i finansyelman pe fer pli byen.

Mr Speaker, ankor enn fwa mon pou donn mon siper pou sa *Bill*. Mon pe demann avek tou mon koleg Onorab, pou fer parey. Mersi Mr Speaker.

MR SPEAKER

Mersi Onorab. Onorab Loze.

HON JOHAN LOZE

Mersi Mr Speaker. Mr Speaker pli boner sa lannen, nou pei ti

pas atraver en reouvertir son *L'aéroport*. En relansman ekonomik, e sa parey in fek arive la ankor, in ganny frot dan nou figir. Detanzaot, i ganny frot dan nou figir.

E i ganny servi pou sant leloz, Prezidan Ramkalawan koman sa '*great hero, sauver ekonomik Sesel*'.

Sover ekonomik Sesel, lo en lekonomi egzistan, lo sa lekonomi 43an. Baz ekonomik etabli Parti US ki ti deza la. Bon.

Mr Speaker i annan 119 nou frer ek ser Seselwa, ki'n ganny sakrifye *on the altar of economic recovery*. Mon dir sakrifye, akoz letan *l'aéroport* ti pe ganny ouver, kondisyon ki ti ganny met ater, sete *herd immunity*.

Bon dizon ki *herd immunity*, i en kestyon éphémère ki napa en baz syantifik solid, ki nou pa kapab vreman *quantify*. Be, menm dimoun ki ti dir nou *herd immunity*, ti egalman dir nou *herd immunity* pou ganny *attend*, letan i annan tan, a tan poursantaz, ki'n ganny vaksinen.

L'aéroport ti ganny ouver, avan, avan, ki pei ti *attend herd immunity*, avan ki dapre zot prop sif, zot prop Minister ti endike, ki pei *attend* sa

poursantaz vaksinasyon, ki zot menm zot, zot ti'n set.

Sa Nasyon in eksperyans, en reouvertir ekonomik, wi. Be nou'n ganny balanse anba bis, par sa ki'n ganny elekte dan sa sanzman, pou diriz nou pei. E an konsekans 119, nou frer e ser Seselwa in ganny sakrifye a mor, *on the altar of economic recovery*.

Now, pour ki eski nou'n sakrifye 119, nou frer ek ser Seselwa? Whom does your economy serve? Si i pa serve bann frer e ser, sitwayen Seselwa, sa 119 ki sa, *recovery economic* in pyetin lo la. Pou li ari la ozordi. *Whom do you serve?*

Mon a met en senp senaryo devan. Nou annan tou sa bann lotel senk zetwal. Ki'n byen fer depi *l'aéroport* in ouver, zot in byen profite, zot in byen debourye, e zot in fer profi.

E zot *afford* fasilman pou zot pey zot trezyenm mwan saler. E mon konnen ki largiman ekonomik nou bann teknisyen pou dir nou ki, en *one shot injection* trezyenm mwan saler, se en ta Roupi ki pe tay deryer Dolar. Ki pou kree *currency flight* atraver konsonmasyon.

Ozordi konsonmasyon in vin en pese, ni *loan* pou konsonmasyon nou pa donnent

dan sa pei. Bon, be sa lotel li, ler ou eskiz li son lobligasyon pey trezyenm mwan saler li. I sitan kontan ou, ki i pou kit sa la li.

Pou napa *currency flight*. I pou kit sa la li, i pou met anba son matla, i pou met anba ou matla, an Roupi, isi Sesel. Eski i annan enn nou isi anndan, ki senserman krwar, ki *Club Med*, ki pe donn bal 24 lo 24 i plen avek kliyan, ler nou eskiz li pey trezyenm mwan saler, sa trezyenm sa, sa sonm larzan la, pou reste isi Sesel, i pou met anba matla?

Non! Menm problem pou arrive, ki nou bann teknisyen pou dir nou arrive ki si nou met dan pos en Seselwa. I pou ale! Sa larzan pou kit Sesel pou ale, i pou tay deryer Dolar egalman, ki si ou ti'n donn enn son *waiter*, enn son *waitress*.

Be nou ki nou fer, nou donn en *blanket exemptions*, tou sa bann lotel senk zetwal, pou *abdicate* zot responsabilite, pey sa trezyenm mwan saler.

Kan egzanpsyon ki nou devret pe donnent, se selman bann lakonpannyen ki nou dir zot ptiti, zot mwayen, zot pa *afford*, zot pa'n byen debourye.

E nou ti a kit Lalwa parey, e nou ti a met, amann li dan en fason ki si ou pa kapab ou vin fer ou laplikasyon, nou ava

eskiz ou, nou a donn ou en egzanpsyon pou ou pa peye, si ou pa kapab.

Non, nou donn en *blanket* egzanpsyon tou sa ki kapab. Be ki nou'n fer la? *So whom does our economy serve?* 119 nou fer ek ser Seselwa, in perdi lavi pou sa sikse ekonomik. Prezan zot frer ek ser pa pou benefisye, avek sa pti *la manne*, ki pe tonbe *du ciel* la?

Pa pou tonm en pe lo nou, pa pou aroz nou en pe, *petit la manne* letan nou dan dezer nou. *Petit la manne* i tonm pour ki? *La manne* ki tonm *du ciel* i tonm pour ki? Pou *Club Med*? Sa i en gro fot ki nou pe komet. I en gro fot ki nou pe komet, lo nou sitwayen, lo nou frer ek ser Seselwa.

Ou konnen, napa en biznes Seselwa, isi dan lavil, ouswa dan lakanpanny. Ki ou pou nobou, konvenk li demen bomaten ki son lentere pa ganny *served*, ler Seselwa i ganny en trezyenm mwan saler.

Ou le dir mwan ou pou al *convince* en *takeaway* ki i pou vann mwen *takeaway*, si sa gro lotel i pey trezyenm mwan saler? Ou pou *convince* en drayver *taxis* ki, i pou ganny mwens cours, si trezyenm mwan saler i ganny peye?

Trezyenm mwan saler i pou ede tourn lekonomi Sesel. I

pou ede dekant sa mannivel ekonomik, fer li tourn en pe pli byen, en pe pli vit. *So whom are we serving?*

Akoz sa madam *carer* li, ler in ganny son trezyenm mwan saler, i pa pou fer en nik avek li. I pa pou kouv sa trezyenm mwan li! I pou desann anvil avek. I pou renzekte sa dan lekonomi Sesel li. I pou nouri son fanmir avek.

Alors klerman, nou bann sitwayen Seselwa, pa pe ganny served par sa ki nou, nou pe fer isi anndan ozordi. E mwan mon pa pou form parti, en tel *act of betrayal* mwan, lo mon prop Nasyon, lo mon prop pep. Mon pa pou fer!

E mon pa pou partisip, taler mon'n tann en Minis in nonm lipokrizi, gro lipokrizi. Be ki pli gro lipokrizi, ki en Minis i vini i dir nou koumsa nou tou fer sakrifis.

En Minis, en Minis dan Gouvernman *du jour*, i vini, i dir nou, nou tou fer sakrifis. Pli gro sakrifis, se sa 119 nou frer ek ser Seselwa ki'n ganny sakrifye, *on the altar of economic recovery!* Sa enn.

Dezyenm, sakrifis sa ki pe trimouse toulezour, san *allowance* palto, li ki pe fer sakrifis. Sakrifis se tou sa bann travayer, esansyel ki'n desann

pou travay diran COVID, ler nou Lasanble, nou ti pe asiz se nou.

Mon pa konnen si zot rapel, en kantite nou frer ek ser in desann, en kantite nou frer ek ser in ekspoz zot lasante. Zot *sanité*, pou kontinyen kit sa pei tournen. Zot ki'n fer sakrifis, sakrifis fini fer!

Sakrifis i fer de fwa. Konbyen fwa zot pou fer sakrifis zot? Zot sakrifis pou eternel. Nou pou nou, i *ok* nou, i tanporer. Me lot pwen ki enportan touse an se moman.

Ozordi nou pe tann bann parol parey,

“Nou lekonomi in ganny sekwe”

“Lekonomi pe repran son souf dousman”

“Desizyon bezwen ganny pran pou benefis pei”

Be *mes chères amies*, nou pa ekout radyo nou, nou pa get televizyon nou. Be kan sa bann keksoz ti pe ganny dir? Pa sa ki nou tandé, nou tandé pei pe fer byen, nou tandé in fer *savings* par bilyon.

Yer menm ti annan en Minis dan Lasanble i dir nou lekonomi pe fer byen, “get mouvman Dolar!” (i fer koumsa) “get mouvman Dolar!”

Wi nou trouve, sa bann *artificial tweeting* sa bann zwe, ki zot pe zwe avek apresyasyon, e depresyasyon Dolar. Nou

trouve. evantyelman Seselwa pou konnen akoz, mon'n dir zot bomaten. *National pastime* sa pei se vey zaksyon. Seselwa pou konnen akoz. Seselwa pou konnen si i annan pou fer avek en gro lakonpannyen prive, ki i annan serten peyman pou fer. Seselwa pou konnen. Pa krwar, Seselwa pa pou konnen, akoz i annan tou sa bann *artificial adjustments* avek *rates*.

Zot pe dir nou get Dolar, get mouvman Dolar. Mouvman Dolar, akoz Dolar pe mouvman? Sey eksplik nou. Kwa ki zistifye mouvman Dolar Minis? Napa nanryen ki zistifye ek mouvman Dolar. *We are earning less than we are spending.* Dolar i devret pli o, i rezonnab akoz IMF in enzekte Dolar dan Labank Santral. So ki mouvman Dolar?

Rates napa nanryen pou fer avek *economic recovery*, be pourtan zot kontinyelman dir nou sa. *Hence*, ki konklizyon nou kapab tire? *Zot lalang!*

MR SPEAKER

Onorab 10minit si ou kapab *wrap-up*.

HON JOHAN LOZE

Zot lalang, zot pe koz mansonz, zot pe koz mansonz lo sa *economic recovery*. Eski zot pa pe koz mansonz? Sa lekonomi i

sitan roz parey zot dir, nou pe sitan fer byen parey zot dir.

Then pey Seselwa son dues. At least, lanmwatye son dues, pey li silvouple! Parske zot ki mont lo televizyon, toulezour, zot dir nou, nou pe fer byen.

Zot ki asize la anndan, zot bat lanmen pou nou Prezidan. Manman in byen fer, kan ki zot dir nou i annan keksoz mal? Zot pa zanmen dir nou i annan keksoz mal.

Sel keksoz zot dir nou, nou pa ti oule ouver Erport, zot zot ouver Erport la prezantou i an roz. So which is it? I an roz i pa roz? Zot pe koz laverite, zot pe koz lalang? Si zot pe koz laverite, then donn Seselwa sa ki pou li! Ou drwa li donn li. La mon tann enn pe dir napa, napa kwa ki napa?

Zot pa ankor dir Seselwa napa nanryen zot. Zot dir nou lekonomi i bon, lekonomi i an roz. Kwa ki napa? Dir. Dir laverite koze. Koz laverite avek sa pep, vin devan koz laverite.

Si lekonomi pa pe marse, dir avek Lepep Seselwa, ki lekonomi pa pe marse i lo serk. Koz laverite, pa dir nou zot ouver lekonomi komansman lannen. La pe marse gras a nou Prezidan, bravo, tou keksoz i an roz.

Selman apre ou napa dues, pou donn sa pep. Donn li son dues, pey li son trezyenm mwan! Mersi.

(APPLAUSE)

MR SPEAKER

Mersi Onorab. Onorab Uranie.

HON ROCKY URANIE

Mersi Mr Speaker. Bonn apre midi Minis avek ou delegasyon. Bonn apre midi tou Digwa a lekout.

Mr Speaker, avek en leker lour konmsi. Mon pa konnen ki mannyer mon pou dir konmsi. Ki mannyer mon pou get Digwa lafen lannen. Pou mwan konmsi i fer lapenn. LDS napa en leker pou tou Seselwa. Nou'n ganny demande pou fer bokou sakrifis e nou'n vvar.

Mr Speaker, parey mon dir ou, sa i vreman tousan pou mwan. Konmsi ler zot ti dan lopozisyon zot ti met presyon, bokou presyon lo Gouvernman pou donn trezyenm mwan saler. E sa ti zis en kanpanny. Zot ti servi sa trezyenm mwan koman en zouti pou zot kapab anbet dimoun pou ganny eleksyon. Zot in fer bokou promes avek Seselwa.

Ti pandan letan kanpanny lannen pase ki ti annan COVID.

E ler Mr Faure ti pe dir *COVID*, zot ti dir li pa bezwen dir *COVID*. Pa blanm *COVID*. Zot, zot kapab zot. *Basic salary* pou vin R15mil. Vyeyar pou ganny R10mil. Tousala ti zis en bat latet.

Finalman ki nou'n vwar? Koman zot ganny eleksyon, premye keksoz ki zot fer, premye roten, olye, met larzan dan pos malere, zot tire. Fwete, zis lanmwatye saler. Lanmwatye saler. Kote? Seselwa pe ekoute laba. La Digue dimoun i tande li letan ou pe demande kote, Onorab Roucou.

Bokou dimoun ti ganny difikilte pou re pey zot *loan* ek sa lanmwatye saler. E La Digue sityasyon lanplwa ti vreman, vreman kritik. E dimoun ti ganny difikilte pou fer de bout zwenn. Kantmenm zot ti ganny dir al rod latet zonnyon, kot ti ale napa latet zonnyon. Sa ki ti annan ti zis pou son met.

Mr Speaker, i annan en *saying* i dir ou, *who lives it, knows it*. Mwan mon'n La Digue mwan. Dimoun in monte desann kot mwan e mon konn sa bann dimoun. Mon konn zot soufrans. La Digue i en zil ki ti ganny afekte bokou avek sa sityasyon.

Pri lavi lo mon zil in monte. Dimoun in ganny

difikilte avek sa pti saler pou zot kapab fer en *savings*. Seye menm pou fer, napa *savings*. Nou'n vwar- Konmsi, finalman zot ti ganny dir, si napa louvraz lo La Digue, al lo zil. Lo zil i annan, sa pran an kont sityasyon familyal sa bann dimoun e ki konplisite ki vin avek.

STC ki ti pe ed bann Digwa, *retail*, sa sipoze fermen sa. Sipoze ferm net. Li ti pe ed Digwa. Me ki nou'n vwar, ziska la zot ankor pe tatonnen. Ti sipoze fermen, dat fermen in fini pase. Bann travayer in ganny demande pou retournen, pe tatonn tatonnen akoz i annan en novo *building* pe fer, zot anvi al bouz STC laba dapre konpran la. Kot enn zot gran aktivis.

Nou annan *wholesale - wholesale* osi i ede ek materyo. I ed bann dimoun, bann dimoun met larzan ansanm. 2 fanmir, 3 fanmir pou kapab aste kommisyon par *wholesale* La Digue. E ki nou'n vwar, se laba menm zot anvi fermen ankor pou fer Kordgard.

Mon ti demann Minis Entern sa la devan. I pa ti zanmen kapab prononse lo la kote pou fer. Nek pri lavi pou vin pli ser menm pou nou.

Mr Speaker, sakrifis Digwa in fer en kantite. In fer

ase li! Mr Speaker, Gouvernman in dir ki nou'n fer profi. Nou'n tan bokou koze lo profi.

Mr Speaker, atraver ou. Onorab Adelaide ti vin la, sey vin eksplik profi la. Pa li profi ki i ti pe eksplike, i pa ni ti konnen mannyer i eksplike. So, si vre i annan profi, alors Mr Speaker, mon toutafe krwar i normal pou donn Seselwa sa trezyenm mwan saler. Si nou pa kapab donn antye, zot kantmenm en bout.

Kantmenm en bout sa trezyenm mwan mon krwar ti a ed bann fanmir, bann endivid anmenn en pti keksoz an plis kot lakour pou zot zanfan, koumsa Bonnonm Nwel a pas en pe boner Mr Speaker.

Mr Speaker, napa larzan selman nou vvar bann *trip*, monte, desann. E ki nou'n vvar Mr Speaker, bann Minis in pran tou sa ki apel pou zot. Zot in byen aranz zot e tousala in ganny fer trankilman. Gran Mersi *Leader* Lopozisyon, Onorab Sebastien Pillay anmenn en *PNQ* la.

Mon la ki mon konnen poudir zot pe aranz zot. Me selman dapre konpran lot kote laba zot ti konnen pe aranze, zot in reste trankil zot.

Konmsi si nou pou aranz nou, annou aranz bann la tou.

Kantmenm en pti morso, aranz manrmay, aranz manrmay ater la, Mr Speaker. Ok?

(Interruption)

MR SPEAKER

Aret en pe bann komanter silvouple.

HON ROCKY URANIE

Mersi Mr Speaker. Mr Speaker, i annan pa'n lev lanmen ditou, ti pe tranpe. Me selman *anyway*, fotespere taler zot pa lev an misouk.

Mr Speaker, me selman mon annan zis en kestyion pou Minis mwan. Minis eski al ler nou pe sispann sa trezyenm mwan. Eski pare ler lekonomi i aranze, pou annan *back pay*?

(laughter)

HON ROCKY URANIE

Non, be bann dimoun deor ti a kontan konnen. Akoz zot pe fer bokou sakrifis. Eski kantmenm i pa en *back pay* antye, en *lump sum*. Eski i pou annan li gradyelman sa *back pay*. Eski i pou annan sa *back pay* gradyelman? Akoz dimoun la ater i bezwen en pti *something* parey nou dir pou zot kapab aranz zot, zot osi. Parey bann

Minis in ganny aranze. Mersi Mr Speaker.

(APPLAUSE)

MR SPEAKER

Mersi. Mersi Onorab. Onorab Woodcock.

HON WAVEL WOODCOCK

Mersi Mr Speaker. Mr Speaker, ler mon'n ekout Onorab ki'n koze avan mwan, en keksoz i kler, i napa okenn nosyon mannyer lekonomi en pei i marse.

Mr Speaker, i annan en bann keksoz ki sa Onorab in dir ki mwan mon krwar i *very misleading*. Annefe in koz lo pansyon, trezyenm mwan saler ki nou pa'n zanmen enterese pou ogmant pansyon pou bann trwazyenm-az. Me mon krwar in bliy enn de keksoz, in bliy poudir bokou bann keksoz ki ozordi nou vvar ki lepep Seselwa pe benefisy. Se bann keksoz ki LDS ouswa Lopozisyon dan lespas in avanse.

Annefe trezyenm mwan saler i en keksoz ki nou LDS nou ti demande. E ki i malere ki ozordi nou dan sityasyon ekonomik, ki lot kote latab zot konpran tre byen ki sityasyon ki nou ladan.

Akoz mon asire ou Mr Speaker, ki si rol ti ranverse, si zot ki ti lo sa kote latab avek en mazorite, nou, nou ti dan minorite. Prezidan Faure ti pou pran menm desizyon ki nou pe pran la e nou dan Lopozisyon nou ti pou siport sa programm reform makro ekonomik, parey nou ti fer an 2008.

E mazinen en 2008 nou pa ti dan en kriz *COVID*, nou pa ti dan en pandemik, avyon ti ankor pe vini. Tou keksoz ti ankor pe roul normal, me selman nou ti vvar nou dan en kriz ekonomik. Mon pa konnen, mon krwar move zesyon nou lekonomi, nou resours ki nou ti annan.

Me ozordi nou'n pas dan en bann pandemik, en reggresyon ekonomik pli worse dan listwar lemonn. Ou kapab dir, ou kapab konpar li avek *the Great Recession* an 1929. E ozordi nou Gouvernman pe fer son mye pou nou sey *recover*, pou nou kapab refer nou pei, pou nou a kapab debout lo nou lipye.

E nou pe ganny *praise* avek tou bann pei lemonn akoz i vvar zefor ki nou pe fer pou refer nou lekonomi. E nou lekonomi i enn ki pe refer pli vit dan lemonn.

I pa vedir ki nou'n fini sorti dan sa kriz ki nou ladan.

Yes, i vre ki nou pe, resours pe aranze. Me nou ti dan *ICU*, la nou Lopital, nou ankor lo *ward*. Nou pa ankor sorti lo *ward*. Me selman nou ape progrese pti a pti e nou pou sorti dan sa *ward*.

Menm *IMF* in dir ki poudir ki i pe *forecast* ki *by lafen 2022*, nou pou sorti dan sa tinel. Akoz la nou pres pou ariv lafen tinel, nou pou sorti dan sa tinel e nou pou vvar ki menm *arrival*, nou pou ariv lo menm nivo ki nou ti ete an 2019.

E zis pou met keksoz an perspektiv, sityasyon nou lekonomi ozordi. Mon pou zis sit bann sif pou nou konpran kot nou ete ozordi, annou pa sey anbet nou pep deor. Annou eksplik larealite ki nou pei pe fer fa avek ozordi.

Ankor, *visitors arrival* an 2019 ti 384mil 204, sa ti an 2019. E 2020 nou ti'n tonm net ater, nou ti'n ariv 114mil 858, sa ti *arrival, tourism arrival* an 2020. E *forecast* pou sa lannen, dapre prediksyon nou kapab *end-up* avek 180mil viziter. E ki environ 204mil viziter an mwens ki 2019. Mwens ki 50poursan *arrival*. Konmsi *arrival* sa lannen ki nou kapab - sa kantite viziter ki pou vin Sesel sa lannen i pou mwens ki 50poursan *arrival* ki ti arive an 2019.

Savedir i montre nou pa ankor vreman ariv lo lanpler ki nou ti ete oparavan. Nou pe refer pti a pti. Nou pe fer pli byen ki 2020, nou pe *recover*, nou pe bouze. Fodre note ki nou pei ti lo son zenou.

Ler Gouvernman *LDS* ti pran pei, reveni pa ti pe antre, nou dan en kriz lasante depi boner 2020 e pei, mon rapel pei ti anba en *lock down*, pou 4 mwan. E pou 4 mwan 2021 nou pei ti fermen. Annou konsider li 4 mwan akoz nou ti fermen depi Zanvye ziska a *around lafen Mars*. Lafen Mars, le 25 Mars, 2021.

E pou 4 mwan ti napa preski ditou reveni ki ti pe antre dan pei. Nou lekonomi ti ater net mon bann frer ek ser. Nou lekonomi ti ater net. Bokou biznes ti'n benzwen fermen. Bokou biznes ti bezwen *downsize, scale down* zot lopresyon, zot biznes. *Car hire* i annan ki'n van zot loto.

Praslin ozordi en kantite pe ganny problem akoz Lendistri Tourizm pe *pickup* e napa ase loto pou la demander. Bato ekskirsyon i annan ki'n vann zot bato. *Ferries* i annan bann ki ti'n koup zot lakantite voyaz ki zot fer Mahe Praslin.

Vol domestik ti environ 2 vol, 4 vol par zour mon bann frer ek ser. E ti annan

redundancies, redundancies. Onorab Uranie, La Digue ti napa ditou travay. Praslin, mon bann dimoun ti *call mwan e mon leker ti fermal*. Mon'n sey ed en kantite dimoun mannyer mon kapab. Ziska apre mon ti bezwen ouver kredi magazen pou mwan ed dimoun dan mon distrik. Akoz mon ti santi douler, ou'n santi ou osi mon frer.

Selman, annou mon bann frer ek ser, realize. Annou konpran vre sityasyon ki nou pei pe fer fas avek ozordi.

Ou connaen, bokou nou ban frer, bokou biznes i n vann zot *asset* pou kouver zot det ki zot annan. Menm si zot ti ganny en peryod gras avek labank, apre ler lekonomi in komans *recover*, zot in bezwen re kontinyen pey zot det. Sa det pa'n ganny koupe sa. Zot bezwen kontinyen re pey zot det. Zot bezwen re fer zot biznes, re organiz zot. Akoz nou depan lo sekter prive pou nou viv.

Larzan ki nou pe depanse ozordi pou pey mon saler ek ou saler. Pou pey tou bann travayer dan Gouvernman. Se larzan ki bann biznes i peye, nou depan lo biznes pou *survival* nou pei mon bann frer ek ser. Annou pa fer krwar, nou

konnen nou. Annou pa sey anbet lepep Seselwa.

Mon bann frer, ti annan en moman dan nou pei ti annan en kantite *redundancy* dan Sekter *Tourism*. Ti napa ase travay pou la demander e ozordi mersi Minis pou bon travay ki ou'n fer ki ozordi. Mon krwar ou ti fer prezantasyon pa bokou letan, ki ozordi nou annan bokou lanplwa.

Mon nepli pe ganny dimoun pe *call* mon pe dir mon napa travay. Travay i annan. Tou le semenn, mon krwar toulezour nou ganny lalis travay ki annan, Mahe, Praslin ek La Digue. Tou le Lendi nou ganny lalis travayer. Travay i annan mon bann frer ek ser.

Ou connaen la nou bezwen *happy* ki nou tou ozordi nou kapab ganny en louvraz pou soutenir nou fanmir. Mon bann frer ek ser zot konn sa tre byen e mon promet zot sa. Ou vwar *by* lafen lannen 2022, nou pei pou sorti dan sa kriz ki nou ladan. Mon *trust* nou Gouvernman e menm *IMF* in dir in felisit nou pou travay ki nou pe fer.

E pa krwar ler ou anbark lo en program *IMF* i pou *bail nou out*. Akoz pa blyie sa lannen nou pe fini ek en *deficit* sa lannen nou en. Nou pou fini ek

en *deficit* sa lannen par plizyer bilyon. Mon krwar plis ki 3 bilyon *deficit*. Akoz nou pe depan plis ki nou annan. Plis ki pe antre. Ou konnen ?

Ok. Mon bann frer ek ser lo lot kote latab, mon enplor zot enn ler. *Let us be reasonable.* Wi, nou Gouvernman in fer bann langazman e nou pou fer sa bann keksoz dan lefitir. Me selman la nou dan en kriz ekonomik e nou bezwen solider, nou bezwen rod en fason pou nou sorti ladan. Ki demen nou tou nou kapab gannyen, ki demen nou tou nou kapab benefisyé.

Zot konnen tre byen sa lekspresyon kof ti'n vid. Vre kof ti'n vid, ou rapel? Avan Lasanble ti dizour nou ti donn R1.2 bilyon, avan zot ti dizour Lasanble zot ti donn bal ladan. Ler nou tournen napa, larzan in fini. En?

FA4JR, nou pa blyie ki ti arive *the famous FA4JR*. Pa zis bann dimoun ki ti bezwen ki ti ganny asiste. I annan en kantite dimoun, menm bann ki ti annan en kantite larzan ki pa ti bezwen ganny asiste ti ganny asiste. Ki ozordi Minis Finans i bezwen met en bann Ankour pou retourn sa bann larzan.

En bann manboulouk ti arive mon bann frer ek ser. Ti annan en bann labi dan bann

larzan ki nou ti donn zot avan ki ou ti dizourd Lasanble Nasyonal. Kekfwa nou ti kapab ganny sa larzan ozordi pou nou fer bokou plis avek.

Mon bann frer ek ser, zot konn tre byen sityasyon nou ladan ozordi. Mwan mon annan tou konfidans, mon annan tou konfidans ki nou pou sorti ladan. Ki nou pei pou refer. Nou pei in pran plizyer bann desizyon ki kantmenm Onorab Loze pa kontan nou koz lo la. I dir nou sant (Lorloz) nou Prezidan.

Be, Prezidan in pran bann bon desizyon. Pou re ouver nou erport. Leloz. *Sorry*, pou sant leloz nou Prezidan. E annou pa blyie apartir le 25 Mars, pei in re ouver. Plizyer *airline* in komans retournen. I pa zis, i pa koman in ouver tou *airline* in tournen. In gradyel sa. Annefe ziska la Oktob, *Condor* avek Air Frans ti fek retournen. E dir gran mersi, dir gran mersi nou'n reouver Erport.

Kantmenm en bann pe dir, ou konnen *COVID* la, *COVID* pa Prezidan Wavel Ramkalawan ki'n envante. *COVID* i annan 5milyon nou bann frer ek ser dan lemonn antye ki'n perdi zot lavi avek *COVID*. Mwan mon'n perdi fanmir pros avek *COVID*. *Ok*? Mon pa swet sa lo personn.

Me selman nou bezwen ...

MR SPEAKER

10 minit. 10 minit Onorab.

HON WAVEL WOODCOCK

Dir gran mersi nou Gouvernman ti ouver sa Erport pou fer ki en serten Onorab ti kapab al *Abu Dhabi*, akoz si nou pa ti'n reouver erport sa Onorab pa ti pou la ozordi pou li vin la, la, la dan sa Lasanble Nasyonal e zis rabase.

(*Interruption*)

MR SPEAKER

(Onorab Pillay.) Onorab Woodcock, silvouple evit bann ka personnel. Mon'n deza fer sa pwen avan. *Ok, ou a konklir silvouple akoz ou'n depas 10 minit. Please.*

HON WAVEL WOODCOCK

*Ok, mon ava zis termin lo la Mr Speaker. Mr Speaker, nou programm vaksinasyon ozordi in ede sov lavi bokou nou bann frer ek ser e in ede fer ki lemonn in *trust* nou ozordi, pou reouver zot lafrontyer, pou les zot pep, zot bann dimoun pou kapab vin Sesel. Ki ozordi nou lekonomi pe refer parey i pe fer ozordi.*

Mr Speaker, zis mon dernyen lapel. Silvouple mon

bann frer ek ser, annou *etre rezonnab koman en Lopozisyon.* Lopozisyon son louvraz i pa zis opoze. Lopozisyon son louvraz se pou ed nou pei bouz pli devan, se pou ed nou pei refer. Se pou ed nou pei pou byennet tou nou sitwayen.

Avek sa de mo, mon dir ou mersi Mr Speaker.

(APPLAUSE)

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Bonn apre midi Minis, PS, le 2 PS avek Mr Monnaie.

Mr Speaker, size larzan i en size ki vreman delika pou tou dimoun. E mwan Mr Speaker, mon pe mazin tou travayer Seselwa ki pandan sa pandemik ki nou'n pas atraver, in leve, in al travay, in devote. In bezwen kit son fanmir, kit zanfan e menm tonm dan bann risk tonm malad parey serten in pas atraver. E menm i annan ki'n perdi lavi dan sa lalit e parkour.

E Mr Speaker, pou mwan nou bezwen get keksoz avek 2 fas la. Nou'n travay dir, ou'n travay dir, ou espekte ganny en

pti rekompans avek sa travay ki ou'n fer.

E pou mwan Mr Speaker, ler mon pe get sa *Bill* li menm li, mon pa pou akt dan en fason irresponsab, me selman dan en fason kot nou kapab *être* rezonnab dan lapros ki nou kapab pran lo la.

Mon pe dir sa Mr Speaker, akoz mon pou fer en konparezon, si ladministrasyon Prezidan Faure ki ti ankor o pouvwar, mon asire i ti pou rod en fason *at least* sey soulaz son pep ki pe soufer ozordi.

Mon dir soufer Mr Speaker, akoz toulezour mwan koman en Manm Onorab mon ganny diferan demann pou sey soulaz mon sitwayen, zabitant Port Glaud. Mesaz apre mesaz, *call* apre *call*, al pran kredi, al andete ek laboutik. Menm Dimans zot vin kot ou devan ou laport. Ou ouver ou *fridge*, ou donn sa ki ou annan si ou napa larzan lo ou.

Sa i en realite lavi. Mwan koman en Onorab e ki bokou sitwayen pe pas atraver. Kan tou laplipar bann laport benefis ki ti egziste in ganny take ouswa in kit zis en pti trou ki difisil pou ou pase pou ganny en lasistans. I fer ki sa pep i pe vin parey en pep ki kot sa ki napa i vwar li bezwen pa al mandyan.

Mon servi sa term mansyon akoz i annan ki pe mandyan, pe sey demande pou li kapab met en pti bouyon lo son lasyet. Wi Mr Speaker, sa i en realite. E ler ou ekout bann konversasyon an deor, e ler mon pe ekout bann lentervenan ki 'n koze lo lot kote latab, zot ki ti bann gran defender e ki ti vin anmenn sa swadizan nide trezyenm mwan saler. ki aparaman son zistwar i en pti pe, lafason ki ti ganny pran sa lenformasyon ki zot ti tay avek.

Mon santi poudir zot merit annan en pti nivo konsyans pou *at least* koz ek zot prop Gouvernman, dir be Sef, si nou pa kapab donn trezyenm mwan ki Lalwa pe demande, annou fer en pe kalkilasyon parey *VP* ti fer ler i pe prezant en *Bill*. Pou annan sa 5 poursan logmantasyon dan saler, kot i ti dir donn tou Seselwa en *base line* e ki apre keksoz ti tourn lot fason. Akoz ki petet nou pa konsider serten poursantaz, sirtou pou bann ki saler i minimonm ?

Dizon nou pe donn en dimoun, nou dir *ok*, nou a donn 25poursan en dimoun ki lo R8000 i kapab ganny li *at least* R2000 an plis an Desanm e sa i a soulaz li pou fer en pti *shopping* pou li kapab met dan son lakaz pou son zanfan kapab

pas en pti bon Nwel ek en bon Lannen.

Ouswa fer bann provizyon pou ki boner Zanvye, ki li en mwan ki swadizan pli long, i a kapab annan en pti rekour pou li kapab soulaze.

Mon dir sa Mr Speaker, dan en fason rezonnab, dan fason ki nou bezwen reflesir lo la. E tonm lo en dyalog sirtou avek bann akter kle, menm si Minis in dir poudir sa ki i kapab i donnent apre i ava fer son *claim* anba en egzanpsyon *tax*.

Be nou tou nou konnen poudir kot i konsern larzan Mr Speaker, bokou pou vini pou dir ou mon napa pou donn ou e sa Mr Speaker, ou pa ni pou kapab fors li. Akoz si Lalwa ki ti la ti fer li obligatwar pou donne.

E Mr Speaker, osi nou pa ti a kontan annan bann repetisyon parey ti arive lannen pase. Kot en pe ti pe donne, en pe pa'n donne e ou vwar pep i komans rebele. I komans me kontan. Akoz nou tou nou konnen kiltir Seselwa ki ler enn i pe gannyen i koze e lot laba i vwar li komans devlop en zalouzi, e la i komans rezenbe dan en fason.

So, pou mwan Mr Speaker, sa konversasyon lo trezyenm mwan saler, mon krwar Gouvernman i devret en pti pe plis refleksyon la. Si nou

vini dir, mon krwar nou bezwen vey byen sa bann *statement* osi ki nou vin fer - akoz i annan reperkisyon lavenir.

Nou fer *savings*, nou vini nou dir nou'n fer *savings* R1 bilyon. Nou dir lekonomi pe fer byen, lekonomi in ouver. Reveni in ogmante, *IMF* i vini i dir osi li osi menm zafer. Be ki sa pep pou krwar laba deor? Li i pa en matematisyen, i pa en *economist*. I pou dir be lafous pe mir alors.

Be dan lot kote nou vwar, lot i vini i dir ou nou pa pou kapab donne, nou bezwen fer sakrifis plis. Ou pe anmenn dout ek konfizyon dan sa pep li menm. Si ou pa kapab donne, pa vin dir keksoz i dan bon, keksoz i byen. Lekonomi in sitan pe *perform* byen. Akoz ou pou *send the wrong signal* avek sa pep. O fir e anmezir ou a dir ek li, ou a dir li.

Alors pou mwan Mr Speaker, mwan parey Onorab Georges taler in dir nou, nou pa anmenn, atraver ou Mr Speaker, nou pa konstriktiv, nou en lopozisyon ki zis oule tap kalot. En pti pe parey zot ti fer.

Be mwan mon a met en propozisyon konstriktiv devan li Mr Speaker, atraver ou. Sey konsider donn en *performance bonus* sa bann dimoun ki'n

travay pandan sa bann letan *COVID*, en poursantaz. En mannyer ki Minis li in dir sa lanvlop trezyenm mwan, akoz si ou pe donn *basic pay*. Akoz trezyenm mwan i konsern donn ou en *basic pay*. Ou a donn li en poursantaz ladan, ki i a kapab ler in ariv Nwel ek Lannen i kapab annan en pti keksoz an plis.

Kekfwa li osi i ava kapab al aste en pti *rack mouton* petet, en pti denn. Petet in fatige manz poul. Mr Speaker, nou bezwen parfwa desann ater, met nou dan soulye sa bann dimoun e konpran soufrans.

Avek sa Mr Speaker, mon espere, nou a gete. Bidze pe vini ankor. Nou a get direksyon ki pei pou pran kot i konsern Bidze. Me mwan mon krwar fermeman ki en fason i kapab ganny fer petet pou anmenn en pti kontribisyon an plis, donn sa bann travayer ki'n ede zot menm pou fer Gouvernman anmas plis *tax*. Si ou lakonpannyen i ankor pe ganny profi, in relanse, se ou bann travayer menm ki'n fer sa.

Si servis publik pa'n *collapse*, ankor pe marse. Se travayer ki'n fer sa. Alors Mr Speaker, annou get nou bann dimoun. Annou get bann vilnerab, sey konsider en

poursantaz, *at least* i ava soulaz zot. Mersi.

(APPLAUSE)

MR SPEAKER

Mersi Onorab. Onorab Andre.

HON CLIFFORD ANDRE

Mersi Mr Speaker. Mr Speaker, larzan i en fakter ki fer marse tou keksoz si nou oule. Nou pe al dan Bidze la, nou pou vwar ki sak Minister pe demann en sonm larzan pou li pey son *staff*, pou li fonksyonnen e pou li delivre avek lefikasite.

Onorab Aglae in dir ki i annan konfizyon dan le sans ki en Minis oubyen en Vis-Prezidan i vini i dir nou, nou pe fer byen, nou lekonomi pe agrandi. *IMF* i vini i dir nou ki poudir lekonomi Sesel pe performen konpare ek kot i ti ete.

Apre nou ganny Minis ki'n vin dir nou ki poudir i annan serten sityasyon ekonomik ki pe fer ki nou pa pe kapab pey en trezyenmman saler. *At least* Gouvernman pa pe kapab pey en trezyenm mwan saler.

Ou konnen, i enportan ki nou fer nou pep konpran ki i annan politisyen ki li son rol se pou kontinyelman senm konfizyon, konfizyon ek konfizyon dan nou pep. Letan

ou pe tous en benefis ki ou donn en dimoun, i toulstan annan konsern. Alors i enportan ki sa konsern i ganny adrese dan son laspe korek ki fer ki zot a konpran. Bokou e mazorite pep Seselwa i konpran.

I enportan pou nou dir zot ki sa i pa vedir ki zot pa pou ganny peye zanmen, trezyenmman saler. I dir i en sispansyon pou sa lannen, ki lafen lannen zot pa pou gannyen.

Me sa pa vedir ki si keksoz i amelyore, ki lannen prosenn zot pa pou gannyen. Savedir nou fodre nou fer nou pep konpran byen. E letan nou eksplike, annou pa bezwen eksplik keksoz dan en fason kot nou pe fer li krwar ki Gouvernman dizour ki pa pe donn li sa. Nou bezwen get sa byen.

Ozordi nou annan zis 1an depi ler Gouvernman *LDS* in pran lofis. E 1an in annan keksoz ki nou'n fer ki byen, e i annan keksoz ki nou ankor pe get ki mannyer pou fer sa amelyorasyon.

E trezyenm mwan saler. En keksoz ki mon ti a kontan Minis i dir pep Seselwa. Kekfwa in dir, kekfwa mon pa ti ankor antre. Konbyen i kout Gouvernman sa *wage bill* pou

fer. *Ok Minis* in dir, mon'n ganny enformen 147milyon. 142.7 pou satisfer *wage bill* Gouvernman e sa i sibstansyel. Vreman sibstansyel.

Kantmenm i annan ki'n koz lo lezot laspe. Zot in dir palto, zot in dir ensidswit. Si ou pran sa larzan i pa pou arive 142.7milyon. I pa pou arive.

Alors letan mon tann, atraver ou Mr Speaker. Letan mon tann Onorab Cosgrow pe dir 1.2milyon, mon mazin sa bann larzan ki zot ti *forgo*, akoz mon pa ti oule al dan sa laliny mwan. Me selman letan i pe dir sa, sa ki zot ti *forgo* ti plis ki 1.2 milyon. 6milyon, apre zot ti pran par deryer. So, i montre ki mannyer sa bann manev ki zot in fer.

Mon pa oule al dan sa kalite laliny mwan akoz mwan mon latansyon se pou montre ki poudir, ou konnen si nou fer *sauver* ekonomik parey Onorab Loze in dir, se travayer Seselwa ki *save* nou lekonomi. Se zot ki kontribye, zot vin travay toulezour e si zot pare, zot konpran ki poudir i annan en letan ki pa kapab donn sa trezyenm mwan saler, se zot ki pe kontribye pou esey fer nou lekonomi retourne lo sa laspe normal.

Mr Speaker, i en keksoz ki mon ti a kontan dir ki bokou

dimoun in vin kot mwan, in koz ek mwan lo la. Zot konpran ki poudir pei pe pas atraver bann sityasyon ekonomik, zot konpran sa zot. Me en kestyon ki zot demande. E zot met li koumsa, bann ki'n vole. En keksoz ki nou bezwen ale, swa nou a dir zot rann sa larzan. Swa nou fer zot fer zot vwar en kou sa gran baro anler laba lo montanny kot zot *relax*. I enportan.

Se sa ki dimoun pe dir. Ou konpran ? Si nou dan en sityasyon ekonomik kot nou vwar nou ozordi nou pa pe kapab mobiliz en finans lavalier R142.7milyon. Se pa akoz nou pa anvi. Se pa akoz ladministrasyon ozordi pa anvi oubyen i pa'n seye. Me se akoz i annan bann lerer e nou bezwen met fot kot fot i *due*.

Se la fason ki larzan in ganny zere, zis avan elekson. Larzan pep Seselwa ki ti'n ganny met de kote e ki bokou anba *FA4JR*, en lotel ki fer li en profi R12 milyon i pran 9milyon avek Gouvernman anba *FA4JR*. Kot nou'n ale, kot in al mal.

Sa ki nou bezwen dir. Akoz si nou ti'n ganny nou R9 milyon. Nou ti ava met lo sa larzan. I enportan ki nou gete lekel ki'n fer ki ozordi nou dan sa sityasyon ki Minis pe bezwen vin devan Lasanble, pou dir be

annou fer sispansyon sa Lalwa trezyenm mwan saler.

I annan ki'n dir, in ganny koz lo la, ki si nou pa ti'n ouver erport vre nou ti pou dan bokou plis sityasyon ekonomik. Mr Speaker, parey mon'n dir Gouvernman dizour i la, i annan 1an e en Gouvernman oubyen en dimoun i bezwen pran en desizyon ki *tough*. *That's a tough decision.*

E mon sir ki Minis, i pa son lanvi. Nou tou nou santi lo leker ki poudir letan nou pe afekte en dimoun finansyerman i en keksoz ki nou pa swete, nou pa anvi. Me selman nou napa swa. Nou napa swa. Me nou bezwen fer li e nou bezwen fer sir ki lafason ki nou fer li.

Akoz ti e garanti ki ti'n ganny donne anba Lalwa, i bezwen vin devan Lasanble pou li fer sir ki i annan en Lalwa ki pase, ki sispann sa pour lemoman.

Sa Lalwa Mr Speaker, ki mannyer in ganny fer, kontrerman avek sa ki in ganny dir par bann Manm US ki'n koze. I pa pe dir ki mwan koman sekter prive, sa dimoun ki mon anploye, mon pa devret donn li trezyenm mwan saler. Non, *far from it*. O kontrer sa Lalwa pe dir ki si mwan mon pey sa dimoun, i pou ganny *exempted from tax* anba Lalwa.

So, i pa pe anmar lanmen. I kapab annan en madanm, en fanmir ki madanm i travay dan en Departman Gouvernman, msye i travay dan sekter prive, oubyen vis-versa. Enn ant zot de i kapab ganny peye. E mon sir dan sa sityasyon, bann anplwayer letan i pou get performans son travay i pou donn zot sa ki zot *deserve*.

Me ki mon ti a kontan, kekfwa *advice* Gouvernman pou konsider. Kekfwa nou bezwen revwar, mon konnen nou annan lide pou nou revwar sa zafer trezyenm mwan sale. Dan plas donn en trezyenm mwan saler, annou get performans en dimoun, annou donn li en *increments* lo son *monthly salary*.

Sa mon kwa ki pou fer ki sa dimoun i konnen tou le mwan i pe ganny, in ganny R200 logmantasyon. I pe ganny sa R200 oubyen i pe ganny R300. *Whatever the case may be* ki fer ki sa i vin son saler, i garanti.

E ki demen i kapab al kot labank e fer en laplikasyon *loan* kot letan zot pe get son saler, zot ava vwar poudir wi i kalifye pou zot ganny en *loan* oubyen i bezwen ganny en pti pe plis. E letan li i ganny sa plis i ava fer sa ki i neseser.

MR SPEAKER

10 minit.

HON CLIFFORD ANDRE

Mr Speaker.

MR SPEAKER

Yes Onorab, ou pe terminen.

HON CLIFFORD ANDRE

Wi, wi mon pe al terminen la.

Mr Speaker, *back pay*. Savedir Onorab pe dir si pou annan *back pay* i pou siport sa Lalwa ozordi, si pou annan *back pay*. Me nou bezwen konpran prensip *back pay*. Prensip *back pay* i ki en keksoz ki ou ti *entitled*, ki pa'n gannyen donnen pou ou, letan i ganny vwar ki i ganny vwar ou ti sipoze gannyen. La i fer en *back pay*.

Ekspre pe anmenn en Lalwa. Pe anmenn en Lalwa pour ki sa eleman *back pay* pa vin *en jeu*. E personn pa pou kapab *claim* akoz i en Lalwa ki'n ganny anmennen devan Lasanble.

Mr Speaker, avek sa, parey mon'n dir, mon santi pou bann travayer e mon konnen ki lentansyon Minis, lentansyon Gouvernman se pou permet nou pou nou ganny nou *footing*. E tou sa ki pe ganny fer pe ganny fer dan lentere ek lespri byennet pep Seselwa pou ki

demen nou kapab zwir pli byen bann benefis ki sa pei i kapab ofer nou.

Avek sa Mr Speaker, mon ti a kontan remersi ou. Mersi.

MR SPEAKER

Mersi. Mersi Onorab. Onorab Cosgrow.

HON WALLACE COSGROW

Bonswar Mr Speaker. Bonswar Minis, *PS*, delegasyon. Mr Speaker, sa Lalwa ki devan nou ozordi swar la, i enn bann Lalwa pandan lannen travay ki mon krwar okenn travayer Seselwa pa ti anvi vvar vin devan nou Lasanble. I en Lalwa ki dir pou Seselwa, travayer Seselwa.

I en Lalwa ki mwan mon ankouraz zot, komik avek zot bann Manm Lasanble. Koz ek zot bann Manm Lasanble, sa ki pe ekoute la aswar, zot konn nimo zot bann Manm Lasanble. *Text* zot, dir zot poudir zot ti a kontan ganny zot trezyenm mwan saler lafen lannen. Ouswa parey Lalwa i dir, avan le 31 zanvye.

Pouvwar i dan zot lanmen, sete zot ki'n elekte zot Manm Lasanble. E mon krwar lo nou kote bann Manm Lasanble ki'n ganny elekte, mon krwar i ava *respond* avek zot pozitivman.

An dizan sa Mr Speaker, mon anvi pa senpatiz - me mon

anvi dir avek Minis. Malerezman Minis, vi ki ou ki Minis Lanplwa ou bezwen anmenn sa Lalwa, akoz sa Lalwa i tonm lo ou *purview*. Me selman sa i tonm anba ou Gouvernman. I en desizyon ekonomik dan mon pwennvi. I pa zis en desizyon Minister Lanplwa.

Bokou Seselwa i ava rapel, i ava mazinen an 2020 ler nou ti pe fer bann kanpanny politik, parti lot kote, parti ki dan mazorite dan Gouvernman ki Seselwa in donn zot en manda pou dirize ti dir napa *COVID or* ti dir poudir *COVID* pa en leskiz, Prezidan '*COVID*'. Napa ki zot pa ti dir lo *COVID*.

Mr Speaker, zanmen mon ti krwar mon pou vivan sa zour ki *LDS* ti pou admet ki *COVID* i en problem dan lemonn e *COVID* i en problem Sesel. Ozordi swar, la, la lo sa kote latab napa ki zot pa'n dir. Servi *COVID* koman en legzanp.

Dan kanpanny elekson *LDS* ti dir avek ou, "nou pou met larzan dan ou pos." "Sesel pou tou son zanfan" Sesel i isi. Zot pou fer isi, zot pou fer laba. Onorab Uranie taler in dir en pti pe kwa bann promes ki zot in fer menm avan kanpanny elekson.

Kestyon i reste, eski zot ti onnet dan tou sa bann promes

ki zot ti pe fer? si wi, lot kestyion i reste. Se ki eski zot ti konnen ki zot pe dir? Eski zot *inexperience* ki'n fer zot dir sa bann keksoz ki zot in dir, sa bann promes ki zot in fer ki aprezan tou zot bann Manm or sa bann ki pe koze, akoz ozordi premye fwa mon vwar lo kote LDS, pti git lanmen i leve.

Ou a krwar sa en *taboo* sa. Personn pa oule koz lo la. Ti get lanmen. Vey nou si nou leve, apre ou vwar en lot i leve, lot i leve.

So, eski zot ti onnet dan sa ki zot ti pe dir, or eski zot ti konnen ki zot ti pe antre ladan ler zot ti fer sa promes ek pep Seselwa.

Mwan mon pwennvi Mr Speaker, e mon pou dir sa lo baz en pti pe mon leksperyans avek Lasanble 15 lo 10. Mon pwennvi mwan LDS pa'n zanmen anvi pey trezyenm mwan saler. Akoz mon dir sa? Zot a rapel Desanm 2016, ler mon ti vini avek mon *Bill* la devan, Mr Baker mon krwar ti obor mwan. Zot ti fer mwan tournen avek mon *Bill*. Depi komansman sa.

Ti fer mwan al fer en bann lamannman, en bann zafer ladan. Apre forseman presyon piblik deor, zot ti forse pas sa Lalwa avek serten provizyon ladan. So, depi komansman,

depi debi zot pa ti tro, tro an faver sa. Seselwa osi i ava rapel sa *fame* 4poursan logmantasyon ki Gouvernman Prezidan Faure ti propoze. Ti annan en deba feros dan Lasanble. E zot pa ti dakor.

So, i montre poudir, Mr Speaker, i montre poudir sa zafer met larzan dan pos Seselwa, aranz pri lavi, donn Seselwa en *higher standard of living*. Swa zot pa ti onnet, swa zot vreman pa ti konnen ki zot pe koz lo la.

Ozordi swar Mr Speaker, Minis i dir nou, nou bezwen les biznes rekipere. Be travayer Seselwa li, kan i pou rekipere li? In fer sakrifis pou sa lekonomi rekipere. Ozordi Miss dan lekol, apre ki bann travayer ki ti pe anploye anba URS in ganny fer arete.

Dan serten landrwa Miss i vwar zot pe bezwen lav lasyet zot menm. Ler mon dir lav lasyet, pou bann etidyan dan bann lekol primer sirtou.

Mr Speaker, nou pe koze la, la, la, *COVID allowance* pou serten travayer lasante pa ankor ganny peye. Zot kapab demanti mwan si zot oule. Si mon manti or si mon lenformasyon pa bon, dir mwan, mon ava aksepte.

Be an se moman la i annan travayer lasante ki pa

ankor ganny peye *COVID allowance*. Ok? Eski sa i montre senserite lo kote Gouvernman, lo kote *LDS* pou tou sa promes ki zot ti fer pandan eleksyon ?

Mwan mon konklizyon i senp mwan. Non mon pa krwar zot ti onnet. Petet zot ti pe *mislead*.

Mon ti osi *challenge* lot fwa Mr Speaker, ler Minis ti vin devan Lasamble konsern, avek son *Supplementation Bill* e Minis ti fer la gran lafanfar ti dir nou'n fer *savings* R1.2bilyon. Mon ti dir, Minis be sa pa *savings*. Zot ti dir, "non, *savings!*"

Enn mon koleg Onorab, mon pa en dimoun kontan atake. Me selman enn mon koleg Onorab ti dir mon pa konnen ki mon pe dir. Dizon in fer *savings*, dizon i fer *savings*. Dizon in fer *savings* 1.2 bilyon. I kout 144 milyon pwen ekek pou donn travayer sekter piblik en trezyenm mwan.

Ou'n fer *savings*. Me donn sa travayer ki pe sakrifye, ki ler nou, nou ti pe asize dan lakour parey Onorab Loze in dir taler - zot ti pe travay ek *COVID*. Zot pe travay pou fer sa lekonomi bouze.

Nou dir nou pa oule donn zot tou, donn zot en bout! Travay lo en *formula*. Zot pa'n

al *retreat* zot. Zot pa'n al *retreat* zot, akoz zot in bezwen take *care of* nou. Fer si ki nou met *COVID* anba kontrol. Fer sir ki sa lekonomi i kontinyen bouze. Selman nou rekompans zot avek en *Bill* koumsa ozordi.

Ki nou vwar osi Mr Speaker. Vre sa larzan kot *allowance* bann Minis in ganny ogmante ouswa in ganny azoute, vre i pa pou ase pou pey trezyenm mwan saler tou Seselwa. Me nou vwar ki poudir zot in byen aranz zot. Zot, zot in aranz zot, zot. Be solider avek pep Seselwa. Solider ek travayer Seselwa. Nou vwar bann *high government official* ki *travel* tou resaman.

Nou vwar bann *high Government officials* ki'n *travel* tou resaman. Nou'n vwar bal ki ganny donne dan *Dubai*. Bann *parastatal* ki pey sepa konbyen e mon pe demande ki *FPAC* i fouy ladan.

Parastatal si zot pa pey zot travayer en trezyenm mwan, mon krwar *FPAC* i bezwen gete akoz en kantite milyon in depanse dan dans pti galo *Dubai*. Ok?

Mr Speaker, mon oule vin lo en lot bout ki mon krwar pep Seselwa i bezwen osi gete e petet analize. Sa i an relasyon avek sa ki mon'n dir boner lo lentansyon Gouvernman *LDS*

pou met larzan dan pos Seselwa. Ki zot pe proteze. Eski zot vreman anvi met larzan dan pos Seselwa ouswa zot pe protez bann gro biznes, bann gro sponsor ki ozordi i dir be get sa nou'n ed ou e prezant i ou tour ed nou.

Seselwa nou met sa la. Akoz bokou ki'n koze deor, ki'n koze taler (pardon) in koz lo biznes. Les bines rekiperé, biznes isi, biznes laba. *Verbatim* i ava dakor avek mwan. Koz lo biznes, biznes. Me personn pa koz lo sa travayer Seselwa ki'n fer sakrifis.

MR SPEAKER

10 minit Onorab.

HON WALLACE COSGROW

Wi Mr Speaker, mon pe al terminen.

So, alors avek sa Mr Speaker. Mwan mon pa vwar i normal e mwan mon lo kote travayer Seselwa. Parey mon ti desann pou mon al solider avek zot kot Lorloz trankilman, ozordi mon pou solider avek zot e mwan mon pou fer sir ki mon pa vot pou sa Lalwa ozordi akoz mwan mon krwar travayer Seselwa i merit en *better deal*.

Mr Speaker, mon fini avek sa. Les bines rekiperé. Me travayer Seselwa kan i pou

rekiperé li? Mersi bokou Mr Speaker.

(APPLAUSE)

MR SPEAKER

Mersi. Onorab Henrie.

HON GERVAIS HENRIE

Mersi.

(Interruption)

MR SPEAKER

Bann Manm silvouple, mon demann ankor enn fwa, aret bann koze. Onorab Henrie.

HON GERVAIS HENRIE

Mr Speaker, mersi. Bon bonswar tou dimoun, ler i ale. Mr Speaker, mon krwar ler nou pe fer sa konversasyon la, tou travayer, ki ou travay dan servis piblik, ki ou travay dan paraetatik ki ou travay danm sekter prive, annou *être* rekonesan kot nou pe debout ozordi. Pou la senp rezon ki nou'n gard en lanplwa pandan sa dernyen 12mwan. I annan en pe evidaman ki'n perdi akoz *redundancy*. Minis in donn nou statistik.

Nou'n mentenir en saler pou laplipar nou. E sa *we have to be thankful* e regarde poudir nou ver i plito lanmwatye plen

ki lanmwatye vid. E alors lo sa baz, ki nou anvi?

Minis taler in dir en keksoz ki mon'n sezi. In servi en fraz naryen pa garanti. E sa i enportan. zot rapel poudir nou ti pe fer byen avek *COVID*. An Avril aepre sa lannen nou ti pe ganny dizon 50 ka par zour. Me en sel kou dan milye Me, i mon par 400 ka par zour. Lemonn antye en sel kou i vir lo nou, tou zournal dan lemonn pe ekrir lo nou, pe rode ki'n arive ek Sesel ki ti pe fer osi byen avek *COVID*.

E sa i kit nou avek en leson, poudir demen sa menm sityasyon i kapab repete. Nou vwazen *Maurice* pe ganny gran difikilte la ler mon pe koze. E alors nou bezwen pridan dan sa *recovery* ki nou pe pas ladan.

Zis mazinen si ou malad. Ou pa bezwen swiv *the full course* medikaman ki Dokter i donn ou. I pa kapab akoz mon santi mon byen ozordi, alors mon dir mon met sa latizann laba, mon komans re bwar, mon komans re dormi tar ankor. Mon komans manz sa ki in dir mon pa manze. Mon pou re malad.

Sa sityasyon ki nou ladan ozordi letan ou pe koze, nou *recovery process* i ankour. Me i pa ankor terminen, alors nou bezwen pridan. Sa ki nou pe

diskit lo la ozordi Mr Speaker. I pa fasil pou nou. I pa fasil akoz nou koman parti mazoriter nou bezwen konpran pozisyon ki ladministrasyon Prezidan Ramkalawan pe pran. Akoz nou sorti dan menm parti avek li e nou bezwen soutenir li dan bann desizyon ki i pran.

Soutenir li ki mannyer? Vot swa an faver, donn bann konsey apropriye. Retourn dan nou *constituency* e eksplik nou constituent akoz tel ou tel desizyon i bezwen ganny pran.

Sa i en pozisyon realis, tre difisil. Difisil pou pran, pa popiler ditou. E lo lot kote, Lopozisyon pou zot travay politik i bokou pli fasil e zot vin avek en politik popilis. E anfet byen koze i fer byen konpran Mr Speaker. Mal koze i fer diskisyon.

Yer nou ti fer en *meeting*. *Bills Committee* ti fer en *meeting*, tou manm ti prezan lo kote US, lo kote *LDS* e ti annan plizyer zofisye ki ti vini. Mr Monnaie ti la, PS Baker ti la. Madanm Bresson ti la, lo kote Minis Finans ti vin *Comptroller General*. Ti vin e lot garson mon krwar i apel Lenny. Apre Ms Jean - Julia ti la.

Donk, mwan mon ti met serten pwen devan *the panel* e mon ti dir mon pou apresye si Minis i adres sa bann pwen

swivan dan son entervansyon akoz nou pe fer as avek en lopozisyon ki non selman senm bann lagrenn rimer e distorsyon. Me zot en Lopozisyon ki lo *verbatim* dan Lasanble in deklar zot lekor koman ‘bandi.’

Pa mwan ki’n dir sa. Zot ki’n dir zot bandi. E ler en dimoun i deklar son lekor koman bandi, ou konnen ki i kapab fer avek ou. I kapab asize la dan Lasanble Nasyonal, ekrir lo ou, lo *Facebook* anba en *fake account* ki apel son lekor Vicky Radegonde, Alec Henrie, dan nouvel Anba Langar, koste pou Sesel. *Whatever group* ki i deside, e fer kalonmni lo ou. So, nou pe *deal* ek sa kalite group dimoun la nou.

Mr Speaker, mon ti met 3 pwen devan zot. Dabor mon ti dir ek zot poudir i annan reform ekonomik ki nou pe pas atraver. Nou konnen poudir *IMF* anba sa extended fund facility pe donn Gouvernman Sesel \$105.63 milyon. Premye *batch* larzan sa ti donnен. 34.26 milyon, an Septanm 2020 e dan nouvel sa semenn nou’n aprann poudir *IMF* avan, 31 Desanm i kapab *disburse* en 2nd part, lot bout ki ava tonm apepre R18milyon pou *disburse* an 2020-2023.

Sa i premye konsiderasyon, e ler Seselwa pou tann sa i pou dir be ekout en kou i annan larzan ki pe antre la. *So, the panel needs to explain to the public out there* ki pe ekoute, akoz sa i pa vedir larzan ki nou kapab zis pey trezyenm mwan avek.

Dezyenm konsiderasyon, dan *mid-year review*, Gouvernman ti vini ti dir akoz rediksyon dan *expenditure* e *budget cut* ti annan en *net savings* ki ti ganny servi, R1bilyon 125 milyon 511mil, 764. 72 sou. E Lopozisyon in anmennen avek sa. Pei in fer *savings*, e zot in repete la apre midi. *So, the savings, why can’t it be translated into payment for thirteen months?* Dezyenm konsiderasyon.

Trwazyenm konsiderasyon, konsernan reveni avek *tax*. Dan *mid-year review* ankor nou ti aprann poudir Sesel in kolekte plis reveni ki i ti antisipe pou sa premye mwan 2021, gras a logmantasyon dan *visitors arrival*, rediksyon dan det e amelyorasyon dan to lesanz.

E sa letan nou ti ganny dir poudir prodiksyon *tax* in amelyore dan koleksyon ant Zanyye a Zen 2021. Sorti 6.2 bilyon pou ariv R6.6 bilyon. Alor ki mannyer sa pa kapab

ganny translate into a thirteenth month pay. Mon ti met sa lo latab pou dir avek panel, dir ek Minis fer sir sa bann *areas* i ganny kouver. Akoz Lopozisyon nou'n tann zot la ankor repet sa e pou pa kapab fiz dimoun, eksplike byen akoz,

So, parey mon'n dir Mr Speaker, nou pe fer fas avek 2 pozisyon la. Popilis, pey en bout, pey ki mannyer. Vizavi realis ki larealite ki mannyer i ete. *We are still recovering.*

Promes met larzan dan pos Seselwa i ankor reel ozordi. Parski letan Gouvernman in travay nwit e zour, lebra kase pou mentenir ki lekonomi i reste ouver, sa i fer ki nou pe met larzan dan pos Seselwa. Garanti son saler. Garanti son lanplwa. Ki mannyer i apele sa? Met larzan dan pos tou le mwan, nou kapab antre dan lakour ek en pti zafer, pey bann depans, pa i vre?

Sesel pou tou son zanfan. Ankor, mentenir lekonomi, lanplwa e saler. Ladministrasyon, Prezidan koman Per de la Nasyon ozordi i pe asir poudir Sesel i pran swen avek son bann zanfan. E sa i enportan.

E Mr Speaker, i annan en keksoz ki dan nou manifesto. E bann dimoun ki pe ekout mon, mon swete ki zot pe konpran

mwan byen, irespektiv ki lopozisyon ozordi pe dir. Dan manifesto LDS i ekrir, *the COVID pandemic have brought a crisis of multiple dimensions. LDS will make this the urgent priority of its Government and immediately set to work to ensure safety of our citizens and economic recovery. We will use this as an opportunity to rebuild our economic.*"

Sa dokiman ti ganny ekrir avan nou ti vin o pouvwar. E nou'n prevwar sityasyon e Prezidan in koz plizer fwa. Mon swete e mon priye ki tou mon bann frer Seselwa in konpran. Letan nou'n lager pou ganny vaksen, re ouver erport, mentenir lekonomi. Se zisteman pou asire ki i annan larzan dan pos Seselwa e ki Sesel i pran swen avek son zanfan.

(APPLAUSE)

HON GERVAIS HENRIE

I form parti sa. Nou plan, nou vizyon pousov Sesel. Alors Mr Speaker, i dezyenm fwa ki nou pou vot lo tel Lalwa. Lannen pase sityasyon COVID ti difisil e si pa ti'n pran mezir ki ti pran, zot a rapel poudir pei ti'n riske dan gran difikilte pou pey travayer.

Pa pey trezyenm mwan saler pei ti kapab fer en lekonomi 541milyon ki ti soutenir saler sekter piblik, paraetatik, sekter prive, zot a rapel ti ganny FA4JR ziska Mars 2021. E nou'n tann a plizyer repriz, Bidze pa ti pou soutenir.

Donk i annan zefor pou asire ki nou ver i reste lanmwatye plen olye ki i vin lanmwatye vid. E Onorab Andre in byen koze poudir ki sa sispansyon i pa vedir ki la realite pa pou retourn mye ki i ti ete avan. I en sispansyon.

E dan son dezyenm *Clause* sa Lalwa ki nou pe vot lo la, i dir bann lakonpannyen ki kapab peye pe ankouraz zot pou peye e i annan plizyer sekter ki nou konnen ki poudir malgre difikilte ki pei pe pas ladan akoz COVID e sityasyon ekonomik, in kontinyen *perform*.

Zis pou nonm detrwa legzanp. Bann klinik prive par egzanp. Zot in kontinyen, akoz dimoun in kontinyen malad, zot ti annan zot pti larzan, zot in peye. *Pharmacy*, latizann in vann. *Retail*, laboutik in ouver li kantmenm i fer 7er. Bann stasyon petrol, karbiran in kontinyen vann.

Alor i i annan bann Sekter e i posib ki i annan bann

lantrepriz letablisman touristik ki'n osi fer byen. Alors i malere pou mwan, pou mwan pa'n antann okenn Manm, okenn Manm US ankouraz bann dan sekter prive ki kapab peye, peye.

Napa enn zot ki'n dir sa. Napa enn zot e sa i mal.

(APPLAUSE)

HON GERVAIS HENRIE

Ou konnen, sa zafer trezyenm mwan, pou mwan i konsern plis Gouvernman. I konsern plis sekter piblik. Atraver ou Mr Speaker, Onorab Manm Elekte pou distrik Roche Caiman, in fer en komanter lo kot sa zafer trezyenm mwan ti vini.

Leading up to eleksyon 2016, Prezidan Wavel Ramkalawan ki ti pe debout lo tiket SNP sa letan avan ki LDS ti vin ansanm, i ti promet en trezyenm mwan ansanm avek logmantasyon dan sekirite sosyal. E sa letan, letan i ti koz lo trezyenm mwan i tir dir ki sa mezir pou aplik pou sekter piblik selman e ki son ladministrasyon pa pou enpoz sa lo Sekter Prive tan ki bann negosyasyon neseser pa ganny fer pou vwar zot kapasite pou peye.

E i ti dir ki dan public sector, son ladministrasyon i

kapab fer sir ki i anmas sifizaman *tax*, *broaden the base*, elimin koripsyon, koup gaspiyaz dan Gouvernman e depans kontrole. Kapab trouv larzan pou pey dan sekter piblik. Alors vwala, nou ti pe reflesir lo la lontan.

MR SPEAKER

10 minit. 10 minit Onorab, ou kapab *wrap up*.

HON GERVAIS HENRIE

Mersi Mr Speaker. Donk mon a vin lo sa de pwen swivan. Ler mon'n dir ki pou mwan i konsern plis sekter piblik. Akoz ozordi dan sekter prive, baze lo sif katriyem kar 2020, sekter prive ti pe anploy 33mil 29 travayer ki reprezent 64.1 poursan. Sekter piblik 10mil 765 travayer ki reprezent 20.9 poursan. Paraetatik 7mil 768 travayer ki reprezent 15.1 pour sa.

Ler nou pe koz trezyenm mwan saler, si prive pa kapab peye *it's not fair* ki Gouvernman li i pe peye, prive pa gannyen. Akoz nou bezwen sekter prive pou pey *tax* pou finans loperasyon Gouvernman. E letan nou touy enn, nou touy lot.

Donk, nou koman bann Manm Lasanble nou bezwen kapab vin lo sa nivo refleksyon,

grander lespri pou dir avek nou bann sitwayen, poudir ki nou bezwen konpran sa sityasyon ki nou pe pas ladan akoz nou *recovery process* i pa ankor neseserman fini e ki alor, ziska ler nou'n ariv lo bout sa semen, nou'n asire parey Minis in dir ki naryen pa garanti, nou kapab pa ankor tonm dan en pyez. Donk nou bezwen pridan Mr Speaker.

Mon ava termin lo la e swete ki alors mon ava enplor mon bann Manm lo nou kote latab sirtou, pou dir ki annou retourne dan nou kominote, annou eksplik nou ban dimoun. Parski *let's not take the chances on the opposition*.

Zot pou kontinyen fer en politik propagann, distorsyon, lalang e pou zot eksit dimoun dan bann konteks ki pa apropriye pou nou pti pei, ki nou bezwen sa stabilite pou nou kapab *recover from* sityasyon COVID-19 e sityasyon ekonomik mondyal ki pa bon an se moman. Mersi Mr Speaker.

(APPLAUSE)

MR SPEAKER

Ok. Onorab Arissol ou ti'n sinyalman mwan en pti entrevansyon. 10 minit.

HON SANDY ARISSOL

Mersi Mr Speaker. Yes. Mr Speaker, mon krwar deba ki nou pe koz lo la parey tou Manm in dir i enportan, i konsern nou tou. I konsern trezyenm mwan saler e i konsern sityasyon ki nou ladan.

Mon ti a kontan zis *remind* bann Manm e lot kote, sirtou Onorab Cosgrow ki'n zot an relasyon avek *COVID* ki sete Mr Ramkalawan sa letan, dan Leta Lanasyon 2020. Li ki ti fer mansyon lo *COVID*. Mr Faure sa letan pa ti dir naryen an relasyon avek sa.

E mon kontan letan Onorab Cosgrow, Mr Speaker in koz avek, dan bann Minis zot in pran tou sa ki pou zot, zot in byen aranz zot lekor. E mon rapel Minis, letan li osi i ti aranz son lekor. Parske zot ti *forgo*, apre zot ti pran par laport deryer e li osi koman Minis sa letan sa letan i ti aranz son lekor.

(APPLAUSE)

HON SANDY ARISSOL

La ozordi i a pe dir bann Minis in aranz zot lekor.

Mr Speaker, ou konnen sa tanbour met larzan dan pos Seselwa i reste. Wi, nou ti dir. Be Mr Speaker, i enportan pou bann Seselwa ki pe ekoute deor konpran en keksoz. Pou ou

ganny larzan dan ou pos, akoz nou koman en Gouvernman nou krwar dan travay dir.

Pou ou ganny larzan dan ou pos, premyerman ou bezwen dan en lanplwa. *Then* ou ganny larzan dan ou pos. Debout kot Lorloz parey *Tinky Winky*, ou pa pou gannyen larzan dan ou pos.

(APPLAUSE)

HON SANDY ARISSOL

Asize lo bor miray kot Lapos, ou pe *kick*, ou latet pe tous ater dan ou lazam, ou pa pou gannyen larzan dan ou pos. Pe bwar an sou sekre kan tou ou kanmarad pe dir i lafen, ou pe bwar ou *Whiskey*, ou pe kasyet deryer miray, ou pa ou gannyen larzan dan ou pos Mr Speaker. Me travay dir ki pou fer ou ganny larzan dan ou pos.

Mon kontan letan Onorab Cosgrow i dir in donn sipor son bann manm kot Lorloz. Kestyon ki nou pe demande se nou pa konnen si i ti lafen li, oubyen si i ti swaf! Akoz in desann. Parski lo zot plakar ti marke, "Mon Lafen", me pa ti mete zot swaf.

Alors in solder e pour sa nou felisit ou Onorab pou ou kontinyen solider, parey ou ti solider ek ou bann Minis letan

zot ti pran par laport deryer, letan zot ti *forgo*.

Mr Speaker, ou konnen dan tou sa ki nou pe diskite, mon kontan. Letan nou pe dir Sesel pou tou son zanfan. Ozordi sa ki mwan mon kontan, letan nou pe koz lo trezyenm mwan saler, ki nou pe dir napa. Parey Onorab Andre in dir, i pa vedir ki ler nou pe dir napa, ki pou napa pou leternite. Nou pe dir pou napa la. Me sa ki mon annan konfyans e sa ki mon kontan. E mon kontinyen sant leloz mon Prezidan. Prezidan Ramkalawan. E mon pou kontinyen fer sa.

Mr Speaker, sa ki mon kontan se ki mon konnen mon Gouvernman pou vin avek en keksoz pou nou Seselwa. In ganny koz lo la, in ganny partaze e sa i pou vin en trezyenm mwan saler ki pou baze lo performans. Sa mon krwar ladan e mon aksepte e mon a esper li vini.

Parski plizyer dimoun in koz lo la, menm mon rapel Madanm Bresson kot lanplwa ti koz lo la. I annan travayer ki ou zwenn i dir ek ou i annan sa enn ki ou travay avek la, li i vin travay mannyer i oule, Sef pa tir li naryen li. Me li i kontinyen ganny trezyenm mwan saler parey mwan.

I ava enportan ki mon Gouvernman ki mon'n met la. Zot ava asize, zot ava balanse anmezir ki larzan pe antre, pou nou get e ki mannyer nou kapab soutenir nou bann travayer laba deor ki travay dir, parey in ganny dir dan Lasamble Nasional.

Dezyenmman Mr Speaker, nou bezwen osi rekonnnet bann biznesmenn ki zot osi zot in pas dan serten difikilte, me zot in bezwen kas an de, re aranze pou zot donn zot travayer, lannen pase, sa ki zot apel en bonus, oubyen zot apel li en trezyenm mwan saler.

Nou bezwen rekonnnet i annan ki'n fer e nou bezwen rekonnnet e aksepte poudir sa lannen i annan menm ki'n fini dir ek zot travayer, wi, nou'n fer ase byen pour lemoman akoz erport in ouver, lekonomi in lanse. Nou pou donn zot en pti keksoz lafen lannen. Sa osi nou bezwen rekonnnet letan nou pe dir napa trezyenm mwan pou en kategori travayer.

Mr Speaker, 'Sesel pou tou son zanfan. Wi i reste nou moto Sesel pou tou son zanfan. Akoz? Parski koman en Gouvernman serye dirize par Prezidan Ramkalawan ozordi, avek nou Minis ki la. Sesel pou tou son zanfan, wi. Tou Seselwa ki pe travay Mr

Speaker, ozordi, son saler i garanti. Tou le mwan i antre dan lakour avek en saler.

Me parkont si nou forse donn li en trezyenm mwan saler akoz nou pe zwe politik, nou pe mazin La Digue. E La Digue sa bann fanmir i dir ek mwan dir ek Onorab Rocky, Mr Speaker. Aret koz lo zot *building* akoz zot *building* zot in fer ek zot larzan, i pa larzan kanpanny. Me i lasyer Msye avek Madanm Waye-Hive. I dir mwan dir li aret koz lo zot *building*.

Mr Speaker, alors Sesel pou tou son zanfan. Tou nou travayer i garanti en saler. E pa blyie, dan nou Gouvernman nou ankor annan zot bann aktivis pe travay. Bann ki lo komite santral zot parti, e zot saler i garanti avek nou Gouvernman. Sanmenm sa Sesel pou tou son zanfan ki nou ti anmenn nou akonpanny lo la.

Si zot aret travay zot pou ganny zot tann servis. Zot a ganny zot gratwite. Tou nou zanfan ki al pos-segonder i ankor pe ganny son *allowance* Mr Speaker. Avek tou sa difikilte lavi, tou sa problem ekonomik ki nou pe fer.

Tou nou bann etidyan ki bezwen al etidye pe monte desann. Nou annan en *batch* pe vin vakans Desanm. Avek tou

sa difikilte lavi ki nou pe fer fas avek, Mr Speaker. Problem ekonomik. Latizann i kontinyen antre dan pei. Marsandiz i kontinyen antre dan pei e Gouvernman pe rod fason pou fer sir ki STC i kontinyen fer desann son komodite.

Tousala, letan nou pa pe kapab donn trezyenm mwan saler, tou nou Seselwa, Sesel pou tou son zanfan. Tousala i garanti e i ankor la, i ankor pe fonksyonnen. Napa personn ki pa pe gannyen Mr Speaker. Sa i vedir ki Gouvernman i kontinyen travay. I kontinyen anmas larzan, asire ki bann ki la zot ganny en pti keksoz touzour.

E pou sa Minis, mwan mon ti a kontan direk ou mon pou siport ou proze lamannman e selman an menm tan mon ti a kontan demann ou pou koz ek Gouvernman pou zot vwar, ki mannyer anmezir lekonomi i refer anmezir nou anmas larzan pou nou kontinyen donn nou travayer sa ki zot merite laba deor.

Parski parey nou'n dir, tou travayer pe debourye. Zot in re pran e pei pe bouze. Alors pou sa Minis, mon ti a kontan prezant ou mon sipor e mersi Mr Speaker, pou sa pti moman

letan ki ou'n donn mwan pou koze. Mersi bokou.

(APPLAUSE)

MR SPEAKER

Mersi. Mersi Onorab. Wi, Onorab Pillay.

HON SEBASTIEN PILLAY

Mersi Mr Speaker e bonswar tou dimoun ki a lekout. Bonswar Minis, byenveni dan Lasanble Nasyonal avek ou delegasyon.

Mon'n swiv bann deba otour sa Prozedlwa depi ler nou'n komanse e fotespere travayer Seselwa e lepep Seselwa zot in osi pran en letan dan zot moman kot zot kot lakour pe fer zot preparasyon, i annan petet ki pe kwi dinen, i an ki fek antre lakaz sorti travay. Sorti trimouse zisteman pou fer sa lekonomi kontinyen marse.

Mon swete tou en tre bonswar e mon swete ki zot osi pe swiv deba e zot pe ekoute ki bann Manm Lasanble pe dir, bann Manm ki zot in elekte pou vin dan Lasanble pou reprezant zot lentere pe dir ozordi swar.

I enportan ki nou met sa an perspektiv, akoz si nou pe ganny sa deba parey nou pe ganyan i gras a zot. I gras a Gouvernman e son bann

Manm ki lo lot kote latab ki pas zot letan tap lanmen lo tou sa ki Gouvernman i anmennen.

Parey en *rubber stamp*, e naryen ki pas devan zot ozordi, tou sa ki pas devan zot ozordi, tou keksoz i bon. Tou sa ki bann Mini si fer i bon, tou sa ki pe arive i bon. Selman par deryer dimoun i kontinyen *text* zot e zot kontinyen konplent ki dimoun pe dir sa.

Pou mwan, zot bezwen aret fer sa kalite retorik, akoz taler nou ti ganny akize koman lopozisyon nou pa pe fer nou travay. So, ozordi nou pe al fer en travay la. Ou ti akiz nou taler, e mon ti a kontan atraver ou Mr Speaker, *remind* Onorab Georges ki lamazorite propozisyon ki nou'n fer ek li, i dir nou karavann i pase, lisyen i aboye.

Me taler in donn nou en retorik lo kwa ki nou pou fer koman lopozisyon. Nou pa la pou nou pran leson avek Onorab Georges, avek tou respe ki mon annan pou ou. Ozordi swar la, nou pe gete si zot pare pou donn en trezyenm mwan saler bann dimoun ki'n travay, ki'n ede pou fer sa lekonomi monte. E zot in dir non, nou pa pare, napa larzan pou donne.

Be akfer zot ti dir ek dimoun koumsa poudir

lekomomi i bon, zot in fer *savings*. Zot ti tap latab ler Minis Finans ti vin la! Akoz zot ti pran sa lapros ? Nou ti konsonn zot lo sa kote latab. Onorab Henrie mon ti *warn*, mon ti *warn* li yer. Mon ti dir "Onorab Henrie, atraver ou Mr Speaker, sa ki ou pe dir. Lekonomi in byen fer, nou pe fer tre byen fer, tre byen." Ou lo rikord pe dir. Mon ti dir, vwala la mon ekrir, mon dir Onorab Henrie, demen nou pou *remind* ou. Ozordi ou vin sant nou en lot zistwar, ou vin dir nou *COVID* in atak nou an Me.

Be akoz zot koz mansonz ek sa pep. *Etre* realis. Si zot ti'n realis depi ler Minis ti vin avek son Bidze siplemanter, e zot ti'n dir laverite ki napa *savings*. Napa larzan ki'n ganny anmase, ki'n ganny met akote pou zot kapab donn trezyenm mwan. Nou pa ti ava pe fer sa deba ozordi.

Nou, nou pe pran li lo sa ki zot in dir. Si zot in dir pei in fer sitan byen, be pey dimoun son pti larzan ! Donn dimoun son pti kontribisyon ! Annou etabli en baz, annou etabli en baz diskisyon. *Ok* ? Pa ni menm 1an dan en Gouvernman, nou tou ki la nou lapey in reste parey. Tou Manm Lasanble napa logmantasyon dan ou lapey. Si ou'n antre dan

en pozisyon ou ganny lapey sa pozisyon.

Be bann Minis, *Cabinet* in sanz pou zot, zot. Sanz tou zot kondisyon travay. E i annan menm zot la anndan ki pa ti konnen probableman. Me ziska ki tan ki zot pou aksepte, koman reprezantan sa pep pou zis les Egzekitiv anmenn zot dan tou direksyon e zot pa pou debout e defann sa pep ki'n met nou la. Ziska ki tan?

Nou vin ek en lamanman lo trezyenm mwan. Napa enn antre zot ki'n annan sa kouraz pou dir be tyonbo en kou, annou retourn lo latab. Annou gete si nou pa kapab, kantmenm en poursantaz, donn dimoun. Karmen non ! Nou pou li siport largiman ki Gouvernman in anmennen akoz sa i nou Gouvernman e nou bezwen siport li.

Sa zafer trezyenm mwan zot ki ti vin avek, i pou en lager. Dan manifesto Parti Lepe an 2016 i ekrir an nwar e blan. Menm sa ki zot pe dir la e an 2016 Parti Lepep ti dir i pou donn en trezyenm mwan saler e nou ti azoute lo en baz performans. Zot ti fors lanmen Gouvernman pou *move away from* baz performans pou al donn tou dimoun.

Apre ler ti vin dan Lasanble zot ti *get cold feet* e

nou bezwen al asize dan en *meeting room* la lot kote - Onorab Georges i rapel tre byen, li i ti la, mwan mon ti la. Onorab Hoareau ti la, zisteman pou nou kapab fer pase trezyenm mwan. E Minis Cosgrow ki ti pas sa lamannman. Onorab Cosgrow ti Minis sa letan. Onorab Ramkalawan ti dir avek li, pa get mwan, pa get Onorab Hoareau ler ti pe pase. Si nou al dan *verbatim* Lasanble sete sa.

Konmsi annou regard sa ki nou'n dir. Lannen pase ler nou pas sa lamannman, *Leader Zafer Gouvernman* ti dir, son pozisyon vvar keksoz sete trezyenm mwan pa pou ganny peye ni 2021, ni 2022, ni 2023. Sete nou, *US* ki ti lager pou lamannman pa ganny abrize dan en fason ki apre nou pa ganny naryen travayer Seselwa. Sete nou!

Nou ki ti lager kont zot. E la ozordi zot pou vin donn nou leson lo ki mannyer nou pou i fer nou louvraz koman en lopozisyon. Zot pou rod fason pou anpes nou koze, pou anpes nou dir keksoz. Zisteman akoz? Akoz ozordi zot pe *rule border* nou merit les zot fer tou sa ki zot anvi fer.

Be nou annan en kestyon la ki nou bezwen demande ki fondamantal la.

Sa Lalwa ler ti vini lannen lepase ti vin avek lezot Lalwa li. I ti vin avek lezot lamannman ki bezwen ganny fer dan lezot Lalwa. Mon, pa mwan ki pou al propoz lamannman dan Lalwa. I zot Gouvernman parey zot in dir, i zot fason fer.

Lannen pase, ti annan en bann koupir partou ki ti arive. Eski i normal. Eski i normal kan *MNA* pa'n pran okenn logmantasyon, tou travayer pa'n pran logmantasyon. Eski i normal ki nou pe *increase allowance* pou bann Minis?

Eski i pou normal pou bann ki ganny konsider anba Konstitisyon pou zot tous sa ki sa bann Lalwa i dir zot, zot pou gannyen. Eski i pou normal?

Sa, dimoun pou vir lo nou apre sa. Nou bezwen balanse sa ki nou pe fer la anndan ozordi. Sa zafer i konplike. Nou pe koz dimoun ki pare Onorab Loze in dir, e mon dakor ek sa in dir, ki ler nou ti dir li travay pou kit lekonomi ouver, in leve in ale, in trimouse pou li sey kit lekonomi ouver.

E sa lekonomi ki'n ouver, nou politisyen nou pas deryer. Nou pa dan Gouvernman, pa nou ki pe sant leloz. Me Gouvernman in sant leloz lo la

e zot kontinyen annan sa *mixed message* ki zot donn popilasyon lo lekonomi.

La Minis i dir ou lekonomi prezan ki pe re pran pti a pti. Minis finans i dir ou lekonomi pe fer bon performans. Prezidan i dir ou lekonomi pe fer bon performans. Minis Finans i vini i dir nou'n fer *savings* sepa konbyen bilyon Roupi.

Be si dan tou sa bilyon ki nou'n *save*. Nou pe koz bilyon la, nou pa pe koz milyon. Nou pe koz bilyon. Nou pa pou kapab trouv lanmwatye 140 milyon pou pey lanmwatye trezyenm mwan pou travayer sekter piblik?

Akoz nou konnen ki nou'n dir. Nou'n dir avek travayer sekter prive, zot kapab gannyen zot akoz i pou depa lo zot anplwayer pou donn zot. I tou depa konbyen anplwayer, si zot pou donne.

Nou pa pou kapab trouv en larzan dan sa bann bilyon ki nou'n *save*. Be oli sa bann *savings* bilyon ki nou'n fer. Lekel ki pe anmenn en klima *disruption* avek sa pep? Nou oubyen zot? Tou sa ki nou pe demande tou senpleman. Pey dimoun *at least* 50 poursan, sa ki dan sekter piblik.

Akoz nou pa kapab donn *at least* 50 poursan? *At least*

dimoun i ava lafen lannen avek en keksoz. La *LWMA* pe *move towards* koup lakantite larzan ki bann dimoun pe fer travay *LWMA* i lo bann kontra. Pe koupe la. Be ziska ki tan Seselwa ou pou aksepte ki keksoz i ganny koupe pou ou, kan ou vwar lezot dimoun pou zot i monte?

Ou vwar, be problem i sa. Problem i se ki si zot pa ti koz mansonz ek dimoun lo sityasyon ki nou ladan, nou ti ava kapab konpran nou tou. Pa vin anbet Lasanble, menm anbet, mon apel sa *mislead* Lasanble pou dir ki nou'n fer tou sa *savings*, me apre vin ek en Lalwa pou dir nou poudir nou annan sitan kantite problem!

Bon mon pa kapab blanm Minis, i son Lalwa i bezwen vin defann son Lalwa. Me Gouvernman i bezwen konport li, i bezwen arete fer bann *statement*. E zot koman *MNA* parey nou menm nou, e mon pe koz pou bann dimoun an deor. Parey Onorab Cosgrow in dir, al ver zot bann *MNA*.

Si ou kontra *LWMA* pe ganny koupe ozordi, al ver ou *MNA*. Al kot li, akoz la ozordi i pe dir ek ou koumsa poudir lekonomi i sipoze *ok*, lekonomi i sipoze bon.

Bomaten zot diskour lekonomi i bon, apre midi ler zot diskour, lekonomi pa bon. Be ki mannyer mon kapab konpran sa? E taler mon pou ganny en lesion ankor ki mannyer mon en lopozisyon irresponsab. Ki mannyer mon krekis dezord dan pei kan mon pe koz drwa lo pozisyon dwa travayer.

Mon pa ganny en konpran. E en keksoz ki enteresan par egzanp, pou en gran lotel parey *Club Med*, in nonm *Club Med* e mon pou nonm *Club Med* dan Lasanble akoz resaman in dan nouvel. Anvoy son *Right of Reply* apre si i oule. *Club Med* pe zwe lanmizik, pe danse, pe fer lafanfar. Sa bann travayer pe monte, desann pou zot kapab travay avek sa lafanfar ek sa lanmizik. Me ler pou donn en trezyenm mwan napa. Travay *reggae, lapey slow dance?*

Ou travayer *Club Med* ki pe ekout mon, ou pa tann mwan ou. Nou pe koz lo si nou ti o pouvwar nou ti pou pran sa desizyon. Ou konnen, nou, nou'n toultan baz nou desizyon lo ki mannyer i pou afekte dimoun plis. Petet sa i en fot ki nou'n fer petet. En fot ki nou dan nou fason panse, se toultan pans pou dimoun olye pans pou nou.

Mon sa bann zafer zot in get nou, mon pa tro, tro antre ladan sa mwan. Mwan mon konn Polisi e prensip mon parti ki'n ekrir dan son Konstitisyon e ki'n ekrir dan sa enn ki la. Dan sa liv ki la, son Konstitisyon. E mwan sa ki mon konpran dan sa Konstitisyon e ki mon krwar ladan. Prensip ki mon viv mon lavi *by*, se ki mon fer tou sa ki mon kapab dan mon louvraz, dapre mon louvraz pou mwan kapab benefisyé dimoun ki mon sipoze travay pou zot. Sa mon prensip mwan. Mon pa al an deor mwan.

E mon pa pou pran lesion ek personn ki'n deza dan mon parti, ki konnen kwa ki zot, zot in fer. Akoz mwan mon konnen la kot mwan mon ete ozordi, kwa ki mwan mon'n fer. Kwa ki mwan mon pa'n fer.

Me selman en keksoz ki mwan mon pa dakor avek, ki, mwan mon pa dakor avek e kot mon krwar zot pa senser. E kot mon krwar lepep Seselwa i devret note kot i mank senserite ozordi, se ki zot pa devret pe zis dan en fason arbitrer.

Ler Gouvernman i anmenn en Lalwa devan zot les li pase koumsa. Zot ti annan en mazorite, menm avan sa Lalwa ti vini, zot ti'n kapab annan en diskisyon parey Gouvernman

avan ti toultan fer avek zot ler zot ti dan Lopozisyon.

Apre zot dir nou koumsa anmenn nide, anmenn isi. Be tou nide ki nou anmennen zot tap kalot ladan. Onorab Churchill Gill, atraver ou Mr Speaker, i anmenn lamannman pou fer Praslin ganny en lavwa. Lot MNA Praslin i vot kont oubyen i pa vote. Apre i dir nou, nou pa'n zanmen senser dan donn Praslin en lavwa. *Ok, let's say* nou pa'n senser dan lepase, nou fer en zefor ozordi. Nou anvoy en lanmen avek ou, be zwenn nou. Ou pa pare pou zwenn nou. Ou pare pou plito kritik nou.

E mon krwar se sa problem, problem se ki zot tou zot pare pou kritik nou. Mwan, mon pa pe kritik zot mon. Mon pe kritik sa ki devan nou la.

E mon krwar sa ki enportan la se ki nou bezwen fer en desizyon. Onorab Cosgrow in mansyonn 5 poursan saler. *Ok, 5* poursan saler ti al ziska devan Lakour, ti an pou fer avek en S.I. ki ti vini e zot ti vot kont. Kestyon ki nou bezwen demann nou lekor koman en Lasanble ozordi apre midi, se eski nou pe fer zistis sa pep si nou zis pas en Lalwa ki koup trezyenm mwan ?

Eski nou pa devret fer Gouvernman retourne ek son Lalwa e al rekonsider tou bann nimero, tou bann *figures e come back* avek en keksoz kot Seselwa osi, travayer Seselwa i kapab benefisyen en keksoz. Nou'n koz lo bann Sekter ki'n benefisyen. Be *Retail Sector*, konbyen Seselwa ki pou al ganny trezyenm mwan dan *retail sector*. Sey dir mwan? Konbyen Seselwa ki pou al ganny trezyenm mwan dan *retail sector*. Konbyen ki kontrol e domin *retail sector* Sesel, Seselwa? Enn ler mon kwa Onorab i zis dir keksoz, me i pa realize ki i dir.

Konmsi, ozordi apre midi mon pe dir ek zot sa, tou dimoun in travay pandan sa lannen. Tou dimoun pe regard ki sa lafen lannen pou anmennen pou zot e tou dimoun i konpran poudir nou dan difikilte.

So, si nou dan difikilte, Gouvernman i *come out clear*, i admet poudir nou dan difikilte, vwala sityasyon. Me si nou dan difikilte pa neseser nou anvoy en delegasyon 5, 6 Minis pou al *expo*. Les bann travayer ki al *Expo* fer zot *Expo*. Mont en Minis *at least*, pa mont 5! Se sa mon problem.

E nou bann *MNA*, nou pa pe fer sa bann keksoz.

Sanmenm sa ki mon pe fer zot konpran. Nou pe fer nou louvraz *oversight* koman Lasanble.

E sa ki enportan e mon demann Minis ankor. Petet ou a ganny *advice from* bann dimoun ki obor ou. An se ki konsern bann lezot peyman, bann *dues* lafen lannen. Lalwa avan ti vin avek en seri lamannman li osi. Eski pou annan sa bann lamannman parey? Eski tou dimoun pou pas o penny fen oubyen zis serten dimoun ki pou pas o penny fen? Nou bezwen kler lo la, la. Akoz mwan senserman mon pa pou vot zis pou travayer mwan. Non.

Si nou tou nou fer sakrifis, nou tou nou a bezwen fer sakrifis. Mon krwar i pou vin koumsa sa. Akoz dimoun la deor, dimoun pa kontan en! Nou bezwen balanse sa.

Mr Speaker, mwan mon demann Gouvernman. Sa i mon demann ki mon fer ek Gouvernman. Retourn ek sa *Bill*. Ou annan en mazorite, mon konpran ou *Bill* pou pase si zot anvi *force zot way*, napa problemm.

Retourn ek sa *Bill*. Rekonsidere, *at least* 50 poursan. *At least* 50 poursan. Si zot pa kapab donn 50 poursan, mon pa konnen, donn

25. Me donn *at least* en poursantaz travayer dan sekter piblik. Retourn ek sa *Bill* e annou vwar si nou pa kapab anmenn en keksoz dan pos Seselwa osi lafen lannen.

Onorab Cosgrow taler ti enplor Minis. Mwan mon enplor Gouvernman. Mon enplor Gouvernman. Akoz nou'n fini dir ek Seselwa nou annan *savings*, nou'n fer isi, nou'n fer laba. I pe espekte en keksoz. Sey vwar ki mannyer zot kapab *move from* sa pozisyon ki zot pe pran. Se sa ki bezwen ganny arive la dan sa Lasanble ozordi.

Mr Speaker, i tar. Mon konnen ki Onorab Georges in lev lanmen lo dernyen minit pou koze apre mwan, e i paret ou pou donn li sans pou entervenir. Mon pa konnen. Me selman mwan mon pwen i reste koumsa.

Mwan mon'n deza reprezant Gouvernman dan Lasanble. Mon'n deza dan en pozisyon kot tou sa ki Gouvernman i fer i byen. I annan plizyer nou la anndan in deza dan sa pozisyon.

Ler mon asiz la ozordi, mon realize ki mannyer parfwa ou libere lo sa kote latab osi. Ou libere akoz ou vwar en kantite keksoz, me ou osi santi e vwar kote nou pe al dan

semen kot nou kapab al fer en fot.

E sa fot la, i pa ou vin zis en fot ki pou kout parti politik sa. Akoz la mon pe tir konsiderasyon parti politik. Mon pe koz lo dimoun an deor.

Akoz *COVID* in tap nou. Swa in tap pou lasante. Personnelman mon'n ganny afekte par *COVID*. Ziska ozordi. Ziska ozordi, kantmenm ou byen *from COVID* ou *still* reste avek bann lefe. E napa en dimoun, sa ki'n byen, konmsi in byen konpletman, i bon e tou dimoun pe swiv sa. E sa i scar ou sa.

Mondemann Lasanble aswar la. Anou konsider sa pep, annou konsider sakrifis ki sa pep in fer. Si nou dir nou'n fer sakrifis e nou'n fer serten progre, annou sey pas sa sakrifis. Akoz partou ledikasyon, nou pe travay nou tou pour ki nou kapab kontinyen rebatir nou pei.

E lesansyel ki reste se ki tou dimoun i bezwen rod en fason pou ki nou anmenn benefis. E sa ki mon krwar i bezwen arive i se ki sa Lalwa i bezwen retourne kot Gouvernman. E sa mazorite laba lot kote i annan pouvwar pou fer li.

Mazorite i annan pouvwar pou *adjourn* sa deba e fer sa

Lalwa retourne kot Gouvernman pou nou pa konsider li ozordi. Mersi Mr Speaker.

(APPLAUSE)

MR SPEAKER

Mersi. Mersi Onorab. *Point of order*. Ki *point of order* Onorab Henrie.

HON GERVAIS HENRIE

Point of Order Mr Speaker. Nou *Standing Order, Order 36(1)*. Malgre i koz lo kestyon. I dir ou en Manm pa kapab lev e asize ki i pa kapab *substantiate*. E mon mazin sa i bezwen *extend* osi dan deba. E souvandfwa *Leader Lopozisyon* i fer sa bann keksoz. I zis zet en zafer dan milye lasal, san *substantiate* pou zis kree konfizyon parmi piblik.

La in dir *LWMA* pe koup kontra. Si ou ti anmenn en let ki ou dir la dan mon lanmen i annan. *But you have to substantiate, you can't just say it on the floor.* Mersi Mr Chair.

MR SPEAKER

Ok-ok-ok mon konpran ou pwen. I posib. Me selman mon pa krwar poudir i en tro gran deklarasyon ki tro soz. In fer en pwen, mon pare pou les li pase.

Ah, Onorab Pillay, ou pe al dan en largiman la. Mon'n fini defann ou.

HON SEBASTIEN PILLAY

Non Mr Speaker, mon pa pe al dan en largiman, mon pou respe ou *Ruling*. Mon oule zis dir ek Onorab mon ava anvoy sa bann *text* ki mon'n gannyen kot li. Mersi.

MR SPEAKER

Mersi, ok. Onorab Georges, ou a termin deba.

HON BERNARD GEORGES

Mersi Mr Speaker. Bonswar Mr Speaker, Minis ek tou bann dimoun ki pe ekout nou. Mr Speaker, pandan en zournen mon'n ekout bann Manm Lopozisyon koze lo 2 Prozedlwa, sa 2 dernyen Prozedlwa e mon ti a kontan fer en propozisyon avek ou Mr Speaker. Ki dezormen le 10 Novanm tou le an nou selebre lazournen Politik Bonmarse dan Lasanble Nasyonal Sesel!

(APPLAUSE)

HON BERNARD GEORGES

Mr Speaker, personn pa kontan pa ed enn nou sitwayen. I pa zis zot prerogative sa i sa ki pou nou osi. Personn pa kontan ki nou pa kapab soulaz bann

dimoun ki merit ganny soulaze. Personn pa kontan pa donn en keksoz ki par lepase ler letan ti bon nou ti kapab donne. Me ler letan napa, i napa Mr Speaker.

Desizyon brav, desizyon ki pa popiler, me desizyon ki dan lentere nasyonal i bezwen ganny pran. E sa ki nou pe fer la tanto, sa ki sa Minis Francourt in vin devan Lasanble pou anmennen ozordi, se enn sa bann desizyon neseser ki nou pou bezwen pran.

Mr Speaker, Lopozisyon in koz labous plen lo trezyenm mwan saler. Pou ekout zot ou ti a krwar k sa se zot piti. Me les mwan fer zot rapel, parey Manm lo nou kote latab in fini fer zot rapel, ki sa piti trezyenm mwan se nou piti. Zot, zot in taye pou al deklar *boper!* Se sa ki zot, zot ti fer.

(laughter)

HON BERNARD GEORGES

Ler Onorab Ramkalawan ti'n fer sa propozisyon, zot Prezidan sa lepok ti al lo televizyon pou li reklamen ki son lide ti'n ganny vole dan *Liberty House* e in demann avek Minis Finans pou al fer en lanket. Zot rapel sa, zot rapel sa?

E zot konnen kwa Mr Speaker. Se pour sa rezon ki ler Onorab Cosgrow ti Minis e in vin avek sa Lalwa dan nou Lasanble, nou'n fer li retournen e al aranze akoz sa Lalwa pati fer sa ki nou, nou ti anvi i fer !

(APPLAUSE)

HON BERNARD GEORGES

Annou met keksoz devan parey i ete.

Me i annan en keksoz pli enportan ankor. Sa Lalwa ti sorti an 2016. 2016, 2015? 2015, 2016. Pandan 43an ki zot, zot in o pouvwar zot pa'n zanmen mazinen donn sa pep Seselwa en trezyenm mwan saler.

(APPLAUSE)

HON BERNARD GEORGES

Ti fodre Wavel Ramkalawan ki vin avek sa lide. Ozordi zot oule *highjack* son lide e zwe pli bon bout ki bon boug!

Mr Speaker, ler letan i dir sa ki en lopozisyon responsab i bezwen fer, se vin solider avek Gouvernman ki dan difikilte parey nou pei ozordi. Kantmenm lekonomi pe releve i still ankor dan difikilte ekonomik.

Ler zot, zot ti dan difikilte ekonomik, mon a fer zot rappel,

ler zot ti dan difikilte ekonomik, nou ki ti asize lo zot kote latab, nou ti solider avek Gouvernman, nou ti siport li dan tou son demars, *including* vot pou son Bidze.

(APPLAUSE)

HON BERNARD GEORGES

Nou, nou pa'n vin fer okenn dezord. Nou pa'n vin fer okenn politik bonmarse. Nou ti stand ansanm avek Gouvernman sa pei akoz i ti dan lentere nasyonal e se sa Onorab Pillay, kantmenm ou pa anvi tandé. Se sa ki en lopozisyon responsab i fer e mon demann diriz en lopozisyon responsab e non pa en Lopozisyon bonmarse.

Mr Speaker, zot konnen lekel premye dimoun ki'n vin *alert* nou ki trezyenm mwan i riske pa peye. Se Minis Loustau Lalanne ki ti Minis Finans, ki ti vin fer sa isi menm dan sa Lasanble. I ti vini i ti dir nou, zanfan sityasyon pa bon e si i reste koumsa lafen lannen pou napa trezyenm mwan.

Alors silvouple, pa met sa keksoz lo zis nou ledo. Annou nou tou ansanm ki dan menm bato. Sa bato ki apel Sesel, travay ansanm pou relev sa lekonomi parey nou, nou'n dir dan en fason ki trezyenm mwan

i ava kapab ganny peye e dimoun ava kapab a lafen lannen konnen ki zot pe ganny sa soulazman ki nou ti promet zot.

Mr Speaker, olye fer sa, sa ki nou'n vwar, bann Onorab lo lot kote latab ozordi fer, se senm dout ek konfizyon ler zot, zot pe akiz nou senm dout ek konfizyon. Zot vini zot dir ki nou, nou'n dir ki lekonomi pe releve, ki mannyer nou pa kapab pey en trezyenm mwan saler. Ler zot konn tre byen, ler zot konn tre byen parey Onorab Henrie in dir, ki malgre ki pasyan pe *recover*, maladi i ankor lo li e gerizon pa ankor arrive.

Alor koman en Lopozisyon responsab silvouple, aret senm dout ek konfizyon. Vin solider avek en Gouvernman kantmenm zot pa kontan li, dan lentere nasyonal akoz i pou dan zot prop lentere sa.

Olye fer sa, ki nou vwar? Onorab Cosgrow ek Onorab Pillay, tou lede i dir ek nou bann dimoun *text* nou, al rod trezyenm mwan saler avek nou. E ou konnen kwa Mr Speaker, ou konnen kwa sa ki pli gou. Sa 2 Onorab zot fer sa akoz zot konnen ki zot napa personn pou *text* zot akoz zanmen zot in *stand* dan eleksyon zot.

(APPLAUSE)

HON BERNARD GEORGES

Zot napa en *constituent* zot. zot napa en sel *constituEnt* zot. Zot konnen personn pa pou *text* zot akoz napa personn ki'n vot pou zot apart sa 9 ki al ki'n vot pou Onorab Pillay.

Mr Speaker, fodre nou fer keksoz byen. E les mwan prezan Onorab Pillay kantmenm i pa kontan. Les mwan donn li en lesson lo ki si sa ki i ti devret pe fer la ozordi.

Plizyer zot komansman par Onorab Uranie, e finisan par Onorab Pillay. In fer propozisyon. Zot in fer propozisyon lo ki mannyer olye pa donn trez mwan saler ditou, en bout ti kapab donneb oubyen en formil parey zot in dir, ti kapab ganny trouve.

Les mwan dir zot sa ki zot ti'n devret fer, si zot ti anvi donn en bout Onorab Uranie, sel keksoz ki zot ti'n devret fer ek sa *Bills* se anvoy en propozisyon lamannman pou amann *Clause 2*.

(Interruption)

HON BERNARD GEORGES

Mon ava eksplik zot, mon pou donn ou en lesson pou ou kapab fer li dan le fitir Onorab Pillay, atraver ou Mr Speaker.

Sel keksoz ki zot ti bezwen fer, se dan *Clause 2*, kot i met “*the payment of the thirteenth month salary shall be suspended*”, eksetera. Tou sa ki zot ti’n devret fer se dir “*the payment of one half of the thirteenth month salary shall be suspended.*” Vwala sa ki zot devret fer si zot ti anvi zis en bout. An menn en amannman. Anmenn en amannman.

Prezan zot ti ava kapab al dir ek bann dimoun laba deor, *including* sa bann ki pa ou *text* zot la, mon’n anmennen en lamannman selman nou lamannman in perdi.

*Or si zot i anvi en formil Onorab Cosgrow, sel keksoz i zot ti devret fer, se lafen Clause 2(1) kot i met ‘*is hereby suspended*’, zot i ava anmenn en an manman pou dir ‘*for all employers earning more than Rupees x.*’ Koumsa zot ti ava kapab dir ki en bann ki mwen fortinen i ava ganny son trezyenm mwan.*

Me i annan en trwazyenm keksoz ki zot ti kapab fer Mr Speaker. Si Onorab Pillay parey in promet devans a sa Lasanble, ti’n al rod sa \$50milyon, nou ti a kapab pey trezyenm mwan sa lannen, nou ti a kapab pey en *back pay* pou lannen pase e nou ti kapab pey en davans pou lannen prosenn!

(APPLAUSE)

HON BERNARD GEORGES

Alors, Mr Speaker atraver ou. Mon demann Onorab Pillay, *put your action where your mouth is* Onorab Pillay. Ale, al rod sa 50 milyon, anmenn devan Lasanble. Epi ou a donn nou lesson.

Antretan Mr Speaker, mon ti kontan donn en pti konsey Onorab Pillay e sa pti konsey se demann li al lir son Labib. Al lor sa parabol kot i annan ‘en pti lapay dan mon lizye ek en gro poto dan sa ki pou li.’ E i ava kapab aprann enn de keksoz.

Finalman Mr Speaker, Onorab Pillay in fors mwan al dan en direksyon ki mon pa ti anvi ale. Onorab Pillay in eksplike ki malgre ki personn pa pe ganny peye. Son parol, ‘nou’n fer plis *allowance* pou Minis.’

Mr Speaker, mon krwar ki sa parabol ki mon’n demann Onorab Pillay al lir i enportan. Bann Minis in eksplike devan sa Lasanble, zot in fer en kantite politik lo *allowance* ki bann Minis in sipoze gannyen. Sa ki zot in blyie dir se ki saler Minis i pa’n ogmante depi zot letan ler zot ti o pouvwar, e ki bann *allowance* apart en *clothing allowance* avek en pti

medical allowance R833 par mwan, pa'n monte.

Sa ki mwan mon ti a kontan fer le pep Seselwa konpran ozordi Mr Speaker, mon pa pou koz lo Onorab Pillay - mon pou koz lo mon lofis, me mon konnen ki Onorab Pillay i ganny menm saler, menm *allowance* ki mon lofis i gannyen. Vwala sa ki nou, nou gannyen. Nou ganny en saler egzakteman parey Minis. Apart bann lezot keksoz ki nou gannyen, nou ganny en *clothing allowance* R18mil egzakteman parey Minis. *In fact* in fek antre dan nou kont semenn pase.

Onorab Pillay i gannyen, mwan mon gannyen. Sa *allowance* ki zot, zot in dir *allowance* palto. Be zot konnen kwa Mr Speaker, nou lo sa kote latab, nou met palto nou. Zot ki met en semiz rouz avek en kravat nwar!

(APPLAUSE)

HON BERNARD GEORGES

Zot ki zot pe fer ek sa larzan palto. Zot dan en semiz rouz avek en kravat nwar konmsi zot pe al lanterman.

(laughter)

HON BERNARD GEORGES

Ou vvar Mr Speaker, fodre nou onnet ek nou.

(Interruption)

MR SPEAKER

Order

HON BERNARD GEORGES

E nou pa pokrit. Lipokrizi napa okenn plas dan sa Lasanble Nasyonal. E si nou anvi defann le pep Seselwa parey nou tou nou'n ganny apele pou fer dan sa Lasanble. Fodre nou defann le pep Seselwa dan en fason onnet e ouver. E fodre nou fer li dan e fason responsab.

Mon fatige donn lesion Mr Speaker, mon pa anvi fini avek en lesion ozordi. Sel keksoz mon sipliy avek nou bann Manm e mon pa pe koz zis avek lopozisyon. Mon pe koz avek mon *caucus* osi. Se annou vin en Lasanble responsab. Annou regard byennet le pep Seselwa. Annou pa regard ozordi pou fer politik bonmarse. Annou regard lavenir.

Annou ede pou konstri sa nasyon dan fason ki ler gato pou ganny partaze, nou tou nou kapab ganny nou bout. Mersi Mr Speaker.

(APPLAUSE)

MR SPEAKER

Byen. Onorab Pillay lo ki oule adrese, deba in fini. Ki ou pwen?

HON SEBASTEN PILLAY

Mersi Mr Speaker. Mon oule koris en *misapprehension* ki'n ganny fer. Tre senp Mr Speaker, tou sa ki mon'n vin zwenn avek sa lofis ti la, avek sa msye ki ti asiz *la*. Sanmenm sa ki i ti gannyen, tou sa ki i ti gannyen. Selman i ti ganny an plis.

Me selman Mr Speaker, mon oule met o kler ki Onorab Georges in, mon krwar i son lentansyon pou *mislead* Lasanble. Me i pa kler akoz i pa'n ganny lenformasyon korek. Larzan sekirite ki nou gannyen i en Bidze ki al pou sekirite.

Non, non e in ganny *converted* dan R25mil koman en *housing allowance* pou bann Minis.

MR SPEAKER

Onorab Pillay, ou ti pou zis koris en *misapprehension*. Korize.

HON SEBASTIEN PILLAY

Mon ava aret la. So, R25 *allowance* Minis mon pa gannyen sa. Ni, ou petet ou pa gannyen.

MR SPEAKER

Ok, byen. Mersi.

Kot nou'n arive la. Minis mon ava apel ou pou fer ou repons lo deba.

MINISTER

FRANCOURT

PATRICIA

Mersi Mr Speaker. Mr Speaker, i enportan ki piblik i ganny klarifikasiyon e parey Onorab Georges in dir, pou tir tou bann dout avek konfizyon. Bokou Manm in demann klarifikasiyon lo kote konponan finans e avek ou permisyon mon ti a kontan demann SS Payet ki reprezent Minis pou donn klarifikasiyon lo sa bann pwen ki'n ganny leve. Mersi Mr Speaker.

MR SPEAKER

Oh. A sa pwen Minis, SS Payet pa kapab entervenir dan sa staz. Me selman mon kapab dir Minis, wi. sa ki nou pe fer la, nou pe vot lo general merit of the Bill ou kapab kontinyen avek ou lezot pwen. Klarifikasiyon SS Payet i kapab vin dan Staz Komite e mon krwar pa si pou afekte the vote on the general merit of the Bill akoz i detay.

Minis ou a proceed avek soz. SS Payet i ganny laparol pli tar.

MINISTER

FRANCOURT

PATRICIA

Mersi Mr Speaker. Mr Speaker, mon'n ekout byen bann lentervansyon bann Manm Onorab. E parey mon'n fer resorti pli boner sa size sispansyon trezyenm mwan lapey i enn ki tous nou tou travayer.

Pou en *summary*, sa *Bill* ki devan nou pe zis sispann peyman trezyenm mwan lapey pou lannen 2021, an vi problemm finansyel parey mon'n dir, ki pei e bokou biznes pe pas atraver an se moman.

Pou adres enn de pwen ki ban Onorab in dir, e mon apresye tou zot komanter. Sa Gouvernman i salye tou bann travayer ki travay tre for e dir pou *productive* parey nou dir e zot donn tou.

Mazorite of bann dimoun la deor, 35 mil oubyen nou. Oubyen bann ki'n tik anler oubyen an plis ankor, zot tou zot in vote akoz zot ti annan lentelizans, *comprehension* avek *wisdom*. Zot ti konnen poudir ler zot pou met sa Gouvernman o pouvwar pou annan en ban desizyon ki pou en pe difisil. Me selman sa Gouvernman pa pou per pou zot pran.

Mazorite nou bann dimoun i apresye poudir pei i dan en sityasyon difisil. Me selman zot konn la realite e zot

kennen ki savedir sakrifis. Sa Gouvernman i en Gouvernman responsab. Letan keksoz i byen zot konnen poudir sa Gouvernman pou fer sir ki zot benefisy. Parey zot dir, zot ganny en bout sa gato letan in byen parey.

Dimoun la deor i entelizan e zot konnen poudir ler nou pa kapab, nou pa kapab. Mon mazinen dan mon lespri, pete, zis petet. E mon dir petet, si pa ti'n ariv bokou labi dan lepase, kekfwa sa Gouvernman ti ava annan en pli bon Bidze pou zot kapab partaze.

Alors sa Gouvernman i responsab e i fer sir tou sa ki zot pe fer i byen e dimoun i kapab benefisy. Nou'n vvar poudir si mon pe adres enn de bann pwen ki bann Onorab in dir, nou konnen poudir dimoun i kontan sa pei Sesel e nou konnen poudir letan nou pe dir frer en pti sakrifis zot pou fer.

E sa i en Gouvernman ki kit son parol. Zot a ziz nou zot menm dan lannen prosenn, dan lot lannen e lot lannen. E mon konnen poudir zot pou fer bann bon konprenezon e zot pou konpran akoz sa desizyon ozordi in ganny pran.

Onorab Uranie mon ti a kontan adres ou pwen. Mon kontan dir ou ki tou bann travayer lo bann zil Praslin, La

Digue zot in tann nou mesaz byen for kot Lanplwa a e zot pe pran travay. I annan *very few* dimoun ki pa dan travay e Praslin osi parey. E mon konnen poudir bann *figures* pe desann e zot in konpran zot lobligasyon pou zot pran en travay.

Sa bon nouvel *is*, si zot dan louvraz e zot pa lo *welfare* e zot reste dan en louvraz, *then* i pou donn zot plis loportinite pou zot gannyen en *bonus*. Oubyen si nou oule *call* li en trezyenm mwan saler, mannyer i pou vini. *At least* zot pou gannyen ki si zot ti lo *welfare* zot pa ti pou gannyen.

E alors i enportan ki zot kontinyen. Mon koz pou ban zil, zot kontinyen reste dan lanplwa e zot pa sorti. Sa Gouvernman i en Gouvernman ki *empower* dimoun li e fer sir ki dimoun i pran responsabilite.

Onorab Woodcock, zis pou adres sou pwen, sa Gouvernman i pran bann desizyon ansanm. I pa pran bann desizyon dan *silo* li. Lanmen dwat i konnen ki lanmen gos pe fer. E *most of the time* zot bann desizyon i vreman stratezik e zot lapros finalman tou i vin ansanm.

E akoz i annan sa *unity*, i annan sa lapros *jointed* parey

nou dir, bann rezulta pou vini li e nou pou vwar.

Gouvernman i annan en bon vizyon pou li fer sir ki keksoz i vin *better* pou sa pei. E mon asire ler keksoz i byen tou dimoun pou benefisyé.

Onorab Aglae, zis pou adres ou pwen. Mon re asir ou e mon asir tou dimoun deor ki nou lasistans lo nou *social safety net* i touzour la pou bann dimoun ki annan difikilte. Zot *follow prosedir* e zot fer li byen e zot *go through the process*. Nou pa *believe* kit dimoun deryer.

I annan levidans osi pou montre poudir i annan bokou lakonpannyen ki ti peye trezyenm mwan saler lannen pase. Alors nou demann zot pou reste senser e fer zot *very best* pou zot kapab *reward* zot bann travayer. Akoz ler ou *reward* dou bann travayer, ou bann travayer i reste dan lanplwa.

Alors mon lapel avek *private establishments* is *be considerate* e kontinyen si zot pe fer byen pou donn sa benefis bann travayer.

Onorab Cosgrow, zis pou adres enn de ou pwen. Annan defwa i pli byen ki en dimoun i dan lanplwa e i resevwar en saler ki i pa dan lanplwa ditou. E nou pou vwar poudir bann

dimoun lo URS, now zot en *job seeker*.

Zot pe fer vreman byen, soon nou pou vin ek bann statistik isi kot zot e zot pou vvar bann dimoun in pran en lanplwa a e zot pe kontinyen travay dir e sa ki pou fer zot benefisy.

Akoz si zot dan en louvraz e zot reste dan en louvraz alors zot osi zot a benefisy.

Onorab Georges in koz lo bann benefis Minis. Mon asire ti annan bann benefis Minis avan sa Gouvernman, si pa plis. Mon pa konnen. Me selman ti annan. Mon konpran sa parabol ki Onorab Georges in dir, mon byen kontan mon osi. So, mon'n konpran li byen.

Apre mon fer remarke ki bines ki moter sa lekonomi e biznes ki anmenn lanplwa. Alors si biznes pe fer byen, lekonomi osi pou fer byen.

Onorab Arissol, mon kontan ou bann komanter. Sa Gouvernman i en Gouvernman realistik. Letan kondisyon pou favorab, mon asire sa Gouvernman pou reazir dan en fason ki pou *responsive* e osi *conductive*. E whatever ki ganny deside *in terms of* ki mannyer nou *proceed*, sa Gouvernman i donn son parol e mon asire zot pou reazir.

Selman sa ki mon kontan, sa Gouvernman i en Gouvernman ki onnet, i kontinyelman diskite, si sa keksoz pa marse, nou pa zis asize. Nou re koze, nou re koze e nou pa pare pou pran desizyon.

Sa Gouvernman i pran bann *bold decision* e ozordi nou'n pran *bold* e en desizyon byen brav. Nou pa per akoz ou konnen poudir dimoun deor i *trust* nou e zot pou konpran nou.

So, Mr Speaker, anliny avek revizyon dan Lalwa Lanplwa, Gouvernman pe osi analiz bann sizesyon ki'n ganny fer avek bann diferan *stakeholders* an sa ki konsern peyman trezyenm mwan lapey en travayer a lafen lannen.

I annan diferan propozisyon ki'n ganny met devan e Minister ansanm ek lezot apartman konsernen, tel ki Minister Finans e Departman Ladministrasyon Piblik i angaze dan diskisyon lo sa size.

En propozisyon byen for pe ganny konsider pou ranplas provizyon Lalwa aktyel lo trezyenm mwan lapey, se pou entrodwi konsep *performance base bonus*.

Sa i vedir ki en tel peyman pa pou otomatik e i pou depan lo performans sa travayer

pandan lannen ki i pou'n ganny evalye par son anplwayer.

Sa i avek bi pou idantifye en model apropriye ki ava ankouraz produktivite dan travay e rekonpans travayer pou zot zefor e travay dir lafen annan.

Nou osi anvi ki sa novo propozisyon i ed anmenn plis rannman pou sa lorganizasyon travay me pa zis en kou finansye lo sa anplwayer.

Bann tel propozisyon Mr Speaker, pou anmenn en sanzman dan peyman en tel benefis, e mon swete ki tou dimoun ava konpran sa rasyonnal e lenportans pou anmenn en konponan an plis dan peyman trezyenm mwan lapey.

Lemonn travay i evolye toulezour e i enportan ki nou Polisi e Lalwa i reste azour avek devlopman e ki Lalwa i balanse pou travayer e anplwayer.

Lo sa note Mr Speaker, mon ti a fodre remersye ou e ou bann Manm Onorab osi byen ki tou dimoun ki a lekout pou zot latansyon. Mersi Mr Speaker.

MR SPEAKER

Mersi Minis. Bon nou a pran vot lo sa *Bill*, lo *general merit*. Manm ki an faver lev lanmen silvouple. Manm ki kont. Mersi. Vot lo *general merit* of

the *Employment (Suspension of Thirteenth Month Pay) Bill, 2021* nou'n ganny 22 vot pour, 10 vot kont e 0 abstansyon. So *Bill* in aprouve lo *general merit* par Lasanble.

Madanm Clerk a fer *Formal Second Reading*.

MADAM CLERK

Mersi Mr Speaker. A *Bill for an Act to suspend the payment of the thirteenth month pay payable to workers under the Employment Act (Cap. 69) in respect of the year 2021*. Mersi Mr Speaker.

MR SPEAKER

Mersi Madanm Clerk, nou a pas dan Staz Komite *please*.

Mon'n sezi pwen ki Minis in fer taler e size ki kantite larzan sa i *involve* in ganny leve e mon krwar i annan relevans avek si Gouvernman ti pou konsider en lanmwatye. En *half payment* oubyen en *part payment, whatever*. Sa bann sif i kapab eklersi manm e piblik lo pozisyon ki sa *Bill* in pran.

Alors an nou pas lo lezot *amendment*, mon a fer. Mon a demann SS Payet pou adres a sa bann sif ki Minis in fer referans avek, konmsi sa bann kestyon ti'n ganny *raise* dan komite. Mon espere sa i dapre prosedir Lasanble.

SS Payet ou kapab klarifye.

SS PATRICK PAYET

Mersi Mr Chair e bonswar tou Manm Onorab e tou dimoun ki a lekout. Mr Chair, permet mwan kekfwa pou komans lo konferans lapres ki Lendi *IMF* avek Minister Finans avek Labank Santral ti fer. Mon konnen kekfwa letan in pas dan nouvel bilten aswar, zot pa'n pas li dan son totalite. Zot in pas bann kontrandi. Me selman mon krwar ki *SBC* in *advice* ki ozordi ouswa Vandredi zot pou pas li dan *News Extra*. Me selman zis permet mwan pou lir enn de pti ekstre pou donn zot en pe totalite sirkonstans ki *IMF* in mansyonnen dan son *press realise* ki'n sorti Lendi, apre zot premye revi ki zot in fer lo Sesel.

So, premye ki zot in mete ki Gouvernman in fer en *impressive* progre pou enplimant programm ki zot pe fer avek *IMF* pou *restore* makro ekonomik *balances*.

Premye bout ki zot in mansyonnen. So, letan zot in vini, zot in vvar ki tou bann edikater ki zot ti'n mete, Gouvernman in kapab *meet* e in menm sirpas en pe ekspektasyon ki zot ti annan.

Me selman i annan en lot paragraf osi ki zot in mansyonnen dan sa *press release* ki zot in dir ki "however challenges remain." Seychelles i reste koman en *open economy* e i reste *still*, i annan sa vilnerabilite pou *external shocks*.

Nou konnen ki pandemik *COVID-19* pa annakor ale, i ankor la avek nou e nou'n vvar keksoz ki pe arive dan nou bann *market external*. So, i ankor still annan bann risk ki egziste. Nou bann lezot konpetiter dan nou bann marse, par egzanp nou'n vvar bann lezot pei ki pe re ouver nou'n vvar par egzanp *Thailand* ki pe re ouver avek zot lafrontyer e kestyion demande si sa kantite touris ki nou pe gannyen ozordi ekspektasyon pou lannen prosenn.

So, tousala i en pe bann vilnerabilite ki nou vvar nou pa ankor *recover* parey nou ekspektasyon letan nou'n fer en pe nou analiz.

Letan nou regard *tourism arrival* 2019, bann *forecast* ki nou pe travay lo la e ki nou pou prezante dan Bidze 2022 letan Minis i vin prezant Bidze Vandredi, nou pou ariv sa target *almost by* 2024, so ou vvar ki sa *actual tourism*

arrival 2019 nou pa ankor arive achieve sa.

Nou *GDP level*, prodwi domestik brit krwasans reel, nou espekte *return parey 2019 kekfwa lafen 2022*. So, i montre ou en pe ki bann balans ki nou pe vwar, wi i annan ogmantasyon, me selman nou pa ankor ariv parey 2019.

2019, nou ti pe kolekte en reveni *tax R7.4bilyon e parey zot konnen 2020 nou ti kolekte zis 6.4bilyon e ekspektasyon pou 2021 i pou aepre R6.7 bilyon*. So, ou vwar ki *level* ki nou ti kolekte 2019, nou a pa ankor. Nou pa pe espekte pou kolekte li sa lannen.

En lot sif Mr Chair, zis pou *share* avek Lasanble. 2020 nou ti fer en *overall balance deficit 4 bilyon*. 2020 *overall balance deficit 4 bilyon*. E dan nou Bidze 2021, nou ti mete dan Bidze orizinal nou pou fer en *overall balance deficit 3.4bilyon*, me selman avek Bidze ki'n ganny revize nou *still* dan en *deficit*, me selman sa *deficit* in ganny redwir pou ariv 2.3 bilyon.

So, i montre ou avek rediksyon ki nou ti fer sa *budget cut* dan milye, dan *mid-term review*. Sa *overall balance* in ganny redwir *significant*.

Ki nou pe dir par *overall balance deficit*, nou pa ankor ariv dan en sirplis, savedir nou

bezwen *borrow larzan dan domestic market ouswa avek nou bann partner enternasyonal*. Sanmenm sa ki nou pe ganny larzan avek *IMF*, Labank Mondyal avek *African Development Bank*.

So, tou sa bann sif i montre ou Mr Chair ki ozordi nou bezwen fer sir lo bann sirkonstans depans ki nou pe depanse, akoz nou *still* dan en *budget deficit 2021*. Nou espekte sa *deficit* i redwir 2022 e prozeksyon ki nou pe fer pou nou al dan en sirplis *by 2023*.

So, sa i enn de bann endikater Mr Chair, ki letan annou regard tou sa bann sif nou'n vwar ki lannen 2021 Gouvernman i pa dan en pozisyon pou li kapab pey en trezyenm mwan lapey.

Me definitivman nou pe travay avek bann lezot striktir parey Minis pou anonse Vandredi, bann striktir ki nou pe regard li en pe lo rezulta. Mon krwar nou'n fer en pe lo *press conference*, lo la. *Result based-budgeting. Result based-management framework*, son lankadreman.

E menm parey an diskisyon avek Departman Lanplwa. Ki mannyer nou kapab re vwar en pe, pey dimoun en pe plis lo performans. So, i annan enn de

bann diskisyon ki'n komanse pou nou met sa bann lankadreman an plas, e nou espekte kekfwa konplet li dan lannen 2022.

Letan nou regard en pe par egzanp nou bann saler, *wages to GDP ratio*. 2020 a lafen 2020 ti apepre 13.1 poursan *GDP*. Me selman 2021 i *still*, i 11.7 poursan *GDP*. E tousala avek *medium term*, nou pe vwar li pou li ariv 11 poursan e sa letan nou ti prezant programm ki nou pe fer avek *IMF*. Nou ti dir mwayen term pou nou fer li ariv 11 poursan.

So, i en pe bann gran laliny ki nou pe espekte e menm letan ou regard en pe par egzanp lo kote bann depans lo saler sa lannen nou pa'n kapab donn okenn logmantasyon saler, me ki nou'n fer. Se ki nou'n fer sir nou'n mentenir dimoun dan lanplwa. Nou'n fer sir ki lapey travayer pa'n ganny afekte.

So sa enn de bann Polisi Gouvernman ki nou'n pran, ki nou'n fer sir ki dimoun ki dan lanplwa dan sekter piblik pa'n perdi, pa'n ganny koupe. E depi lannen pase letan nou ti annan pandemik *COVID 19*, personn dan sekter piblik pa'n ganny koupe lapey.

So, i montre ou enn de bann Polisi ki Gouvernman in

mentenir pou fer sir ki *at least* sa lapey ki dimoun pe gannyen i kapab anmenn dan lakour.

E parey zot konnen, nou det to *GDP ratio* an 2019 ti apepre 58poursan me sa in monte *significantly* e letan nou prepar Bidze ti apepre 100 poursan *GDP, date to GDP*.

Me selman akoz *rebasing GDP* nou vwar ki sa in redwir a lafen 2020 pou ariv 92. Mon konnen nou dan en *path* pou redwir li, me selman i ankor *still*, i pa dan en *path* soutenab. So, savedir Gouvernman i ankor pe *still borrow* larzan. Me nou, nou pe fer sir ki *at least* nou pe redwir sa *deficit* mwayen term ki pou kapab redwir sa det. Si i arive i ariv okenn sok dan lekonomi, dan lefitir Gouvernman pou kapab mentenir son Bidze.

So, i sa en pe bann Polisi ki Gouvernman pe pran Mr Chair, ki nou vwar li a sa moman nou pa pe vwar li nou pe kapab donn sa trezyenm mwan lapey, me selman parey mon'n dir, Gouvernman in an diskisyon avek tou partener pou sir ki nou revwar sa striktir pou lannen 2022. Mersi Mr Chair.

MR SPEAKER

Mersi SS. Mon krwar bann klarifikasiyon in siport prensip

ki Minis in avanse pou sa *Bill*. Wi, nou kapab pran kestyon lo sa klarifikasyon. Onorab Gill.

HON CHURCHILL GILL

Mersi Mr Chair. SS mersi pou ou bann leksplikasyon. Mon ti annan zis en kestyon, baze lo ou larepons ki ou'n donnent. Sa *deficit* si ou kapab donn nou en nide ki *areas* ki pe koz sa *deficit* pou nou kler e sa i a pou bann dimoun ki pe ekoute a kapab konpran ler ou a donn nou *areas* ki vreman *cause* sa *deficit*. Mersi.

MR SPEAKER

Mersi. SS ou a personn son kestyon *please*.

SS PATRICK PAYET

Mersi Mr Chair. Mersi Onorab. Mr Chair, letan ou regard li i plizoumwen akoz Gouvernman in mentenir son depans li. I pe kolekte mwens reveni, letan par egzanp mon'n donn sa legzanp avek 2019, 2020, 2021 i pe kolekte mwens, menm si wi, reveni pe ogmante 2020, 2021 akoz i annan plis krwasans ki pe arive dan lekonomi. Me selman in mentenir son depans.

Par egzanp i pa'n koup okenn lapey travayer. So, ou vwar ki letan ou regard saler ozordi. Letan ou regard aktyel

2020, ki ti apepre 2.8 bilyon e 2021 i apepre 2.9bilyon. So, i apepre parey, i annan e pti logmantasyon akoz enn de kekfwa bann lezot *recruitment* ki'n bezwen fer.

Annou regard par egzanp dan *goods and services*. Dan *goods and services* 2020 ti apepre 2.2 bilyon, me i apepre menm parey, apepre 3bilyon 2021.

So, menm si i annan sa rediksyon dan reveni. Me selman Gouvernman in mentenir en pe son depans. Sanmenm sa ou vwar ki sa *deficit* i ankor la. Me selman mwayen term nou lekspektasyon avek krwasans ki pou arive, Gouvernman pou kolekte plis reveni e la i ava regard en pe son depans pou fer sir ki stabilize. Mersi.

MR SPEAKER

Mersi. Onorab Loze ou klarifikasyon.

HON JOHAN LOZE

Mersi Mr Speaker. Mon oule remersi SS pou finalman dir lepep Seselwa laverite. Parski sa Gouvernman ki nou *trust* parye Minis i dir, pa'n kapab dir nou laverite lo lekonomi Sesel so far.

SS, mon ti anvi konn en keksoz avek ou. Ou'n dir nou

poudir Gouvernman pa pe *earn* otan ki i pe depanse. Eski sa i zis Roupi ouswa nou *foreign exchange earnings* i parey?

Akoz nou pe kontinyelman ganny dir ki get mouvman Dolar, lekonomi pe fer byen. So, mon oule konnen eski nou pe *earn through* nou normal *economic workings*, nou pe *earn* ase Dolar ki nou pe depanse *on a monthly basis*. Mersi.

MR SPEAKER

Mersi Onorab. SS.

SS PATRICK PAYET

Mersi Mr Chair. Mersi Onorab. Letan nou regard en pe statistik ki par egzant, ki pou ganny prezante dan Bidze 2022 ki letan Minis i fer son prezantasyon, nou'n mete enpe sa bann statistik pou demonstre ki letan ou konpar 2020 avek 2021, definitivman i annan sa ogmantasyon dan koleksyon reveni *in foreign exchange*. Ou pou vvar ki menm larive touris. Son *leve* 2020 avek 2021 *in increase*. Me definitivman, wi i annan sa *level of* ogmantasyon letan ou konpar sa de lannen.

Me sepandan, letan ou pou konpar li avek 2019. Nou pa ankor ariv sa *level*. E sa ki nou pe travay pou fer sir ki sa leve 2019 *of* reveni koleksyon

dan bann sekter. E sanmenm sa par egzant letan Minis ti prezant Bidze 2021 i ti donn en edikater bann lezot sekter osi ki kapab anmenn sa larises dan reveni, dan *foreign income*.

Mon konnen i annan bann sekter par egzant ki nou pou mansyonnen akord dan Bidze 2022. Ki bann target ki nou pe mete pou sa bann Sekter osi kapab anmenn plis sa larises.

Me selman letan ou konpar sa de lannen, i annan sa *significant increase*, me selman *level* 2019 i pa ankor arrive. Mersi.

MR SPEAKER

Onorab Cosgrow ti annan klarifikasiyon?

HON WALLACE COSGROW

Yes Mr Speaker. Mersi Mr Speaker. SS leta nou'n ekout ou lentervansyon parey Onorab Loze in dir, nou'n tann tout en seri koze devan nou Lasable e menm lo medya piblik kot menm Prezidan i dir nou pe fer byen, nou pe *achieve target*, nou annan larzan dan kof.

Eski ou krwar poudir sa bann *statement* ti bann *statement* pridan ki ozordi prezan in kree en lekspektasyon pou pep Seselwa ganny en trezyenm mwan saler. Me ki apre nou vin devan

Lasanble nou dir nou pa kapab ganny en trezyenm mwan saler.

So, eski ou krwar ti balanse sa bann *statement* avek sa sityasyon ki devan nou ozordi? Mersi Mr Speaker.

MR SPEAKER

Anfen nou pe debord en pe size la an term soz. SS si ou kapab adres sa en pe vitman silvouple? SS ou a donn en pti leksplikasyon vitman *please*.

SS PATRICK PAYET

Mr Chair. Mersi Onorab. Kekfwa pou mwan azoute ki kot nou sorti letan nou ti pe fer Bidze, par egzanp nou ti dir ki nou pe espekte en krwasans zis apepre 2 poursan. E letan ou'n regarde, letan nou ti vin dan Bidze *mid-year review* sa krwasans ekspektasyon in *increase* pou 2021 to *almost* 6 poursan. E sanmenm sa ki'n anmenn ou pou vvar.

E menm letan *IMF* in travay avek nou, ki in vvar ki sa bann target ki ti met devan nou, nou'n sirpas sa bann lekspektasyon. Ste akoz lekonomi i pe fer pli byen konpare avek nou bann *forecast*. Me selman definitivman pou nou, se annou travay pou fer sir ki nou lekonomi i parey *level* 2019.

Me selman konpare avek nou target ki nou ti fer komansman lannen, definitivman lekonomi *perform* pli byen. Mersi.

MR SPEAKER

Mersi. Mon *remind* bann Manm, nou pe rod klarifikasiyon lo sa pwen finans. Deba Bidze pe vini, pa bezwen trakase, nou a ganny soz lo la. Onorab Pillay ou ti annan en klarifikasiyon.

HON SEBASTIEN PILLAY

Mersi Mr Chairman. Mon klarifikasiyon wi. Mon klarifikasiyon i al pou Minis. SS i teknisyen dan *engine room* li. Me Minis i dan sa *front carriage* avek sa bann boug ki fer desizyon.

Mon pou al lo sa Lalwa. Rezon nou pe ganny sa kalite deba lo sa Lalwa ozordi, i akoz lekspektasyon ki'n ganny kree Minis par ou Gouvernman, bann Minis dan ou Gouvernman, bann *MNA* isi anndan, ki zot in penn en portre. Enkli Prezidan dan en Ladres dan Lasanble. Ki'n vin penn en portre ki nou menm annan plis rezerv ki nou ti annan sepa kwa 2019.

(Interruption)

HON SEBASTIEN PILLAY

Pa ankoler Onorab. *Relax*
Onorab.

Konstitisyon pou demande.
Mersi Mr Chairman.

MR SPEAKER

Ale Onorab Pillay.

(*Interruption*)

HON SEBASTIEN PILLAY

Kestyon i. *My question is this Minister. When the law was being approved by the Cabinet, pou vin devan Lasanble, akoz ki Cabinet ti vin fer sa bann kalite Statement, kontrerman avek lentansyon en Lalwa ki vin devan Lasanble e ki aprezan Lasanble pe vot lo en Lalwa ki pe retir en benefis ki dimoun i sipoze gannyen? Was is the Cabinet decision to do that? E mon dernyen pwen Mr Chairman avek ou permision, mon ultimate last point. Se eski nou kapab ganny sa bann lenformasyon ki SS in donn nou an ekrir.*

Akoz depi ler nou'n demann Minis *what the IMF program entails* Mr Chairman, nou pa ankor ganny naryen avek Minis lo *IMF*, programm *IMF* nou.

La nou pe ganny dir nou'n fini anbark lo programm *IMF*. Ki bann target ki *involve*? Eski nou pe fer ... nou pa konnen tousala nou.

So, eski nou kapab ganny sa lenformasyon koman Lasanble akoz i nou drwa anba

MR SPEAKER

Mersi. Minis.

(*Interruption*)

MR SPEAKER

Order please!

Minis ou annan en kestyon ki'n ganny adresse ou aav kapab reponn *please*.

MINISTER

FRANCOURT

Mersi Mr Chair. Mr Chair, mon krwar lenformasyon ki SS Payet in donnen i vreman kler. Pli kler ki sa pou gate. Lenterpretasyon dimoun sa i dan zot fason mannyer zot enterprete. Ler Cabinet ti asize e diskite, zot get tou keksoz e zot get keksoz byen avek lenformasyon ki ganny prezante devan zot, e Cabinet i toultan pran bann *informed decision*.

The priority parey nou tou nou konnen, mon'n dir dan mon *statement* se pou protez travayer, ki travayer i annan en lanplwa e si i annan en lanplwa i garanti pou li ganny en saler. Mersi.

PATRICIA

FRANCOURT

MR SPEAKER

Mersi. Onorab Pillay mon a sizer ki lezot kestyon i pou ganny pli byen, i pou pli apropriye dan deba lo Bidze akoz mon asire sa i pou size.

Onorab Woodcock.

HON WAVEL WOODCOCK

Mr Speaker, ankor enn fwa Lopozisyon ...

MR SPEAKER

Non-non-non. Klarifikasiyon silvouple.

(laughter)

MR SPEAKER

Klarifikasiyon Onorab Woodcock.

HON WAVEL WOODCOCK

Ale, mon demann mon kestyon. PS mon krwar i enportan pou piblik deor ganny byen keksoz. Sorry, SS. Bann keksoz ki nou'n diskit lo la ozordi sirtou kot i konsern sisyenm ekonomik nou pei. Konmsi mon ti a kontan ou donn nou en leksplikasyon an term *defisit* 2020.

La sa lannen 2021 *forecast* ki nou pe espekte fini lo la, si in annan en gran *improvement from 2020 to 2021* e ki zot *forecast* pou lannen 2022. Eski i annan travay ki'n ganny fer pou *improve* en pti pe

lo, olye ki nou pou annan. 2020 *obviously deficit* ti vreman o. sa lannen nou pe espekte en gran rediksyon.

E dapre *forecast* pou 2022 e dapre *IMF* konbyen ou krwar nou kapab. Ki *improvement* pou annan, menm pou 2022. Konmsi zis donn nou en pti pe leksplikasyon pou lot kote konpran poudir in annan en gran *improvement* dan *economic recovery*.

MR SPEAKER

Mersi. SS ou a kapab adrese.

SS PATRICK PAYET

Mersi Mr Chair. Mersi Onorab. Definitivman Mr Chair, letan ou regard parey mon'n mansyonnen 2020 konpare avek 2021 i annan en *significant* rediksyon dan nou *overall deficit*. I ti 4bilyon letan nou ti pe prepar Bidze nou ti espekte 2021 pou 3.4bilyon *deficit overall*. Me selman nou'n vvar avek *improvement*, amelyorasyon dan lekonomi, sa *deficit* in redwir pou ariv 2.3bilyon.

So, definitivman Gouvernman in al, letan ou ti regard li dan Bidze orizinal 2021, nou ti bezwen al lo marse pou nou al *borrow* 3.4 bilyon, al lo marse. Me selman la nou'n redwir sa demann, sa kantite

loan ki nou bezwen dan sekter prive, avek sekter priver par 2.3 bilyon.

Letan nou pe get mwayen term, sanmenm sa ki letan nou'n travay avek *IMF* ki zot in vwar ki definitivman sa *path* pou nou redwir nou bann *deficit* i pou dernyen lannen ki nou pe espekte i kekfwa 2022, nou pou annan en *budget deficit*, si nou bann *forecast* i pe mars parey nou espekte, si lekonomi i kontinyen annan sa *improvement*.

So, definitivman pou annan en rediksyon ankor dan Bidze 22 e nou espekte *by 2023* nou pou komans annan en sirplis. Sa ekspektasyon ki nou pe travay lo la. Mersi.

MR SPEAKER

Mersi. Nou a kapab prezan pas lo bann lezot. Onorab Hoareau, ou ti ankor lo klarifikasyon? Non, nou pe al lo *amendment*. Tre byen.

Onorab Hoareau pou pran parol *Bills Committee* lo *amendment please*.

HON JOHN HOAREAU

Mersi Mr Chair. Mr Chair, bann lamannman ki annan lo sa *Bill* in fini ganny agree avek Biro Attorney Zeneral, i zis bann pti *commas* lo kote lo dat. Me selman *Bills Committee* ti'n

demande pou *flag 2(2)* avek bann Manm.

Akoz sa provizyon *2(2)* i annan dan *parent Act* oubyen i annan enn similer dan *parent Act*. Alors i ti neseser pou fer tou Manm konpran si nou oule kit li la koman en *abundance of caution* oubyen si nou oule tir li. Mersi.

MR SPEAKER

Wi, *panel* i oule adres sa. Ou pe koz lo seksyon *2(2)*. Sa enn zot in azoute.

HON JOHN HOAREAU

Non Mr Speaker, *2(2)* pe dir *comme quoi* si en anplwayer. Parey sekter, si i anvi pey son trezyenm mwan saler son bann dimoun. Sa larzan ki i ganny peye i ganny *exempted from tax* anba *dezyenm schedule of the Act of Income and Non-Monetary Benefits Tax Act*.

MR SPEAKER

Wi PS.

PS JULES BAKER

Thank you, Mr Speaker. Bonswar Mr Speaker, tou Onorab. Vitman, wi sa ti annan en deba yer dan *Bills Committee*. E annefe *panel* ti klarifye devan *Bills Committee* poudir i annan en nesesite pou annan sa provizyon 2 la akoz se

ki lentansyon sa *Bill* sete pou sispann peyman trezyenm mwan saler.

E tax anba *schedule 2* anba *Income and Non-Monetary Tax Act* i fer referans avek seksyon 46(c) ki fer peyman en trezyenm mwan saler.

So, si pou en anplwayer i deside pou li pey sa trezyenm mwan saler e sa trezyenm mwan saler i pou ganny *exempt already anba tax*. I pa fer en diferans, me sel keksoz ki i fer i se ki i anmenn plis kalite, plis klarifikasyon. Akoz ?

Si ou reste silans lo sa 2(2) ou pou elimin li net, ou pe dir ki sa travayer *irrespective* letan i peye ouswa non, i riske anmenn en lenpak kot sa travayer i perdi par peyman *tax* lo sa size.

E nou'n annan en diskisyon avek SRC, Lotorite SRC e zot in konfirmen ki sa provizyon ki AG's *Office* in mete e provizyon ki'n met devan Lasanble i korek e nou, *panel* i krwar ki i devret ganny mentenir. Mersi Mr Speaker.

MR SPEAKER

Mersi pou ou larepons. Wi, Onorab Hoareau. *Anything else.*

HON JOHN HOAREAU

Non Mr Speaker, sa sete tou ki ti annan.

MR SPEAKER

Byen. Mersi. Okenn lot amannman. Non. Nou a re pas dan Staz Lasanble pou terminen *please*.

Mersi, mon ava apel Onorab Arissol, *the Member in charge*, pou prezant Mosyon pou *Third Reading*.

HON SANDY ARISSOL

Mersi Mr Speaker. Bonswar tou dimoun. Mr Speaker, anba Order 76(1) mon move ki *Employment (Suspension of Thirteenth Month Pay) Bill, 2021* i ganny lir en Trwazyenm Fwa. Mersi Mr Speaker.

MR SPEAKER

Mersi. Wi, nou ganny segonnman avan silvouple. Onorab Naidu in pare pou segonde.

HON SATHYA NAIDU

Mosyon i ganny segonde.

MR SPEAKER

Mosyon in ganny segonde. Nou a vote prezan. Manm ki an faver lev lanmen silvouple? Ok, Manm ki kont? Mersi.

Vot lo *Formal Third Reading Employment (Suspension of Thirteenth Month*

Pay) Bill, 2021 - 22 Manm in vot pour, 10 Manm in vot kont e 0 in abstain. Alors Bill in aprouve lo Third Reading par Lasanble e Madanm Clerk a fer Third Reading.

MADAME CLERK

Mersi Mr Speaker. *This Act may be cited as the Employment (Suspension of Thirteenth Month Pay) Act, 2021.* Mersi Mr Speaker.

MR SPEKAER

Mersi Madanm Clerk. E avek sa Bill pase. Mersi bann Manm pou zot travay e sirtou sa long erdtan ozordi ki nou'n mete e mersi Minis ek panel.

Mersi Minis ek panel pou zot partisipasyon e mon swet tou dimoun bonn sware e bonn antre.

Lasanble nou pou zwenn Vandredi 9er bomaten pou diskour Minis Finans lo Appropriation Bill, 2022. Mersi. Nou adjourn.

(ADJOURNMENT)